



Тем, что эта книга дошла до Вас, мы обязаны в первую очередь библиотекарям, которые долгие годы бережно хранили её. Сотрудники Google оцифровали её в рамках проекта, цель которого – сделать книги со всего мира доступными через Интернет.

Эта книга находится в общественном достоянии. В общих чертах, юридически, книга передаётся в общественное достояние, когда истекает срок действия имущественных авторских прав на неё, а также если правообладатель сам передал её в общественное достояние или не заявил на неё авторских прав. Такие книги – это ключ к прошлому, к сокровищам нашей истории и культуры, и к знаниям, которые зачастую нигде больше не найдёшь.

В этой цифровой копии мы оставили без изменений все рукописные пометки, которые были в оригинальном издании. Пускай они будут напоминанием о всех тех руках, через которые прошла эта книга – автора, издателя, библиотекаря и предыдущих читателей – чтобы наконец попасть в Ваши.

Правила пользования

Мы гордимся нашим сотрудничеством с библиотеками, в рамках которого мы оцифровываем книги в общественном достоянии и делаем их доступными для всех. Эти книги принадлежат всему человечеству, а мы – лишь их хранители. Тем не менее, оцифровка книг и поддержка этого проекта стоят немало, и поэтому, чтобы и в дальнейшем предоставлять этот ресурс, мы предприняли некоторые меры, чтобы предотвратить коммерческое использование этих книг. Одна из них – это технические ограничения на автоматические запросы.

Мы также просим Вас:

- **Не использовать файлы в коммерческих целях.** Мы разработали программу Поиска по книгам Google для всех пользователей, поэтому, пожалуйста, используйте эти файлы только в личных, некоммерческих целях.
- **Не отправлять автоматические запросы.** Не отправляйте в систему Google автоматические запросы любого рода. Если Вам требуется доступ к большим объёмам текстов для исследований в области машинного перевода, оптического распознавания текста, или в других похожих целях, свяжитесь с нами. Для этих целей мы настоятельно рекомендуем использовать исключительно материалы в общественном достоянии.
- **Не удалять логотипы и другие атрибуты Google из файлов.** Изображения в каждом файле помечены логотипами Google для того, чтобы рассказать читателям о нашем проекте и помочь им найти дополнительные материалы. Не удаляйте их.
- **Соблюдать законы Вашей и других стран.** В конечном итоге, именно Вы несёте полную ответственность за Ваши действия – поэтому, пожалуйста, убедитесь, что Вы не нарушаете соответствующие законы Вашей или других стран. Имейте в виду, что даже если книга более не находится под защитой авторских прав в США, то это ещё совсем не значит, что её можно распространять в других странах. К сожалению, законодательство в сфере интеллектуальной собственности очень разнообразно, и не существует универсального способа определить, как разрешено использовать книгу в конкретной стране. Не рассчитывайте на то, что если книга появилась в поиске по книгам Google, то её можно использовать где и как угодно. Наказание за нарушение авторских прав может оказаться очень серьёзным.

О программе

Наша миссия – организовать информацию во всём мире и сделать её доступной и полезной для всех. Поиск по книгам Google помогает пользователям найти книги со всего света, а авторам и издателям – новых читателей. Чтобы произвести поиск по этой книге в полнотекстовом режиме, откройте страницу <http://books.google.com>.

GRAD
EREN
223
BUHR

A 980,168



~~Հայերէն~~ Հայերէն կոչուելու լատին...

Ճ Ա Շ Ա Կ

ՀԵԼԼԷՆ ԵՒ ԼԱՏԻՆ

Ճ Ա Ր Տ Ա Ր Խ Օ Ս Ո Ւ Թ Ե Ա Ն

Թ Ա Ր Գ Մ Ա Ն Ե Ա Ց Ի Բ Ն Ա Գ Ր Ա Ց

Հ. ԱՐՄԷՆ ԿՈՄԻՏԱՍ ԲԱԳՐԱՏՈՒՆԻ

Մ Ի Ժ Թ Ա Ր Ե Ա Ն Ց



Ի ՎԵՆԵՏԻԿ

Ի ՎԱՆՍ ՍՐԲՈՅԵ ՂԱԶԱՐՈՒ

1863

Grad
IREN
223
BUHR

Good
EVEN
223
1.11.99

ԵՍՔԻՆԵՍԻ

ՃԱՌ

ԸՆԴԴԷՄ ԿՏԵՍԻՓՈՆԻ

Ն Ա Խ Ա Դ Ր Ո Ի Թ Ի Ի Ն

Իշխան որ՝ որ չէ էր տուեալ զհամար՝ անտեսութեանն՝ ամենաց օրէնքն չհրամայէին ումք խնդրել 'ի ժողովրդեանն պսակ 'ի պարզէ նսն: Եւ միւս էս օրէնք պատուիրէին, զպսակն պարզեալս 'ի ժողովրդեանն՝ 'ի հասարակաց ժողովն մատուցանել: Դիմութենի գործ 'ի ձեռն հասեալ կարկատել զպարիսպն Աթենայ, իւրով էս ծախիւքն էր զայն վճարեալ: Կտնսիփոն ոնն անուն՝ քաղաքակից իւր է բարեկամ, չէ Դիմութենի հատուցեալ զհամար գործակալութեանն, առաջի արար ժողովրդեանն է հաճեցոյց շորհել նմա պսակ ոսկի, և մատուցանել զայն, հակառակ օրինացն, յաշխարհախումբ տեսարանի՝ ակն յանդիման բազմաժողով հրապարակին, և քարոզ կարգալ՝ զի 'ի վերայ առաքինութեան և երախտեաց իւրոց առ ժողովուրդն ամենացն ընդունէր Դիմութենէս զայն փոխարէնս:

Եւքինէս 'ի ճառի ատա ամբաստան լինի զԿտնսիփոնէ, զի հակառակ օրինաց՝ պսակ հրամայէ իշխանի որոյ չէ է տուեալ համարս, և զի 'ի տեսարանն խնդրէ զայն մատուցանել, և զի սուտ գովէ զառաքինութիւն և զբարերարութիւնս առնն՝ յորում չիք ինչ բնաւ երեւեալ լաւութիւն, և ոչ երախտաւորութիւն առ ժողովուրդն:

Դատ մեծ. զի են 'ի նմա և օրինացն նուրբ մեկնութիւնք յերկոսին կողմանն, և ծանր պայքար զերախտեաց առ պետութիւնն: Եւ զի Եւքինէս 'ի Դիմութենեայ 'ի զլիապարտութիւն ամբաստանեալ էր վասն անիրաւ հրեշտակութեանն, այն պատճառք են Եւքինեայ՝ 'ի վրէժխնդրութիւն թշնամոյն՝ գատախաղելոյ ընդ անուամբ Կտնսիփոնի զգործոց և զհամբաւոյ Դիմութենի: Զի ոչ այնչափ զհամար շապոյն ասէ, որչափ զի ապիրատ որ է և իբրև լաւագոյն որ գովի:

Այս ամբաստանութիւն Եզրինեոի զկատեփփանէ՝ քառեամօ մի յառաջ քան զմահ Փիլիպպոսայ արքայի մակեդոնացոց մատուցեալ, իսկ գտտաստանն ամօք ինչ զկնի կատարեցաւ, մինչդեռ Ալեքսանդր արացեալ էր ասիացոց կողմանցն: Չամենայն լլլադա ասեն խուռնընթաց դիմեալ յատեան անդր: Եւ զի՛նչ իսկ քան զայն՝ տեսիլ ցանկալի և արժանալուր ինչ, ուր երկոքին մեծանուն ճարտարախօսքդ՝ ՚ի սպլլքար մտանէին՝ ՚ի դատ մի մեծ սյսպիտի՝ ամենայն Հնարագիտութեամբ հանճարոյ և քինանսխանձ սիսիւք:

ԿԻԿԵՐՈՆ, զքաջընտիր ազգէ ճարտասանից. Է. որ և խոստանայ թարգմանել զերկոսին ճառսն հելլենականս ՚ի լատին, որ արգչեն ՚ի միջի՝ բաց ՚ի յառաջաբանէն իւրմէ, բայց կային յաւուրս Ս. Հերոնիմոսի:

ԵՍՓԻՆԵՍԻ

Ճ Ա Ռ

ԸՆԴԴԻՄ ԿՏԵՍԻՓՈՆԻ

Տեսանէք, ով արք անկնացիք, քանի՞ն պատրաստու-
թիւնք և ճակատք յօրինեալ կայցեն, և պաղատանք ընդ
հրապարակս 'ի գործ առեալք յոմանց՝ զի չափոյքն և օրի-
նաւորք մի յարդիւնս եկեացեն 'ի քաղաքիս: Այլ ես՝ նախ
'ի դիմն, երկրորդ անգամ՝ յօրէնսն և 'ի ձեզ մեծահաւատ
հասեալ կամ այսր, և ոչ մի ինչ կազմութիւն մեծազօր քան
զօրէնսն և զերաւունս առ ձեռք համարեալ:

Յանկալի էր արդ, ո՞ր արք անկնացիք, թէ համօրէն ժո-
ղով խորհրդեան Հինգհարիւրոցն¹ և ժողովք ժողովրդեանն
ուզիզ վարէին 'ի վերակացուացն, և օրինագրեալքն 'ի Սո-
լոնէ 'ի հաստով վնէկն օրէնք 'ի բարեկարգութիւն ճարա-
բարխօսաց: Չի մարթիցի նախ երկոցսուանին 'ի քաղաքացիս
ըստ օրինացն հրամանի ցածութեամբ մատչել յատեան, ա-
ւանց ամբոխի և խռովութեան, տալ խորհուրդ բարեաց քա-

զաքիս 'ի հմտութենէ փորձոյ . և ապա՝ ում ումեք և յայլոց քաղաքացւոց կամ իցէ՝ կարգաւ ըստ հասակին մի ըստ միոջէ յայտնի առնել զամենայնէ զմիտս իւր : Զի թուի ինձ , թէ այսու օրինակաւ քաղաքս բարւոյք տնօրինեսցցի , և նուազ լինիցին փոռւսխչք դատաստանաց : Բայց քանզի որ ինչ դամ մի յառաջագոյն բարւոյքն էին վկայեալ՝ եղծաւ բարձաւ այժմ ամենայն , և համարձակ գրեն ոմանք արտաքոյ օրինացն հրամանա , և զգիրսն զայն այլք ոմանք 'ի վճիռ հանեն , ոչ արդարապէս վիճակեալք գահերիցութեան , այլ հայթայթանօք առեալք զաթոռն . և եթէ յայլոց խորհրդակաւնաց որ՝ իրաւամբք վիճակեալ 'ի գահերիցութիւն հասեալ գտանիցի , և զձեր ընտրութիւնսդ ուղղութեամբ հրատարակիցէ ² , որք զքաղաքավարութիւնն ոչ հասարակաց ինչ՝ այլ՝ սեփական իւրեանց ձեռականն վարկանին , սաստեն նմա՝ մի իշխել պատմել : Եւ զուսմիկն 'ի հարկի ծառայութեան կացուցեալ , և անձամբք անձանց առեալ իշխանութիւնս , և զօրինի գատաստանն ջրեալ , որ ինչ ըստ իւրեանց անձնակամակ հաճութեանն իցեն՝ զայնս ընտրեն խրոխտով . լռեալ կայ գեղեցկագոյնն և իմաստնագոյն 'ի քարոզս քաղաքիս , թէ « Որոց ըստ յիսնեմեակն ելեալ իցեն՝ ո՞ 'ի նոցանէն կամիցի հրապարակախօս լինել , և դարձեալ յայլոց աթենացւոցն մի ըստ միոջէ : » Եւ ճարտասանիցն ստահակութեան ոչ զօրեն ունել զգէմ , ոչ օրէնք , ոչ նահապետք , ոչ տոհմն գահերէց , տասներորդ մասն քաղաքիս ³ :

Եւ զի այս այսպէս , և ժամանակք քաղաքիս այսպիսի՝ որպիսի դուք իսկ տեսանէք , մի և եթ մասն տեսութեան կայ մնայ 'ի ձեռս , եթէ և ես նշմարեմ ինչ , զանիրաւաց փոռւսխչք ամբատտանութեան : Իսկ եթէ և զայս քակտիցէք , կամ քակտելեացն տաջլք թոյլ՝ , ահա կանխեմ ասեմ ձեզ՝ զի առ փոքր փոքր զվարչութիւնն բովանդակ 'ի ձեռս ոմանց լքանիցէք յանգէտս : Քանզի քաջ գիտէք , արք աթենացիք , զի առ մարդիկ համօրէն՝ երրեակ քաղաքավարութիւնք են . ինքնակարութիւն , սակաւապետութիւն և ընկերհաշտու-

Թիւն . Ինքնակալութիւնը և սակաւապետութիւնը վարին ըստ կամս իշխեցողոցն , իսկ քաղաքք ընկերահաշարք՝ հասաատուն օրինօք : Մի ոք ապա 'ի ձէնջ անգիտասցի զայս , այլ հաւաստի գիտասցէ ամենայն ոք , զի յորժամ եկեալ յատեան մտանիցէ՝ դատել զամբաստանութիւն անիրաւութեան , յաւուրն յայնմիկ առաջի կայ նա զազատութենէ իւրմէ հատանել զձիւ : Վասն որոյ և օրէնսդիրն ¹ զայս նախ կարգեաց յերդման անգ դատաւորացն . « Վձիւ ըստ օրինացն տաց . » զի ճարտար գիտէր թէ յորժամ պահեացին քաղաքին օրէնք , և ընկերհաշարութիւն կացցէ յակասասնի :

Զայս ընդ ուշի կապեալ ձեր՝ ատեալ պարտիք զորս հակառակ ինչ օրինաց ապցեն հրաման , և մի ինչ յանիրաւութեանց անտի փոքր համարել , այլ մեծեղեռն զամենայն : Եւ զայս իրաւունս ձեր՝ մի ումէք 'ի մարդկանէ տալ թոյլ յափշտակել . ոչ զօրավարացն բարեխօսութեանց , որ 'ի բազում ժամանակաց հեռէ գործակից ոմանց եղեալ ճարտարախօսաց՝ ապականեն զքաղաքավարութիւնն , և ոչ աղաչանացն հիւրոց , զորս 'ի մէջ անեալ ոմանց՝ զերծանին 'ի ձեռաց ասենից անօրէն քաղաքավարութեամբ իւրեանց : Այլ զոր օրինակ ամենայն ոք 'ի ձէնջ յամօթ մասնէր՝ գասալիք լինել յոր կարգեցաւն 'ի մարտի , նոյնպէս և այժմ ամաչեսլիք թողուլ զտեղին՝ յոր յօրինացն դասեցայք պահապանք ընկերհաշարութեան յաւուր յայսմիկ :

Եւ զայն ևս պարտ է յուշ անել , զի զարդիս քաղաքացիք ամենայն՝ որոց զքաղաքս ձեզ յանձն արարեալ է , և զվարչութիւնն 'ի ձեզ հաւատացեալ , կէպ աստ են և ունին դնեն դատաստանիս , և այլք հեռի՝ իւրաքանչիւր 'ի գործիւր . յորոց պատկառեալ , և երգմանցն զորս երգուայք յեջօղեղեալ և օրինացն , եթէ յանդիմանեսցուք զպտեսիփոն՝ արտաքոյ օրինացն գիր հանեալ , և սուսս զրեալ և վնասակարս քաղաքիս , լուծէք , արք աթենայիք , զանօրէն հրամանն , պինգ կալլիք քաղաքիս զընկերհաշարութիւն , զթըշնամիս օրինացն և քաղաքիս պատուհասեսլիք , և որ հակա

ուակ օգտի ձերու՛մ գնացեալքն իցեն: Եթէ սովլն մնօք ունին մատուցիք առաջիկայ խօսիցս, քաջ դիտեմ զի արդար և ուղիղ ըստ երդմանդ՝ և 'ի շահ օգտի ձերոյ և ամենայն քաղաքիս առնիցէք գատ :

Արգ յուսամ յաղագս ամբաստանութեանս առ հասարակ ասացեալ բաւական 'ի մոռտս ասա . իսկ զօրինացն համարատուաց, զորովք ապախա արարեալ Ատեսիփոնի 'ի դիր հրամանին, կամիմ ասել կարճառօտս : Զի յառաջ ժամանակաւ տիրացեալ ոմանց՝ մեծամեծ իշխանութեանց 'ի քաղաքիս, և զմատակարարութիւն գանձուց 'ի ձեռն առեալ, և 'ի դոսս յամենակն եղեալ կաշառարեկ, յինքեանս յարեցուցեալ զճարտարախօսս՝ խորհրդարանին և զժողովրդեանն, աճապարէին ունէին զառաջ համարատուութեանն՝ գոլութեամբք և քարոզն կարգալով . մինչև 'ի համարաուութեան իշխանաց՝ 'ի մեծ տագնապ տարակուսի անկանեւ գասախազից, ևս առաւել գատաւորաց : Զի բազումք 'ի համարատուաց՝ յայտնապէս գող ըմբռնեալք գանձուց աշխարհին, պրծանէին 'ի գատաստանաց . և յիրաւի : Զի կարծեմ ամօթ կրեալ գատողացն, եթէ այնպէս ինչ երևեսցի՝ թէ 'նոյն այր 'ի 'նմին քաղաքի, թերևս և 'ի 'նմին տարւոջ, փոքր մի յառաջ քարոզեալ 'ի հանդիսի՝ զի վասն առաքինութեանն և արդարութեան պսակ ոսկի պսակի 'ի ժողովրդենէն, և ապա փոքր մի յետոյ 'նոյն այր ելանիցէ յատենէն պարտաւոր գողութեան 'ի հաշիւան . որպէս զի հարկ լինել գատաւորացն՝ ոչ ըստ այն ժամու անիրաւութեանն, այլ՝ առ ամօթոյ ժողովրդեանն առնել զլճիւն :

Յայս հայեցեալ օրէնագրի ուրուք, կարգէ օրէնս մի յոյժ վայելուչս, որ արգելու յայտնապէս՝ զպարտականս համարոյ մի պսակել : Եւ յեա այսմ այսպէս քաջ նախահոգակ լինելոյ օրէնագրին, գտանին տակաւին բանք քան զօրէնան զօրագոյնք . զոր թէ ոչ դք ազգիցէ ձեզ՝ յանդգաստից 'ի պատրանս ըմբռնեալիք : Զի յորոց արտաքոյ օրինաց

զհամարտապարտան պատկեն՝ են որ բնութեամբ համեսաւ գոյնք են, — եթէ յանիրաւ հրամանահանան գտտնիցի որ համեստագոյն, — և սակայն արկանեն ինչ գէթ պատրուակ ամօթոյ : Զի յուսելուն ՚ի գիր հրամանին, պատկել զհամարատուն՝ յորժամ եթէ զհաշիւան և զհամար իշխանութեանն տայցէ : Քաղաքս զնոյն ապաքէն կրէ անիրաւութիւն, զի գովութեամբք և պակզք յառաջագոյն համարքն պաշարին, սակայն հրամանին գրող՝ գէթ ցոյցս իմն լուսեայն առնէ, զի թէպէտ և անիրաւ ինչ է գիրն, սակայն ինքն ՚ի յանցանացն պատկառէ : Իսկ Վտեսիփան, ժվարք ամենացիք, վազեալ զհամարապարտիցն օրինոք, և զպատճառանոն ևս՝ զոր արդ իսկ անացիս՝ բարձեալ ՚ի մթոյ, մինչ չև զհաշիւան, մինչ չև զհամարան տուեալ, գրեաց տտէն և աստ զիշխանն պատկել զԳլխոսթենէս :

Բայց նոքա, ժվարք ամենացիք, այլ իմն բան այժմու ասացելումն հախառակ ասացեն, որպէս թէ ոչ ամենայն յոր հրամանաւ կարգեալ որ ինչ գործիցէ՝ իշխանութիւն իցէ, այլ հոգաբարձութիւն ինչ և պաշտօն ևեթ . իսկ իշխանութիւն՝ զայն ասացեն լինել, զոր Օրինապահքն ⁶ ընարեն ՚ի մեհենին Թեսեսի, և զոր սովոր է ժողովորդն ընարել ՚ի ժողովս իւր ⁷, զօրավարս և ասպահապետս, և զորս ըստ նոցանէն իշխանութիւնք . իսկ զայն ամենայն՝ հրամանաւ ևեթ գործակալութիւնս :

Իսկ ես՝ առ նոցա խօսան՝ զօրէնս ձեր առից ՚ի մէջ, զոր գուրգ օրինագրեցէք ՚ի ցրումն այդպիսի բարբանաց, յորում և գրեալ կայ յայննապէս . « Որ ընտրութեամբն են, ասէ, իշխանութիւնք, — զամենայն առ հասարակ միով անուամբ բովանդակեալ օրէնագրին, և հաւասար իշխանութիւն կոչելով զընարեալն ՚ի ժողովրդենէն, — և գործավարք, ասէ, գործոց տշխարհին, — և է իսկ Գլխոսթենէս պարսպաչն ⁸ մեծագունի գործոյ գործավար, — և ամենեքին որ միանգամ աւելի քան զաւուրս երեսուն անտեսիցն ինչ զքաղաքին, և որ զգլխաւորութիւն ատենից առնու-

ցուն , — և ամենայն ոստիկանք գործոց՝ գլխաւորութիւն ունին ասենի . » զի՛նչ պատուիրէ նոցա առնել : Ոչ պաշտեալ , այլ իշխել , փորձ գտեալ յատենի . — զի և վիճակաւն ընտրեալ իշխանութիւնք՝ ոչ եթէ անփորձ ինչ իշխեն , այլ յետ ընդ հարցփորձ անցանելոյ . — և տալ հստիւս և համարս առ դպրապետն և առ համարառուս՝ հրամայէ , որպէս և այլոց իշխանութեանցն :

Եւ զի զճշմարիտն ասեմ , զնոսին իսկ զօրէնսն ընթերցցի՞ ձեզ :

Օ Ր Է Ն Ք

Եւ արդ , ո՛վ արք աթենացիք , յորժամ զոր օրէնագիրն իշխանութիւնս անուանէ՝ սոքա գործակալութիւնս և հոգաբարձութիւնս յորջորջիցեն , ձեզ անկ է յուշածել և ախոյեան հանել զօրէնսն առ նոցա յանդգնութիւնն . և ընդդէմ բերել նոցա , թէ չհաճիք ընդ խորամանկ խաբւբայն՝ որ կարծէն բանիւք զօրէնսն տապալել . այլ անիրաւինք գրեալ ուրուք , որչափ և ճարտար խօսիցի , նոյնչափ և մեծագունի արժանի եղիցի բարկութեան : Զի պարտ է , ո՛ւ արք աթենացիք , ճարտարախօսի՝ զնոյն նման օրինացն բարբառել . իսկ յորժամ այլ ձայն օրէնքն արձակիցեն , և այլ ճարտարախօսն , ՚ի կողմ արդարութեան օրինացն պարտ է տալ վճիռ , և ոչ խօսելեացն անամօթութեան :

Իսկ զոր Ղիմոսութենէսն ասէ անփախուստ բան , կամիմ կանխել ասել զնմանէ համառօտս : Քանզի հանդերձեալ է դա ասել . « Պարսպաչէն եմ , ոչ ժխտեմ զայդ . այլ մատուցի քաղաքիս հարիւր մնաս , և զգործն մեծ ՚ի գլուխ հանեալ վճարեցի . իսկ արդ իմ իմիք պարտապան իցեմ համարս տալոյ . եթէ ոչ և ինամոտ բարերար կամաց համարք ինչ իցեն : » Առ այդ բաղբաղայսդ՝ լուարուք զոր ասեմս յիրաւի , և ձեզ յօգուտ : Զի ՚ի քաղաքի աստ յայսմիկ՝ այսքան վաղնջականի և մեծի՝ ոչ դք է առանց համարս տալոյ ,

յորոց և իցէ 'ի հասարակաց գործ մատուցելոց : Եւ նախ զգործմանալին ուսուցից ձեզ . որպէս զի և զբուրման և զքրմանոյս ընդ համարապահանջութեամբ լինել հրամայեն օրէնքն , և միահազոյն զամենեսեան առհասարակ , և զմի մի իւրաքանչիւր ընդ անձինն . որոց է ընծայս ևեթ առնուլ , և ազօթս վասն ձեր առ զիսն մատուցանել . և ոչ միայն առանձինն ուշողիս , այլ և խառն հասարակ զազցս , զլուսգերգս և զՔարոզս , և զայլն ամենայն : Առ այսու՝ և զպետս ¹⁰ կառուցից և կազմից պատերազմիկ նաւացն՝ օրէնքն պարս առնեն համարոյ . որ ոչ 'ի հասարակաց համարուէ մատակարարք ինչ իմիք լինին , և ոչ 'ի ձերոց հասիցդ բազում ինչ չորթեալ և սակաւ ծախեալ , 'ի հատուցանելն ձեզ զձերն՝ յաւելուած ասեն արարեալ շնորհս , այլ որ յայտնի իսկ 'ի հայրենի գոյիցն 'ի ձեզ առատացեալքն են :

Բայց ոչ միայն նաւակառոյցքդ , այլ և աւագամեծար ատեանք ասենակալաց քաղաքիս՝ ընդ գատաստանական համարով անկանին :

Քանզի նախ՝ տտենի Արիսպագին հրամայեն օրէնքս մտանել 'ի գիր համորակարացն , հաշիւս և համարս տալ . և որ անդ ահաւորն է և մեծամեծաց ¹¹ իշխան՝ ընդ ձերով գատաստանաւդ արկանէ : — Իսկ արդ ոչ պակեցցի ատեան Արիսպագին : — ¹² Զի և ոչ 'ի հարց անտի կարգեալ գայ առ նոսա : — Իսկ արդ ոչ 'ի պատիւ ելեել առնիցեն : — Եւ կարի իսկ քաջ . բայց ոչ շատ համարին՝ եթէ ոչ զք առ նոսա յանցանիցէ , այլ և եթէ մեղիցէ զք՝ պատուհաս կապեն 'ի վերայ . իսկ ձեր ճնրտարախօսքդ չփացեալ տպերասանեն : Դարձեալ և զխորհրդարանն զՀինգհարիւրոցն պարտական համարոյ կացուցանէ օրէնսգիրն . և այնպէս սաստիկ թերահաւատեալ 'ի համարատուաց , մինչև 'ի գլուխ անդր օրինացն ասել . « Իշխան որ համարս ունիցի տալ , մի ուրէք , ասէ , զնացէ 'ի տար աշխարհ : »

Տի՛ , ևհէ՛ , ասացէ զք թերևս , քանզի իշխան կացեալ

եմ, չեղնց ուրեք ըստ աշխարհս: — Ոչ. զի մի առեալ ըզ-
գանձս և զգաղանիս քաղաքին՝ հատուած երթիցես փա-
խըտեսայ: Գարձեալ ոչ ներէ համարատուի նուիրել զից
զգոյսն, ոչ ձօնի հանել, չլինել ումեք յորգեգիրս, ոչ կտա-
կագրել զիւրսն, և ոչ այլ ինչ բազում. հակիրճ ասել,
գրաւեալ օրէնագրին զինչս համարատուաց յամրի գնէ՝
մինչև հատուացեն քաղաքին զհաշիւսն: — Բարւոք. տակայն
է ոք այր՝ որ չեառ ինչ ՚ի գանձուէ աշխարհին և ոչ ծա-
խեաց, բայց յիրս ինչ հասարակաց եղև միջամուխ: — Եւ
նմա պատուիրէ՝ հաշիւս աալ համարառուացն: — Իսկ
զիարդ որ չառնէ ինչ և ոչ ծախեաց՝ տայցէ հաշիւս քաղա-
քին: — Նա ինքն օրէնքն յաւելլու է ուսուցանէ զոր պարտն
է արձանագրել. զի զայս ինչ հրամայէ ՚ի գրի հարկանել.
« Զառի ինչ ՚ի քաղաքէն և ոչ ծախեցի: » Չիք ինչ ՚ի քաղա-
քիս առանց համարոյ և հարց և քնին առնելոյ: Եւ զի ար-
գար ասեմ, նոցին իսկ օրինացն լուարուք:

Օ Ր Է Ն Ք

Արդ ՚ի կարի ժմերտել Գիմնութենի և ասել, թէ վասն
տրոցս չպարտիմ ինչ համարս, զայն տուք նմա պատասխա-
նի. « Մի թէ չէր քեզ պարտ, ով Գիմնութենէս, թոյլ՝ տալ
քարոզին համարառուաց՝ կարգալ զհայրենաւանդ և զօրի-
նաւոր քարոզութիւնն զայն. Ո՞ այն ոք որ ամբաստան
լինել կամիցի: » Որում կամիցին ՚ի քաղաքացոց՝ թոյլ
տուր յարուցանել քեզ փութիշ, զի չետուր ինչ բնաւ,
այլ և ՚ի բազմաց անտի՝ զոր ՚ի շինութիւն պարսպացն ու-
նիս՝ սակաւ ինչ և եթ արկեր ՚ի կիր. մինչ գեռ տաղանդո 13
տասն առեալ ես առ այն ՚ի քաղաքէն: Մի յափշտակեր
զպատիւն, և մի ՚ի ձեռաց դատաւորացն զվճիւսն կորզեր,
և մի ՚ի վեր քան զօրէնսն քաղաքավարիւր, այլ ըստ նոցա-
նէն. զի այս իսկ է՝ որ զընկերահաշտիսն ուղղէ:

Արդ՝ առ մնտաի պատճառանսն զոր գոքս պատճառին,

ցայս վայր յինէն ասացեալ լիցի : Իսկ զի արդարեւ համարս պարտէր Դիմոս(թենէս)՝ յորժամ սա ¹⁴ 'ի մէջ մատոյց զեղն գիրն, զի իշխան կայր 'ի վերայ տեսչարանաց և իշխան պարբու պաշինաց, և ոչ զիշխանութեանցն այնոցիկ ատեալ ուրեք էր ձեզ զհաշիւս և զհամարս, զայդ յառաջիկայսդ հանդիսացայց ցուցանել ձեզ 'ի հասարակաց գալուսթեանցս :

Օ՛ն ընթերցիր ինձ, առ որով իշխանաւ, յորում տմ սեան, յորում աւուր և յինչ ժողովի ընտրեցաւ Դիմոս(թենէս) իշխանութիւն տեսչարանաց :

Օ Ր Ա Հ Ա Մ Ա Ր

Արդ՝ եթէ և ոչ ինչ աւելի քան զայդ ցուցանէի, 'ի պարտութիւն յիրաւի մասնեալ լինէր Կտեսիփոն . զի ոչ իմ ինչ գատախազութիւն պարտաւորէ զնա, այլ հասարակաց գալուսթիւնքս :

Յառաջ ժամանակաւ, իվ արբ ամենացիք, կայր քաղաքիս արձանագրող ¹⁵ ընտրեալ, որ առ իւրաքանչիւր նահապետութեամբ համարս աայր ժողովրդեան զելից և զմտից . իսկ առ վստահութեան ձերում յԵւթուլոս ¹⁶ մինչ չե էր կարգեալ օրէնքն Հեգեմոնի ¹⁷, որք 'ի վերայ տեսչարանաց ընտրեալքն էին՝ նորա վարէին զիշխանութիւն արձանագրողին . ունէին և զիշխանութիւն հարկահանաց և զնաւագործաց, և զզինանոցն շինէին, և ճանապարհաց էին յարգարիչք, և զամենայն իսկ գրեթէ յանձանձանս քաղաքիս ունէին բովանդակ : Չայս ոչ 'ի բարանս և ոչ 'ի սանգաստականս ինչ նոցին ասեմ, այլ զայն կամիմ ցուցանել ձեզ, զի թէ դք զփոքու ինչ իրիք իշխանութեան համարս պարտիցի, չտայ թոյլ օրէնսդիրն պսակել, մինչև ասցէ զհաշիւսն և զհամարս : Իսկ Կտեսիփոն ոչ ինչ վեհերեաց պսակ խնդրել Դիմոս(թենի), որոյ զամենայն իսկ իշխանութիւնս միանգամայն 'ի վար արկեալ է յամենացւոցս քաղաքի :

Եւ զի զպարսպաշինացն ևս ունէր իշխանութիւն՝ յոր-

ժամոսս զինգիրդ մատոյց , և զգանձս աշխարհին մատակարարէր , և տուգանս արկանէր՝ ոչ ինչ ընդհատ յայլոց իշխանաց , և առաջնորդութիւն ունէր զգատաստանոցաց , այդոցիկ զնոյն ինքն զԴիմութենէս և զԿտեսիփոն մատուցից ձեզ վկայս : Զի առ Քերոնդեաւ իշխանաւ , որ օր քսան և ինն էր Թարգելիոն ամսոյ , 'ի ժողովել ժողովրդեանն , հրաւան եհան Դիմութենէս՝ յատեան կոչել զցեղսն յերկրորդ և յերկր աւուր Սկիրոփորիոնի . և 'ի հրամանի անդ պատուէր ետ՝ 'ի միոյ միոյ 'ի ցեղից անախ ընտրել հոգաբարձուս գործոց պարսպին և հանգերձապետս : Եւ կարի յիրաւի . զի իցեն քաղաքիս անձինք համարատուք՝ յորոց զծախիցն հաշիւս հատանիցէ :

Առ ազէ ընթերցիր ինձ զհրովարտականն :

Հ Ր Ո Վ Ա Ր Ց Ա Կ Ք

Այո , այլ անդէն ածէ թափէ առ այդ . Ոչ վիճակաւ կարգեցայ 'ի շէնուած պարսպին , և ոչ 'ի ժողովրդենէն ընտրեալ : — Եւ յազագս այսր՝ Դիմութենէս և Կտեսիփոն բազում արասցեն խօսս . իսկ իմս՝ հակիրճ և հաւաստի , որ փութով լուծցէ զարուեստս նոցին : Այլ նախ սուղ ինչ զայսցանէ կամ է ինձ առեւ առ ձեզ :

Քանզի իշխանութեան , ով աթենացիք , օրինակք են երեք . յորոց մին և ամենեցուն քաջայայտ՝ որ վիճակաւ և որ ընտրութեամբ կան յիշխանութիւնն . երկրորդ՝ որոց գործ ինչ մատակարարութեան քաղաքիս 'ի ձեռս , տուեալ է առաւել քան զաւուրս երեսուն , և որ ոստիկանքն են գործոց աշխարհին . իսկ երրորդն՝ յօրէնան անդ գրեալ կայ . « Եւ եթէ այլք ոմանք ընտրութեամբ զառաջնորդութիւն գատաստանաց ունիցին , և նոցա իշխել՝ յետ փորձ և ընտիրն գտանելոյ : » Իսկ եթէ դք հանցէ 'ի բաց զիշխանն ընտրեալս 'ի ժողովրդենէն և զվիճակաւսն , մնայ՝ զի և զորս ցեղք և երկր մի ցեղից և խառնազանձն ընտրեն ¹⁸ յին .

քեանց հաղարապետս հասարակաց գանձուն, իցեն և նոքա իշխանք ընտրականք: Եւ այս լինի, յորժամ որպէս այժմս՝ հրամայելի ինչ ցեղից. կամ փոսս հատանել, կամ նաւս կառուցանել պատերազմիկս:

Եւ թէ զճճմարիտն բարբառիմ՝ ՚ի նոցունց անտի յօրի նացն առջիք ՚ի միտ:

Օ Ր Է Ն Ք

Յուշ լիցին ձեզ նախասացեալ բանքս, զի և իշխանացն որ ՚ի ցեղից անտի՝ հարցուփորձ գատաստանի հրամայէ օրէնսդիրն. և ցեղն Պանդիոնեան՝¹⁹ իշխան և պարսպալէն եցոյց զՆիմրութենէս, որ ունի ՚ի դոյն պէտս գրեթէ տասն տազանդ ՚ի տեսչութենէն. և միւս օրէնքն արդելուն, զիշխանն որ համարս պարախ՝ մի պսակել. և ձեր երգուեալ է՝ ըստ օրինացն առնել գատաստան. իսկ ճարտարախօսգ գրեաց պսակել զհամարսպարտգ առանց յաւելուածոյն « Յորժամ տայցէ զհաշիւան և զհամարան. » և ես զանի բաւութիւնն ակն յանդիման ցուցանեմ՝ վկայս առհասարակ մատուցեալ զօրէնան, զհրովարտական և զհակառակորդան: Եւ զիմրգ իցէ ումեք յայտնագոյնս նշաւակել զայր ՚ի հրամանս իւր անիրաւեալ:

Եւ զի զքարոզութիւնն իսկ պսակին արտաքոյ օրինացն լինել հրամայէ ՚ի գրին, և զայդ ևս ուսուցից ձեզ: Զի օրէնքն յայտնաբարբառ պատուիրեն. եթէ խորհրդականքն պսակիցեն զզք՝ ՚ի տաճարին խորհրդոց քարոզել, իսկ եթէ ժողովուրդն՝ ՚ի հրապարակի ժողովոյն, և մի այլ ուրեք:

Վարդա ինձ զօրէնան:

Օ Ր Է Ն Ք

Այդ աւագիկ օրէնքն, ի՞նչ արք աթենացիք, և յոյժ գեղեցկապէս կարգեալ: Զի Թուփ ինձ՝ չկարծեալ օրէնագրին Թէ առ արտաքինսն յօրացեալ նազխի ճարտարախօսն, այլ շատասցի պատուիլ ՚ի քաղաքիս ՚ի ժողովրդենէն, և մի ՚ի քարոզութիւնս զօշաբազել²⁰: Այդ օրինագիրն այսպէս իսկ Կտեսիփոն զիմրդ:

Ընթերցելը զհրամանն:

Հ Ր Ա Մ Ա Ն

Եւք, ի՞նչ արք աթենացիք, զի օրէնագիրն պատուէր տայ ՚ի ժողովրդեան, ՚ի Պնիքսի²¹, ՚ի ժողովարանի անդ հստակեւ զպսակեալն ՚ի ժողովրդենէն, և մի այլ ուրեք իսկ Կտեսիփոն ՚ի տեսարանի: ոչ ըստ օրէնան ևեթ անցեալ, այլ փոխեալ և զտեղին: ոչ ՚ի ժողովել աթենացւոց, այլ ՚ի մրցել նորոց ողբերգակաց: ոչ առաջի ժողովրդեան, այլ յանդիման հելլենացւոց: զի տեսցեն և նորա զորպիսի դք այր պսակիցեմք:

Այդ այսպէս արտաքոյ օրինացն հանեալ հրաման, և ճակասեալ Ռիմոսթենիւ հանդերձ գու բերցէ առ օրէնան: զոր ես կանխեցից յայտ արարից ձեզ, զի մի յանկարծ խորդաւանիցիք: Թէ օրէնքն չհրամայիցեն զպսակեալն ՚ի ժողովրդենէն քարոզել արտաքոյ ժողովոյ նորա, ոչ ունիցին դոքա բարրել: այլ իրաւունս իմն յառաջ ածցեն զՍպան զարամետական²² օրէնան, և զմասն ինչ ևեթ օրինացն առ նուցուն ՚ի կիր, գողացեալ զմտագիւրութիւն ձեր: և ՚ի մէջ մատուցեն օրէնս իմն՝ ոչ ինչ ՚ի փուրսիչ այսր պատշաճեալս, և ասասցեն՝ որպէս Թէ քաղաքիս կրկին կայցեն օրէնք ՚ի վերայ քարոզութեանց: մի՞ զոր ես այժմ ՚ի մէջ առնում, և յայտնապէս արդելու՝ զպսակեալն ՚ի ժողովրդե:

նէն մի հրատարակել արտաքոյ հրապարակի ժողովրդեան .
 և միւս ևս ասացեն նոքա լինել օրէնս այնմ հակառակ , և
 շնորհեալ ի ճաննութիւն՝ զքարոզութիւն պատկին առնել
 յողբերգականն ²⁵ 'ի տեսարանին , յորժամ ժողովուրդն
 ասցէ հրաման . և ըստ այնմ օրինաց ասացեն գրեալ զտե-
 սիպոնի :

Բայց ես առ գոցա մեղմեխանն զձեր օրէնսք առից ինձ
 ջատագով , զոր և 'ի բոլոր գատախազութեանս փութամ
 առնել անպակաս : Զի եթէ այդ ճշմարիտ իցէ , և սովորու-
 թիւն այգալիսի սարգեալ մտեալ 'ի ձեր քաղաքավարու-
 թիւնդ , զի օրէնք ինչ ապախար խառն ընդ վաւերականն
 կայցեն արձանագրեալ , և զմիոյ գործոյ երկուք՝ միևեանց
 ընդգիծաբանք , զինչ ևս ասացէ ոք լինել զքաղաքավարու-
 թիւնդ զայդ , ուր զնոյնս հրամայեն օրէնքն առնել և մի
 առնել : Այլ չէ այդ այգպէս , և մն անգր փարգատտ՝ քաւ-
 լեցի ձեզ յայգալիսի անհեղեղութիւն օրինաց երբեք եր-
 թալ անկանել : Եւ որ զընկերահաշտիսս հաստատեաց օ-
 րէնագիրն՝ ոչ անփոյթ եղև նմա զիրացդ . այլ յայտ յանգի-
 մանութեամբ պատուիրեալ է օրինապահացն՝ ամբ ամբ ուղ-
 զել զօրէննս յատենի ժողովրդեան ²⁴ , դտակաւ քննել ստու-
 գել՝ եթէ իցէ ինչ 'ի գրին օրէնք՝ այլում օրինաց հակառա-
 կամարտ , կամ խոտան ինչ 'ի կարևորն , կամ թէ իցէն ինչ
 օրէնք զիրաց իրաց աւելի քան զմի : Եւ եթէ ինչ գաանի-
 ցեն , գրել 'ի տախաականն ²⁵ և գնել պատուիրէ առաջի Ա-
 նուանագրացն ²⁶ . և նահապետաց ժողովել զժողովուրդն՝
 յայտ արարեալ 'ի կարգումն օրինագրաց լինել զատեանն .
 և գլխոյն գահերիցանց յընտիր առնել ժողովրդեանն՝ զո-
 մանս յօրինացն բառնալ և զկէսս թողուլ , զի մի ևեթ օրէնք
 իցեն զմիոյ միոյ իրաց , և մի բազումք :

Առ ընթերցիր ինձ զօրէննս :

Օ Ր Է Ն Ք

Արդ՝ եթէ, ո՛վ արք աթենացիք, հաւաստի ինչ էին դոցա բանքն, և կրկին կային օրէնք յազազա քարոզութեանց, հարկաւ՝ կարծեմ՝ ՚ի գտանել զայն օրինապահաց, և յաւանդել նահապետաց յօրէնագիրսն, մին յօրինաց անտի բառնայր՝ ՚ի բաց, կամ որ իշխանութիւնն տայր քարոզելոյ, և կամ որ արգելոյրն: Իսկ զի չէք ինչ եղեալ յայդցանէ, ակնբերե յանդիմանին՝ ոչ միայն սուտ խօսել, այլ և ամենևին իսկ անհնարինս:

Եւ թէ՛ սուտ ուսակք առեալ բերիցեն զսուտդ զայդ, ես ցուցից ձեզ, ասացեալ նախ յինչ ազազա եզան օրէնք քարոզութեանց ՚ի տեսարանին:

Ի լինել ողբերգութեանց՝ ՚ի քաղաքիս՝ քարոզ կարգային ոմանք, ոչ ՚ի հաւանութենէ ժողովրդեան, կիսոց՝ պսակ ՚ի ցեղիցն առնուլ, այլոց՝ ՚ի ժողովրդականաց ՝ իսկ այլք ոմանք՝ ազգեցութիւն քարոզեալ զծառայս իւրեանց արձակէին ազատս, վկայս ազատութեանն արարեալ զհելլենացիս: Եւ որ քան զամենայն դժպհին էր, ասպնջականութիւն գտեալ ոմանց յարտաքին քաղաքս՝ հնարաւորէին տալ քարոզ կարգալ, թէ ժողովուրդն, օրինակ իմն հոգապետցն կամ քիացուց կամ այլոյ ուրուք քաղաքի, պսակէ զնոսա վանս առաքինութեան և բարելաւութեան: Եւ զայս առնէին՝ ոչ հանգոյն պսակելոցն յատենէ ձերմէ կամ ՚ի ժողովրդենէ՝ ՚ի հաւան զձեզ ածելով և հրովարտակաւ, բազում շնորհս ձեզ խոստովանելով, այլ ըստ իւրեանց մտի և անհրաման առ ՚ի ձէնդ: Եւ ՚ի սոյն սակս պատահէր ամբոխել հանդիսականացն և պարապետաց և խաղաղիաց, և քարոզելոցն ՚ի տեսարանին՝ մեծապատիւ մեծարել քան զպսակեալսն ՚ի ժողովրդենէն: Զի սոցա ցուցեալ էր տեղին՝ ժողով ժողովրդեանն՝ ուր պարան էր ընդունել զպսակն, և արգելեալ մի այլ ուրեք քարոզել: իսկ նոցա հոչակ հար-

կանէր լու 'ի լու Հելլենացն բողոքեցունց . և սղբա հրամա-
նաւ . և հաճոյիւք ձերով, իսկ նոքա՝ առանց հրամանի :

Ձայս տեսեալ օրէնագրի ուրուք՝ կարգէ օրէնս իմն՝
որում չիք ինչ հաւատարութիւն ընդ օրէնս պատկելոցն՝ 'ի
ժողովրդենէն, և ոչ լուծանէ զայն . զի ոչ երասա ժողովր-
դեանն էր որ ամբոխէրն, այլ տեսարանն : Եւ ոչ ընդգէմ՝
ինչ նախակարգեալ օրինացն զնէր, զի և չէր իսկ մտրթ .
այլ . յաղագս անհրաման 'ի ձէնջ պատկելոցն՝ 'ի տոհմայնոց
և 'ի ժողովրդականաց, և յաղագս ազատեցուցաց ստոր-
կացն և յաղագս օտարոտի պատկացն : Եւ յայտնի իսկ տր-
գելու՝ մի ազատել ծառայ 'ի տեսարանի, և մի զպատկա-
ռուն 'ի տոհմոց և 'ի ռամկէն՝ քարոզել, և մի, ասէ, որ
յայլմէ ինչ՝ ռամբէ . և թէ ոչ, յանարգութիւն լինել քա-
րոզչին :

Արդ, յորժամ պատկելոցն յատենէն յայտ առնիցէ՝
յատենի անդ հոչակիլ, և պատկելոցն 'ի ժողովրդենէն՝ 'ի
ժողովի անդ իւրում, իսկ պատկելոցն՝ 'ի ժողովրդականաց
և 'ի ցեղից՝ չհրամայիցէ հրատարակիլ յողբերգական, որ-
պէս զի մի ոք պատկա և հոչակս մուրանալով՝ ստացի պա-
տիւ սուտ . և յորժամ յաւելուցու ևս յօրէնան՝ սաստել
զի մի յայլմէ ոք ռամբէ քարոզեսցի, բայց միայն յատենէն
և 'ի ժողովրդենէն և 'ի ցեղիցն և յիւրոց ժողովրդականաց .
և յորժամ զայգոսիկ 'ի բաց տանիցի, զինչ այլ մնայ՝ բայց
պատկին օտարամուտք : Եւ զի հաւատտի ասացեալքս իցեն՝
'ի նոցունց իսկ յօրինացն տաց ձեզ նշանակ մեծ :

Զի ահա զնոյն ինքն զպատկն ոսկի՝ զքարոզեալն՝ 'ի տեսա-
րանի ստանիս՝ հանեալ 'ի պատկելոյն, Աթենասայ սուրբ
առնել հրամայեն օրէնքն : Իսկ ո՞ 'ի ձէնջ ժպրհեսցի 'ի
ժլատութիւնայգալիսի զաթենացւոցս ժողովուրդ ըստգաա-
նել : Զի ոչ եթէ քաղաքս միայն, այլ և ոչ ստակական ոք
այնպէս անազգի գտանիցի, որպէս զի զոր ինքն իսկ ետ
զպատկն՝ զնոյն և քարոզ կարգալ և ապա 'ի բաց կապտել
և գից նուիրել : Այլ կարծեմ զայդ վասն օտարական լինե-

լոյ պսակին . և ձօնիդ լինի, զի մի զօտարաց զք մտերմութիւն նախամեծար քան զիւրոյ աշխարհին արարեալ՝ վաստարեացի հոգւով : Իսկ պսակ որ 'ի հրապարակ ժողովքը դեան քարոզեալ՝ ոչ զք նուիրէ, այլ օրէն է ժառանգել զայն . զի ոչ ինքն միայն, այլ և սերնդոց իւրոց 'ի տան ունելով գլխատակն՝ մի երբեք անզգամեացին մտօք առ ժողովուրդն : Եւ վասն այնորիկ յաւել օրէնագիրն, մի հոչակել 'ի տեսարանի զօտարտաի պսակն՝ եթէ ոչ ժողովուրդն տայցէ հրաման . որպէս զի քաղաք որոյ կամ իցէ պսակել զըք 'ի ձերոցն, հրեշտակս արարեալ աղաչեացէ զժողովուրդն . զի յորժամ քարոզեացի, մեծ ևս ձեզ քան պսակողացն կալցի շնորհս վասն քարոզութեան տալոյ օձանիդ :

Եւ զի զստուգութիւն բարբառիմ՝ զինքնին զօրէնան լուարուք :

Օ Ր Ե Ն Ք

Արդ յորժամ ձեզ 'ի խաբս ասիցեն, թէ գրեալ կայ ևս յօրէնան, զի եթէ ժողովուրդն հաճեալ հաւանեացի՝ մարթի պսակել 'ի տեսարանին, յուչ լիցի ձեզ փալ նոցա պատասխանի . Այո, այլ եթէ յայլմէ քաղաքէ տացի քեզ պսակն . Իսկ եթէ յաթենացւոցս ժողովրդեանէ, ցուցեալ է քեզ տեղին՝ ուր արժան է այդմ լինել . խափանեալ ես՝ մի ուրեք արտաքոյ հրապարակի ժողովրդեանն քարոզի : Զի թէ զինչ իցէ « Եւ մի այլ ուրեքն, » առ խօսեաց զօրն ողջոյն, ոչ երբեք օրինաւոր ինչ կարասցես զհրամանդ ցուցանել :

Մնայ ինձ մասն ինչ ամբաստանութեանս յոր փութամ ձեպիմ մանաւանդ . և են բազբաղալքն՝ որովք ինդրէ պսակել զնա : Քանզի այսպէս ասէ 'ի հրամանին . « Եւ քարոզն կարգասցէ 'ի տեսարանին առ հելլենացիս, թէ ժողովուրդն աթենացւոց պսակէ զնա վասն առաքինութեան և քաջութեան . » և որ ևսն է, « զի յամենայն ժամ խօսի և գործէ զօգուտ ժողովրդեանն : » Պարզ լինի մեզ ամենեկին բանս

այսուհետև, և ձեզ լսելեացդ գիւրին 'ի գատեւ զի ինձ գատախաղիս՝ զայս պարտ է ձեզ ցուցանել, թէ որ զՌփմնս թենեայ են գովեսաք՝ սոււա են, և թէ ոչ սկսեալ գորա երբեք բարի ինչ խօսել, և ոչ ցարդ գործէ անպակաս զօգուս ժողովրդեանն : Եւ թէ զայդ յանգիմանիցեմ, յիրաւի արդեօք պարտաւորեսցի Կտեսիփոն 'ի ժուրսիչ ամբաստանութեանս . քանզի ամենայն օրէնք արգելուն՝ չգրել ինչ ուսմք սուտ 'ի հրամանս տէրութեանն : Իսկ ջատագովին՝ զհակառակն այսմ ցուցանելի է . և զուք լինիլիք մերոց բանիցս գատաւորք : Եւ այդ իսկ է ինպիսի :

Զվարս Դիմնութենի քննել՝ երկայնագոյն բանից գործ վարկանիմես : Զի զի պիտի այժմ ասել զգիպեալուն նմա յամբաստանութենէ անտի իւրոց վերացն, յորժամ գատախաղ եկաց յԱրիսպագին զՌփմնէլեայ պէանեցոյ՝ զհօրեղբորորդոյ իւրմէ, և զցառմն կառափին . կամ զիրս զօրավարութեանն Կեփիսոդոտեայ ²⁷, և զնուաքիութիւնն 'ի Հելլեսպոնտոս, յորում մի 'ի նաւակառուցից եղեալ Դիմնութենէս, և տարեալ 'ի նուին զզօրավարն, հայակից նմին լեալ և զոհակից և նուիրակից, և այդոցիկ՝ վասն հայրենի ընդ իւր բարեկամութեանն որժանացեալ, յորժամ 'ի քսութենէ գատաստան մահու 'ի վեցայ կայր նմա՝ ոչինչ գանդաղեաց չարախօս զնմանէն լինել . և զարձեալ զիրան Միդեայ ²⁸, և զկուռփան ընկալեալս 'ի կաքաւարանին՝ յորժամ պարտպետն իսկ էր ²⁹ . և թէ սրպէս ընդ երեսուն մնասու վաճառեաց միանգամայն և զանձինն թշնամանս և զգատակնիք ժողովրդեան՝ որով 'ի մահէնի Սպանգարամետին գատապարտեաց զՄիդիսոս : Այլ արդ զայդօսիկ, և այլ ևս գոցին նմանս, հաճոյ թուի ինձ զանց առնել . ոչ եթէ մատն ինչ ձեզ լինելով կամ ոսոխիս աչառելով, այլ զանգիտեալ՝ թէ գուցէ յանգիմանեցայց 'ի ձէնը, ճշմարիտ ինչ թերևս ասացեալ, բայց զրոյցս պառակեալս և քաջածանօթս : Իսկ արդ, ո՛ր Կտեսիփոն, որոյ մեծամեծքն յամօթալիս՝ այնպէս հաւատարիմ են և ծանօթա-

կանք ունենդրաց, մինչև դատասխազին ջջուեւ սուտ խօսել, այլ վազեմիս և յոյժ յառաջածանօթս, արդեօք արժան ինչ իցէ այնմ պսակ ընդունել ոսկի, եթէ պախարականս : Եւ քեզ յանդգնելոյդ ՚ի հրաման տալ սուտ և անօրէն՝ արժան իցէ արդեօք քամահանս առնել ատենից, եթէ տալ վրէժս քաղաքիս :

Իսկ զվարչութեան տնիրաւութեանցն ջանացայց ստուգադոյնս ասել : Զի լսեմ թէ յորժամ տացի նոցա ժամ խօսելոյ, Դիմոսթենէս ՚ի համար արկանելոց է առ ձեզ, իբրև զի քաղաքիս չորք կացին ժամանակք՝ յորս ինքն առաքինացաւ : Յորոց մի և առաջին ամենեցուն, որպէս լսեմս, զժամանակն համարի՝ յորում ընդ Փիլիպպեայ ՚ի վերայ Ամփիպոլիս պատերազմ մղէաք. և զժամանակն զայն որոշէ խաղաղութեամբն և նիզակակցութեամբ ³⁰, զոր Փիլիպպեայէն ազնուացի առաջի արար, և դա ինքնդ ընդ նմա, որպէս ես ցուցից : Երկրորդ ժամանակ ասէ եզեալ, զոր խաղաղութեամբ ³¹ անցուցաք. յայտ իսկ է թէ մինչև ցօրն՝ յորում լուծեալ զխաղաղութիւն քաղաքիս՝ գոյն ինքն ճարտարախօսք զպատերազմն առաջի արար : Եւ երրորդ՝ զժամանակն զոր ՚ի կռուի կայաք, մինչև ՚ի Թշուառութիւնն Քերոնեայ ³² : Եւ չորրորդ՝ զայժմու ժամանակս : Եւ զայստս իկ ՚ի Թիւ արկեալ, ըստ որում լսեմ, ձայնատուր առ իս է լինելոց և հարցանել, զորմէ՞ իմքէ ՚ի չորեցունց աստի ժամանակաց իցեմ ես ամբաստան, և երբ ասիցեմ զնա ոչ յօգտակարադոյնս ժողովրդեան քաղաքավարեալ. և եթէ չկամիցիմ՝ տալ պատասխանի, այլ՝ կոր ՚ի զլուսե կղեալ ՚ի բաց խուսափիցեմ, սպանայ դալ հրապարակացոյց զնա առնել, և եկակոչ ատենաբարչ արարեալ՝ ստիպել տագնապել զնա տալ պատասխանի : Արդ, զի մի՞ դա՞ սոնքասցի, և զի դուք այժմէն տեղեակ լինիլիք և ես տայ պատասխանի, քեզ՝ Դիմոսթենէս՝ առաջի դատաւորացս և այլոց քաղաքայնոց՝ որ շուրջս կան արտաքուստ արտաքս, և Հելլենաց՝ որոց փոյթ եղև զդատաստանս զայս լսել, — զի ոչ

սակաւս տեսանեմ այսր հասեալս , այլ՝ որչափ ճիշէ ինչ որ երբեք եկեալ կուտեալ 'ի հասարակաց հանգիսարան , — ահա տամ պատասխանի՝ թէ 'ի վերայ չորիցդ եւ զատուցելոց 'ի քէն ժամանակաց առհասարակ լինիմ զքէն ամբաստան : Եւ եթէ կամիցին դիք , ե գատաւորքս հասարակ լուիցեն մեզ , ե մարթացից ես ընդ միտ ածել զոր գիտեմն ընդ քեզ , ահն ունիմ ամենայն իրօք յայտ առնել գատաւորացս , թէ փրկութեան քաղաքիս պատճառք՝ գիքն եղեն , ե որք մարդասիրապէս ե չափովն վարեցան յիրս քաղաքիս . իսկ ամենայն թշուառութեանց քաղաքիս պատճառ եղեալ զԴիմոսթենէս : Եւ խօսիցս կարգ զայն կալայց , զոր գա ինքն լսեմ թէ գնելոց է . զի ճառեցից նախ զառաջնոյ ժամանակէն , ե ապա զերկրորդէն , ե երրորդ՝ որ ըստ նմանէն , ե չորրորդ՝ զայժմու իրացս հաստատելոց :

Եւ արդ 'ի վեր 'ի խաղաղութիւն անդր ելանեմ՝ զոր դու ե Փիլիոկրատէս առաջի արարէք : Քանզի , ով արքա թենացիք , եթէ թոյլ տային ձեզ ոմանք՝ սպասել հրեշտակացդ առաքելոց 'ի ժամանակին յԵլլադա՝ ազաչել զնոսս հազորդս լինել հելլենախումբ ժողովոյն ³³ ընդդէմ Փիլիպպոսի , գոյր ձեզ զառաջին խաղաղութիւնն զայն առնել հասարակ միաբան խորհրդով հելլենացւոց , ե 'ի գալ ժամուն 'ի կամաց հաւանութենէ հելլենացւոց՝ 'ի ձեզ զսպարապետութիւնն հանել : Զրկեցայք յարգցանէ 'ի ձեռն Դիմոսթենի ե Փիլիոկրատէայ ե կաշառակրծութեանց գուցա՝ զոր կաշառեցան կպլ հակառակ ձերում պետութեանդ : Իսկ եթէ յանկարծոյն լուր բանիս կարի իմն չաւատալի ոմանց երևեցաւ 'ի ձէնը , զառաջիկայ ունկնդրութիւնդ այնպէս արարէք , որպէս յորժամ յես երկար ժամանակի 'ի հաշիւս մտանիցեմք ծախուց . արծաթոյ : Է երբեք՝ զի թիւր կարծեօք դամք 'ի տանէ զհաշուիցն . իսկ իբրև հաշիւքն բովանդակիցին , չիք որ 'ի ձեզ այնպէս դժպչի յախտարակաց , որ ոչ մեկնեացի անախ՝ խոստովան եղեալ ե վկայեալ ճշմարտութեան հաշուին համարոյ : Այսպէս ե

այժմ զունկնդրութիւնդ արասցիք : Եթէ իցեն 'ի ձէնջ՝ որ եկեալ իցեն 'ի տանէ կանխակալ կարծեօք մտաց , թէ չիք ինչ Դիմութենի միաբանութեամբ ընդ Փիլոկրատեայ ասացեալ երբեք 'ի շահ օգտին Փիլիպպեայ , որ դք 'ի գոյն խորհուրդս կայցէ՝ մի ինչ անպարտ արձակեսցէ , և մի պարտաւոր , մինչև լուիցէ . զի և չէ իսկ արդար : Իսկ եթէ կարճաբոսս ինձ լուիցէք՝ զի յուշ զժամանակսն արարից , և զհրովարասկն մատուցից 'ի մէջ՝ զոր ընդ Փիլոկրատեայ գրեաց Դիմութենէս , եթէ ինքնին իսկ ստուգութեան հաշիւք գտանիցեն զԴիմութենէս յաճախագոյն քան զՓիլոկրատէս գրեալ վճիռս 'ի սկզբանէ յաղագո խաղաղութեանն և նիզակակցութեան , և յառաւել ևս ամօթապարտութիւն՝ պաշտօն արարեալ Փիլիպպեայ , և չսպասեալ 'ի գիմաց նորա հրեշտակացն , և պատճառ եղեալ ժողովրդեանս՝ մի ընդ միահամուռ ժողովոյ հելլենացւոց առնել զխաղաղութիւնն , և 'ի ձեռս Փիլիպպեայ զԿերսորլեպէս արջայ Թրակիոյ մատնեալ՝ զայր բարեկամ և նիզակակից քաղաքիս , եթէ զայդ ամենայն ցուցից ձեզ հուսատեալ , խնդիր մի փոքր աղաչեցից զձեզ . յաստուածսն զձեզ երգմնեցուցեալ , ձեռն տուք ինձ հաւանութեան , թէ զառաջինն 'ի չորից անտի ժամանակաց ոչ ուղիղ քաղաքավարեալ է գորս : Բայց սկսայց ասել՝ ուստի դիւրաւ ինձ զհետ ժամանիցէք :

Դրեաց Փիլոկրատէս հրաման , թէ օրէն է Փիլիպպոսի քարոզ և հրեշտակս առաքել այսր վասն խաղաղութեան և թիկանց առնելոյ : Անիրաւ ամբաստանեցաւ հրամանդ . եկին ժամանակք գատնաստանին . դատնխաղէր նամակադիրն Լիւկինոս , ջատագովէր Փիլոկրատէս , պաշտպան կայր ընդ նմա և Դիմութենէս . Փիլոկրատէս արդարացաւ : Յեա այսորիկ եհաս ժամանակ , Թեմիստոկլէս իշխան : Յայսմ վայրի մտանէ Դիմութենէս 'ի տուն խորհրդայ խորհրդական , ոչ վիճակաւ և ոչ տեղապահութեամբ ³⁴ , այլ զնոյ առեալ մարթանօք , զի զամենայն ինչ բան և գործ նպաստ

լինիցի Փիլոկրատեայ, որպէս արգիւնք իսկ իրացն յայտ ա-
րարին: Չի և զայլ իմն հրամանն յառաջ տարաւ Փիլոկրա-
տէս, յորում ստիպէ ընարել հրեշտակս ասան, որոց եր-
թեալ առ Փիլիպպոս աղաչեացեն զնա՝ արձակել այս ինք-
նիշխան հրեշտակս վասն խաղաղութեանն: Մի՛ ի նոցանէն
էր Դիմոսթենէս, և ՚ի դարձին անաթի՝ գրուատիչ էր խաղա-
ղութեան. և զոր այլ հրեշտակքն՝ զնոյնս և ինքն պատմէր.
և նա միայն յատենակալացն զիր եհան՝ դաշինս ընդ քարո-
ղին Փիլիպպեայ և ընդ հրեշտական կուրցր, յար և նմանս
Փիլոկրատեայ հարեալ ՚ի գրին. մեռմն՝ իշխանութիւն
տուեալ քարոզ և հրեշտակս այսր յղելոյ, և միւսումն՝
յուխտ ընդ՝ հրեշտակութեանն մտանելոյ: Այլ յառաջի-
կայսդ ուշի ուշով միտ գիք ինձ:

Քանզի իրք և գործք հասեալ կային, ոչ ընդ այլ հրեշ-
տական՝ որ ըստ յեղապիոխ իրացն յաճախ զրպարանցան
զկնի ուրեմն ՚ի Դիմոսթենէայ, այլ ընդ Փիլոկրատեայ և
Դիմոսթենի. և յիրաւի. զի ՚ի միասին էին ՚ի հրեշտակու-
թեանն, և ՚ի միասին զգիրս հրամանացն հանէին: Կսխ,
զի մի սպասիցէք հրեշտակացդ առպելոյց ՚ի յորգորել ընդ
դէմ Փիլիպպոսի. որպէս զի մի ընդ այլ հելլենացիան, այլ
գուք ձեզնն առանձինն զխաղաղութիւնն առնիցէք: Եւ
երկրորդ, զի ոչ խաղաղութեան ևեթ, այլ և նիզակակցու-
թեան ընդ Փիլիպպեայ տալիք հրաման. առ ՚ի յետին վհա-
տութիւն անկանելոյ կուսակցաց ժողովոյդ ձերոյ, ՚ի տե-
սաննէն զձեզ աղաչաւորս առ նոսա ՚ի պատերազմ, իսկ առ
անին՝ ոչ խաղաղութեան ևեթ, այլ և նիզակակցութեան
արարեալ հրաման: Եւ երրորդ, զի Վերսուլեպտէս թա-
գաւոր Թրակիոյ մի յերգմնիան գտցի, և մի հաղորդ թի-
կանց և խաղաղութեան լինիցի: Կս և հրամանն ևս լինէր
գումարտակ առնել ՚ի վերայ նորս:

Որ զայգոնիկ զնոյ առնոյր կաշառաւ 36, ոչինչ անի-
րաւէր. զի յառաջ քան զերգմոնոն և զգաշինսն ոչ անպա-
տեհ ինչ էր նմա զօգուտ իւր հայթայթել. բայց որ մասն

և աուր եղեն առ նա զօրութեանց քաղաքիս՝ մեծի բարկութեան են արժանի: Չի որ այժմս զանձն ատեցօղ Ալեքսանդրի ասէ լինել և յայնժամ Փիլիպպոսի Դիմոսթենէս, որ զԱլեքսանդրի հիւրասիրութիւնն ինձ մեզ գնէ, խորամանկեալ զպատեհ պատեհ ժամանակս քաղաքիս, գիր մատուցանէ՝ ժողով գումարել նահապետաց յուր ամսեանն Ելիպիերոյիոնի, յորում Ասկլեպեայ զոհք էին և նախատօնակ ⁵⁶, 'ի սրբումն անդ աւուր, որպիսի ինչ չիլ շէ գրեղեալ յառաջագոյն: Չինչ առ այս կցկցեալ բաղայս: Որպէս զի, ասէ, ընդ հասանել հրեշտակացն Փիլիպպեայ՝ հետ ընդ հետ վազվազակի 'ի խորհուրդ մտանիցէ ժողովուրդն զիրացն Փիլիպպեայ: Վասն չև ևս երևելոցն հրեշտակաց կանխէր ժողով կազմէր, զժամանակս ձեր գողանայր, և զգործն շտապէր, զի մի ընդ այլ Հելլէնս, 'ի հասանել հրեշտակացն ձերոց, այլ ինքնաձեռն միայնակ զխաղաղութիւնն առնիցէք: Չհետ այսորիկ, ով արք աթենացիք, եկին հասին հրեշտակք Փիլիպպեայ ⁵⁷, իսկ ձերքն էին 'ի տար աշխարհ յորդորել զհելլէնացիս ընդգէմ Փիլիպպեայ: Յայսմ վայրի այլ իմն գիր հրամանի տայ վճռել Դիմոսթենէս, գրեալ 'ի նմա՝ ոչ զխաղաղութենէն միայն, այլ և զնիզակակցութենէն առնուլ ձեզ խորհուրդ, ոչ մնացեալ ձերոց հրեշտակացն, այլ անգէն և անդ յետ սպանդարամետականացն տօնից ոստանիս, որ օր ութուտասն և իննուտասն էր ամսոյն:

Իսկ թէ արդար խօսիցիմ՝ լուարուք հրովարտակացն:

Հ Ր Ո Վ Ա Ր Ց Ա Կ Ք

Եւ արդ, ով աթենացիք, իբրև անցին գնացին տօնքն սպանդարամետականք, ժողովքն եղեն. և յառաջնումն անդ ատենի կարգացաւ հասարակ հրամանն նիզակակցաց, զորոյ դրանիցն ծայրաքաղ զլուխս ցուցից համառօտիւք: Չի գրեցին նախ՝ ձեզ միայն խորհել վասն խաղաղութեանն,

Իսկ զանուն նիզակակցութեան լռեցին . ոչ առ մոռացութեան ինչ, այլ զի և զխաղաղութիւնն ինքնին 'ի գլխովն կարևարառաւէլքան թէ վայելուչ ինչ վարկուցեալք : Յետ այնորիկ , 'ի գարման կաշառակրծութեանն Դիմոսթենի , բարւոյք 'ի դիմի հարան և գրեցին 'ի հրամանի անդ , զի օրէն իցէ , ում ումեք և կամք իցեն 'ի հելլենացւոց , մինչև յամիս երիտ 'ի նմին տրձանի ³⁸ ընդ ամենացիս 'ի գիր անցանել , և բազարդ լինել երջմանցն և գաշանց : Երկու ինչ մեծ այնու աճապարեալ ածեալ զբառմբ . նախ՝ զերեքամ տեսյ ժամանակն բաւական առ հելլենացւոցն հրեշտակութիւն պատրաստեալ , և ապա զմտերմութիւն հելլենացւոցն հասարակաց ժողովովն շահեալ քաղաքիս . որպէս զի եթէ անցումն լինիցի զուխտիւքն , մի մեք միայն և անկազմք զպատերազմն մղեսցուք , որպէս այժմն եհաս մեզ կրել 'ի ձեռն Դիմոսթենեայ :

Եւ թէ հաւատարիմ բանքս իցեն 'ի հրամանէ անտի լուեալ 'ի միտ առնուցուք :

ՀՐԱՄԱՆ ՆԻՋԱԿԱԿՑԱՑ

Վկայեմ զի պաշտպան կացի ես հրամանիդ այգմիկ , և ամենեքեան որ յառաջնում ատենին խօսեցան առ ժողովուրդն : Մեկնեցաւ ժողովուրդն յուսով թէ եղիցի խաղաղութիւնն , բայց եղիցի՝ հասարակ հաւանութեամբ հելլենացւոցն բոլորեցունց . և զի ոչ բարւոյք իցէ խորհել 'ի նիզակակցութիւն յետ կոչ առնելոյ առ հելլէնս : Գիշեր մի ընդ մեջ , և եկաք 'ի վաղիւ անդր 'ի ժողովն : Անդ կանխեալ գրաւեալ Դիմոսթենի գրեմն և ոչ սւմեք տեղի թողեալ խօսից , ոչ ինչ օգուտ ասաց լինել յերեկի բանիցն , եթէ ոչ 'ի նոյնս հաւանեացին հրեշտակք Փիլիպպեայ . և առանց նիզակակցութեան չձանաչեմ ասաց զխաղաղութիւնն : Զի չէ պարտ , ասէ , — քանզի յիշեմ և զբայն ասացեալ՝ առ ատելութեան խօսողին և բանին , — չէ պարտ պատառել

'ի խաղաղութենէն զնիզակակցութիւնն, և ոչ յապաղանացն հելլենացոց ակն ունել, այլ մեզէն տալ պատերազմ կամ խաղաղութիւն առնել առանձինն : Եւ 'ի կատարածն կոյս՝ յատեան անդր կոչեցեալ զԱնտիպատրոս, հարցանէր հարցումն ինչ, ցուցեալ նմա յառաջագոյն զոր ասելոցն էր, և ուսուցեալ զոր հակառակ քաղաքիս պիտոյ էր նմա տալ պատասխանի : Եւ հուսկ ուրեմն ելին այգոքիկ 'ի յաղթութիւն, Դիմոսութենի՝ բռնիւ հարստահարեալ, և Փիլիոկրատեայ գրեալ զվճիռն :

Եւ զոր մնայրն նոցա, վտարանդի տալ զՎերսորջեպտէս և զգաւառն Թրակիոյ, արարին և զայն՝ որ օր քսան և հինգ էր Ելլափեթոլիոն ամսեան, չև չուեալ Դիմոսութենի 'ի յետին հրեշտակութիւնն՝ որ յաղագո երգմանցն : Քանզի թշնամիդ այդ Ալեքսանդրի և Փիլիպպեայ, ճարտարախօսգ ձեր, երկիցս չոգաւ հրեշտակութեամբ 'ի Մակեդոնիա, որ և ոչ մի անգամ արժան էր և արդ հրաման տայ արհամարհել զմակեդոնացիսն : Եւ 'ի ժողովին, զվեցերորդ աւուրն ասեմ, հնարիւք եղեալ ատենակալ, նստեալ մասնեաց 'ի ձեռս ետ զՎերսորջեպտէս միաբանութեամբ ընդ Փիլիոկրատեայ : Զի Փիլիոկրատէս զանխաբար ընդ այլ բանս հրամանին արկ խառնեաց, և Դիմոսութենէս վճիռ ետ առնել, յորում գրեալ կայր . « Ատենակալացն նիզակակցաց երգմնի լինել առ հրեշտակն Փիլիպպեայ 'ի սմին յայսմ աւուր : » Այլ 'ի դիմաց Վերսորջեպտի չգոյր ոք բազմեալ գահակից : Եւ երգումն հրաման տալով բարձակցաց ատենին՝ արգել զՎերսորջեպտէս, որ չէր աթոռակից յատենի անդ :

Եւ թէ ճմարիտ ասիցեմ՝ ընթերցիր ինձ, ո՛ այն ոք էր որ գրեացն զայսոսիկ, և ո՛ այն ոք նախագահ՝ որ ետն վճռել :

Հ Ի Ա Մ Ա Ն . Ն Ա Ի Ա Գ Ա Հ

Գեղեցիկ, ո՛վ արք աթենացիք, գեղեցիկ է հասարակաց դպրութեանցն դիւան . քանզի անշարժ իմն է, և ոչ շքլի

ընդ գասալիքսն³⁰ քաղաքականութեան, այլ տայ ժողովրդեան՝ յորժամ և կամիցին՝ ճանաչել զորս վաղուց չարքն իցեն, և խնդրիցեն բարերար երևել ՚ի վերին երեսս :

Մնայ ինձ զքժնութեանց նորա անցանել բանիւ : Քան զի Դիմոսութենի, ուլ արք ատենացիք, զամ մի ողջոյն խորհրդական եղեալ, ոչ ուրեք երբեք երևի ՚ի բարձերիցութիւն կոչեալ ՚ի հրեշտակաց զոք . այլ նախ զառաջինն և յայնժամ միայն հրաւիրեաց զհրեշտակսն ՚ի բարձերիցութիւն⁴⁰, և բարձկնեարս արկ, և պատառս սփռեաց ծիրանածուէնս, և ընդ այդն՝ առաջնորդեաց հրեշտակացն ՚ի տեսարանն, մինչև ՚ի չչիւն լինել վասն ծանակութեանն և սրտկանացն : Եւ ՚ի ժամ մեկնելոյ նոցա ՚ի Թեբէ՝ ՚ի վարձու կալեալ երիս լուծս ջորուց⁴¹, յուղարկեաց զհրեշտակսն ՚ի Թեբէ, արկեալ զքաղաքս մեր ՚ի կատականս :

Այլ զի մի ըստ ճառս ելից արտաքս, առ ինձ զհրամանն որ վասն բարձերիցութեանն :

Հ Ի Ա Մ Ա Ն

Արդ դա, ուլ արք ատենացիք, այդչափ մեծ գ սրտակասպաս, լուեալ յառաջագոյն ՚ի լրտեսացն Քարիգեմոսի⁴² զմահն Փիլիպպեայ, ստեղծեալ իւր անուրջս իմն առ ՚ի դիցն, ստեաց իբրև ոչ ՚ի Քարիգեմեայ առեալ զազգ իրին, այլ յԱրամազդայ և յԱթենասայ, առ որս ՚ի տուէ սրտեր գումն եղեալ, գիշերի խօսակիցս իւր ասէ լինել զնոսս, և հանդերձելոցն նախապատումս : Եւ դեռ եօթնօրեայ մեռեալ ունելով զգուտոր իւր, յառաջ քան զսուգն և զօրինի սպասն նմա հարկանելոյ, պսակ ՚ի գլուխ և սպիտակահանգերձ զոհէր արջառս⁴³, և անօրինէր . չուռառականն՝ որոյ զայն որ կորուսեալ էր՝ որ միայն և առաջին կարգացեալ էր զնա հայր⁴⁴ : Ոչ ՚ի Թշուառութիւնն ոանհար լինիմ, այլ զբարսն կրկտեմ . զի որդիատեացն և անզգամ հայր՝ ոչ երբեք լինիցի քաղաքավար բարերարոյ . և որ յանձանց

սիրելեացն և ընտանեկաց զգուծ իւր փակէ, ոչ առ աւելի ինչ զձեզ զօտարոտիսդ կալցի բնաւ . և որ առանձինն չարն է, ոչ երբեք հրապարակաւ բարի լինիցի . և որ առ տնին խոտանն է, ոչ բնաւ ՚ի Մակեդոնիա ընտիր և քաջ էր ՚ի հրեշտակուծեանն . զի ոչ զվարան, այլ զվայրան ⁴⁵ և թ փոփոխեաց :

Արդ՝ թէ ուստի ՚ի յեղափոխուծիւն իրացն եկն, — քանզի այս երկրորդ է նորա ժամանակ, — և թէ զինչ պատճառքն իցեն, զի Փիլիկրատէս զհանգոյն Դիմոսթենի քաղաքավարուծեանցն կրեալ ամբաստանուծիւն՝ ասրազիր եղև, իսկ Դիմոսթենէս եկաց զայլոց չարախօս, և թէ ուստի բնաւ յայս տառապանա խարդաւանեաց զմեզ այրդ պիղծ, զյագոսիկ մտադիւրագոյն ևս արժան է լսել :

Զի իբրև այն ինչ մտեալանց Փիլիպպոս ընդ Դրոււնն ⁴⁶, և զքաղաքս փոկկիսացւոց յեղակարծումն տարակարծի տապալեաց, և զթերացիսն՝ որպէս ձեզ թուէր ՚ի ժամանակին՝ առաւել քան զպատեհ ժամուն և զձեր օգուտ զօրագոյնս յարդարեաց, և ձեր զարհուրեալ՝ ժողովեցէք զազնս ձեր ՚ի բացավայրաց, և փուրսիշ ծանր ամբաստանուծեան զհրեշտակացն կայր զերթելոցն զխաղաղուծեանէն, մանաւանդ զՓիլիկրատեայ և զԴիմոսթենէ, զի ոչ միայն պատգամաւորեցան, այլ և հրամանացն գրողքն էին . — և զայնու ժամանակօք գէպ եղև ընդ հակառակս ելանել Դիմոսթենի և Փիլիկրատեայ՝ գրեթէ զնոցին իրաց՝ զորոց և ձեր կասկածեալ էր զգժտուծիւն նոցա ⁴⁷, — յայսպիսոյ խոռովուծեան ՚ի ներքս անկանել ընդաբոյս ախտիւքն իւրովք զառաջիկայիցն առնոյր խորհուրդ, վատուծեամբն և նախանձուն ընդ Փիլիկրատեայ կաշառառուծիւնն . և համարէր՝ զի թէ զորոց ընդ իւրն էին ՚ի հրեշտակուծեանն՝ և զՓիլիպպոսէ չարախօս ամբարձցի, յայտ իսկ կորնչիցի Փիլիկրատէս, և որ այլ ևս ընդ նմայն էին հրեշտակքն վտանգեացին, և ինքն հաճոյ եղիցի, և մատնիչն սիրելեաց և ապիրատն՝ երևեսցի հաւատարիմ ժողովրդեանն : Իրա-

զգաց եղեալ Թշնամեաց հանգոտեան քաղաքիս, լրջմատու
Թեամբ հրաւիրէին զնա յատեան, զնա միայն անկաշառ
'ի քաղաքիս անուանեալ: Իսկ նորա մատուցեալ՝ բանայր
նոցա դուռն մարտի և ամբոխից: Իսկ այդ է, ով արք աթե-
նացիք, որ նախն եգիտ զբերգն Սերրիոս և զԻորիսկոս և
զԵրզնակէ և զՄիրտիակէ և զԳանոս և զԳանին. վայրք՝ զու-
րոց և ոչ զանուաննն գիտեաք յառաջագոյն: Եւ յայն տա-
րեալ հասոյց զիրան, մինչ զի եթէ չառնիցէ հրեշտակս Փի-
լիպպոս, արհամարհոտ քաղաքիս ասել զնա. իսկ Թէ առ-
նիցէ, լրտեսս առաքել և ոչ հրեշտակս: Եւ եթէ 'ի քա-
ղաք ինչ հասարակ և հաւասար ապաստան առնել կամիցի
զմասուց ինչ դատաստան, ասել՝ Թէ չիք դատաւոր հա-
սարակ ընդ մեզ և ընդ Փիլիպպոս: Տայր նա մեզ զհալոնե-
սոս ⁴⁸. իսկ դա չնրէր առնուլ՝ եթէ տայցէ, այլ ոչ 'ի
գուրս տայցէ, զվանկից վիճելով: Եւ հուակ ուրեմն՝ պա-
կեալ զպատերազմեալն ընդ Արիստոգեմալ 'ի Թեաալիա
և 'ի Մագնեսիա հակառակ ուխտիցն խաղաղութեան, ըզ-
հաշտութիւնն ելոյծ, և նիւթեաց զըմբաղ և պատերազմ:

Այո՛. բայց պղնձի և ագամանգեայ պարսպաւ, ըստ
իւրում ասելոյ, զաշխարհս մեր պարսպեաց նիզակակցու-
թեամբն եւրիացւոց և Թերացւոց: Այլ, ո՛ արք աթենա-
ցիք, յայդմ իսկ մեծամեծս նենգեցայք, և ոչ գիտացէք:
Թէպէտ և փութամ ճեպիմ ասել զզարմանալի նիզակա-
կցութենէն Թերացւոց, այլ վնսն կարգի խօսիցս՝ զեւրիա-
ցւոցն արարից նախ յիշատակութիւն:

Քանզի ձեր, ո՛ աթենացիք, բազում և մեծամեծ կրեալ
մնասս 'ի Մենասարքոսէ քալիխացւոց՝ 'ի հօրէն Վալլիա-
սայ և Տաւրոսթենի ⁴⁹, զորս դա այժմ՝ կաշառագնաց լեալ՝
յանդգնի ընդ աթենացիս 'ի համար արկանել. դարձեալ և
'ի Թեմիսոնէ երեարիացւոյ, որ 'ի խաղաղութեան զՈրո-
պոս 'ի ձէնջ Թափեաց ⁵⁰. զայսոսիկ կամու մոռացօնս ա-
րարեալ ձեր, իբրև Թերացիք դիմեցին յԵւբիա՝ ջանա-
ցեալք ընդ լծով արկանել զքաղաքսն, յաւուրս հինգ հա-

սէք նոցա յօգնութիւն՝ ³¹ նաւուք և հետևակազօրու . և յառաջ քան զաւուրս երեսուն տիրապետեալ Եւբոյ , դաշնաւորեալ զթեբացիս՝ արձակեցէք զնոսս , և զքաղաքսն ինքնին՝ ՚ի գլխովին և զպետութիւնս նոցին անդրէն դարձուցէք ուղղութեամբ և արդարութեամբ առ աւանդատուն , ոչ իրաւունս դատեալ՝ յիշել զքարկութիւն առ ՚ի ձեզ հաւատացեալսն :

Եւ այսչափս առ ՚ի ձէնջ տեսեալ բարիս քալկիսացոց , ոչ ըստ այնմ ինչ հատուցին ձեզ շնորհս . այլ իսկ և իսկ իբրև անցէք յԵւբիա յօգնականութիւն Պլուտարքեայ ³² , ՚ի սկզբան անդ գէթ պատճառէին բարեկամս ձեզ լինել . իսկ իբրև այն ինչ հասաք ՚ի Տամինայս , և զանց զՎոտիլէոն ³³ անուանեալ լերամբն արարաք , անդ Վալլիաս քալկիսեցի , զոր կաշառարեկդ Ղիմոս(Թենէս գրուատէր , յակն արկեալ զքանակ քաղաքիս ՚ի դժուարին անձուկս ուրեք պաշարեալ , ուստի չէր նոցա ելք առանց յաղթութեան մարտի , և ոչ ուստեք յոյս օգնականութեան՝ ոչ ՚ի Ծովէ և ոչ ՚ի ցամաքէ , զօրաժողով արարեալ յամինայն Եւբոյ , և տուեալ ածել գունդ ՚ի Փիլիպպոսէ , և եղբօր իւրոյ Տարոս(Թենի , որ այժմ ալ ուջունի կարկառէ առ ամենեսին և Ծիծաղի , անցուցեալ անդր զգլխակիսացիան օտարականս , առհասարակ եկին անկան ՚ի վերայ՝ սատակել զմեզ : Եւ Թէ չէր նախ ուրուք ՚ի գից փրկեալ զքանակ մեր , և ապա զօրականիդ ձերոյ հեծելոց և հետևակաց արիացեալ , և առ ասպարիսի Տամինայց յաղթեալ մարտին՝ ճակատու պատերազմի , և դաշնաւորս զ(Թշնամիան արձակեալ , վտանդ ՚ի վերայ կայր մերոյ քաղաքիս՝ ամօթապարտ ձազ և Ծանակ լինելոց : Զի ոչ եթէ դժբախտութիւն ՚ի պատերազմի մեծ ինչ չար իցէ , այլ յորժամ ընդ անարժանս անձինն արտուեանս՝ ՚ի կռիւ մտեալ ուրուք և ձախողեսցի , այն անշուշտ կրկնապատիկ աղէտք իցեն : Համայն ձեր այգամ ամենայնի համբերեալ , միւսանդամ հաշտեցարո՞ւք ընդ նոսս :

Բայց Վալլիաս քալկիսեցի թողութեան ՚ի ձէնջ հան .

գիպեալ, սուղ ինչ ժամանակ առեալ զկայ՝ անգրէն վարեալ եկն յիւր բնութիւն . բանիւ զեւրփական ժողովն 'ի Քալիլիս գումարեալ, և արդեամբք հզորագոյն զԵւրփա պատրաստեալ ձեզ ախոյեան, և արարեալ իւր հարստութիւն նշանաւոր : Եւ զօրավիզն յայն յուսացեալ առնուլ զՓիլիպպոս, խաղաց գնաց 'ի Մակեդոնիա, և չքէր ընդ Փիլիպպեայ և կոչէր մի 'ի սիրելեաց նորա : Սակայն մնասակար գտեալ և առ Փիլիպպոս, և անտի ևս փախստական գնացեալ անկաւ առ Թերաքիոն : Այլ և զնոսա ընդ վայր հարեալ, և քան զԵւրփաոս ⁵⁴ առ որով բնակէրն, յաճախագոյն կերպարանափոխ լեալ, Թերաքցոց և Փիլիպպեայ յատելութիւն գարձաւ : Եւ 'ի վարան տագնապի յանհնարս մտկալ թէ յինչ ձեռն արկանիցէ, նա զի և հրաման ևս եղև պատերազմի 'ի վերայ նորա, յոյս մի ևեթ փրկութեան ետես մնացեալ, գաշակից առնուլ զաթեւացոց ժողովուրդն՝ զնիզակակիցն անուանեալ, զի օգնական լինիցի՝ եթէ որ ուստեք յառնիցէ 'ի վերայ իւր . որ և գիպելոց իսկ էր յայտնապէս, եթէ չէր ձեր եղեալ խափան :

Չայս խորհուրդ 'ի մտի եդեալ հրեշտակս առնէ այսր զԴլաակետէս և զԵմպեդոմէ և զԴիոգորոս զերկայնընթացն ⁵⁵, բերել ժողովրդեանս յոյս անտոի, իսկ Դիմոս Թենի և Իւրոցն՝ արծաթ : Եւ երիս ինչս միանդամայն գնեաց . առաջին, չանկանել 'ի ձերմէ նիզակակցութենէն . զի չգոյր ինչ այլ 'ի միջի, եթէ ժողովրդեանս զմտաւ զառաջին անիրաւութիւնան ածեալ՝ չառնոյր յանձն զնիզակակցութիւնն, այլ կայր նմա՝ կամ փախստեայ գնալ 'ի Քալիլիսէ, կամ ձերբակալ եղեալ մեռանել . այնչափ սպայ 'ի Փիլիպպոսէ և 'ի Թերաքցոց գումարտակ լինէր 'ի վերայ նորա : Երկրորդ, առ որ զնիզակակցութիւնն հրովարտակ առնէր՝ զային կաշառքն, որպէս զի քալիլիսացիք մի 'ի ժողով եկեսցեն յԱթէնս ⁵⁶ : Եւ երրորդ, զի մի հարկս ինչ հարկանիցէ : Եւ ոչ 'ի միոյն իմքէ կամացն իւրոց վերպեաց Կալլիաս . այլ Դիմոս Թենէսագ բռնաւորատեաց, որպէս ինքնգ ձևա-

նայ, զորմէ և Կտեսիփոն զօգասագոյնան ասէ միշտ ճարտարախօսեալ, դա մասն եղև շահից քաղաքիս, և գրեաց 'ի նիզակահցութեան անդ՝ երթալ մեզ 'ի Թիկունս քալիկասացւոց, բան մի ևեթ փոփոխեալ՝ 'ի փոխարէնս այնմ՝ յօրինուածութեան սակս՝ յաւելեալ 'ի գրին, քալիկասացւոց գալ յօգնութիւն՝ եթէ դք յաթենացիս արշաւիցէ: Իսկ զժողովն և զհարկս՝ որովք գոյր զօրանալ պատերազմին, վտարանդի ետ համօրէն, գեղեցիկ գեղեցիկ անուամբք ըզձաղանաց գործան հրաման տուեալ, և բանիւք հրապուրեալ զձեզ, որպէս թէ պարտ իցէ քաղաքիս նախ զօգնութիւնս մատուցանել մշտակարօտ հելլենացւոց, իսկ զնիզակահցութիւնսն ապա յեամայ զկնի բարերարութեանցն:

Բայց առ 'ի քաջ խելամուտ ձեզ լինելոյ՝ զի ճամբիտ են բանքս, ծն առ ինձ զգիր հրամանին Վալլիասայ, և զնիզակահցութիւնն, և կարգա զվճիռն:

Վ Ճ Ի Ռ

Սակայն ոչ այն ինչ է գժնդակ, եթէ օգուաք այնպիսիք վաճառեցան և ժողովք և հարկք, այլ գժնդակագոյն քան զայն երևեսցի ձեզ զոր յասել կամ: Զի Վալլիաս քալիկասեցի յայն չափ ամբարտաւանութեան և ազահուութեան եհաս, և Դիմոսթենէս՝ գովեալք 'ի Կտեսիփոնէ՝ յայն կաշառակրծութիւն, մինչև զհարկան Որէոսի և Երեարիոյ՝ զտասն տաղանդան, ձերով իսկ տեսանելով և իմանալով և հայելով, գաղտագողի բառնալ 'ի միջոյ, և զերեսփոխանս քաղաքացն այնոցիկ հանեալ 'ի ձէնջ՝ անդրէն 'ի Քալիկիս և յեւբիականն անուանեալ ժողով գումարեւ՝⁵⁷: Իսկ թէ սրպէս և որով խորամանգութեամբք, զայդ այժմ արժան է լսել:

Քանզի հասեալ առ: ձեզ, ոչ ևս 'ի ձեռն հրեշտակացն, այլ ինքնին իւրով անձամբն Վալլիաս, և եկեալ 'ի ժողով ժողովրդեանն՝ խօսեցաւ բանս 'ի Դիմոսթենէսայ յօրի-

նեալս : Զի ասէր զանձնէ 'ի Պելլոպոնեսեայ եկեալ, նորոգ հրաման տուեալ աշխարհին՝ հանել հարկս հարիւր տաղանդաւ չափ 'ի կռիւն ընդդէմ Փիլիպպոսի . և 'ի համար ևս արկանէր՝ որչափ ինչ պարտն էր միում միում հանգանակել : պքայեցւոց և մեգարացւոց համօրէն՝ վաթսուան տաղանդ, և որոց յԵւբիա քաղաքաց առ հասարակ՝ քառասուն . և 'ի գանձէ անախ զօրաժողով լինել ընդ ծով և ընդ ցամաք . և թէ՛ էին այլ ևս բազում քաղաքք հելլենացւոց՝ յօժարեալք 'ի բաժանորդ լինել հարկատուութեանն, մինչ զի ոչ ինչ չքաւորել՝ ոչ արծաթով և ոչ ամբոխիւ : Եւ այսոքիկ մերկապարանոցք . բայց ասէր և այլ ինչ իրս գործել 'ի ծածուկ, և վկայս այնոցիկ լինել զոմանս 'ի մերոց աստի քաղաքացւոց . և 'ի վախճանել խօսիցն՝ յականէ յանուանէ 'ի մել կոչէր Ղրիմոսութենէս, և աղաչէր պատսպարան լինել :

Իսկ գորս յառաջ մատուցեալ պարկեշտական նազանգք՝ 'ի գովութիւն առնոյր զՎալլիաս, և պատճառէր գիտել ըզգաղանխան, և կամել ասէր պատմել ձեզ զհրեշտակութիւնն յոր չոգաւ 'ի Պելլոպոնէս ⁵⁸ և յԱլաոնանիա : Եւ բանից գլուխ խօսից նորա այս էր, թէ զամենայն պելլոպոնեսացիս և զսկառնանացիս ինքն 'ի հարկի կացուցեալ էր ընդդէմ Փիլիպպոսի, և հրամայեալ սակ արծաթոյն՝ էր 'ի լրումն բովանդակութեան սրարչաւ նաւաց հարիւրոց, և բիւրուց հետևակամարտ զօրաց և հազար հեծելոց . և թէ՛ յայդոսիկ յաւելուցուն գունդք պետութեանցն, 'ի Պելլոպոնիսէ աւելի քան զերկու հազար սպառազէն, և յԱլաոնանիոյ այլ ևս նոյնչափ . և այսր ամենայնի սպարապետութիւն տացի 'ի ձեռս ձեր . և այդ ամենայն բովանդակեսցի ոչ նազան քան զվշտասան ամսոյն Աթետտերիոնի . զի քարոզեալ և պատուիրեալ էր յիւրմէ քաղաքի քաղաքի, գալ ամենեցուն ժողովել 'ի խորհուրդ յԱթէնս 'ի լրման լուանի : Զի այրդ այդ զիւրն և եթ գործէ, և ոչ զհասարակացն . զի այլ ամբարհաւաճք յորժամ սուտ ինչ խօսիցին, անյայտս և անհաւաստիս հնարին ասել, կասկածեալ թէ գուցէ փա-

չաման ինչ կրեացեն • իսկ Դիմութենէս յամբարտաւանեղն՝ նախ երգամամբ ստէ՝ զանձն ՚ի մահ նզովելով, և ապա՝ զոր ինչ քաջ գիտէ թէ չէ լինելոց՝ յանդգնի ասել, համար ևս առնելով թէ երբ լինիցի • և զորոց զգէմն տեսեալ իւր չիք՝ զնոցս անուանան ասէ, գողացեալ զունկնդրութիւն և զըստուգարանից առեալ կերպարանս : Վասն որոյ և յոյժ արժանի առեղութեան է • զի որ ինքն չարն է՝ զլաւացն գրոշմս զեղծանէ : Զայդոսիկ բարբառեալ՝ տայ գալրին ընթեռնուլ վճիռ մի երկայն քան զՆիխականն, և ունայն քան զձառան զոր սովորն է խօսել, և քան զվարս կենաց իւրոց, բայց լի անլինելի յուսով, և բանակզք՝ որոց չիք ուրեք երբեք խրմբել : Եւ զբաղեցուցեալ զձեզ բացէ ՚ի բաց արտաքոյ խարկանացն, և յուսովք զբօսեցուցեալ, անդ ապա ուշ ՚ի կուրծս յինքն գալարեալ՝ զիր հանէ հրամանի, ընտրել և առնել հրեշտակս յԵրեարիա, զի երթեալ աղաչեսցեն զբրետրիացիս, — զի և պարտ իսկ էր աղաչել զնոսս, — մի ևս ձեզ տալ զհարկն՝ զհինգ տաղանդն, այլ՝ Վալլիասայ • և կրկնել ընտրել այլ ևս հրեշտակս յՈրէնոս առ որէոսացիոն, զի աղաչեսցեն՝ զնոյնս հասարակ ընդ աթենացիս բարեկամս և թշնամիս համարել : Եւ ապա ՚ի վերայ ամենայնի, ՚ի հրամանի անդ երեւի ընդ խաբանան յաւելեալ գրեալ, աղաչել հրեշտակաց զորէոսացիան, ոչ ձեզ՝ այլ՝ Վալլիասայ տալ զհինգ տաղանդն :

Եւ թէ շջմարիտ իցեն ասացեալքս, թողեալ ՚ի բաց զպոռտոսոյ ճուղմնն և զպատերազմիկ նաւան և զհպարտ ամբարտաւանութիւնն, ան ՚ի ձեռս ընթերցիր զպատիր խարեղութիւնն՝ զոր քողասուզեաց այրն պիղծ և անօրէն, զորմէ Վտեսիփոն և ՚ի գրի ասս յայսմիկ հրամանին ասէ միշտ յօգտակարադոյնս ժողովրդեանն աթենացոց բանիւք և արդեամբք անգուլ ջանացեալ :

Հ Ր Ա Մ Ա Ն

Լուարուք դուք ապաքէն բանիւ զնաւատորմն , և զհե-
անակախումբ գումարտական , և զլուսնին լրումն ⁸⁰ և զժո-
ղովոցն ակումբս , բայց զբաժս նիզակակցացն հարկաց կո-
րուակք արդեսամբք :

Մնայ ինձ ասել , թէ տաղանդս երիս վարձս առեալ
Դիմոս(թենի՛) այնպէս զհրամանն զայն գրեաց . տաղանդ մի
'ի Քալկիսէ՛ի ձեռն Կալլիսասայ , տաղանդ մի յԵրեւորիոյ
'ի ձեռն Կլիտարքոսի ⁸⁰ բռնաւորին , և տաղանդ մի յՈ-
րէոսէ՛ որով և նշաւակեցաւ իսկ . վասն զի որէոսացիք՝ ըն-
կերահաշատեզք վարին , և զամենայն ինչ՝ ի հասարակ կամաց
հաւանութենէ վճարեն : Քանզի ծախեալք սպառեալք ՚ի
պատերազմին ընդ Փիլիպպեայ , և ՚ի տաղնուտ տարակուսի
մտեալք , սուսքեն առ գա զԳնոսիդեմոս , զՔարիդենի որ-
դին՝ իշխանին կացելոյ երբեմն յՈրէոս : Իսկ գա ետ պատասխանի
Գնոսիդեմայ , չունել ինչ պէտս փոքու իմիք պղնձոյ , այլ
զտաղանդն պահանջել ՚ի ձեռն Կալլիսասայ : Բռնագատեալ
որէոսացւոց և անձեռնհաս գտեալ , գրաւականեցին նմա
փոխանակ ընդ տաղանդոյն զհասս պետութեանն , և ածին
Դիմոս(թենի՛ կաշառառութեանն ամնոյ ամնոյ վաչի՛) մի մի
գրամ՝ առ մնաս մնաս , մինչև հասուցին զգլուխն : Եւ գոր-
ծեցաւ այդ ՚ի հասարակաց ժողովրդեանն հրամանէ :

Եւ թէ արգար ասեմ՝, առ ինձ զգիր հրամանին որէո-
սացւոց :

Գ Ի Բ Հ Ր Ա Մ Ա Ն Ի Ո Ր Է Ո Ս Ա Ց Ի Ո Ց

Այդ աւագիկ է հրամանն , ո՛վ արք աթենացիք , քաղա-
քիս ամօթ , կշտամբանք ոչ փոքր՝ Դիմոս(թենի՛ քաղաքա-

վարութեանցն , և յայտ յանդիման ամբաստանութիւն զՎտեսնիփոնէ . զի այսպիսում զօշաքաղ կաշառառուի չեք այր բարի լինել , որպէս իշխեաց սա գրել 'ի հրամանին :

Աստ յայսմ վայրի է տեղի երրորդ ժամանակին , դառնագունին քան զամենայն ժամանակ , յորում կորոյս Ռիմոսթենէս զիրս քաղաքիս և զհելլենացւոց՝ ամպարշտութեամբն զոր անօրինեցաւ 'ի դելփական մեհեան անդր , և հրամանն տալով զանիրաւ և զանարդար նիզակակցութիւնն ընդ Թեբացիս : Սկիզբն 'ի նորա առ աստուածսն յանցաւորութեանց արարից ասել :

Կայ , ով արք աթենացիք , Կիրրայինն անուանեալ դաշտագետին , և նաւահանգիստն՝ որ այժմ անիծեալ և նզովեալն կոչի : Էր երբեմն զի 'ի տեղւոջն յայնմիկ բնակեցին կիրրացիք և ակրագայեանք ⁶¹ , ազգք քան զբնաւ անօրէնք , ամպարիշտք առ դելփական մեհեանն և առ դահամունն , և յԱմփիկափոնսն ⁶² մեղանչականք : Զայրացեալ ընդ իրան , մանաւանդ նախնեացն ձերոց , որպէս ասին , զկնի ապա և այլոցն Ամփիկափոնաց , հարցին պատգամ յաստուածոյն , որով արժան իցէ պատժով պատուհասել զարսն : Հրաման պատասխանւոյ առնէ Պիւթիա . Պատերազմ տալ ընդ կիրրացիսն և ակրագայեանս զամենայն տիւ և զամենայն գիշեր , և զերկիր նոցա աւար հարեալ և դերի վարեալ զնոսս՝ նուիրել պիւթեան Ապոլոնի և Արտեմեայ և Լետովայ և խնամովին Աթենասայ ⁶³ , խոպան անվար լինել 'ի սպառ , և զվայրն զայն ոչ նոցա ակօսաբեկ առնել , և ոչ այլում Թոյլ տալ : Ընկալեալ Ամփիկափոնաց զպատգամն , հրաման ետուն խորհրդով Սոլոնի աթենացւոյ՝ առն հզօրի յօրէնագրութիւն , և գեգերելոյ 'ի քերդութիւն և յիմաստասիրութիւն , զօրաժողով լինել 'ի վերայ նզովելոցն ըստ աստուածեղէն պատգամին : Եւ գումարտ խմբեալ զօր բազում զԱմփիկափոնացն՝ 'ի ծառայութիւն վարեցին զօրեարն , լիւր արկին իոյին զնաւակայսն , զքաղաք նոցա հիմն 'ի վեր բրեցին , և զերկիրն սրբեալ նուիրեցին ըստ

պատասխանելոյ հրամանին : Եւ 'ի վերայ այնր ամենայնի երգուան երգումն անյեղլի, մի ինքեանց հերկս յերկիրն սուրբ հարկանել, և մի այլում ումեք թոյլ տալ, այլ օգնական լինել աստուածոյն և նուիրական գեանոյն ձեռք և ոտիւք և ամենայն զօրութեամբ : Եւ ոչ հերիք եղև նոցա զերգումնն զայն կուել եւթ, այլ և նզովս և անէծս սաստիկ յաւելին 'ի վերայ : Զի այսպէս գրեալ կայ յանէծան . « Եթէ դք, ասէ, անցանիցէ զայսդիւք, կամ քաղաք, կամ սոսկական դք, կամ ազգ, նզով լիցի յԱպոլոնէ և յԱրտեմեայ և 'ի Լէտովայ և 'ի խնամողն Աթենասայ : » Եւ անէծս կարգայ նոցա, մի երկրին պողաբերել, մի կանանց մանկունս ծնանել՝ նմանս ծնողացն, այլ ճիւղազս, և մի երեքոց ըստ բնութեան զաւակագործել . պարտութիւն 'ի պատեւրազմունս և 'ի դատաստանս և յատեանս, և անձանց նոցա կորուստ՝ և տանց նոցա և տոհմի : « Եւ մի երբեք, ասէ, սրբութեամբ զոհեսցեն Ապոլոնի, մի Արտեմեայ, մի Լէտովայ և մի խնամողին Աթենասայ, և մի նուէրք նոցա լիցին ընդունելի : »

Եւ թէ չչմարիտ ասեմ, ընթերցիր զպատգամն աստուածոյն : Ո՛ւնկն գիք անիծիցն, յիշեցէք զերգմնիսն զոր նախնիքն ձեր ընդ Ամփիկափոնան արարին :

Պ Ա Ց Գ Ա Մ Ն

« Ոչ բերդի քաղաքիս հասու եղեալ կործանեալիք,
Մինչև ավք կապուտակն Ամփիտրիտեայ զանդս աստուածոյն՝
Յափունսըն մեքնչելով 'ի սրբաանուէրս՝ ողողեսցեն : »

Ե Ր Գ Մ Ո Ի Ն Ք . Ա Ն Է Մ Ք

Մինչ գեռ սակաւին անէծքդ այդ և երգմունք և տուեալ հրաման պատասխանելոյն արձանացեալ կային, և կան ևս մինչև ցայժմ, Լոկրացիք Ամփիտասայ ⁶⁴, մանաւանդ վերա-

կացուք նոցին, արք քան զամենեսին օրինազանցք, արօրագիր զքաշան արարին, և զնզովեալ և զանիծապարտ նաւահանգիստան պարսպեալ վերստին՝ խոնեցան անգ ՚ի բնակութիւն, և ժողովեցին բաժա ՚ի նաւելոցն անգր, և յերթելոցն անգր ՚ի դարասանից կաշառաբեկ զոմանս արարին, յորոց մի էր Դիմոսթենէսդ: Չի դարասան առ ՚ի ձէնջ ընտրեալ, առնու գրամս հազար յամֆիխացւոց՝ չառնել և ոչ մի ինչ յիշատակ զնոցանէ յԱմֆիկտիոննս: Խոստացան նմա և առ յապա ժամանակ առաքել նմա յԱթէնս ամի ամի քսան մնաս յանիծեալ և ՚ի նզովեալ ստացուածոց անտի, զի ամֆիխացւոց զօրավիգն լիցի յԱթէնս ամենայն իրք: Ուստի և առաւել քան զոր յառաջն՝ եհաս նմա անբժշկութեան հարուածովք պաշարել զամենեսին յոր և հուպն մատչէր միանգամ, թէ յայր սոսկական, թէ յիշխան, թէ ՚ի քաղաք ընկերահաշտ:

Բայց ամպարչտութեանն ամֆիխացւոց տեսէք քանիօն յալթող դտաւ աստուած և բախտն: Չի առ իշխանաւն թէոգիրաստեալ, մինչգեռ աւանդապահն էր Դիոգնետոս անապիլիստայի, ընտրեցէք դուք դարասանս զՄիդիասն զայն անապիրասեցի՝ որում կենդանի լինել ցանկալի էր մեզ ՚ի բազում գլխոց, և զթրոտսիկէս իոնացի, և երրորդ ընդ նոսա զիս: Ընդ հասանել մեր ՚ի Դելֆիս՝ դէպ եղև նոյնհետայն Դիոգնետեայ աւանդապահին տենդիւ ջերանել. նոյնպէս էր դիպեալ և Միդեայ ⁶⁵: Իսկ այլ Ամֆիկտիոնք կային ակմբեալ: Իսկ որ զմտերմութիւն ընդ քաղաքիս յայտ առնել կամէին, ազգ եղև մեզ ՚ի նոցանէ, զի ամֆիսացիքն նկուռն եղեալ յայնժամ, և չարաչար ՚ի սպասահարկութիւն մտեալ թերբացւոցն, հանէին հրամանս հակառակ քաղաքիդ ձերոյ, տուգանս տաղանդաց հնգից արկանել ժողովրդեանն աթենացւոց. վասն զի ասպարս ոսկիս նուէր կախեցաք ՚ի նոր տաճարին ⁶⁶ մինչ չև էր սրբեալ, և զայս ըստ կարգի գրեցաք ՚ի վերայ. « Աթենացիք ՚ի Մարաց ⁶⁷ և ՚ի թերբացւոց ⁶⁸, ՚ի կռուել նոցա ընդդէմ Հելլենաց: »

Կոչեցեալ զիս աւանդապահին՝ աղաչէր երթալ 'ի ժողովն և ասել ինչ առ Մեփիկափոնան վասն քաղաքիս . զոր և իմ իսկ միաք խնդրէին յառաջագոյն : Յօժարագոյնս մտեալ իմ 'ի ժողովն , ոչ ուրուք յայլոց դարասանիցս 'ի միջն ինեւ լով , իբրև խօսիցս սկիզբն արարի , ամփիսացի ոմն անդուստ զաղաղակ բարձեալ , այր քան զքնաւս ստամբակ , և որպէս ինձ թուէր՝ ոչ միով իւկք խրատու վարելեալ , թերևս և դիւի ուրուք գրգեալ զնա 'ի զառանցանս , « Իսկզբանէ իսկ , ասէ , ո՞վ արք հելլենացիք , եթէ զգաստ եկք , և ոչ անուն ժողովրդեանս աթենացոց անուանէր յաւուրս յայստսիկ , այլ իբրև զնզովս հերքէին 'ի մեհենէն : » Միանգամայն և յուշ առնէր զփոփխացոցն նիզակակցութիւն՝ զոր Կրովբիլոսն⁶⁹ այն գրեաց . և այլ ինչ բաղում և գժընգակ 'ի հեճուկս քաղաքիս 'ի համար արկանէր , խօսելով զոր ոչ յայնժամ ժուժկալէի լսել , և ոչ զարգիս հեշտաբար ինչ ընդ միտ ածեմ :

Զոր իմ լուեալ՝ այնպէս իմն սրտամտեցայ , որպէս ոչ քնաւ երբեք 'ի կեանս իմ : Զանց զայլով բանիւքս արարից , զի 'ի միտս իմ եկն յիշեցուցանել զամփիսացոցն ամսարըշտութիւն 'ի սուրբ երկիրն , և անդուստ յտանկելեաց անափցուցանէի Մեփիկափոնացն , — զի գաշան կիրրային ընդ մեհենիւն կայ դէմ յանգիման . — « Յեսանէք , ասեմ , ո՞վ արք Մեփիկափոնիք , զգաշող զայդ գործեալ յամփիսացոց , և տունս բրտի և հանգրուանս շինեալ 'ի նմա . տեսանէք ձերովք աչօք զնզովեալ և զանիծեալ նաւահանգիստն կառուցեալ . դուք ձեզէն գիտէք անկարօտ այլոց վկայից , զի հարկս հանին դոքս և ժողովեցին արծաթ 'ի սրբանուէր նաւահանգստէն : » Առ սմին ետու նոցա ընթեռնուլ զպատգամն աստուածոյն , զնախնեացն երգումն և զկարգացեալ անէծան . և կնքեալ յայտ արարի , թէ ես 'ի վերայ ժողովրդեանն աթենացոց և գլխոյս իմոյ և որդուցս և տանս՝ հասից ըստ երգմանն յօգնութիւն աստուածոյն և երկրին սրբութեան՝ ձեռօք և ոտիւք և ձայնիւ և ամենայնիւ որով

և կարող ինչ իցեմ իւրք , և զքաղաքն մեր քաւեցից առ 'ի գիցն : « Արդ գուք ձեզէն վասն ձեր խորհեցարուք : Սկիզբն առին խանքն սրբութեան ⁷⁰ , զենլիքն կան առ բազնօք , զբարիս հասարակաց և զանձանց հանգերձեալ էք ինդրել 'ի գից : Տեսէք աղէ՝ որով ձայնիւ , որով հոգւով , որով երեսօք , զ'որ համարձակութիւն առեալ՝ զինդրուածսդ առնիւցէք , անպատուհաս զսոսա թողեալ զնողվեալս և զանիծապարտս : Զի ոչ եթէ առակօք ինչ օրինակաց , այլ պարզ գրեալ կայ յանէծան 'ի զլուխս ամպարշտացն և որոց թոյնն սայցեն՝ զոր ինչ արժանն իցէ նոցա կրել պատիժս . և 'ի կատարած կոյս նզովիցն կայ գրեալ . Որ ոչն , ասէ , պատուհասեսցեն՝ մի սրբութեամբ զոհեսցեն Ապոլոնի , մի Արտեմիայ , մի Լետովայ և մի խնամողին Աթենասայ , և մի զոհք նոցա լիցին ընդունելի : »

Իբրև զայսպիսիս և այլ ինչ բազում առ սոքօք 'ի ճառարկեալ իմ՝ մեկնեցայ և 'ի բաց ելի յատենէ անտի , բազում աղաղակ և աղմուկ լինէր Ամփիկտիոնացն , և ոչ ևս բանք էին զվահանացն 'ի մէնջ նուիրելոց , այլ զամփիսացւոցն պատուհամէ : Իսկ 'ի տարածամել առուրն՝ մատուցեալ քարոզն ասէ . « Որ միանգամ 'ի Դեյփիս երկեմենիւք ըստ արբուսս ելեալքն իցեն ⁷¹ , ծառայ՝ թէ ազատ , եկեսցեն հասցեն ընդ այգանալ աչալըջոցն , առեալ դերանդիս և փայտատս , 'ի Զենարանն ⁷² անդր անուանեալ վայր : » Եւ նոյն քարոզ կարգաց դարձեալ , աւանդապահաց և դարասանից գալ ժողովել 'ի նոյն տեղի յօգնականութիւն աստուածոցն և նուիրական երկրին . « Եւ քաղաք որ ոչ անդ գտանիցի , հերքեսցի 'ի մեհենէն և 'ի նզովս և յանէծս եղիցի : »

Ի վաղու անդր ընդ առաւօտն խաղացաք գնացաք 'ի նկատեալ տեղին , իջաք 'ի կիրրային դաշտավայրն , և զնաւահանգիսսն հիմն 'ի վեր բրեալ , և հրձիգ արարեալ զբնակարանն , դարձաք անդրէն : Մինչգեռ մեք զայնու էաք , ամփիսեան Լոկրացիք՝ վաթսուն վտաւանաւ հեռի 'ի Դեյփաց

բնակեալք, եկին հասին միախուռն զինեալք 'ի մեր վերայ .
և թէ չէր արշաւակի հազիւ հազ միախստեայ 'ի Դելփիս
անկեալ, սատակման 'ի վերայ կայր մեր վտանգ :

Ի վաղորդեան աւուրն Կոտտիփոս ⁷³, որ հարց և քնին
առնէր խորհրդոց, արար հանգէս Ամփիկտիոնաց . զի հան-
դէս անուանեն՝ յորժամ ոք ոչ միայն զբարասանսն և զա-
ւանգապահսն կոչեցէ 'ի մի վայր, այլ և զորս 'ի միասին զու-
հեն և հարցանեն պատգամ յաստուածոյն : Արդ՝ բազում
դատախազք լինէին յայնժամ զամփիսացւոցն, և գովու-
թիւն շատ մերոյ քաղաքիս : Եւ կնիք ամենայն խօսից, հրա-
ման առնեն աւանդապահացն՝ 'ի կէտ եղեալ ժամու յա-
ռաջ քան զլաջորդ ժողովն դալ հասանել 'ի Դրունսն, ա-
ռեալ ածեալ զվճիռն՝ ըստ որում դատաստան տալոց խցեն .
ամփիսացիք զմեղացն առ աստուածն, առ երկիրն սուրբ և
առ Ամփիկտիոնսն :

Եւ թէ զստուգութիւն պատմեմ, ընթերցցի ձեզ դպրա-
պետն զհրամանն :

Հ Ր Ա Մ Ա Ն

Զվճիռդ զայդ մատուցեալ մեր առ ատեանն խորհրդոյ,
և դարձեալ 'ի ժողովի առ ժողովուրդն, հաճեցաւ ժողու-
վուրդն ընդ գործս մեր, և քաղաքս համօրէն բարեպարիշտ
զայնս դատեցաւ : Իսկ Դիմոսթենի՝ 'ի պատճառս ամփի-
սացւոցն դազտորսակ խոստման՝ հակառակ ընդդիմաբա-
նեալ, և իմ յայտ յանդիման առաջի ձեր նշուակեալ զնա,
իբրև ոչ ևս կարէր այրդ յերացն յայանութենէ զեզծու-
ցանել զքաղաքս, մտեալ այնուհետև 'ի խորհրդարանն և 'ի
բաց տարեալ զսոսկականսն՝ հանէ առ ժողովուրդն հրա-
ման մի, պատրեալ զանհմտութիւն գրողին . և զնոյն զայն
'ի ժողովի անդ խորամանգեաց հաստատել և լինել վճիռ
կամաց ժողովրդեան, մինչ դեռ յարուցեալ էր ժողովն և

ես ինքն մեկնեալ, — զի բնաւ չտայի թոյլ, — և բազումք 'ի բաց գնացեալ: Որոյ համառօտն այս ինչ է հրամանին . « Աւանդապահն աթենացւոց, ասէ, և գարասանք՝ որ հանապազորդ գարասանքն իցեն, երթիցեն 'ի Գրունան և 'ի Դելփիս՝ 'ի ժամանակս կարգեալս առ 'ի նախնեաց: Կարի վայելուչ ըստ ձայնիցն, այլ արդեամբք՝ ամօթալի . զի խափան լինի ժամանելոյ 'ի գումարումն անդր Գրանցն, որ հարկաւ յառաջ քան զօրինաւոր ժամանակն ունէր լինել: Եւ գարձեալ 'ի նմին վճռի առաւել ինչ հաւաստի և դաժանագոյն յաւելեալ գրէ . « Աթենացւոցն, ասէ, աւանդապահ և գարասանք՝ որ հանապազորդեան գարասանքն իցեն՝ մի՛ կցորդ լինիցին անդանօր գումարելոցն, մի՛ բանից, մի՛ գործոց, մի՛ հրովարտակաց և մի՛ բնաւ ինչ իրիք իրաց: » Եւ մի՛ բնաւ հուպն լինել զինչ իցէ: ԶՃշմարիտն ասացից արդեօք, եթէ զհնչտալուրն: Ասացից զՃշմարիտն . զի հեշտալին ցանգ խօսեցեալ՝ յայտեղի հասոյց զքաղաքս: Չտայ թոյլ յիշել զերգմունան զոր նախահարք մեր երդուան, և ոչ զանէծան և ոչ զհրաման պատասխանւոյ աստուածոյն:

Եւ արդ մեք, ով արք աթենացիք, ըստ հրամանիդ ըստ այդմիկ կացաք մնացաք . իսկ այլ Ամփիկաթինք ժողովեցան 'ի Գրունան, բայց միայն 'ի միոյ քաղաքէ ^{7A} զորոյ ես զանուան չտայց լեզուիս, և մի՛ այլում ումեք 'ի հելլենացւոց հասցեն հարուածք նորա: Եւ գումարեալ՝ վճիռ արարին զօրախաղաց լինել 'ի վերայ ամփիսացւոց, և սպարապետ ընտրեցին զՎոատիփոս փարսալացի՝ այն որ զխորհրդոցն կամաց զհարցուփորձ արարեալն էր, մինչ գեռչէր Փիլիպպոս 'ի տան իւրում՝ 'ի Մակեդոնիա, և ոչ յԵլլադա մօտ, այլ՝ 'ի Սկիւթա անդր յոյժ բացական . զոր իսկ և իսկ ժպրհեցի ասել Դիմոսթենէս, թէ իմ գրդեալ ածեալ է 'ի վերայ հելլենացւոց: Եւ խաղաղեալ գնացեալ նոցա յառաջնում ասպատակին՝ չափաւորապէս յոյժ վարեցան ընդ ամփիսացիսն: Զի փոխանակ մեծամեծ անիրաւութեանցն՝ ընչիւք չափ և եթ տուժեցին զնոսս, և ժա-

մանակակէտ ևս յայտ արարին հասուցանելոյ զայն աստուածոյն, և զնզովեալն և զիրացն եղելոց պատճառս հալածեալ զվասն կրօնասիրութեան վտարանդեալն գարձուցին անգրէն: Իսկ իբրև ոչ զարծաթն ետուն ՚ի դարս աստուածոյն, և զանխժեալն անգրէն գարձուցին, և զբարեպաշտօնն որ ՚ի ձեռն Ամֆիկաթիոնացն էին գարձեալ եկեալ մերժեցին հանին ՚ի բաց, ապա այնուհետև զերկրորդ պատերազմն ետուն ընդ ամֆիսացիսն յետ հարուստ մի ժամանակի, մինչ գարձ արարեալ հասեալ կայր Փիլիպպոս ՚ի սկիւթական արշաւանէն ⁷⁵. աստուածոցն պարզեցով մեզ զառաջնորդութիւն բարեպաշտութեան, իսկ Դիմոսթենի կաշառակրծութեանն՝ խոչ ընդ ոսն մեզ լինելով:

Ոչ ապաքէն կանխազեկոյց լեալ ազգ մեզ առնէին գիբն զգոյշ լինել, բայց միայն մարդկեղէն և եթ չարձակեալ բարբառ: Իմ չիբ ուրեք տեսեալ երբեք քաղաք առաւել պահպանեալ ՚ի գից, և ՚ի ճարտարախօսաց ոմանց մտանեալ ՚ի կորուստ: Միթէ չէր ինչ բաւական ՚ի զգուշութիւն երևեալն ՚ի խորհուրդս նշան, նորընծայ նաւիրելոցն վախճան մահու ⁷⁶: Ոչ ապաքէն այսոցիկ նախաբարոզ լինէր Ամֆիսագէս զգուշանալ, և առաքել ՚ի Դելֆիս հարցանել զաստուածն՝ զինչ պարտ իցէ առնել. և ոչ ընդգիծախօսէր Դիմոսթենէս, ասել թէ Փիլիպպոսայ ⁷⁷ Պիւթիս, այրդ այդ անխրատ՝ զայելեալ և զմայլեալ իշխանութեամբն ՚ի ձէնջ շնորհելով: Ոչ ապաքէն հուսկ ուրեմն ⁷⁸, մինչքեռ աննուէր և անհաճոյ զոհքն էին, առեալ արձակեաց զգորականն ՚ի յայտնի վտանգ: Եւ սակայն սուղ ինչ յառաջ իշխեաց ասել, յայն սակս ոչ ասպատակ տուեալ և միջամուխ լեալ Փիլիպպոսայ յերկիր մեր, վասն զի զոհքն չէին նմա բարենշանք: Իսկ արդ որով և պատժի իցես դու արժանի, մեղանչականդ Ելլազայ: Զի եթէ յաղթօղն ՚ի պարտելոցն աշխարհ ոչ եմուտ՝ վասն ոչ նմա բարեգուշակ եղելոյ զոհիցն, և քո ոչինչ նախատես եղեալ հանդերձելոցն լինելոյ, մինչ չև ընդունելի լեալ զոհից՝ յուղարկեցեր զբանալին, միթէ

պսակել ինչ զքեզ արժան իցէ 'ի վերայ Թշուառութեանց քաղաքիս , եթէ տարագիր ըստ աշխարհ հանել :

Քանզի զի՞նչ անակնկալ և անկարծելի որ առ մեզք չկատարեցաւ . զի ոչ կեանս կեցաք մէք զմարդոյ , այլ 'ի նորօրինակ զրոյցս զինեացն մերոց ծնաք : Ո՞չ ապաքէն Պարսից Թագաւորն , որ զԱթոս եհերձ , որ զհելլենսպոնտոս կամբըջեաց , որ հող և ջուր 'ի հելլենացւոց խնդրէր , որ յանդըգնէր գրել 'ի հրովարտակս իւր՝ Թէ տէր իցէ ամենայն մարդկան յելիցն արևու մինչև 'ի մուտս , այժմ՝ ոչ վասն աշխարհակալութեան պատերազմի , այլ իւրոյ գլխոյն փրկութեան ⁷⁹ : Եւ փառացս այսմիկ , և ընդդէմ պարսկայնոյն զօրավարութեան՝ ո՞չ զնոսս տեսանեմք արժանացեալս , որ զգէլփական մեհեանն հանին յաղատութիւն : Եւ Թեբէ ինքնին , Թեբէ քաղաք մօտաւոր , ո՞չ 'ի միումաւուր յափըջտակեալ խնցաւ 'ի միջոյ Ելլադայ . Թէպէտ և արդարապէս , զի ոչ ուղիղ խորհեալք զբոլորից . իսկ զարկածն և զխնլագարութիւն ոչ մարդկօրէն , այլ յաստուածուտ կրեալք : Իսկ Թշուառական լակեղեմոնացիք՝ ձեռն և եթմիտեալք իսկզբանէ յիրս աւարառութեան մեհենին ⁸⁰ , որ խնդրէինն երբեմն զգլխաւորութիւն հելլենացւոց , այժմ՝ առ Ալէքսանդր են առաքելոց ⁸¹ կալ 'ի պատանգի և ցոյցս առնել զաղէտս իւրեանց , և անձանց իւրեանց և հայրենի աշխարհին զայն ամենայն չարչարել՝ որ ինչ միանգամ նմա հաճոյ Թուեսցի , և իրաւանց ակն ունել 'ի չափաւորութենէ յաղթողին , առ որ ինքեանք նախ գտեալ են վնասակար : Իսկ քաղաքս մեր , հասարակաց հելլենացւոցն ապաւէն , յոր գային ժողովէին յառաջագոյն Ելլադայ հրեշտակութիւնք , իւրաքանչիւր ըստ քաղաքի քաղաքի զփրկութիւն գտանել 'ի մէնջ , զարդիս ոչ ևս զհելլենացւոցն իշխանապետութենէ ոգորի , այլ զհայրենի յատակէն ⁸² :

Եւ այս ամենայն հասին մեզ յորմէ հետէ 'ի վարչութիւն քաղաքիս եկն ել Ռիմոսթենէս : Զի բարւոզ հատանէ զայդպիսեաց վճիռ հեսիողոսն քերդող : Քանզի ասէ ու-

րէք ⁸⁵ 'ի խրատ ժողովրդոց և 'ի խորհրդակցութիւն քաղաքաց, զչարս 'ի ռամկավարաց մի ընդունել: Այլ էս և զառուանն իսկ ասացից . զի յայն կարծեմ սակա ուսանել մեզ 'ի մանկութենէ զքերդողացն հանձար, զի յարութեան հասակին առցուք 'ի պէտս :

Եւ բազում անգամ ողջն սուտի քաղաք յառնէ չարէ
 Որ ապիրատն երևեալ սրոճայցէ ոճիր աղուսն .
 Զբրուանեանն առ նոսա շարժեալ յերկնից ոտայց հարուած ,
 Սովհամայն և սրածութիւն, և ժողովուրդք վասնեալ սպտուխն .
 Կամ նա զլայն նոցին բանակ կորուսանէ կամ ջրզարիտդ ,
 Կամ զնաւս յանգունդս Արամազդ տհեզամուռնչ պատուհասէ :

Եթէ զչափս ոտից քերդողին քայքայեալ՝ զմիտան կրկնիցէք , կարծեմ թէ ոչ հետդեայ թուիցին ձեզ քերդածք , այլ պատգամ զտեսչութենէն Դիմոսութենի . զի և նաւաստականն մեր , և հետևակախումբ զինուորութիւն , և քաղաքք միանգամայն սպառուսպուռ յափշտակեալ վանդեցան 'ի գորա քաղաքավարութենէն :

Այլ ինձ թուի , ոչ Փրինոնդաս , ոչ Եւրիբատոս ⁸⁴ , և ոչ այլ որ երբեք 'ի վաղնջուցն չարաց՝ այսպիսի երևեալ կախարդ և խաբերայ , որ , — ո՛վ Երկիր և գիք և Քաջք և մարդիկ՝ որոց կամք իցեն լսել զճշմարտութիւն , — որ գէժ յանդիման յերեսս ձեր յանդգնի ասել , թէ թեբացիք՝ ոչ յերեսաց հանգամանաց ժամանակին , ոչ առ մօտալուս հասեալ երկիւղին իւրեանց , և ոչ 'ի պարծանս ձեր արարին զնիզակակցութիւնն ընդ ձեզ , այլ յատենախօսութեանց Դիմոսութենի : Սակայն յառաջ քան զքա բազում հրեշտակութիւնս վճարեցին 'ի թեբէ՝ որք ընտանեզոյիք ոմանք էին նոցա . և նախ թրասիբուլոս ⁸⁵ կոլլիտացի , այր հաւատարիմ քան զբնաւս առ թեբացիս . ըստ նմանէ թրասուլն երբիացի ⁸⁶ թեբացուոցն ասպնջական . ի նոգամաս պրառնացի՝ ⁸⁷ ոչինչ ընդհաս 'ի Դիմոսութենեայ հզոր 'ի բանս , բայց՝ գէթ ըստ իս՝ առաւել քաղցրախօս . Արքեդեմոս

պեղեքացի⁸⁸ և բանիւք զօրաւոր և բազումն ճգնեալ վանն
 Թեբացւոց յիւրում քաղաքավարութեանն . Արիստոփոն
 աղենիեցի՝ հարուստ մի ժամանակ կրեալ զարատ բիովտա-
 նալոյ . Պիւռանգրոս անափիլիստացի, որ արգ ևս կենդանի
 կայ . համայն և այնպէս՝ ոչ դք երբեք ՚ի սոցանէ կարող
 գտաւ ածել զնոսա ընդ ձեզ ՚ի համբոյր : Զպատճառան դի-
 տեմ, այլ չպիտի ինձ ասել՝ վանն նեղութեան կարեաց ժա-
 մանակին նոցա : Բայց կարծեմ թէ իբրև Փիլիպպոս հա-
 նեալ ՚ի նոցանէ զլիկէա ետ ցթեալացիս⁸⁹, և զպատե-
 րալմ՝ զոր յառաջ դարձոյց յերկրէն բիովտացւոց, զնոյն
 զայն պատերազմ ած վերստին ընդ Փոլիկիս ՚ի վերայ բուն
 իսկ քաղաքին Թեբացւոց, և հուսկ ապա առեալ զԵլա-
 տիա⁹⁰ պարսպեաց ամրութեամբ և պահապանս ՚ի ներքս
 արար, անգ յայնժամ՝ յորժամ առ դուրս նոցա հասին
 չարիքն, առաքեալ կոչեցին զաթենացիս . և դուք ելեալ
 գնացեալ մեռք ՚ի Թեբէ, հանդերձեալք ՚ի զէն և ՚ի զարգ,
 հեաւասկք և այրուձի, մինչ չև էր վանկ մի ըոկ Դիմոսթենի
 վանն Թիկանց գրեալ : Եւ որ եմոյծն զձեզ ՚ի Թեբէ՝ ժա-
 մանակն էր և ահապեաք երկիւղին և պէտք Թիկունս օգնա-
 կանութեան առնելոյ, և ոչ Դիմոսթենէս :

Քանզի յերաս յայս՝ երիս մեղս մեծամեծս քան զամե-
 նայն մեղաւ ձեզ Դիմոսթենէս : Առաջին, զի մինչ դեռ Փի-
 լիպպոս՝ յանուան ընդ ձեզ պատերազմէր, բայց արդեամբք
 առաւել ատելութեամբ էր ընդ Թեբացիս, որպէս և ելք
 իրացն յայտ արարին⁹¹, — և զի պիտի յաճախել զբանս,
 — զայնպիսի զկարևորան Թաքուցեալ դորա, և պատճա-
 ռեալ՝ թէ նիզակակցութիւնն լինելոց իցէ, ոչ ՚ի հարկէ հան-
 դամանաց ժամանակին, այլ յիւրոց հրեշտակութեանցն,
 հաճեաց զմիտս ժողովրդեան՝ մի ևս խորհել թէ որով պայ-
 մանօք առնել իցէ զնիզակակցութիւնն, այլ շքտ համարել
 միայն՝ զի առնիցի : Եւ այսմ կանխեալ գամագիտ լեալ, ըզ-
 Բիովտիա համօրէն մասնեաց ետ ՚ի ձեռս Թեբացւոց,
 գրեալ ՚ի հրամանին՝ զի թէ քաղաք ինչ յետս կացցէ ՚ի

Թեբացւոց , աթենացիք 'ի Թիկունս Հասցեն բիովտացւոցն թեբայ ⁸² , բառիւք գողացեալ և վտարանդեալ զիրան , որպէս սովորն է , իբրև Թէ արգեամբք չարչարեալքն բիովտացիք՝ շատանայցեն պաճուճեալ բանիւքն ԴիմոսԹենի , և ոչ մանաւանդ զայրանայցեն ընդ կիրս չարեացն որ անցին ընդ նոսա : Առ այսու և զերկու մասն ծախուց պատերազմին արկ 'ի վերայ ձեր՝ յորոց հեռի էին վտանգք , և զերկր մասն ևեթ՝ Թեբացւոց , առեալ կաշառս վասն ամենայնի այսորիկ : Եւ զգորավարութիւնն որ ընդ ծով եդ հասարակաց , իսկ զծախսն՝ ձեզ միայն առանձինն . և զոր ընդ ցամաք , եթէ չէ պարտ զառանցել , համայն առեալ մտադիւր մատոյց Թեբացւոց . մինչև 'ի պատերազմի անդ ոչ իշխան լինել Ստրատոսիլի զօրագլխին ձերոյ խորհել 'ի փրկութիւն զօրականին : Զայսոսիկ՝ ոչ եթէ ես ինչ չարախօսեմ , և այլք անտես առնեն , այլ և ես ասեմ և ամենեքեան պարսաւեն , և դուք ինքնին իրագէտք էք , և ոչ ցամառք : Զի զայս ախտանայք ընդ ԴիմոսԹենի . վաղ ընդելացեալք լսել զանիրաւութիւնս նորա , ուստի և ոչ զարմանայք : Բայց չէ արժան այդմ այգպէս լինել , այլ զչարել և պատուհասել , եթէ իրաց քաղաքիս պարտ իցէ այսուհետև բարւոք ընթանալ :

Երկրորդ և մեծ քան զայդ անիրաւեցաւ անիրաւութիւն , զի զխորհրդարան քաղաքիս և զընկերհաշտութիւնն ինքնին գլխովին խլեալ Թաքնաբար՝ փոխեաց 'ի Թեբէ 'ի Վագմէականն , մտեալ յուխտ ընդ իշխանսն Բիովալոյ՝ ⁸³ հասարակ հաւանութեամբ զիրան վճարել : Եւ այնչափ ինքն իւրում անձինն հանդերձեաց հարստութիւն , մինչև յատեան այսր անցեալ ասել , Թէ ուր և նմա հաճոյ Թուեսցի՝ երթայցէ հրեշտակութեամբ , Թէ և դուք ոչ առաքիցէք . և Թէ որ 'ի զօրագլխաց նմա բանս ընդգէմ գնիցէ , 'ի ծառայի սակի կալեալ զիշխանսդ և ուսուցեալ մի ինչ հակառակ նմա խօսել , ասէր փուրսիշ յարուցանել յատենէ աստի ընդգէմ սպայապետութեանն . զի 'ի բազում ինչ ասէր

վայելեալ ձեզ բարին 'ի ձեռն իւր յատենէ աստի քան 'ի զօրագլխաց սպարապետութեանն : Եւ վարձս գտեալ 'ի դատարկ տեղեաց այլազգի գումարտակին ⁹⁴, և զարծաթ զօրականին գողացեալ, և բիւր մի այլազգի 'ի վարձու կալեալ ամբիխացւոց, մինչ դեռ ես բողոք յոյժ հարկանէի 'ի ժողովն և քանքատէի, 'ի բառնալ այլազգեացն 'ի միջոյ՝ ած խառնեաց զվտանգն ընդ քաղաքս մեր ընդ անպատրաստ ⁹⁵ : Զի զինչ կարծիցէք փափաքելի Փիլիպպեայ 'ի ժամանակի անդ յայնմիկ . ո՛չ ապաքէն ուրոյն ուրոյն ընդ զօրս քաղաքի քաղաքի, և ուրոյն յԱմբիխասս ընդ այլազգիսն տալ ճակատ, և ըմբռնել զհեյլենացիս վհատեալս յերեսաց այնպիսում հասելոյ հարուածոյ : Եւ այնպիսեաց չարեացապարտ եղեալ Դիմոսութենի, ոչ շատ համարի՝ զի չետ վրէժս, այլ և անազգակի ևս՝ եթէ ոչ պսակ ոսկի պսակիցի . ոչ շատ է նմա հոչակիլ առաջի ձեր, այլ եթէ ոչ և յանգիման հեյլենացւոց քարոզեսցի՝ դըռղեալ գժոխէ : Այսպէս ահա բնութիւն չարաշուէր՝ 'ի մեծ իշխանութիւն հասեալ՝ հասարակաց ոլորէ եղեռն :

Իսկ երրորդ և մեծ քան զձառեալագ այն է՝ զոր ասելս հանդերձեալ եմ : Քանզի Փիլիպպեայ չարհամարհեալ ըզհեյլէնս, և ոչ անգիտացեալ, — զի չէր անհանձար ոք, — թէ զբարեացն յիւրում ձեռին եղելոց՝ 'ի գոյզն ինչ մասին աւուր կուտելոց է, վասն որոյ և ցանկայր իսկ առնել հաշտութիւն, և առաքելոց էր հրեշտակս . և իշխանք թերացւոց 'ի կասկածի կային 'ի սպառնացեալ վտանգէն, և յերաւի . զի ոչ ճարտարախօս ոք անհմուտ մարտի և դասալէք՝ խրատտու էր նոցին, այլ փոփկիսեան տասնամեայ պատերազմն էր խրատեալ զնոսա խրատ յաւերժայիշատակ : Ի լինել այսմ այսպէս, իրազեկ լեալ Դիմոսութենի, և խիթացեալ յիշխանացն բիովտացւոց ինքնուրոյն զհաշտութիւնն առնելոյ՝ ոսկի 'ի Փիլիպպեայ կաշառս առանց իւր առնելով, և անկեաց զկեանսն համարեալ՝ եթէ անմասն 'ի կաշառակրծութենէ ուստեք ելանիցէ, յարուցեալ ընդոստ

'ի ժողովի ժողովուրդեան, ուր ոչ դք 'ի մարդկանն ասէր ինչ, թէ արժան իցէ հաշտութիւն առնել ընդ Փիլիպպեայ և թէ ոչ, այլ որպէս ինքեան թուէր, ազգ իմն առ իշխանն բիով տացւոց առնելով հասուցանել առ ինքն դբաժին առիցն, երգուաւ յԱթենաս, — զոր որպէս թուի 'ի շահ օգտի Դիմոսթենի ճարտարեաց Փիդիաս և յերզմնահարութիւն նորա, — օն և օն, եթէ արժան լինել ասիցէ դք առնել հաշտութիւն ընդ Փիլիպպեայ, բուռն զհերաց այնպիսոցն հարեալ՝ առնուլ տանել զնա 'ի բանտ . նմանող իմն լինելով քաղաքավարութեանն Ալէոփոնի⁹⁶, որ առ լաիկեպեմոնացւոցն պատերազմաւ, որպէս աւանդի, զքաղաքս կորոյս : Այլ քանզի ոչ պատկառ կացին նմա իշխանք թերացւոց, նա և զուեալ զնացեալ զօրս ձեր դարձուցին յետս, զի 'ի խորհուրդ վասն հաշտութեանն մասնիցէք, անդ բնաւ խկ 'ի շամբշութիւն հատեալ, և յատեան երեալ՝ մատնիչս հելլենացւոց դաւաճանս զբիովտացւոց իշխանն կոչեաց . և գրել ասաց հրաման, այն որոյ չէր երբեք յերեսս թշնամեաց զակն կառուցեալ, առաքել ձեզ հրեշտակս 'ի Թեբէ, ինդրել 'ի թերացւոց անտի անցս 'ի վերայ Փիլիպպոսի : Իշխանք թերացւոց զամօթի հարեալ, թէ գուցէ արդարև մատնիչս հելլենացւոց լինելոյ կարծիս առնուցուն, յետս կացին 'ի հաշտութենէն և 'ի պատերազմ յորգորեցան :

Աստ արժան է և զարանցն այնոցիկ զքաջաց առնել յիշատակ, զորս գորա, մինչգեռ աննուէր և անյաջող զոհքն էին, արձակեալ յանշուշտ վտանգ, իշխեաց ապա փախըստեայ և դասալիք ոտիւքն ելանել կանգնել 'ի շիրիմ⁹⁷ վախճանելոցն, և վնոցա առաքինութիւնն գրուատել : Ո՛վ առ մեծամեծմն և կարևորս՝ քան զամենայն մարդիկ անպիտանագոյնդ, և 'ի յանդգնութիւն խօսից՝ գեր 'ի վերոյ զարմանալիք, կամիցլն սոյնհետայն ձեռն 'ի գործ արկանել՝ զակն պիշ ունելով յերեսս սոցա՝ և ասել, թէ յաղէտս աստ քաղաքիս արժան է քեզ պսակել : Եւ եթէ ասիցէ ևս դա, ունիցլք դուք ժոյժ, և ընդ վախճանեալն մեռանիցի ու

րեմն և յիշատակդ ձեր : Եկայք աղէ եղերուք ինձ մնազդ խոն ինչ ժամանակ, ոչ յառեհի աստ, այլ՝ ՚ի տեսարանին . և գրեալիք՝ Թէ տեսանիցէք զքարողն յառաջ մատուցեալ, և զոր հանգերձեալն է լինել ըստ հրովարտակին զքարուղութիւնն լսիցէք . և հարցփորձ արարէք ընդ միտս ձեր, եթէ հաշուիցիք արդեօք Թէ ընտանեակք վախճանելոցն առաւել ինչ արտասուա արկանիցեն յողբերգութիւնսն և ՚ի կարիս գիւցազանցն, որ սոցին իրաց զհետ ՚ի մեջ գայցեն, քան ՚ի վերայ ապախտաւորութեան քաղաքիս : Զի ո՞ այն դք այր հեղին իցէ և ըստ ազատաց օրէնս դաստիարակեալ, որում ոչ ցաւեսցէ, ՚ի յուշ լինել նմա՝ եթէ ոչ այլ իմիք՝ գէթ այսմ, զի անդ ուրեմն երբեմն ՚ի սմին յայսմ աւուր, մինչդեռ որպէս այժմն ողբերգութիւնք լինելոց էին, յորժամ բարեկարգ ևս էր քաղաքս և ընտրելագոյն առաջնորդօք վարէր, յառաջ անցեալ քարողն և ՚ի մեջ մատուցեալ զորքան՝ որոց անկեալ էին հարքն ՚ի ճակատու, պատանեակս սպառազէն զարգարեալս, կարգայր զգեղեցիկն քան զամենայն քարող և խրախուսիչ յառաքինութիւն . զայն Թէ « Զպատանեակքս զայսոսիկ՝ որոց հարքն կատարեցան ՚ի պատերազմին արութեամբ քաջութեամբ նահատակեալք, աւասիկ մինչև յարբունս հասակի իւրեանց անոյց ժողովուրդն . իսկ այժմ սովին սպառազինութեամբ վառեալս արձակէ բարեպատեհ բախով երթալ դառնալ ՚ի գործս իւրեանց, և կոչէ զնոսա ՚ի յառաջագահս »⁹⁸ : Քարողէր զայս յայնժամ, բայց ոչ ևս այժմ . այլ մերձ կացուցեալ զլարեացապարտն որբութեան մանկրուոյն՝ զինչ քարօղեսցէ, կամ զինչ բարբառ արձակեսցէ : Զի եթէ ընդ հրամանս հրովարտակին անցանիցէ և եթէ, համայն սլ լութեամբ ծածկեսցի ամօթն որ ՚ի չջմարտութենէն, այլ ձայնի քարողին հակառակ ընդգէմ բարբառել թուեսցի, այն զի Զայրս զայս, եթէ գա այր իցէ, պսակէ ժողովուրդ պթենացւոց վասն առաքինութեան՝ զվասացն վաստ, վասն քաջութեան՝ զանարին և զգասալէքն : Մի,

աղաչեմ զձեզ՝ ո՛վ արք աթենացիք, երզմնեցուցեալ յԱրամազք և յայլ աստուածան, մի՛ ՚ի կաքաւարանի անդ Սպանդարամետին՝ նշան վատթարութեան անձանց ձերոց կանգնիցէք, և մի զաթենացւոցս ժողովուրդ առաջի հելլենացւոց խելագար յանդիմանեալք, և մի՛ թշուառական թեքացւոցն յուշ արկիլք զանհնարին և զանբուժելի աղէտս նոցա, զորս վանս գորա վտարանդիս և փախստեայս ՚ի քաղաք ժողովեցէք, զորոց զմեհեանան և զորդիս և զգերեզմանս կորոյս կաշառակրծութիւն Դիմոսթենի և ոսկին թազաւորական :

Այլ քանզի անձամբ ոչ դիպեցայք, գոնէ մտգբ հայեցարուք ՚ի տառապանս նոցա, և դիք ՚ի մտի՛ թէ ահա տեսանիցէք քքաղաքն յառ և յաւար մատնեալ, զպարիսպան կործանեալ, հրոյ ճարակ զապարանան, զկանայս և ըզմանկտի վարեալ ՚ի գերութիւն, զԾերոնիս յարանց և ըզպառաւուռնս ՚ի կանանց անազան ուրեմն մոռացեալ զաղատութիւն, կական բարձեալ՝ զձեզ աղերեսելով, սրտմտեալ՝ ոչ ընդ վրէժինդիրս իւրեանց, այլ՝ ընդեղեռնագործան այգր ամենայնի, պաղատին առ ձեզ՝ մի և մի իւրք օրինակաւ ըզգահիճդ Ելլադայ պսակել, այլ և ՚ի դիւէ և ՚ի բախտէ անտի որ արքանեկէ աւնդ՝ անձնապահ լինել : Զի ոչ քաղաք և ոչ այր դք սոսկական՝ Դիմոսթենի խորհրդով վարեալ յանգորր ել երբէք յաջողութեամբ : Եւ գուք, ո՛ւ արք աթենացիք, ո՛չ ամաչիցէք, եթէ ՚ի վերայ նաւավարացն նաւելոց ՚ի Սալամիս օրէնս եդեալ, զի թէ դք ՚ի նոցանէն յակամայ կամս զնաւակն չըլիցէ յանցի անդ, մի ևս օրէն լիցի նմա կալ նաւավար, որպէս զի մի. դք խօլաբար ընդ կեանս հելլենացւոց վարեցի, իսկ զտապալիչդ Ելլադայ և քաղաքիս համանգամայն, թողուցուք անդրէն միւսանգամ ՚ի վարչութեան իրացս հասարակաց ⁹⁹ :

Իսկ առ ՚ի ճառել և զըրրորդ ժամանակէն և զայժմուհաստատելոց իրացս, յիշեցուցանել կամ է ինձ ձեզ, զի Դիմոսթենէս ոչ ՚ի զօրուէն միայն եղև գասալք փախստա-

կան, այլ և 'ի քաղաքէս զի առեալ նաւ մի զձեր պատե-
րազմի, գնաց ժողովեաց արծաթ 'ի հելլենացւոց : Իսկ իբրև
անականկալ իմն փրկուածիւն ած դարձոյց զնա այսրէն 'ի քա-
ղաքս, զառաջին աւուրսն զգողանի հարեալ կայր այրն, և
կիսամահ յատեան մատուցեալ ստիպեաց զձեզ՝ զինքն
ընտրել պահապան խաղաղութեան : Բայց դուք առժա-
մայն ոչ տայիք թոյլ գրել 'ի հրամանսն զանուն Դիմոս-
թենի, այլ նաւախկէսի հրամայէիք զայն . իսկ այժմ և
պսակ ևս խնդրէ : Իսկ իբրև վախճան եհաս Փիլիպպոսի, և
Ալէքսանդր եկաց յիշխանութեանն, անդրէն վերստին բան-
դազուշեալ դորս՝ մեհեանս կանգնեաց Պաւսանիայ ¹⁰⁰, և
ընդ բամբասանօք արկ զատեանդ՝ աւետեաց զոհս մատու-
ցաներոյ . և աւելի անուն եգ Ալէքսանդրի Բախած . և իշ-
խեաց ասել թէ ոչ ուրեք խլրտեսցի նա 'ի Մակեդոնիոյ .
զի շատ համարի, ասէր, ելանել զգնալ 'ի Պելլա, և ընդե-
րահարց լինել ¹⁰¹ : Եւ զայս ոչ 'ի կարծ ինչ ասեմ, ասէր,
այլ ճշտիւ գտակաւ, զի գինք արեան է առաքինութիւն :
Ինքն զի անարիւն դք է, և զԱլէքսանդրոս նկատեալ ոչ ըսա-
բնութեան Ալէքսանդրի, այլ ըստ իւրում անարուածեանն :
Իբրև թետալացիք հրաման ետուն պատերազմի 'ի վերայ
քաղաքիդ ձերոյ, և մանուկն համբակ յիրաւի էր ցտսու-
ցեալ յառաջու, և բանակն զթերաւ կայր, պատգամաւոր
առ 'ի ձէնջ ընտրեալ՝ փախտեաց դարձաւ եկն 'ի միջոյ Կի-
թերոնի ¹⁰², ոչ 'ի խաղաղութեան և ոչ 'ի գումարտակի
պիտանի դք զանձն երևեցուցեալ : Եւ որ դժնդակ քան
զամենայն է, դուք զգա ոչ 'ի ձեռս ետուք, և ոչ թոյլ ա-
րարէք՝ զի 'ի ժողովի ¹⁰³ հելլենացւոցն դատեսցի . իսկ
այժմ, եթէ ճմարիտ են որ ասինս, դա աւագիկ ետ զձեզ
վտարանդիս :

Ձի որպէս նաւաստիքս ¹⁰⁴ պատմեն և որ չոգանն հրեշ-
տակութեամբ առ Ալէքսանդրոս, — և յիրաւի հաւատար-
մանան իրքն, — Արիստիոն ոմն անուն է պլատեացի, դե-
ղաժաճառին Արիստոբոլեայ որդի, թերևս ծանօթ իսկ

ուժեք 'ի ձէնջ: Պատանեակս այս, քան զայլս գեղեցկակերպ, բնականաց ժամանակս երկայնս 'ի տան Դիմոսթենի առ 'ի զինչ գործել կամ կրել՝ յերկբայս են իրքն, և ինձ բնաւ անովայելուչ յասել: Սա, որպէս լսեմս, [Թէ զինչ որ արգեօք իցէ և որպէս կեցեալ՝ յանծանօթս մնալով, սպրդի մտանէ առ Ալէքսանդրոս և ընդէլանի նմա: Ի սորա ձեռն գիրս յղեալ Դիմոսթենի առ Ալէքսանդրոս, գտանէ վստահ ինչ և հաճութիւն, և բազում շողոմս առնէ: Եւ աստի առէք 'ի միտ, որպէս նման են իրքն ընդ պարսաւանսք:

Զի եթէ խորհչր ինչ յայժմուցս Դիմոսթենէս, և հակառակորդ էր՝ որպէս ասէն՝ Ալէքսանդրի, ժամանակք երեք պատեհագոյնք եկին ելին նմա, յորոց և ոչ մի յօգուտ արկ:

Մի առաջին, զի այն ինչ գեռ յիշխանութիւն յաջորդեալ Ալէքսանդրոս, չև զիրս իւր կազմ յորինեալ, խաղաց գնաց նա յԱսիա ¹⁰⁵. և [Թագաւորն Պարսից՝ հզօր գոյր նաւուք և գանձիւ և ամբոխիւ հետեակազօրու, և յառաջամիտ էր ընդունել զվեզ 'ի նիզակակցութիւն վասն եկեալ հասեալ իւրոց վտանգիցն: Խօսեցար ինչ բան յայնժամ, Դիմոսթենէս, կամ հրաման ինչ գրեցեր: Վամին զի եզից զքեզ ահաբեկեալ յայնժամ և զքո բարսք առեալ 'ի կիր: Սակայն աշխարհին ժամանակ ոչ ներէ երկչոտութեան ճարտարախօսին:

Իսկ իբրև համագունդ ամենայն սպայիւն եկն էջ Դարեհ, և Ալէքսանդրի սպառնալքք 'ի վերայ կային 'ի Վիլիկիա ¹⁰⁶, զի ցականեալ ամայի էր յամենայնէ, որպէս գուգ ասէիր, և անգէն հետ ընդ հետ՝ ըստ քում բանիդ՝ սմբակակոխ լինելոց էր 'ի պարսկախուժք այրուձիոյն ասպատակէ. և մինչ գեռ քաղաքս ոչ տանէր զքո յաւակնութիւնդ, և զնամականին զոր 'ի մատունսք յեռեալ ճեմէիր, և ցուցանէիր ոմանց ոմանց զերեսս իմ իբրև զպակուցելոյ ուրուք և վճատելոյ, և ոսկեզիւր ¹⁰⁷ զիս կոչէիր և ասէիր զենլի պսակեալ 'ի սպանդ, եթէ հարուած ինչ պատահեսցէ

Ալեքսանդրի • համայն և ոչ յայնժամ արարեր ինչ, այլ այլում իմիք բարեպատեհ ժամու թողուիր :

Արդ զայսու ամենայնիւ զանց արարեալ ասացից զայժմու նորակարգ իրացս : Լակեզեմոնացիք և այլազգի 108 զօրականն պատահեցան մարտիւ, և սատակեցին զզօրն որ զՎորրագաւ : Բայց էլիացիք ՚ի կողմ ելին նոցա, և պբայեցիք առ հասարակ՝ բաց ՚ի պելլենացւոց, և Արկադիա համօրէն՝ բաց ՚ի Մեգալոպոլսէ • այլ և սա ՚ի պատնէշ պաշարուն ՚ի նեղ անկեալ և զօր ամենայն յառնուլ կայր : Իսկ Ալեքսանդրոս՝ ըստ Սայն և գրեա թէ ըստ ոլորոս տիեզերաց ՚ի բաց անցեալ գնացեալ էր, և Անտիպատրոս հարուստ մի ժամանակ լինէր զօրաժողով, և առաջիկայն անյայտ : Յայտ արա մեզ աստանօր, ով Դիմոսթենէս, զինչ այն ինչ էր զոր գործեցեր բնաւ, և զինչ այն զոր խօսեցար երբեք • և թէ կամիս՝ աամ քեզ տեղի ՚ի բեմէս՝ մինչև առ սացես : Այլ զի լուռ կաս պապանձեալ առ աազնապի տարակուսանացդ, ներողամիտ լինիմ առ քեզ • և զոր յայնժամն ասացեր՝ ես այժմ ասացից :

Ո՛չ յիշիցէք զկծծի և զանհաւատ բանս դորա, որոց զիարդ դուք, ով արք երկաթիք, հանդուրժեցէք ՚ի լուր, յորժամ մատուցեալ ասէր • « Իբրև զայգի յատանեն ոմանք զքաղաքս, կոճոպեն կէսք զբարունակս ժողովրդեանն, զիլիս իրացն առնեն կարթակոտոր, ողորակապ յանձուկս կաշկանդիմք, այլք զարբանս իբրև ասողունք կրատեն : » Իսկ զինչ այդդիկ լցեն, այ աղուես • բանք, եթէ հրէք : Եւ դարձեալ, յորժամ շուրջ յածեալ զքեզ յատենին՝ կոկողարանէիր իբրև ախոյանացեալ Ալեքսանդրի • « Վկայեմ՝ թէ ինև ասպտամբեցին Լակեզեմոնք, վկայեմ՝ զի ինև վտարանջեցին թետալացիք և Պերրէպք 109 : » Դու զգիւղ մի վտարանջեցուցես • գո՛ւ հուպ մատիցես, չասեմ թէ ՚ի քաղաք, այլ ՚ի սուն մի՝ ուր կասկած գուցէ վտանգի : Բայց միայն՝ թէ ուրեք կարասուոյ ծախք լինիցին, անդ մերձ անցեալ նստիցիս • այլ առն ինչ գործ՝ գործեսցես ոչ :

Իսկ եթէ ինքնօրէն ինչ դէպ տայցէ, գու անգէն կերպարա-
նեսցիս, և 'ի վերայ եղելոյն և կատարելոյն գրոշմեսցես ըզ-
քեզ . այլ եթէ արհաւիրք ինչ 'ի վերայ հասանիցեն, փա-
խիցես 'ի բաց, իսկ եթէ քաջալերեալ համարձակիցիմք ինչ,
պարգևս խնդրեսցես և պսակ սոկի պսակիլ :

Այո՛, բայց ուսմկավարութեան նախանձաւոր է : —
Այլ եթէ 'ի ճոռումբանութիւն խօսից գորս գէտակն ու-
նիցիք, խաբեսիլք՝ որպէս և յառաջն . իսկ եթէ 'ի բնու-
թիւնն և 'ի ճմարտութիւն, ոչ պատրիցիք : Այսպէս մտէք
ընդ գմա 'ի հաշիւ, և ես ընդ ձեզ 'ի համար արկից՝ որ ինչ
պարտն իցէ լինել 'ի բնութեան առն ուսմկավարի և ցած-
նոյ . և 'ի հակառակէն եղից՝ որպիսի ինչ որ լինիցի այր սա-
կաւուց իշխանապետութեան սիրող և վառթար . և ձեր
ընդ միմեանս հարեալ զերկօսեան զայդ՝ 'ի քնին առէք զգա,
ոչ ըստ որում բանքն իցեն դորա, այլ ըստ որում կեանքն :

Արդ ես ամենեցուն ձեզ խոստովանեալ համարիմ, թէ
'ի ուսմկավարն պարտին լինել այսպիսի : Նախ, զի ինքն ազատ
իցէ և առ 'ի հօրէ և առ 'ի մօրէն . զի մի վասն տոհմին ան-
կածութեան՝ թշնամի օրինաց իցէ որ պահեն զընկերհաշ-
տութիւն : Երկրորդ, զի 'ի նախահարց անաթի իւրոց երախ-
տիք ինչ գտանիցին առ ժողովուրդն, կամ, որ կարևորա-
գոյն ևսն է, մի ինչ խէթ ոխութեան, զի մի առ 'ի զօրա-
վիզն լինել նախնեացն տառապանաց՝ չարիս ինչ ընդ քա-
ղաքն անցուցանել նկրտիցի : Երրորդ, զգաստ և չափաւոր
արժան է լինել նմա 'ի բնէ 'ի հանապազորդ վարսն, զի մի
առ ծախուցն շրայլութեան կաշառեսցի 'ի վնաս ժողովըր-
գեան : Չորրորդ, մտավարժ լինել և կորովի 'ի բան . քանզի
բարի է խելամտութիւն յընտրութիւն լաւագունացն, և
գիտութիւն ճարտարախօսի և բան՝ առ 'ի հաւան զունկն
գիրան ածելոյ . իսկ թէ ոչ, զիմաստութիւն նախամեծար
ընտրելի է քան զբանից կորովութիւն : Հինգերորդ, քա-
ջատիրա լինել, զի մի 'ի տաղնապողականս և 'ի վտանգս՝
ընդ վայր զժողովուրդն հարկանիցէ : Իսկ որ սակաւուց իշ-

խանութեան թեկն ածիցէ, ամենայն ինչ հակառակ ընդդէմքն այդոցիկ գտանիցին 'ի նմա . զի զլ' Լա պիտոյ իցէ առնու վերստին :

Եւ արդ տեսէք , զլ'նչ յայսցանէ գտանիցի 'ի Դիմոս թենէս . և քննութիւն առնիցի ամենայն արգարութեամբ : Դորա հայր էր Դիմոսթենէս պէանեցի , այր ազատ , զի չէ պարտ ստել : Բայց 'ի մօրէն կուսէ և 'ի մօրն հաւուան՝ որ պիսի ինչ իցէ . ես ասացից : Գիշոն անուան էր ոմն 'ի Վերամիկոնէ ¹¹⁰ . մատնեալ սորա 'ի ձեռս թշնամեաց զԼիմիէոն որ 'ի Պոնտոս ¹¹¹ , մինչգեռ քաղաքիս էր այն տեղին , յարեալ 'ի վերայ նորա փուրսիչ ամբաստանութեան . չեկաց նա չմնաց դատաստանին , այլ տարադէմ փախստեայ գնացեալ ¹¹² և 'ի մահ դատակնքեալ՝ երթեալ հասանէ 'ի Բոսպոր , և սուսու անդ պարգևս 'ի բռնաւորաց անտի զանուանեալսն Բուրաստանս ¹¹³ . և առնէ կին՝ զվեծատուն դք՝ անշուշտ , երդուեալ յԱրամազդ , որ և ոսկի բազում էբեր նմա . բայց յազգէ՝ սկիւթացի : Յորմէ լինին նմա դատերք երկու , զորս առաքեալ նորա այր բազմագանձ ձոխութեամբ , զմին ամուսնաւորեաց ընդ ո և պէտ ումբ , — զի մի շատից յաչաց ելանիցեմ . — և զմիւսն , արհամարհեալ զօրէնս քաղաքիս՝ առ իւր կնութեան Դիմոսթենէսն պէանեցի ¹¹⁴ . և 'ի սմանէ ծնեալ է ձեզ կախարդասարգ այդ և զլպարտիչ Դիմոսթենէս : Արդ ըստ մայրենի հաւուան՝ թըշնամի արդեօք իցէ դա ժողովրդեանս , զի զնախնիս նորա 'ի մահ պարտաւորեալ է ձեր . և մայրենեօքն՝ սկիւթացի , խուժագուժ , հելլենացի և եթ ուսեալ ձայն . վասն որոյ և ըստ ժանտութեանն չէ բնիկ :

Իսկ ըստ հանապազօրեայ վարուցն՝ զլ'նչ դք իցէ : Ի նաւագործէ դպիր երևեալ , զհայրենիսն այպանելի օրինակաւ վատնեալ , և կարծիս անհաւատարմի առեալ յայգուսիկ , և բանագնաց ընդ ոստիսն եղեալ՝ դիմեաց ել 'ի բեմաաենին : Եւ 'ի քաղաքէս առեալ արծաթ առատ՝ սակաւ ինչ մնացոյց . իսկ այժմ՝ ոսկին թագաւորական յորդեալ

զեղեալ ողողեաց զԾախս դորա • բայց և ոչ այն շատ լիցի • զի և ոչ մի ինչ ճոխութիւն լիացոյց երբեք զչարախտավար վարս : Եւ գլուխ ամենայնի, ոչ յիւրոց հասիցն զկեանսն պաշարէ, այլ՝ ՚ի ձերոց վտանգիցդ :

Իսկ ըստ մտաւորութեան և բանից կորովութեան՝ որ պիտի իցէ : Դժնեայ ՚ի խօսել, վատթար ՚ի կեալ • զի և զիւր իսկ մարմին և զգաւականերութիւն այնպէս իմն խառնավար արարեալ, որպէս զի չառնում յանձն զգործեցեալն ճառել • քանզի և տեսեալ իսկ է իմ երբեմն յաչաց ելեալ զայնոսիկ՝ որ զվերձաւորաց գարշելիան կարի իմն հաւաստեալ ՚ի վեր հանէին : Թո՛ղ զայդ, զի՛նչ անտի օգուտ քալաքիս : Խօսքն բարիք, գործքն դառնիք :

Իսկ զարուածենէն՝ սուղ ինչ մնայ ինձ առել : Զի եթէ յուրաստ կայր յերկչոտութենէն, կամ թէ գուք ընդ իւր չէիք իրագէտ, գեղերեալ յամենայր ինձ արդեօք աստանոր բանս • այլ քանզի և ինքն խոստովան լինի ՚ի ժողովն, և ձեր իսկ միտքդ վկայեն, ոչ այլ ինչ մնայ՝ բայց յուշածել զոր ՚ի վերայ այսոցիկ զօրէնսն : Քանզի վաղեմի օրէնըսգիրն Սոլոն՝ նմին պատժոց պարտ համարէր զայն որ չառնուցու յանձն զինուորել, և որ զգաս իւր լքանիցէ, և զերկչոտն ինքնին գլխովին • զի են են և երկչոտութեան փուրսիչք ամբաստանութեան : Այլ զարմասցի ոք թերևս ՚ի ձէնջ, թէ իցեն և բնութեան դատախազք : Ե՛ն : Ընդէր : Զի իւրաքանչիւր ոք ՚ի մէնջ, քան ՚ի թշնամեացն՝ ՚ի պատժոց օրինացն երկուցեալ, նահատակ ախոյեան իւրոյ աչխարհին լինիցի : Արդ օրինագիրն՝ զզինուորեալն և զվատն և զգասալիք փախստականն՝ միապէս արտաքոյ սրբութեան սրկարանացն ¹¹³ հրապարակին արդելու • չտայ պսակել, և ոչ ՚ի հասարակաց քաղաքաժողով մեհեանսն մտանել : Եւ դու՝ զանարժանն ըստ օրինաց պսակի՝ հրամայես մեզ պսակել, և քով հրամանաւդ ՚ի կաքաւարան ողբերգակացն հրաւիրես զչարժանին, ՚ի տաճար Սպանդարամետին զայն՝ որ իւրով վատութեամբն մատնիչ և դահիճ եղև մեհենեացն :

Այլ զի մի՛ ՚ի կարգէ բանին ըստ արտուղի վարեալ ստե-
րիւրեցից զձեզ, զայս յուշ ածէք . յորժամ առմիավար զք
զանձն լինել ասիցէ, հայեսիլք՝ մի՛ ՚ի բանս նորա, այլ՛ ՚ի
կենցաղն . և միտ եղեալ նայիցիք՝ ոչ յոր ինչ զանձն ասիցէ
լինել, այլ՛ յոր ինչ և էն :

Եւ քանզի զպսակաց բանք անկան մեզ և զպարզեաց ,
մինչ գեռ . ՚ի մօր ունիմ՝ կանխեմ ասեմ ձեզ, ո՛ սրբ աթե-
նացիք, զի թէ ոչ ՚ի բաց խափանիցէք զառատաձիր պար-
գեադ և զտարապարտ վայրավատնումն պսակացդ, ոչ պս-
տուեալքն շնորհ ինչ ձեզ կալցին, և ոչ քաղաքիս իրք յուղ-
ղութիւն գայցեն : Ձի զապիրատսն ոչ երբէք ՚ի լաւութիւն
ածիցէք, իսկ զընտիրսն՝ ՚ի յետին արտմութիւն արկանի-
ցէք : Եւ ՚ի ստուգութիւն բանիցս՝ ակն ունիմ նշանակս
ցուցանել ձեզ մեծամեծս : Ձի թէ հարցանիցէ զք զձեզ .
արդեօք փառաւորագոյն ձեզ թուիցի քաղաքս յայժմու-
ժամանակիս, թէ առ նախնեօքն . խոստովան լինիլք միա-
բարբառ, թէ առ նախնեօքն : Եւ արք յայնժամ արդեօք
լաւագոյնք էին, թէ այժմ : Յայնժամ լաւագոյնք, իսկ զար-
դիս յոյժ վատթարեալք : Իսկ ասպա պարզէք և պսակք և
հռչակութիւնք և պարէնք ՚ի Պրիտանին ¹¹⁶, արդեօք ՚ի
ժամանակին յայնմիկ յորդեալ էին, եթէ յարդեանս առ
մեօք : Յայնժամ բարութիւնք չէին ինչ յաճախ առ մեզ,
և անուն առաքլինութեան պատուական էր . իսկ այժմ՝
վաղ հնացեալ անջբացեալ ¹¹⁷ է բանդ, և զպսակելն՝ սովո-
րութեամբ և ոչ խնամով ինչ առնէք :

Արդ՝ որ միանգամ զայդ այգպէս զմտաւ ածիցեն, ան-
ճահ թուիցի նոցա, զի պարզէք յաճախաւորք իցեն այժմ,
և իրք քաղաքիս՝ յայնժամ առաւել քան այժմս բարդա-
ւաձք . և արք՝ այժմ յոռեգոյնք, իսկ յայնժամ ազնուա-
գոյնք : Եւ զայս ես ձեռն արկից ուսուցանել զձեզ : Միթէ
համարիցիք, ո՞վ արք աթենացիք, թէ յօժարիցի զք ընդ
կիրթ ոլիմպիականացն անցանել կամ այլոյ իրիք պսակա-
բեր մրցանաց, ամենախումբ մարտին կամ այլոյ ուրուք ՚ի

Ժանր ծանր նահատակութեանց, եթէ ոչ քաջագունին տացի պսակն, այլ որ հայթայթանդն շահիցի: Բնաւ և ոչ դը ընդ վարժան կամեսցի ելանել: Իսկ այժմիկ, կարծեմ, վասն անօսրութեանն և դժուարակոխին լինելոյ, և վասն գեղեցկութեան և անմահ յիշատակի յաղթութեանն՝ յանձն առնուն ոմանք, զանձն 'ի ձեռին եգեալ, և մեծաց ժուժկալեալ ասուսպանաց, 'ի ճգնութիւնդ մտանել¹¹⁸: Գրեալք՝ Թէ դուք իցէք քաղաքական առաքինութեանն հանդիսադիրք, և ընտրեսլք: զի Թէ զպարգևս սակաւուց ոմանց և արժանաւորաց և ըստ օրինացն մատուցանիցէք, բազում լինիցին ձեր նահատակք առաքինութեան: Իսկ եթէ որով ումէք և կամիցի, և որոց հնարիմաց մարթուջքն իցեն՝ շնորհիցէք, եղծանիցէք յայնժամ և զբարեբարոյ բնութիւնսն:

Եւ զի զուզութիւն խօսիմ, կամիմ փոքր մի ևս առնել զձեզ խելամուտ: Արդեօք լաւագոյն այր թուփցի ձեզ լեալ Թեմիստոկլէս զօրավարն 'ի նաւամարտի անդ Սալամիսայ՝ յորում յաղթեցէք պարսկայնոյն, եթէ Դիմոսթենէսդ դասալք: Եւ Միլտիարէս՝ յաղթողն խուժայնոց 'ի Մարաթոնեան ճակատամարտին, եթէ դա: Եւս և նոքա՞ որ 'ի Փիլէայ¹¹⁹ դարձուցին այսրէն զխախտեալ ժողովուրդն: Եւ Արիստիլէս՝ արդարն յորջորջեալ, անուն ժառանգեալ աննման Դիմոսթենին . . . : Այլ իմ յաստուածսն ոչիմբականսն երդուեալ, ոչ 'ի գէպ վարկանիմ՝ 'ի նոյն աւուրս զգազանդ զայդ ընդ արսն ընդ այնոսիկ յիշատակել: Ցուցցէ արդ Դիմոսթենէս 'ի խօսան իւրում, իցէ՞ երբէք եղեալ հրաման պսակելոյ զդր յարանց անտի: Ապա ուրեմն ապախտաւոր էր ժողովուրդն: Քաւ լիցի. այլ մեծախորհուրդ. և որ ոչն առին պատիւ, արժանաւորք քաղաքին. զի ոչ 'ի նշանագիրս համարէին պատուել, այլ 'ի յուշ յիշատակի երախտաւորելոցն, որ 'ի ժամանակէ անտի յայնմանէ մինչև յորս յայս կոյ մնայ անմահ:

Իսկ զինչ ընդունէին պարգևս. արժան է և զայն յիշատակել: Առ նովին ժամանակօք, ով արք աթենացիք, էին

ովանք որ բազում ճգանց և կարևոր վտանգաց ժուժկալ եղեալ, առ Սարիմոն գետով ¹²⁰ պատերազմեալ յաղթեցին Մարաց: Սոցա այսր հասեալ՝ խնդրեցին պարգև 'ի ժողովրդենն, և շնորհեաց նոցա ժողովուրդն պատիւս մեծամեծս, որպէս 'ի ժամուն թուէր. երիս Հերմէաս ¹²¹ քարեղէնս կանգնեւ 'ի դահլճին Հերմեայց ¹²². բայց ոչ զանուանս իւրեանց գրոշմեւ 'ի նոսա, զի մի զօրավարացն, այլ ժողովրդեանն համարեացի արձանագիր:

Զհաւաստիս բանիցս 'ի նոցունց իսկ 'ի քերդածացն ծանկիլք. զի յառաջնունն 'ի Հերմեայց անտի արձանագրեալ էր .

Սըրտապինդ էին և այնք, որ 'ի Մարացն երիտասարդս
Աւ Էնեհիւ անդ ուրեմն ըզյորձանօք Սարիմոնի՝ ¹²³
Ըզսովըն տապախարչ և զբուռն ահեղ ածեալ Արէս,
Յառաջեցին զբտանեւ ըզթըշնամեացըն տազնապ:

Եւ յերկրորդունն,

Եւ զայս վարձըս հատուցին զօրագլխացն աթենացիք
Փոխան արիտուր երախտեացն և մեծի այն քաջութեան .
Զոր տեսեալ զք յապառնեաց՝ ևս առաւել խրախուսեացե
Համաշխարհին 'ի վերայ իրաց տաժանս յանձն առնուլ:

Եւ 'ի վերայ երրորդին Հերմեայ գրեալ էր,

Ի քաղաքէ աստի երբեմն Մենեսթեւս ընդ Ատրիդայս ¹²⁴
Յաստուածայինն առաջնորդ 'ի տրովականն եղև զաշա:
Զոր երբեմն Հոմերոս գանայեցւոց զբահագգեստից
Ռազմայարդար ճակատուց ասաց եկեալ այր շքեղ:
Այտպէս չէ ինչ անդէպ աթենացւոց առնուլ անուն՝
Պատերազմաց յօրինիչ և քաջօրէն արութեան:

Իցէն ուրեք զօրավարացն անուանք . և ոչ ուրեք, այլ ժողովրդեանն: Մատերուք արդ մտօքդ և 'ի սրահն Նկարէն ¹²⁵. զի ամենայն առաքինի հանդիսից յիշատակարանք

'ի հրատարակին կան ձեզ առաջի : Իսկ զի՞նչ իցէ զոր աւեմս , ո՛ր արք աթենացիք : Անդ մարաթոնեանն նկարեալ կայ ճակատամարտ : Իսկ ո՞վ զօրագլուխն էր : Առ այս հարցումն՝ ամենեքեան տայցէք պատասխանի , թէ Միլտիագէս . սակայն չիք անդ անուան նշանագրեալ : Ո՞րպէս . թիթէ չհայցեանց զպատիւդ զայդ : Հայցեաց , բայց չէտ ժողովուրդն , այլ փոխանակ անուանն՝ զայն և թ շնորհեաց նմա , զի առաջին 'ի գլուխ գնդին նկարեսցի՝ խրախուսելով զզօրականն ¹²⁶ : Եւ 'ի մեհենի Դիցամօրն ¹²⁷ առ երի խորհրդարանին , զոր ինչ ետուքն պարզև այնոցիկ որ զգաղթական ժողովուրդն այսրէն դարձուցին 'ի Փիլեայ՝ գոյ տեսանել : Զի որ զհրամանն զայն գրեաց և յաջողեցաւ՝ Արքինոս էր կիլէացին , մի յառաջնորդաց անտի ժողովրդեանն . և գրեաց նախ տալ նոցա 'ի սպաս զոհից և նուիրաց հազար դահեկան , որ չէ և ոչ տասն տասն դահեկան առ այր : Հրամայէ ապա ձիթենի պսակաւ պսակել զմի մի իւրաքանչիւր , այլ ոչ ոսկեղինաւ . զի յայնժամ 'ի շքի էր պսակ ձիթենի , իսկ այժմ և ոսկեղինն արհամարհեալ : Եւ զայն ոչ վայրապարհրամայէ առնել , այլ ստուգագէտ քննութեամբ ասենին , թէ քանիք ոմանք իցեն 'ի նոցանէ՝ որ պաշարեալ պնդեալ կացին 'ի Փիլէ 'ի յարձակել լակեդեմոնացւոց և Երեսնիցն 'ի վերայ ապաւինելոցն 'ի Փիլէ , և ոչ թէ որ 'ի դիմել թրշնամեաց դասալիքն եղեն 'ի Քերոնիա :

Եւ թէ արդար ասիցեմ , զհրամանն ընթերցցի ձեզ :

ՀՐԱՄԱՆ ՊԱՐԳԵՒԻ ԴԱՐՁԵԼՈՑՆ Ի ՓԻԼԵԱՑ

Ընթերցիր առ սմին և զոր Կտեսիփոն գրեաց Դիմոսթենի , մեծի չարեացապարտին :

Հ Ր Ա Մ Ա Ն

Ի հրամանէ աստի յայսմանէ ջնջեալ կորնչի պատիւնոցա՝ որ առաջնորդքն կացին դարձի ժողովրդեանն : Եթէ այս վայելուչ է, այն ամօթալից . եթէ նոքա ըստ արժանի մեծարեցան, դա տարապարտ պսակի :

Սակայն լսեմ՝ զի դա ասել հանդերձեալ է, թէ ոչ արդար գործեմ ես յօրինակ առնուլ նմա զնախնեացն գործս : Զի և ոչ Փիլամմոն ըմբիշ ¹²⁸, ասասցէ, յոյժմպիականն պսակեցաւ՝ Գլաւկոսի վաղնջականին այնմիկ յաղթօղ եղեալ ըմբշամարտի, այլ որոց առ իւրեն էին ոխորիմք : Իբրու այն թէ տգէտք իցէք դուք, զի ըմբշաց ընդ իրեարս են մրցանք, իսկ որոց պսակն խնդրիցեն՝ ընդ առաքինութեան ինքնին դիտովին, որոյ վասն իսկ և պսակին : Զի պարտ է քարոզին անսուտ լինել, յորժամ զքարոզութիւնն՝ ՚ի տեսարանին առ Հելլէնան առնիցէ : Մի ուրեմն ճառեացես մեզ՝ թէ լաւ քան զՊատեկիոն ¹²⁹ առաքինացեալ իցես, այլ յարուժիւն քաջութեան ժամանեալ՝ այնպէս ապա այնուհետև շնորհս ՚ի ժողովրդենէն խնդրեալի :

Այլ զի մի խոտորեցուցից զձեզ յառաջադրութենէս, ընթերցցի ձեզ դպիրն զարձանագիրն որ դրոշմեցաւ ՚ի վերայ այնոցիկ որ զժողովուրդն դարձուցին ՚ի Փիլեայ :

Ա Ր Զ Ա Ն Ա Գ Ի Ր

Արութեան պատիւ պըսակս ասենական բնաշխարհիկ գունդ Սոցա շնորհեաց՝ որ երբեմն նախաձեռն գըտան Զանօրէն կրօնիւք իշխօղըս քաղաքիս ցածուցանել, ի պարանոցըս իւրեանց առնկալեալ ըզվբասանգ :

Վասն զի քակեցին գոքա զիշխեցեալն գոռոզացեալն արտաքոյ օրինաց, վասն այնորիկ պատուեալս ասէ զնոսաքերգողն : Զի ՚ի լուր ամենեցուն հնչէր ՚ի ժամանակին,

Թէ յորմէ հետէ բարձին ոմանք զգատախազս անիրաւու-
թեանց , քաղտեցաւ լուծաւ ժողովուրդն :

Եւ յիրաւի իսկ , որպէս և լուեալ է իմ' ՚ի հօրէն իմմէ ,
որ զիննսուն և զհինգամենիւք կենացն զախճանեցաւ , յա-
մենայն ՚ի վիշտս քաղաքիս խառն և կցորդ դառեալ . որ բա-
զում անգամ խօսէր ընդ իս պարապով . քանզի ասէր , մինչ
գեռ այն ինչ դարձեալ եկեալ էր ժողովուրդն . զի Թէ զու-
մեքէ փուրսիշ ամբաստանութեան յառնիցէ յատենի , ընդ
մի համար է անուանն և գործն ¹⁵⁰ : Զի զինչ ամալարշտագոյն
քան զայր՝ որ անիրաւս խօսիցի և գործիցէ : Եւ զլսելն ,
որպէս նայն պատմէր , ոչ այնպէս առնէին որպէս այժմս
լինի . այլ՝ գաժանադոյն յոյժ էին դատաւորքն առ անիրաւ-
հրամանահանան քան զգատախազն ինքնին զլիովին , և յա-
ճախ յետս դարձուցանէին զդպիրն , և պատուէր ապրին
կրկնել ընթեանու վերափին զօրէնան և զհրամանն . և կորըն-
չէին անիրաւ հրամանահանքն , ոչ միայն եթէ զամենայն
օրինօքն զազեալ անցեալ լինէին , այլ՝ եթէ և զանկ մի ևեթ
փոփոխէին : Իսկ այժմու եղեալքս ծաղու մեծի իրք են :
Զի զպիրն ընթեանու զանօրէն հրամանն , իսկ դատաւորք՝
իրբ և ցուցս իմն լսելով կամ օտար ինչ իրս , յայլ ինչ շու-
չեալ միտ եզեալ հային : Եւ ահա չարահնար արուեստիւքն
Դիմոս(Թեոնեայ՝ չարին սովորութեան մուտ ապք ՚ի դասաւ-
տանագ : Զի փոխեցան ձեզ իրաւունք քաղաքիւք . զի գա-
տախազն յողոք գեղերեալ՝ ընդ անձին առնէ պատափանփ ,
և եկակոչ ատենաքարչն՝ դատ եզեալ չարափօսէ . և ատե-
նակալքն՝ զօրոց իրաւարարքն են մոռացեալ երբեմն , զու-
րոց չենն գատաւորք՝ այնոցիկ գատակնիք ածել ստիպին :
Եւ ամբաստանեալն , եթէ միայն հպեացի բնաւ ՚ի ինդիւրն ,
ոչ զգրելոցն անիրաւութեանէ ասէ ինչ , այլ՝ զի երբեմն և
այլոյ օւրուք զնոյնս գրեալ յառաջագոյն՝ և արգարացեալ
է : Յայս աղագս և այժմ մեծամեծս փրացեալ լսեմ զվտե-
սիփոն :

Չարհեցաւ երբեմն ՚ի ձեզ պարծել Արիստոփոնն այն

ազնեիեցի և ասել, [Թէ եօթանասնեկի և Հնդկաց անգամ ամբաստանեալ յանիրաւութիւն և արձակեալ էր : Այլ ոչ և Կեփալոսն այն հինաւուրց, Ժողովրդասէրն քան զամենայն համարեալ, ոչ այդպէս . այլ 'ի հակառակէն պարծէր և ասէր, բազում ինչ քան զքնաւս գիր հանեալ հրամանի, չէր երբեք դատափետեալ յօրինազանցութիւն . գեղեցիկս կարծեմ պանծացեալ : Զի յօրինազանցութիւն ամբաստան լինէին զմիմեանց՝ ոչ միայն որ հակառակ վարչութեանն էին, այլ և բարեկամք զբարեկամաց, եթէ մեղանչէին ինչ 'ի քաղաքն :

Եւ այսմ անտի հասանիջիք 'ի վերայ, զի Աբբինոս կիլէցի ամբաստանութիւն օրինազանցութեան մատոյց զԹրասիբուլէայ ստիրեցւոյ, որոյ գրեալ էր ինչ արտաքոյ օրինաց, պսակել ասելով զմի ոք 'ի դարձեւոց անտի ընդ իւր 'ի Փիլէայ . և պարտաւոր արար զնա, [Թէպէտ և երախտիք կային նորա գեռադեռ, որոց չառին ինչ ակն դատաւորք . զի համարէին՝ [Թէ զոր օրինակ յայնժամ դարձոյց այսրէն զփախստեայ գնացեալնն Թրասիբուլոս, նոյն և այժմ զորս կայինն՝ խախտեալ վտարիցէ անօրէն ինչ հրամանն տալով : Բայց զարդիս ոչ ևս . այլ ամենայն ինչ յետս ընդդէմ գործի : Զի քաջ զօրավարքն ձեր, և ոմանք յորոց ռոճիկս 'ի Պրիտանին գտեալ են, բողոք արկանեն ընդդէմ ամբաստանութեանց օրինազանցութեան . զորս է ձեզ իրաւամբք առապաշնորհս ունել : Զի եթէ ոք պատուեալ յընկերահաշտիս, յայսպիսում քաղաքականութեան՝ զոր աստուածք և օրէնքն պահպանեն, Ժտի [Թիկունս տալ անօրէն հրամանահանաց, քակտէ զպետութիւնն յորմէ պատուեալն է :

Զի՛նչ այսուհետև մնայ մարդոյ՝ որ արդարապէս և ցածութեամբ ջատագովն լինիցի . ես տեսցից : Յերիս մասունս բաժանեալ է օրն՝ յորժամ օրինազանցութեան ինչ փուրսիչ 'ի ներքս անկանիցի յատեան դատաստանի : Զի ջուրն¹⁵¹ առաջին՝ արկանի դատախազին և օրինացն և ընկերհաշտութեանն . երկրորդ ջուրն՝ դատափետելումն՝ որ ընդ անձին

տայ պատասխանի, և որոց 'ի նոյն նպատակ լինին բանիւք : Իսկ եթէ առաջնով վճռուան չլուծանիցի օրինազանցութեանն փուրսիչ, անդէն ջուրն երրորդ արկանի 'ի հանգէս պատուհասին և չափոյ բարկութեան ձերոյ : Արդ որ 'ի հանդիսի անդ որ հարցափորձին զվճիռն ժտէ, զբարկութիւն ձեր յաղերս ածեալ ողորէ . իսկ որ յառաջին անգիսսան ժտէ զվճիռն՝ զերդուսնն ժտէ, զօրէննն ժտէ, զընկերհաշտութիւնն ժտէ, յորոց և ոչ զմին օրէն է ումեք ժտել, և ոչ՝ յորմէ ժտիցին՝ շնորհեալ : Ապա տուք գոցապատուէր՝ թոյլ առնել ձեզ՝ զառաջին վճիռն ըստ օրինացն ածելոյ, և այնպէս 'ի հանդէս հարցափորձին գալ հասանել :

Եւ ամենևին իսկ, ո՛ր արքա թեանացիք, ասել իմն կայ ինձ առաջի, թէ պարտ է և օրէնս ինչ դնել 'ի վերայ ամբաստանութեանց օրինազանցութեան և եթ, զի մի օրէն լնցի՝ ոչ գատախաղին և ոչ պատասխանատուին ջատագովս 'ի թիկունս օգնականութեան ածել : Զի ոչ անյայտ ինչ էն իրաւունքն, այլ՝ օրինօքն ձերովք սահմանեալ : Զի զոր օրինակ 'ի հիւանութեան, յորժամ գիտել կամիցիմք զուղիղն և զոչն, զքանոնն մատուցանեմք որով շանաչի, նոյնպէս յամբաստանութիւնս անիրաւութեանն՝ հուպ առ ձեռն կայ կանոն իրաւանց՝ տախտակդ այդ ¹³², և հրամանն նոր, և առնութեազիր նմին գրողեալ օրէնքն : Յոյց աղէ զգոցին ընդ միականս միաբանութիւն և էջ . և զի պիտի քեզ կոչել զօրավիղն 'ի թիկունս զՆիմոսութենէս : Իսկ յորժամ զարգար պատասխանատուութեամբն ¹³³ վազեալ՝ կարգաս այր մի խորամանկ չարագործ և ճարտարապետ խօսից, գողանաս թովեա զլեւելիս, զեան գործես քաղաքիս, զընկերհաշտութիւնն եղծանես :

Իսկ արդ զինչ հնար խորշելոյ յայնպիսեաց խօսից . ես ասացից : Իբրև մատուցեալ այսր Կտեսիփոն կատարեսցէ առ ձեզ զյառաջաբանն հանդերձեալ յօրինեալ նմին, և ապա ժամավաճառ դեղերեալ՝ չառնիցէ ուղղորդ պատասխանի, յուշ ածէք նմա անխուղաբար՝ առնուլ 'ի ձեռս ըզ-

տախտակդ, և կարդալ առ ընթեր հրամանին իւրոյ զօրէնսն: Եւ եթէ խնդրեալ չլուելոյն ձեզ առնիցէ, մի և դուք կամիցիք լսել նմա • զի ոչ եթէ զամբաստանելոցն զանարդար պատասխանին ժողովեալ իցէք լսել, այլ զորոց ըսա իրաւանց կամիցին տալ պատասխանի: Իսկ եթէ զիրաւացի ազերսաբանութեամբն զանց արարեալ՝ զԴիմութենէս կոչիցէ, ևս առաւել մի ընդունիցիք զայրն եղեռնաւոր՝ որ համարի բանիւք զօրէնսն տապալել: Եւ մի դք՝ ի ձէնջ՝ ի լաւութիւն ինչ իւր զայն համարեսցի, զի ի հարցանել Վտե սիփոնեայ թէ կոչեսցէ զԴիմութենէս, ինքն նախ ձայն բարձցէ, Վոչեա կոչեա ^{15A}: Չարոյ քում կոչես, օրինացն կոչես, ընկերհաշտութեանն կոչես: Սակայն եթէ հաճոյ ինչ ձեզ թուեսցի լսել զԴիմութենէս, պահանջիցէք ՚ի դամնէ նովին ոճով զպատասխանինսն առնել՝ որով ես զամբաստանութիւնս: Իսկ ես զրպէս եղէ ամբաստան • զի և զայն յուշ ձեզ արարից:

Ոչ նախ ընդ անձին առանձին վարս Դիմութենի անցի ես, և ոչ ՚ի քաղաքական անիրաւութեանց նորա յիշեցի ինչ նախ, թէպէտ և բազում ինչ ճոխագոյնս արդեօք ունէի. ասել • կամ թէ տառապեալ դք և տարակուսեալ քան զամենեսեան էի: Այլ նախ զօրէնսն յանդիմանեցի՝ որ սաստեն չպսակել զհաշուապարտս • ապա զճարտարախօսն կշտամբեցի՝ զի զհաշուապարտն Դիմութենէս հրամայէր պսակել, ոչ ինչ յաւելեալ և ոչ կարգեալ նախ ՚ի դրին՝ թէ « Երբժամ զհամարսն սույցէ, » այլ և զձեօք և զօրինօքն բացէ ՚ի բաց ՚ի սպառ արհամարհեալ • ասացի և զոր յայսոսիկ լինելոց էին անոռի բաղբաղայք, զորս և ձեզ յիշել աղաչմ: Երկրորդ անգամ, անցի ձեզ ընդ քարոզութեանցն օրէնս՝ յորս անշուշտ վճարեալ է, զպսակեալն ՚ի ժողովրդեանէն մի ուրեք արտաքոյ ժողովոյն քարոզել: Եւ աստե նաքարչ ճարտասանդ՝ ոչ եթէ միայն յօրէնսն յանցուցեալ է, այլ և ՚ի ժամանակ քարոզութեանն և ՚ի տեղին • զի ոչ ՚ի ժողովին հրամայէ զքարոզութիւնն լինել, այլ ՚ի սեսա •

րանին . ոչ 'ի գուժարեւ աթենացւոց , այլ 'ի հանդերձեւ ողբերգականացն 'ի հանդէս ելանելոյ : Զայստօիկ ճառեալ , սուղ ինչ և զանձին առանձին իրաց նորա ասացի , և յաճախագոյն զհամաշխարհի ապիրատուութեանց իւրոց բողոք հարկանեմ :

Զսոյն օրինակ և 'ի Ռիմոսթենէ զպատասխանինսն պահանջեցէք . նախ՝ զօրինաց համարապարտիցն , և երկրորդ՝ զքարոզութեանցն , և երրորդ՝ զմեծն քան զամենայն ասեւլ զի և ոչ արժանի իսկ է պարգևի : Իսկ եթէ ինդրեսցէ 'ի ձէնջ՝ Թողութիւն առնել նմա զբանիցն կարդ , խոստանալով 'ի կատարածն կոյս պատասխանատուութեանն լուծանել զօրինազանցութեանն բասիր , մի՛ ներէք . և մի՛ անգիտանայք՝ զի մաքառումն է այդ առեհական . զի համբուսն չեն նորա կամք այնուհետև տալ պատասխանի զանօրէնութենէն . այլ՝ քանզի չունի ինչ իրաւաբանել , հրոսող հինիւ ասպատակաւ իմն այլոց իրաց 'ի մոռացօնս զձեզ հնարիցի արկանել ամբաստանութեանս : Արդ , որպէս 'ի մերկակոխ մրցանան տեսանէք զժմբխն՝ վասն ռոնկայիցն ընդ իրեարս յերկար գուպար 'ի հենգնոջ կացեալս , նոյնպէս և դուք զօրն ողջոյն վասն կարդի խօսիցն մարտերուք ընդ նմա 'ի վերայ քաղաքիս , և մի՛ տայք նմա Թոյլ՝ արտաքս քան զօրինազանցութեան ճառան Թարթափել , այլ՝ զետղ առեալ և յողացեալ 'ի լսարանիդ , վարեցէք զնա՝ 'ի բանս ինդրոյն , և սպաս արարէք յեղեղուկ շրջըջմանց բանիցն իւրոց :

Այլ՝ յորժամ օրինակ զայդ առնիցէք զունկնդրութիւնդ , որ ինչ անդ պատահելոցն իցէ ձեզ՝ և զայն արժան է ինձ կանխել այժմէն ասել առ ձեզ : Անդ յայնժամ 'ի հանդիսի գործ արարեալ զանձն՝ հանցէ ձեզ 'ի գէմս զկախարդասարն և զքսակահատուն և զպատառօղն և խրամատող կարգաց քաղաքիս : Ռիւրաւ ևս լայ դա քան զայլոց ծիծաղել , և քան զամենեսեան առ ձեռն պատրաստ ունի զարտերդմնութիւն : Ոչ ինչ զարմացայց՝ եթէ յանկարծ յեղափոխեալ 'ի Թնամանս դարձցի որոց միանգամ շուրջս կան արտաքոյ ,

ասելով թէ սակաւապետութեանն ձեռնտուք, 'ի նմին իսկ 'ի ճշմարտութենէն գոգ 'ի համար արկեալք, հասեալ կայցեն յատեան չարախօսին, իսկ ընկերհաշտութեանն՝ 'ի դատափետելոյն : Իբրև զայսպիսիս խօսիցի, առ խաղմարար բանսն՝ զայն նմա 'ի դէմն ածէք, զի եթէ, ով Դիմութենէս, քեզ նմանօզ ինչ էին որք զգաղթեալ ժողովուրդն դարձուցին 'ի Փիլէայ, չկայր բնաւ այսօր ընկերհաշտութիւնս : Անդ նոքա՝ 'ի հասանել մեծամեծ չարեաց՝ կեցուցին զքաղաքս, զգեղեցիկն քան զամենայն բարբառեալ քան խրատու . Մի չարայուչ ռիակալ լինել : Իսկ դու՝ հարուածս գործես, և քան փրկութեան քաղաքիս՝ առ օրին բանիցդ փոյթ է քեզ առաւել :

Իսկ յորժամ որ երգմնասուտդ է՝ յերգմանցն հաւատաստան լինիցի, զայն նմա յուշ արարէք, թէ որ յաճախն երդնու սուտ, և միշտ առ նոյնս խնդրէ հաւատարիմ լինել երգմամբքն, զմի յերկուց աստի պարտ է նմա ունել, — որոց և ոչ մին կայ Դիմութենի, — կամ ասուտածս նորանորս, կամ ունկնդիրս ոչ զնոյնս :

Իսկ յաղագս արտասոււացն և ոլորակաց ձայնին, յորժամ զձեզն հարցանիցէ . « Եւ յո՞ ապաստան անկանիցիմ, ով արք աթենացիք . հատէք ընկեցէք ապիրատ արարէք զիս 'ի պետութենէդ . չիք ուր ապաւինեցայց, » անգրէն կրկնեցէք առ նա . « Իսկ ժողովուրդս աթենացւոց յովապաստան եղիցի, Դիմութենէս . յոր նիզակակցաց պատրաստութիւն, յոր գանձս . զի՞նչ ինչ 'ի քաղաքավարութեանդ վասն ժողովրդեանս մթերեցեր . զի զոր վասն անձինդ կալար խորհուրդ՝ ամենեքեան տեսանեմք : Թողեալ լքեալ զօտոսնս, ոչ որպէս կարծիսն 'ի Պիրէոն բնակես, այլ՝ դիմեալ երթաս 'ի քաղաքէս ¹³⁸, և թոշակ ճանապարհի ամբարեալ ես՝ քոյով վատութեամբդ՝ զթաղաւորական ոսկին և զկաշառակրծութիւնսդ յիրաց աշխարհիս : »

Եւ զի՞ իսկ բնաւ արտասուքդ իցեն, զի՞նչ կականուսնդ, զի՞նչ ձայն բարբառոյդ : Ո՞չ կտեսիփոն է ամբաստանեալն ,

և փուլրսիչն անպատուհաս ¹³⁶ . Իսկ դու ոչ զընչիցդ , ոչ զանձնէ և ոչ զըստուոյդ նահատակիս : Իսկ զիմ² ապա իցէ դորա փոյթ և ջան : Զոսկի պսակաց և զքարոզութեանց 'ի տեսարանին արտաքոյ օրինաց . որում թէ և ցնորեալ ժողովուրդն կամ մոռացեալ զեղեալն , յայսպիսում տարածամու կամէր զգա պսակել , դմա պարտ էր մատչել առ ժողով անդր և ասել . « Արք աթեանացիք , զպսակդ ընդունիմ , բայց զժամանակն խոտեմ » յորում քարոզութիւնն լինիցի . զի զորոց 'ի սուգ և 'ի խզումն ¹³⁷ կայ քաղաքս , չէ ինձ արժան վասն նոցին պսակիլ : » Այլ զայդ ասել կարծեմ առաքինակրօն առն . իսկ զոր դուդ ասիցես , ասասցէ թերևս ջնջան դե նշաւակ կերպարանեալ զառաքինութիւն :

Այլ մի դք 'ի ձէնդ , երդուեալ 'ի Հերակլէս , մի դք զանգիտեսցէ , թէ գուցէ Դիմոսթենէս , այր մեծահոգի և քաջապինդ 'ի պատերազմականս , վրիպեալ 'ի մրցանակացն , դարձ 'ի տուն և դաւ անձինն արարեալ զիւրովին երթայցէ , որ այնչափ ծաղր հեղու զառ ձեօք պատուովն , զի զգլուխն զայն պիղծ և դատապարտ , զոր սա արտաքոյ ամենայն օրինաց հրաման արար պսակել , բիւրիցս ցտեաց և ընդ այնր վարձս էառ , զկամաւոր ինքնահարուած վիրացն եղեալ նամակագիր . և կուսիս 'ի նոյն ընկալաւ , մինչև կարծեմ թէ դեռ ևս կան մնան 'ի նմա ակներև հետք և նշմարանք բռնապտակացն Միգիսայ : Զի այրդ այդ՝ ոչ կառափն մարդոյ , այլ գլուխ տոկոսեաց ¹³⁸ բարձեալ կրէ :

Եւ զկտեսիփոնէ՝ որ զհրամանդ գրեաց՝ կամ է ինձ ասել փոքր 'ի շատէ , զչատն թողեալ . զի զհանդէս առից ըզձեր , թէ կարօղ ինչ իցէք զկարի չարադոյնսն ճանաչել առանց ուրուք զգացուցանելոյ . և որ երկոցունցն հասարակ խառն ինչ է և իրաւացի առ ձեզ ճառելոյ , զայն ասասցից : Քանզի շուրջ անցեալ ընդ հրապարակն և հաւաստի զմիմեանց առեալ կարծիս ճշգրտաբանեն : Զի կտեսիփոն ոչ զանձնէ ինչ ասէ կասկած լինել , զի ակն ունի 'ի սոսկականաց լինել համարի , այլ զԴիմոսթենի յիրս տեսչութեանն

զկաշառակրծու-թենէն ասէ խիթալ, զափշու-թենէն և զվա-
տասրտու-թենէն: Իսկ Դիմոս(թենէն)՝ յանձն իւր հայեցեալ՝
վստահ լինել ասէ, այլ՝ ՚ի Կտեսիփոնի չարու-թենէն և ՚ի
բողարածու-թենէն մեծապէս երկնչել: Եւ որ այսպէս զի-
րեարս փնասապարտ առնեն, դուք հասարակաց նոցա բաս-
րանայն դատաւորք, մի՛ երբեք շնորհիցէք նոցա արձա-
կուրդ:

Կամիմ ասել կարճ՝ ՚ի կարճոյ և վասն բամբասանաց նո-
ցա զինէն: Ազգ լինի ինձ զի Դիմոս(թենէն) ասել հանդեր-
ձեանէ, թէ քաղաքիս օգուտ բազում է յինչքենէ, իսկ յի-
նէն փնաս յոյժ, և զՓիլիպպոս և զԱլէքսանդրոս և զսու՛ ՚ի
նոցանէն տոյժս՝ յիս կրթել հանել: Չի այնպիսի ոք գրժ-
նեայ ճարտարօղ է բանից, որպէս թուի, մինչև ոչ զայն
և եթ բաւական վարկանել, զի եթէ վարչու-թիւն ինչ կա-
լեալ է իմ առ ձեզ կամ ճառս ինչ հրապարակախօսեալ,
զայնցանէ ամբաստան լինել, այլ և զցածու-թենէ կենացս
չարախօսէ և զլու-թենէս դատախազէ, զի մի՛ մնասցէ նմա
տեղի ազատ ՚ի զրպարտանաց. և զյամելս ընդ պատա-
նեական յերիտասարդանոցս՝ պախարակէ. և զքատաստանէ
աստի այսմանէ՝ անդէն ՚ի գլուխ խօսիցն բաղայս իմն յա-
ռաջ մատուցանէ, ասել՝ իբր ոչ եթէ վասն քաղաքիս ինչ
զայս ամբաստան լինիցիմ, այլ՝ ՚ի ցոյցս Ալէքսանդրի՝ առ
ատելու-թեան նորա առ դա: Եւ, երգուեալ յԱրամազգ,
որպէս լեմն՝ հարցանելոց ևս է զիս, թէ ընդէր բովանդակ
զքաղաքավարու-թիւն իւր պարսաւիցեմ համօրէն, և ոչ մի
լստ միողէ խափանեցի առ ժամայն, և չեղէ ամբաստան,
այլ՝ յողն անկեալ, և ՚ի գործս տեսչու-թեանն չյաճախեալ,
հուսկ ապա ուրեմն եղէ նամակագիր:

Իսկ իմ չլք նախանձեալ ընդ պարապմունան Դիմոս(թե-
նի, և ընդ իմսս ոչ ամաչեմ, և ոչ զբանս իմ խօսեալս առ
ձեզ՝ ապախտ ինչ լինել կամիցիմ, և ոչ՝ եթէ զգորայնն էր
իմ խօսեալ յատենի, զարև տեսանել առնուի յանձն: Իսկ
զլու-թիւն իմ, սլ Դիմոս(թենէն), պարկեշտու-թիւն կե-

նացս յօրինեաց . զի սակաւիկ ինչ շատ է ինձ , և մեծամեծաց ոչ ցանկանում չարաչար . վասն որոյ և ըուռ կամ , և խօսիմ' եւ' եթէ հարցանիցիմ' ինչ խորհուրդ , այլ ոչ 'ի հարկէ ծախուց բնութեանս բռնադատեալ : Իսկ դու , կարծեմ , 'ի կաշառից կարկեալ կաս , և 'ի վասնեցդ կակալես . և խօսիս' ոչ յորժամ քեզն ինչ բարուդք թուիցի , և ոչ զոր կամիսն , այլ յորժամ վարձահատոյցքդ պահանջիցես . և ոչ պատկառես ճամբորտակել զորոց նոյնհետայն ստախօս յանդիմանիս :

Զի ահա ամբաստանութիւնս այս , զոր ոչ վասն քաղաքիս , այլ առ 'ի ցոյցս առնելոյ Ալեքսանդրի ասես յինէն 'ի մէջ ամեալ , յայնժամ մատուցաւ՝ մինչդեռ տակաւին կենդանի կայր Փիլիպպոս , և Ալեքսանդրի չէր պայազատեալ զտէրութիւնն , ոչ քո զՊաւսանիայ զտեսիլդ տեսեալ և ոչ ընդ Աթենասայ և Հերայի գիշերայն եղեալ խօսակից : Եւ զիտորդ էր ինձ կանխել յառաջագոյն առ ականէ ցոյցս և շոշականս առնել Ալեքսանդրի , բայց եթէ զնոյն անուրջս և իմ ընդ Դիմոսթենի անրջացեալ :

Այլ պատուհասակոծ առնես զիս , զի ոչ ստէպ յաճախեմ' առ ժողովուրդն , այլ ընդ ժամանակս ժամանակս . և համարիս թաքչել 'ի մէնջ , զի զձոխութիւնդ զայդ ոչ յընկերահաշտեաց , այլ յայլմէ օտար քաղաքականութենէ առեալ 'ի ներքս մուծանես : Վասն զի 'ի սակաւուց իշխանութեան' ոչ որ կամին դք , այլ որ բուռն ինչ դք է՝ նա լինի ամբաստան : Իսկ յընկերահաշտիս՝ ում' ումք և կամ' իցէ և յորժամ հաճոյ նմա թուեսցի : Երբեմն երբեմն յատեան գալ 'ի խօսս' նշան է առն ըստ պէտս և ըստ օգտի քաղաքավարելոյ . իսկ և ոչ օր մի վրիպել՝ հարկաւ ընդ գործ մտելոյ և վարձկանելոյ :

Իսկ յաղագս չեւ եւս յինէն 'ի դատ վարելոյդ ¹³⁹ և կրելոյ զպատիժ ապիրատութեանցդ , յորժամ 'ի բանս այսպիսիս փախուցեալ անկանիս , կամ զունկնդիրսդ համարիս մոռացկոտս , կամ անձամբ զանձն իարբես : Քանզի զամ'

պարշտութիւնս քո յամբիսսականն և զկաշառաբեկութիւնսդ յԵւբիա, 'ի վերայ անցելոց ժամանակաց՝ յորս յայտ յանդիմանութեամբ կշտամբեցար յինէն, ակն ունիս թերևս թէ մոռացեալ իցէ ժողովրդեանս: Իսկ զյափրշտակութիւնսդ յիրս նաւացն և նաւակառուցից՝ ո՞ր ժամանակ սուզանել մարթիցէ, յորժամ օրէնս իմն երկց հարիւրոց նաւաց եգեալ, և հրապուրեալ զաթենացիս՝ զքեզ կարգել ոստիկան նաւաստականին, յանդիմանեցար յինէն, զի վսթսուն և հինգ երազընթաց նաւաց նաւարարս 'ի բաց խափանեալ, զմեծ ևս նաւական զօրութիւն քաղաքիս անհետ կորուսեր՝ քան յորժամ նաւամարտիւ 'ի Նաբսոս՝ լակեգեմոնացւոց և Պոլլիսի յաղթեցին աթենացիք ¹⁴⁰:

Բայց յայնպիսի իմն հաւահալած խրտուիլ ակնհար բաղբաղայից ցանկեալ պաշարեցեր զվասն քո պատուհասս, մինչև ոչ 'ի քեզ յանիրաւոյ, այլ 'ի քո վրէժինդիդն հասանել անկանել վտանգին. յաճախ 'ի մշջ բերեալ 'ի բանսարկութիւնս քո զԱլէքսանդրոս և զՓիլիպպոս, խժբիծ ըսագտանաց 'ի վերայ եդեալ՝ թէ զի խոչ և խուժ ընդ ոտն անկանին ոմանք յաջողուածոց քաղաքիս. քո միշտ խանգարեալ զոր կայն, և զհանդերձեալն աւետաւորելով: Ո՞չ ապաքէն, հուսկ ուրեմն, մինչ գեռ ինձ զքէն առաջի կայր ամբաստան լինել, հնարեցար զըմբռնումն Անաքսիմոսի ովրէոսացւոյ, որ վաճառս վասն Ոլիմպիայ գնոց առնոյր ¹⁴¹, և գելարանօք խոշտանգեցեր զայրն՝ քով ձեռամբդ գրելով դատավճիռ, մահու գնովաւ ածել պատուհաս: Եւ սակայն առ նմա օթեցար յՈվրէոս, 'ի նմին սեղանոյ կերար և արբեր և նուէրս հեղեր, և աջ յաջ արկեր՝ առեալ զնա յայր բարեկամ և 'ի հիւր: Եւ դաւ զնա սպաներ. և զայսմ ամենայնէ՝ առ ամենայն աթենացիս փաշաման յինէն կրեալ, և հիւրասպան կարդացեալ, չեղեր յուրաստ յամպարշտութենէ անտի. ետուր պատասխանի, առ որ աղաղակ եբարձ ժողովուրդն և հիւրք ամենայն՝ որ միանգամ շուրջն կային.

զհրապարական, զի ասացեր. Չաղս քաղաքիս առաւել մեծարեցի քան զսեղանն հիւրասէր ¹⁴² :

Առեմ զսուտ նամականին և զկալանս լրտեսաց և զխոշտանդանս 'ի պատճառս անդոյ յանցուածոց. որպէս թէ կամեցեալ իմ միաբանութեամբ ոմանց վեր 'ի վայր զքաղաքս վրդովել : Եւ յետ այսր ամենայնի, հարցանելոց է զիս, որպէս լսեմս, որ այն բժիշկ իցէ՝ որ արտացելոյն չտայցէ ինչ խրատ 'ի հիւանդութեանն. և 'ի մեռանելն՝ 'ի յուզարկուծն ¹⁴³ եկեալ նորին, առ ընտանիսն ճառ արկեալ պատմիցէ, թէ իւ իւիք հնարիւք գոյր նմա գալ յառողջութիւն : Իսկ զանձնդ ոչ հարցանիցես. որ այն իցէ վարիչ ժողովրդեան՝ որ կարող իցէ սրտկել նմա, և զգէպ ժամանակս փրկութեան քաղաքին տայցէ վտարանդի, և զքաջախոհն բանասարկութեամբ արգելուցու 'ի խորհրդոց. և փախուցեալ 'ի վտանգաց և զքաղաքն անհնարաւոր տուժիւք պաշարեալ, եկեալ ապա խնդրիցէ առաքինութեան պակ. բարի և ոչ մի ինչ գործեալ, և ամենայն աղետից եղեալ պատճառք, և հարցանիցէ ևս զզրպարտեալն՝ զըրկեալն 'ի քաղաքավարութենէ այնց ժամանակաց՝ մինչ գեոգոյր փրկութիւն, թէ ընդէր ուրեմն ոչ յետս նահանջեցէք զիս 'ի մեղանչելոյ : Իսկ հուակ զկնի ամենայնի՝ ընդ քողով ծածկիցի այն, զի 'ի տագնապել մարտի պատերազմն՝ ոչ պարապէաք զքո պատուհասիւդ գալ, այլ վասն փրկութեան քաղաքիս 'ի հրեշտակութիւն երթայաք ¹⁴⁴ : Իայց իբրև ոչ շատ թուեցաւ քեզ չտալ պատիժս, այլ և պարգևս խնդրես, ծաղր և ծանակ 'ի հելլենացիս զքաղաքս կացուցեալ, յայնժամ 'ի մեջ անցեալ զգիր ամբաստանութեանս մատուցի :

Այլ յորոց լսեմս ասել Դիմոսթենի, 'ի դիմն երգուեալ յովիբականս՝ ընդ այն առաւել զչարիմ զոր այժմս եմ մերկանալոց : Չի որպէս թուի, զքնութիւն իմ առակելոց է 'ի համբարուս. յորոց 'ի լուր՝ ոչ հեշտանալ ասէ զսելան, այլ կորնչել, վասն որոյ և անհաճոյ զհամբարուացն

լինել երգս • նոյն և զիմոց բանիցս փորձ և զբնութիւն իմ
 'ի վնաս ունկնդրացն եղեալ : Այլ զբանդ զայդ ես ամե-
 նեին ոչ ումք վայելուչ վարկանիմ ասել զինէն , զի կորանք
 իցեն չկարել ապա արդեամբք ցուցանել զեպեքն՝ յորժամ
 պահանջիցի : Իսկ թէ հարկ ինչ էր ասել , ոչ Դիմոսթենի
 անկ էր բանն , այլ առն ումեմն զօրավարի , որոյ մեծամեծս
 վճարեալ յօրինուածս քաղաքիս , և անբաւական գտեալ
 'ի խօսս , նմին իրի և յոսոխացն բնութիւն նախանձ բերիցէ ,
 գիտելով չափ՝ զի ոչ ինչ 'ի գործեցելոցն իւրոց կարողու-
 թիւն է նմա ճառել • իսկ զգատախազն տեսանիցէ կարող՝ և
 զոչ գործեցեալն իւր ընծայեցուցանել լսելեացն իբրև կա-
 տարեալս : Իսկ յորժամ բայիւք բանից աճառեալ և զան-
 գեալ այր , և այն դառամբք և կախարդա կանօք , հուսկ ու-
 րեմն 'ի պարզմտութիւն և յարդիւնս գործոց փախուցեալ
 ապաւինիցի , ո՞ հանդա բտեսցէ • զորոյ թէ զէզուն ոք իբրև
 զփողոց ¹⁴⁵ 'ի բաց կորդեսցէ , մնացեալն ոչ ինչ է :

Բայց ես ընդ ձեզ զարմանամ , ու՛վ աղք աթենացիք , և
 խնդիր առնեմ • յի՛նչ դէտ սկն կալեալ մերժիցէք զամբաս-
 տանութիւնս : Միթէ զի օրինաւոր է հրամանն • այլ չեք
 երբեք լեալ հրաման անօրէն քան զայդ : Իսկ միթէ զի հրա-
 մանահանդ չիցէ արժանի դատ տալոյ • չեն ուրեմն առ ձեզ
 հարցք և քննիք վարուց , եթէ զգա արձակիցեք : Ո՛չ և
 այն տրտմութեան իցէ , զի որ երբեմն ձեր պսակահամբարն
 էր ոսկեղէն պսակաց՝ կաքաւարանն , որովք ժողովուրդս
 պսակէր 'ի հեղինաց , մասնեալ կայցէ այսօր 'ի պսակս օտա-
 րոտիս , և 'ի Դիմոսթենի առնելոյ՝ դուք անպսակ և սուանց
 քարողութեան լինիջիք , և դա հուչակեսցի : Եւ եթէ յողբեր-
 դակ քերդողացն ոք , որ յետ այսորիկ հանդիսանալոցն են ,
 զթերսիտէս յողբերգութեանն պսակաւոր ցուցանիցէ 'ի
 հեղինացուց , ոչ ոք 'ի ձէնջ ունիցի ժոյժ • զի անարի և զըր-
 պարտիչ զնա լինել ասէ հոմերոս ¹⁴⁶ , և դուք յորժամ զայդ
 պիտի պսակիցէք այր , ո՛չ կարծիցէք լինել 'ի չելն մտացն
 հեղինացուց : Քանզի հարբն ձեր զփառաւորս և զվայե-

լուչս իրաց՝ Ժողովրդեան ընծայէին, իսկ զնուապս և ըզխոնարհս՝ ՚ի յոռի ճարտարախօսան տանէին. բայց Կտեսիփոն արժան համարի ձեզ բառնալ ՚ի Դիմոս(Թենէ զանջու-
թիւն, և զԺողովրդեամբն արկանել:

Երջանիկ ասէք զանձինս, որպէս և էքդ իսկ ՚ի յաջողելդ: իսկ տայցէք վճիռ հրամանի՝ Թէ Թողեալ լքեալ ՚ի բախտէն՝ ՚ի Դիմոս(Թենէայ դտեալ իցէք բարիս. և որ անպատեհ քան զամենայն է, ՚ի նոյն ատեանս՝ զըմբռնեալն ՚ի բասրանս կաշառոց անարգիցէք, իսկ զոր ինքնին գիտէք վարձուք քաղաքավարեալ՝ պսակիցէք: Եւ որ ՚ի Սպանդարամետականն են դատաւորք, եթէ ոչ ուղիղ դատիցին զըրջաբոլոր կաքաւս պարուց, ընդ պատժով զնոսա արկանէք, իսկ ձեր՝ ոչ պարաւոր խաղալկաց կտրգեալ իրաւարարք, այլ օրինաց և քաղաքական առաքինութեան, զպարգևադ՝ ոչ ըստ օրինաց, ոչ սակաւուց և արժանաւորաց, այլ խորամանկ հնարաւորեւոցն շնորհիցէք: Դատաւոր այդպիսի ելցէ պալա յատենէն՝ զանձն նկուն արարեալ, և զօրաւոր զճարտարախօսն: Զի այր սոսկական յընկերահաշտ քաղաքի՝ օրինօք և քուէիւն Թագաւորէ. իսկ յորժամ առեալ զայդոսիկ տացէ այլում վտարանդի, ելոյծ իւրովի զհարստութիւն իւր: Ար այսու և երդումն, զոր երդուեալ միսի ՚ի դատաստան, զհետ իւր վարեալ ինթմասցն լինի. զի ՚ի նորա ձեռն, կարծեմ, եղեն մեղքն, իսկ շնորհն՝ առ որ շնորհեացն՝ անյայտ մնաց. քանզի քուէն յաներևոյթս արկանի:

Ինձ այսպէս Թուի, ով արք Թեննացիք, Թէ առ անրգգաստութեան մերում ՚ի տեսչութեան՝ երկոքին ևս ՚ի մեզ երանեն, և ուղիւն գնալ, և ՚ի վտանգի կալ: Զի ՚ի Ժամանակի աստ յայսմիկ՝ բազումքդ ՚ի ձեռս սակաւուց Թողուցուք զմեծամեծս ընկերհաշտութեան, զայդ ոչ գովեմ. իսկ զի առ մեօք չիք եղեալ չար և յանդուգն ճարտասանից առատութիւն, յայդմ բարեբախտիկ եմք: Զի յառաջ Ժամանակաւ այնպիսի բնութիւնս բուսոյց աշխարհս, որ

դիւրաւ իմն խախտեցին զաւմիկն, զի հեշտանայր ընդ փաղաքչանս : Ապա այնուհետև ոչ յորոց երկնչէրն, այլ յորոց ձեռս մառնեաց զանձն՝ նոքա եղծին զնա : Որպիսիք որ դտան և յերեսնից ¹⁴⁷ անաի ոմանք, որ առաւել քան զհազար հինգ հարիւր 'ի քաղաքայնոցս առանց դատաստանի 'ի մահ վարեցին, առանց և զվնասն անգամ՝ յէր սակս մեռանելոցն էին՝ լսելոյ . և ոչ 'ի դիահանսն և 'ի Թաղումն վախճանելոցն Թոյլ տային կարևորացն ջերմոց հուպ մատչել : Ո՛չ ընդ ձեօք նուաճիցէք զվարիչս քաղաքիս : Ո՛չ կոր 'ի գլուխ 'ի բաց արձակիցէք զայժմու աւբարձեալն : Ո՛չ ուշ 'ի կուրծս առնիցէք, զի ոչ որ երբեք յառաջագոյն մտաբերեաց 'ի քակտումն ժողովրդեան՝ մինչ և մոզացեալ կրնաացեալ և բուռն եղեալ քան զդատաստանս :

Արդ ես, ո՛ւ արք աթենացիք, մտադիւր իմն առաջի ձեր 'ի համար արկանէի առ տուող հրամանին, առ որո՞ց երախտեաց զԴիմոսթենէս արժանի դատիցի պսակի : Զի Թէ ասիցես, ուստի սկիզբն արարեալ ես հրամանագրիդ, Թէ զի զփոսն զպարսպօքս բարւոյք փորեաց, զարմանամ ընդ քեզ . զի քան զայդ բարւոյքն 'ի գլուխ տանել, այդմ պատճառն լինել մեծագոյն գարովանք են : Զի ոչ վասն պատնէզ զպարսպօքն ածելոյ, և ոչ զհասարակաց գերեզմանն բրելոյ խլելոյ ¹⁴⁸ արժան ինչ իցէ ուղիղ քաղաքավարելոյն պարգևս խնդրել, այլ վասն բարւոյ իրիք քաղաքին սատար լինելով : Իսկ եթէ յերկրորդ գլուխ հրամանիդ եկեսցես, յորում իշխեցեր գրել՝ Թէ այր լաւ է, և անհանգիստ 'ի բարի ժողովրդեանն աթենացւոց ջանացեալ խօսի և գործէ, 'ի բաց տարեալ զկոկոզանս և զպարպատիւն գրուածոյդ, մատիր ազէ 'ի գործսն, ցոյց մեզ զպոռոտախօս բանսդ : Զի ահա՛ զառ ամբիխացիսն և եւբիացիս զկաշառադնացուԹիւննն Թողեալ, ուր զպատճառս ընդ Թեբացիս նիզակակցուԹեանն տանիս հանես 'ի Դիմոսթենէս, զանգէտան պատրես, և զգիտունսն և զգգաստս Թշնամանես : Զի զըլացեալ զպատեհ ժամանակին և զփառս սոցա՛ որով եղև նիզակա-

կցուծիւնն, զանխլաբար իմն 'ի մէջ՝ զպարծանս քաղաքիս Դիմոսութենի ընծայել կարծես :

Իսկ թէ քանիօն իցէ ապարասանութիւնդ այդ, գուն գործեցից ես ուսուցանել մեծաւ նշանակաւ : Զի Պարսից արքայն, ոչ բազում ժամանակաւ յառաջ քան զԱլէքսանդրի յԱսիա դիմելոյ, առաքեաց առ ժողովուրդս գիր մի թշնամանալից և խուժագուժ, յորում յետ այլոց կարի իմն անազգակեալ բանից՝ գրեալ կայր 'ի վերջ կոյս նամակին . « Ես, ասէ, ոչ տաց ձեզ ոսկի . մի խնդրէք յինէն, զի չառնուցուք : » Սակայն նոյն ինքն պաշարեալ յարդի վտանգիցն հասելոց 'ի վերայ իւր, մինչ ոչինչ խնդրէին ակեանացիք, ինքնին կամաւորապէս յղեաց առ ժողովուրդն երեքարիւր տաղանդ, զոր խմաստութեամբ չընկալաւ ¹⁸⁰ ժողովուրդն : Եւ բերօղ ոսկւոյն՝ էր ժամանակն և երկիւլն և պէտք նիզակակցութեանն . նոյն և զթերացւոցն նիզակակցութիւն վճարէր : Բայց դու խեղդ արկանես՝ անդադար զանուն թերացւոցն յեղյեղելով և զթշուառ նիզակակցութեանն . իսկ զեօթանասուն տաղանդքն լուծեամբ անցանես, զոր կանխեալ հատեր խորեցեր յոսկւոյն արքունի : Ո՛չ առ կարօտութեան արծաթոյ էր, վասն հնգից տաղանդաց, զի օտարազգիքն չետուն 'ի դուրս առ թերացիս զմիջնաբերդ ամրոցն ¹⁸⁰ . և վասն ինն տաղանդաց արծաթոյ, մինչդեռ արկադացիք առ հասարակ խումբ արարեալ կային ¹⁸¹, և զօրավարքն կազմք յօդնականել մեզ, ոչ չողաւ գործն 'ի գլուխ : Իսկ դու յօրանաս 'ի ճոխութիւն, և 'ի հէշտութիւնս անձին մատակարարես . և բաժնից գլուխ խօսիցս, ոսկին արքունի առ դմա, իսկ վիշտք վտանգաց առ ձեզ :

Արժան է և զանհանձարութիւն դոցս նկատել . զի եթէ ժպրհիցի Կտեսիսիօն կոչել զԴիմոսութենէս խօսել առ ձեզ, և նա ելեալ զանձն գովիցէ, ծանրագոյն ևս եղիցի լուրն այն քան զգործան որոց համբերեցէք : Զի ուր և արանց ստուգիւ քաջաց, որոց բազում բարեաց գործոցն իրագէտ

խակ եմք, եթէ զանձանց դրուատին խօսիցին՝ ոչ հանգուր-
ժեմք, ապա յորժամ այր որ ՚ի գարշանս եղեալ քաղաքիս՝
զանձն ՚ի գովութիւն առնուցու, մըր ուրուք զայն լուեալ
և ժուժկալեսցէ :

Արդ՝ եթէ իմաստուն իցես, ՚ի բաց կացցես յանպատ-
կառ գործոյ այտի, և դու քեզէն առնիջիր զպատասխա-
նատութիւնդ, ո՛վ Կտեսիփոն : Ապաքէն ոչ յայն ինչ յե-
նուցուս, թէ չիցես կարօղ խօսել. զի և անպատեհ իսկ
իցէ քեզ, որ փոքր մի յառաջ յանձին կալար ընտրիլ պատ-
գամաւոր առ Ալէքսաստրա ¹³² գուտար Փիլիպպոսի, առ ՚ի
ցաւակից ընդ նմա լինելոյ ընդ մաՀն Ալէքսանդրի՝ ¹³⁵ Մո-
լոսաց արքային, եթէ այժմ անբաւական զանձնդ ասիցես
՚ի խօսել : Թող զայդ, զկին մի այլազգի սգաւոր՝ կարօղ-
գտար միսթարել, իսկ վարձուք հրաման գրեալ՝ ոչ ունիցիս
տալ ընդ անձին պատասխանի :

Կամ թէ որում պսակն տալ հրամայեցեր՝ այնպիսի որ-
է որ յերախտաւորեւոցն ոչ ճանաչիցի՝ եթէ ոչ որ ընդ քեզ
նմին շատագով մտանիցէ : Արէ հարց զգաւորաւորաւ, թէ
ճանաչէին զՔարբիաս և զԻփիկրատես և զՏիմոթէոս, և
ուսիր ՚ի նոցանէ՝ ընդէր ետուն նոցա սարգևս և կանգնե-
ցին պատկերս : Զի ամենեքեան ընդ մի բերան տացեն քեզ
պատասխանի, թէ Քարբիասայ՝ վասն առ Նալքսոսիւ նա-
ւամարտին, Իփիկրատեայ՝ զի զլակեգեմոնացւոց զգունդի-
սատակեաց ¹³⁴, Տիմոթէի՝ վասն ընդ Կերկիրա նաւազնա-
ցութեանն ¹³⁵, և այլոց որոց մից միոյ բազում և չքնազ
պատերազմական քաջութեանց գործեցան հանդէսք : Իսկ
Դիմոսթենի, հարց թէ իմ իմիջ տայցէք փոխարէն : Փոխա-
նակ՝ զի կաշառաբեկ, զի վատասիրտ, զի դասալիք : Եւ մի
թէ զգամ պատուիցէք, թէ զձեզ անարդիցէք և զի վերայ
ձեր մեռեալսն ՚ի ճակատու, զորս դիք ՚ի մտի տեաանել
յողք և ՚ի կական՝ եթէ դա պսակեսցի : Քանզի և անհնա-
րին իրք իցեն, ո՛վ արք ակթենացիք, զի զիայսս և զքարբիա-
և զերկաթ՝ զանմուռնչան և զանիմաստս, եթէ յուրուք

վերայ անկեալ սպանանիցեն, տարագիր ըստ սահմանս վտարիցեմք 1868, և եթէ անձին որ առնիցէ, զձեռնն որ զայն գործեաց՝ ուրոյն ՚ի մարմնոյն թաղիցեմք, իսկ զԴիմոսութենէս, ո՛վ աթենացիք, որ զյեաին արշաւանն 1857 հրամայեաց և զգօրականն մատնեաց ՚ի կորուստ, զգա գուք մեծարիցէք: Թշնամանեացին ուրեմն վախճանեալքն. վհատեալ տարակուսեացին կենդանիքն, տեսեալ զի առաքինութեան մրցանակ պահի մահ, և յիշատակ անհետ կորուսեալ:

Եւ որ մեծն քան զամենայն է, եթէ հարցանիցեն զձեզ մանկագոյնք, ըստ որո՞ւմ օրինակի արժանիցէ նոցա զվարս իւրեանց տնօրինել, զի՞նչ ընտրիցէք: Քանզի ճարտար դիտէք, ո՛վ արք աթենացիք, զի ոչ կուտանոցք, ոչ վարժարանք և ոչ երաժշտաց գուսանութեան արուեստականք և եթ հրահանգեալ կրթեն զմանկտին, այլ մանականոք հրուպարակաւ քարոզութիւնքն: Քարոզի որ ՚ի տեսարանին՝ զի պսակի առ առաքինութեան և քաջութեան և խնամոտ մտացն, որ այր քարուակն իցէ և գարշ վարուք, զայն տեսեալ համբակին՝ եղծաւ զեղծաւ: Ապիրատի ուրուք և բողբարածի իբրև զՎտեսիսինն՝ ՚ի պատիժս մտեալ, իրատեցան և այլք: Ընդ հակառակս բարւոյն և արդարոյ գրեալ ուրուք հրաման, դարձ ՚ի տուն արարեալ՝ իրատ տայ որդւոյն. իսկ նա արժանապէս հետտեալ անաստէ. այլ յիւրաւի խեղդ ընդ անձն անուանի անդ իրատն: Այսուհետև՝ որպէս ոչ դատողք և եթ, այլ և յերևանի կացեալք, այնպէս տուք զվճիւղդ, առ արդարանալոյ յաչս քաղաքացւոց, որ ոչ աստ յատենիս դիպեցան, այլ հարցանիցեն ապա զձեզ՝ թէ զի՞նչ իրաւունս հանէք: Քանզի ճարտար դիտէք, ո՛վ արք աթենացիք, թէ այնպիսի թուիցի լինել քաղաքս, որպիսի որ հուսկեայն իցէ. զի նախատիք իցեն ձեզ՝ ոչ նախնեացո լինել նմանողս, այլ Դիմոսութենի անարութեանն:

Իսկ արդ զի՞նք ճողոպրեացի որ յայդպիսի խայտառակութենէ: — Եթէ, որ յանձինս կանխեալ առեալ իցեն

'ի միջոյ զբարերար անուանան՝ գրուժանքն բարուք , 'ի նոցանէն զգոյշ լինիցիք : Զի միամիտ մտերմութիւն և ընկերհաշտութեան անուն 'ի միջի կայ , և աճապարեալ յաճախ յայնս ապաւինին բանիւ՝ որ առաւել ուրացեալքն են անտի դործովք : Արդ իբրև ըմբռնիցէք զճարտարախօս ոք՝ օտարոտի պսակաց ցանկացեալ և հռչակութեանց առ համօրէն հելլենացիս , հրամայեցէք նմա , զի որպէս օրէնքն պատուիրեն առնել զառհաւատչեայս տուրևառից , արժանահաւատ երաշխաւոր բանիցն ածել և նմա 'ի մէջ զիեննացն ոճ և զգգաստական վարան : Եւ թէ ումեք դոքա չվկայիցեն , մի զգովութիւնան հաստատուն առնիցէք նմա , և փոյթ խնամոյ տարալք ընկերհաշտութեանս՝ որ 'ի բաց ահա զերծանի 'ի ձեռաց ձերոց : Միթէ ոչ դժնդակ ձեզ թուիցի , զի տաճարն խորհրդայ և ժողովուրդն ընդ վայր հարեալ , և հրովարտակք և հրեշտակութիւնք դան 'ի տունս սոսկականաց , ոչ 'ի վարկպարազի մարդկանէ , այլ յորոց մեծ ընդ առաջինսն են յԱսիա և յԵւրոպէ : Եւ որոց իրաց պատուհաս մահ է ըստ օրինաց , ոչ յուրաստ լինին ոմանք գործեալ զայնս , այլ խոստովան լինին 'ի ժողովրդեանն , և զնամականին ընթեռնուն առ միմեանս . և են՝ որ յանդրդնեալ հոլանեալ հրաւէր առ ձեզ կարգան՝ հայել յերեսս իւրեանց , և են որ պարգևս խնդրեն իբրև կեցուցիչք քաղաքիս : Իսկ ժողովուրդն՝ առ յուսահատութեան եղելոցն՝ իբրև զառամութեամբ զառանցեալ և դագաշեալ , կամ ըզխօթամտութեան հարեալ , զանուն և եթ ընկերհաշտութեանն պինդ կալեալ՝ զգործսն այլոց եթող : Իսկ ապա յարուցեալ գնայք 'ի ժողովոց , ոչ եթէ խորհուրդ ինչ առեալ զերացդ , այլ իբրև 'ի հանգանակաց զսինլքեալ քերթաքաղ խերշտանան ճաշակեալք ¹³⁸ : Եւ զի ոչ շաղկապփեմ , յայս հայեցեալ զննեալիք զբանն :

Եղև երբեմն աստանօր , — ծանր է ինձ ստէպ ստէպ խարխարել զնարուանս քաղաքիս , — եղև այր ոմն սոսկական , որոյ նաւարկել միայն 'ի Սամոս ¹³⁹ համարձակեալ ,

նոյն օրին յասենէ Արիսպագին, իբրև հայրենի աշխարհին մատնիչ, մահուամբ պատուհասեցաւ : Եւ այլ դք սոսկական՝ նաւեալ տարագէմ՝ ՚ի Հռոդոս ¹⁶⁰, զի վատարար կրեաց զերկիւղ, ամբաստանեալ փոքր մի յառաջ՝ հաւասար ելին նմա քուէք . եթէ և մի ևեթ ՚ի միւս կողմն անկանէր, յաքսորս էր առաքեալ կամ թէ և սպանեալ իսկ : Աղէ դիցուք առ սմին զայժմու եղեալքս : Այր ճարտարախօս, ամենայնիւ չարեացապարտ, դասալիք ՚ի զօրուէն, փախստական ՚ի քաղաքէս, դա պսակ պահանջէ, և հոչակելոյ զանձն արժանի վարկանի : Ո՞չ ՚ի բաց հալածիցէք զմարդք իբրև զհարուած հելլենացւոց առ հասարակ կամ թէ ոչ մանաւանդ ձերբակալ զնա արարեալ, իբրև զաւազակ հինահար իրաց աշխարհիս՝ սահարկեալ ընդ քաղաքականութիւնս ՚ի վերայ լոկ բայից և բանից, առնիցէք նմին պատուհաս :

Յուշ լիցի ձեզ և ժամանակս՝ յորում զվճիռդ էք հատանելոց : Սակաւիկ միւս ևս աւուրք, և ահա Պիւթեանքն կատարելոց են հանգէպ, և ժողովն հելլենացւոց գումարեացի ¹⁶¹ : Ի Դիմոսթենեան վարչութենէ ժամանակացս աղարտեցաւ քաղաքս . եթէ զգա պսակիցէք, միախոհ կարծիցիք ընդ որս որք զհասարակաց խաղաղութեամբս պարթանեալ անցանեն : Իսկ եթէ զհակառակն գործիցէք, ազատեալիք զժողովուրդն ՚ի բամբասանաց :

Արդ՝ մի իբրև զօտարէ իմեքէ, այլ իբրև զքնիկ սեփական քաղաքէ խորհեսլիք . և մի զպատիւսդ բաշխիցէք, այլ ընդ ընտիրս հանէք, և զպարգևսդ ազնուագոյն անձանց և արժանապատիւ արանց ընծայեցէք : Եւ ոչ յականջալուրս միայն, այլ և յականատեսս, ՚ի ձեզ ինքեանս հայելով, քննեցէք՝ ոչք ոմանք իցեն ՚ի ձէնջ որ օգնականքն իցեն Դիմոսթենի . միթէ որսակիցք իւր, կամ հանդիսակիցք ՚ի մարզս Ֆրիտասարդութեան իւրոյ : Այլ յովիմբականն երդուեալ իմ Արամազդ, ոչ յորս կնձից վայրի շահատակեալ դորա երբէք, և ոչ առուգութեան մարմնոյ

կալէալ իննամ, այլ համակ 'ի վարժա խորամանգ հնարից՝
ընդդէմ ընչեղաց սկելով զժամանակն անցուցեալ:

Իսկ յամբարտաւանութիւն դորա հայեցեալ, յորժամ՝
զբիւզանդացիս ըստ ձեռն Փիլիպպեայ իւրով պատգամաւո-
րութեամբն ելեալս մեծաբանիցէ, զակառնանացիս վա-
րանջեալ, զարհուրեալ զթեբացիս հրապարակախօսու-
թեամբն. — զի յայն ապշուութիւն հասեալ համարի զձեզ,
մինչև յայդ ևս 'ի բանս պատիրս ելանել, որպէս եթէ զդիսն
հաւանութեան 'ի նմա անուցեալ ձեր 'ի ծոց քաղաքիս, և
ոչ քիչ զոք չարաբան. — և իբրև 'ի վախճանն ճառիցն ժա-
մանեալ՝ բարեխօսս իւր զհաղորդս կաշառաւորութեանցն
կարգասցէ, զիք 'ի մտի տեսանել յատենիս՝ ուր կամս և
խօսիմ, գէմ ընդդէմ առ դոցա ստամբակութիւնն ճակա-
տեալս զերախտագործ բարերարան քաղաքիս. զՍողոմ՝ որ
գեղեցիկ գեղեցիկ օրինօք զընկերհաշտութիւնս զարդա-
րեաց, զայրն ճարտարամիտ և զօրէնադիր քաջ, որ իւրով
վայելականաւն իմաստութեամբ հայցէ 'ի ձէնք, մի և մի
բնաւ զՌիմոսութենի խօսան նախամեծար ընտրել քան զերդ-
մունսդ և զօրէնսն. զԱրիստիդէս, որ զհարկս հելլենաց
բարեկարգեաց, յորոյ 'ի վախճանէն՝ զգտերսն ժողո-
վուրդն ամուսնացոյց. որ արդ կոծ առնու 'ի վերայ անար-
գանաց արդարութեան, և հարցանէ՝ թէ համբուն ամացի-
ցէք ոչ, զի զԱրթմիոս ¹⁶² զելիացի, այն որ երբ եմոյծ
յԵՂՂազա զՄարաց ոսկին, և եփ բնակացեալ էր 'ի քաղա-
քիս և հիւր ժողովրդեան ատենացւոց, փոքր միւս ևս և
'ի սպանանել եկեալ էին հարքն ձեր, և 'ի հասարակ կա-
մաց հաւանութենէ տարագիր արարին 'ի քաղաքէս և յա-
մենայն երկրէ տէրութեան իւրեանց. իսկ դուք՝ զՌիմոս-
թենէս, ոչ զառ 'ի Մարացն զոսկին բերեալ, այլ և զկաշա-
ռաբեկն, և արդ ևս կաշառօքն յղփացեալ, ոսկի Պասակա-
հանգերձիք արաախուրել. և զԹեմիստոկիէս, և զանկեալն
'ի Մարաթոն և 'ի Պլատին, և զնոսին իսկ զնախահարցդ
չիրմն, ոչ կարծիցէք անդ հաշել հառաջել յողւոց հանել,

եթէ գա որ ինքնին իսկ խոստովան լինի խառն ընդ խուժ-
գուժսն հակառակ հելլենացւոց մրցեալ, պսակի առնիցի
արժանի :

Արդ ես ¹⁶³, ո՛ր Երկիր և Արեգակն և Արաքինութիւն
և Հանձար, և Խրատ՝ որով խելամուտ եմք բարւոյն և
չարին, եղէ ես օգնական՝ և ասացի : Եթէ ՚ի ճահ և արժա-
նի ըստ մնասուն դատախազեալ, ասացի որպէս և կամէիս .
իսկ եթէ նիազ, որպէս ինչ կարող գտայ : Իսկ դուք, և ըստ
բանիցս ասացելոց և ըստ պականն մնացելոց, ձեզէն տուք
զարգարն և զօգուտ քաղաքիս դատակնիք վճռոյ :

ՏԵՂԵԿՈՒԹԻՒՆՔ ԻՆՉ

Ի ՄԵԿՆՈՒԹԻՒՆ ՃԱՌԻՍ

Թիւ 1. Աթենացիք բաժանեալ էին 'ի տասն ցեղս , և ամի ամի 'ի միոջէ միոջէ 'ի ցեղից անտի ընտրեալ յիսուն քաղաքացիք , նոքա միահամուռ կացուցանէին զժողով Հնգից հարիւրոցն , որոց գործ էր պատրաստել և 'ի կարգի դնել յառաջագոյն որ ինչ միանգամ յատեան ժողովըդեան ելանելոցն էր :

2. Ժողովուրդն համբարձմամբ ձեռացն յայտ առնէր զկամս հաճութեան իւրոյ . և 'ի վճարել նուիրակին զհամար ձեռացն ամբարձելոց՝ գահերէց ժողովոյն յայտ զընտրութիւնն առնէր . և սոքա կոչէին ձեռնադրեալք : Թող զայդ , էր միւս ևս ընտրութիւն վիճակաւ , և վիճակաւորք կամ վիճակեալք կոչէին : Բայց ոչ վարկպարտի և յախուռն ինչ լինէր վիճակն 'ի կոյր բախտն ապաստան . այլ նախ հաւանութիւն ժողովըդեանն պիտէր առ արժանի լինելոյ վիճակի : Այս վիճակարկութիւն յանձն էր Օրինապահաց . և լինէր 'ի մահէնին թեւ սեւտի : Լինէին և 'ի սոհմաց սոհմաց ոմանք ընտրեալք , և կոչէին ընտիրքն կամ հաճոյքն :

3. Ամենայն ցեղ ունէր ըստ կարգին զգահերիցութիւն 'ի ժողով Հինգ հարիւրոցն : Նահապետք էին յիսուն ատենակալք՝ որ 'ի դիմաց ցեղին կային 'ի գահերիցութիւնն , որոց և միայն էր իշխանութիւն 'ի ժողով կոչելոյ զժողովուրդն : Նախագահք տասն 'ի յիսնից անտի ընտրեալք՝ գահերէց բազմէին մէն մի եօթնեակ , և 'ի ժողովս ժողովրդեանն առաջի առնէին զինդիրն :

4. Սյուն , գերագոյն օրէնագիրն ամենացոց , որպէս 'ի վերոյ սասց :

5. Ճարտարախօսք տաճարին խորհրդոյ թուին լեալ քաղաքացիքն՝ որ 'ի խորհրդականաց անտի ջտադոմ կային կամ պաշտպան սահմանելոցն 'ի ժողովս կարգին իւրեանց :

6. Այս անուն էր վեցեցունց իշխանացն՝ որոց պաշտօն էր հսկել 'ի պահպանութիւն օրինաց , թող զերիս առաջինան , զիշխանն Յորջորջական , զիշխանն Արքայ , և զիշխանն Ասպարապետ : Յանուն Յորջորջական իշխանին յորջորջէր տարին , և սեփականագոյն գործ էր նորա տեսութիւն քաղաքական . Արքայ իշխանն նախաթա էր յիրս կրօնից . Ասպարապետի իշխանին յանձն էր հրամանատարութիւն զօրաց :

7. Այս ժողովք ժողովորեան յընտրութիւն իշխանաց՝ 'ի Պնիքս անուանեալ տեղւոջն լինէին :

8. Հրաման նորոգութեան պարսպացն առ Գիմոսթենէս՝ թուի եղեալ յելս առաջնոյ կամ 'ի մուտս երկրորդի ամի հարիւր և տասն Ուխտարդին , յորում մօտալուտ 'ի վերայ կայր ընդ Փիլիպպեայ պատերազմն :

9. Լուելեայն իմանի՝ ընթերցցի դիւանադպիրն , զի նորա էր ընթերնուլ առ ժողովորդն զօրէնսն , զդիւանադպիրս և զվճիռս՝ զորս 'ի մէջ կամեր անել ճարտարախօսն : Բայց աստ և յառաջիկայսդ ակնարկին միայն 'ի ճառիս Եսքինեայ աստեճական վկայութիւնքն , այլ ոչ բերին 'ի մէջ որպէս ցմեծ կէս պատասխանոյն Գիմոսթենի :

10. Սորա էին զոյաւորքն 'ի քաղաքացիս , որ ըստ պէտս պէտս կառուցանէին կամ հանդերձեալ կազմէին զնաւս տերութեանն յընչից իւրեանց :

11. Ատեան Արիսպագին էր դատաւոր գլխապարտութեան յանցանաց . բայց երբեմն և զայլ կարեւոր իրաց դատաստանս 'ի նա ապաստան աննէին արտաքոյ սովորութեան :

12. Միտք բանին այս է . Առանց համարս տալոյ՝ ոչ է պսակելի . Իսկ համարք յետ ելանելոյ իշխանութենէն են , ապա աստեճակալք Արիսպագին՝ որոց մշանջենաւոր է պաշտօն իշխանութեան՝ պսակել ոչ ունին :

13. Տաղանդն ատտիկեան էր յայնժամ վաթսուն մասս . մնան հարիւր դրամ , դրամն՝ ինսուն և երեք դանգ կամ հարիւրորդ այժմու գալլիական դահեկանի . և այն էր միակն 'ի հաշիւս հելլենական արծաթոյն :

14. Սա , այս ինքն է Կտեսիփոն , զոր պարտ է իմանալ աստ և զկնի ուրեք ուրեք . որպէս և յորժամ դա ասիցէ , զԳիմոսթենէս իմանայ՝ որ անդն կայր անշուշտ , զի ստեպ և առ նա ինքն դարձուցանէ զխօսան :

15. Արձանադրող կոչէր՝ որ ունէր գլխատակադիրս արծաթոյն

զոր առնուին զանձապետք . և այն յիշատակագիրք զայնն ապա 'ի պետոս հարցափորձի համարոյ իշխանացն : Իսկ իւրաքանչիւր նահապետութիւն յիշատակեալ փոքր մի զկնի , էր ժամանակ երեսուն և հինգ աւուրց յորս տեւր իշխանութիւն նոցա :

16. ԶԻւուրտոզ զայդ անափիւտեցի յիշատակէ Պլուտարքոս իւրեւ զքաղաքացի որ բարեհամբաւ : Գանձապետ կացեալ աճեցուցեալ էր զմուտոս զանձին :

17. Հաւանելի է՝ թէ այս այն Հեգեմոն է , զորմէ և Գիմոսութենէս խօսի 'ի Պասկի ճառին :

18. Քաղաքն աթենացւոց և ատտիկէաստան համօրէն բաժանէր 'ի ցեղս , յերրորդ մի ցեղից և յաւան կամ 'ի տոհմս ազանց :

19. Տասնեքին ցեղք աթենացւոց յորջորջէին յանուն տասնեցունց դիւցազանց աշխարհին : Յեղն պանդիոնեան 'ի հինգերորդ արքայէն Աթենայ 'ի Պանդիոնէ առնոյր զանուանակոչութիւնն :

20. Այս է՝ հնարել քաղել արծաթ յարտաքնոցն Հելլենաց՝ որ տեղեակ լինիցին մեծի անուան իւրում և ցանկանայցն գնել զայնպիսի հզօր պաշտպան յԱթէնս : Սովին ևս կճանէ գիմոսութենէս :

21. Պնիքս էր տեղի մի բարձրաւանդակ մերձ 'ի դղեակն , ուր լինէին յաճախ ժողովք ժողովրդեանն : Ազդի նորոգ հատեալ փորուածք տեղեացն 'ի յայտ ածին զվայրն ուր էր , և զաշտիճանս բեմի ճարտասանիցն :

22. Կրկին էին տօնք Սպանդարամետականք . մեծք , 'ի կարգի երեւելի հանդիսից , 'ի քաղաքի անդ կատարէին մօտ 'ի գարունն , և կոչէին Գիոնիսեանք . փոքունքն կատարէին յանդաստանս մերձ յաշուն , և Հնճանեանք անուանէին :

23. Յառաջ քան զՍպանդարամետական կացութիւնն՝ մատուցանէին քերդոզք նորանոր ողբերգութիւնս առ 'ի հանդիսել թէ ո՞քան զո՞ խլիցէ զմրցանակն : Ողբերգութիւն որ ընտիր քան զայլն գտանէր՝ դատաւորք կարգեալք 'ի տերութենէն պսակէին զայն , և տային խաղալ հանդիսիւ մեծաւ : Եւ որ յերկրորդ և յերրորդ կարգ գատէին , խաղային և զայնս : Եւ այս ամենայն ողբերգութիւնք կուչէին նորս :

24. Օրինապահացն գործ թուի լեալ , առաջի առնել ժողովրդեան և զպիտոյ փոփոխմունս օրինացն :

25. Տախտակս առէին՝ յորս դրոշմեալ հրապարակէին օրէնքն , որոց հաստատութիւն խնդրելի էր 'ի ժողովրդեանն :

26. Անուանագիրքն էին տասնեքին դիւցազունքն՝ զորոց անուանն եզ . կլիսութենէս 'ի վերայ միոյ միոյ 'ի տասանց ցեղիցն աթենացւոց . սորոց և պատկերքն կանգնեալ կային 'ի հրապարակի քաղաքին դէմ յանդիման տաճարին խորհրդոյ :

27. Կեփիսոդոտ առաքեալ էր յաթենացւոց 'ի Հելլեսպոնտոս զօ .

բազում ի նուաճել զփառամուլ գնացս Միգիայ, որ տիրա-
նալ կամէր Համօրէն թրակիրոյ : Եմուտ նա 'ի նաւն՝ որոյ շինող էր
Դիմոսթենէս, և մատեաւ յԱլլոպեկոնէս . անդ ըմբռնեալ և պատ-
րեալ 'ի Քարիգեմայ՝ եղ գաշինս և եթող 'ի Կերտորէպտէս զիշխա-
նութիւն թրակիրոյ : Սրտմտեալ աթենացոց՝ ջրեցին զգաշինան, և
գատապարտեցին զԿեփիսոգոս 'ի տուգանս տաղանգաց հնգից :

28. Մինչդեռ պարապետն էր Դիմոսթենէս, ընկալաւ կռուի մի
'ի Միգեայ 'ի Սպանգարամետական հանդիսին : Պարտաւոր վասն
այնոր արարեալ էր նորա զՄիգիաս 'ի ծանր ինչ տուգանս, այլ ապա
երկուցեալ 'ի թշնամութենէ ճոխ և հզօր քաղաքացւոյն, պահան-
ջեալ էր միայն երիս հազարս դրամոց : Պատեմ զսոս Պլուտարքոս 'ի
վարան Դիմոսթենի, և յաւելու 'ի պատիւ նմին . « Ոչ կարծեմ թէ
երեք հազար դրամք ցածուցանէին զբարկութիւն Դիմոսթենի, եթէ
կայր նմս ակն և հնար յազթանակելոյ : » Կայ և ճառն Դիմոսթենի
ընդգէմ Միգեայ :

29. Պարապետ՝ էր գլուխ գասուն երաժշտաց, որ մրցէին զյազ-
թանակէ 'ի մեծահանդէս տօնս հելլենացոց աշխարհին :

30. Այս խաղաղութիւն կամ հաշտութիւն կնքեցաւ յերրորդում
ամի հարիւր և ութ Ուլիսիազին :

31. Տեւեաց խաղաղութիւնն ամս վեց . զի յառաջնում ամի հա-
րիւր և տասն Ուլիսիազին՝ մօտալուտ առ դուրս կայր պատերազմն
ընդ Աթէնս և ընդ Փիլիպպոս :

32. Քերտեայ ճակատամարտն մղեցաւ յերրորդում ամի հարիւր
և տասն Ուլիսիազին, յորում պարտեցան աթենացիք, և Դիմոսթեն-
նէս փախեաւ մազապուր :

33. Աթէնք լինելոց էր հանդիսարան ժողովոյ հրեշտակացն հել-
լենացոց :

34. Խորհրդականաց ընտրութիւնն վիճակաւ էր : Ընտրէին նոյն-
պէս և երկրորդ զօմն՝ տեղակալ, որ առաջնոյն յաջորդեսցէ 'ի մա-
հուն նորա կամ 'ի յանցաւորն գտանել :

35. Այս կաշառող՝ Փիլիպպոս և յայտնապէս :

36. Արգելեալ էր յօրինացն ժողովել զժողովուրդն յաւուրս առ
նից : Եւ նախորձակ աստանոր հաւանել է թէ նշանակիցէ զկա-
ճառան 'ի մրցումն երաժշտականին, որ լինէին յառաջնում աւուր
մեծի տօնիցն Ասկլեպեայ՝ խմբելոց յԵպիդարոս :

37. Հրեշտակքք էին Անտիպատրոս, Եւրիլքրոս և Պարմենիոն :
Եւ Անտիպատրոս այն իսկ էր՝ զոր Ալեքսանդր 'ի մեկնել իւրում
եթող փոխանակ ընդ իւր արքայ 'ի Մակեդոնիա :

38. Ի կճեայ արձանս գրոշմէին զաշինքն որ ընդ թագաւորս կամ
ընդ պետութիւնս :

39. Քաղաքական գասալիք կոչէ Եսթինէս զայնոսիկ, որ ըստ ժա-

մանակին՝ կողմանէ 'ի կողմն փոփոխին . զի զնոյն հեղին ձայն վարե
աստանոր՝ որ և զփախստեայ զինուորէ 'ի կողմէլանելոյ ասի :

40. Այս բարձերիցութիւն էր իշխանութիւն բազմելոյ ընդ նա-
խաթոռս ակմբի ատենին :

41. Իմն կառս 'ի զուգից ջորւոց լծեալս , որովք անձանց իշխանա-
կանաց էր ճանապարհորդել :

42. Քարիդեմոս որեացի յԵւբիոյ , զինուորեալ ընդ խիկիրատեալ՝
արժանի եղեալ էր քաղաքակցութեան արժեանացւոց վասն ծառայու-
թեանցն : Եթէ զսմանէ են բանք Եսքինեայ , հաւանութեան է՝ թէ
էր նա յարքունիս Փիլիպպեայ 'ի սուսերահար լինելնորա 'ի Պաւսա-
նիայ . քանզի անդէն լրուտես զէտ սուրհանդակաւ ընկեցեալ ասէ
զնմանէ Եսքինէս առ Դիմոսթենէս զլուր սպանման արքային մակե-
դոնացւոց :

43. Սյունի արգելեալ էր յորէնան՝ սզաւորաց չզնուլարջառս .
և զայս ևս յաւելեալ բարդեալ Եսքինեայ յառաջինան՝ համարձակ
այնուհետև անօրջնէր ասէ :

44. Յիրաւի նկատէ աստանոր Պլուտարքոս , զի այս մեղադրու-
թիւն Եսքինեայ՝ զովեստ է մանաւանդ Դիմոսթենի . զի յոյս ազա-
տութեան հայրենեացն յաղթէր հայրագորով աղետից ցաւոցն :

45. Նոյնպիսի նմանական ձայնք են և 'ի հեղին բնագրին Եսքի-
նեայ . զի ասէ . Οὐ γὰρ τὸν τρόπον , ἀλλὰ τὸν τόπον μόνον μετέλλαξε : .
ս- զս- թծ ք-ծփծ , ալլա թծ քփծ ժծծ ժքիլլաւի :

46. Իրունք կամ Պահակ կոչէին թերմոպիլայքն , կամ ըստ հա-
յուսմ՝ Զերմադրունքն անուանեալ կապան կամ կիրճ լերանց , ընդ
որ էր անցք 'ի Մակեդոնիոյ յԵլլագա ընդ Թեսալիս և ընդ հովիտն
Խոսայ լերին , և գիւրամուտ լինել մինչև յատտիկէաստան :

47. Զայն տայ իմանալ Եսքինէս , որպէս թուի , թէ Փիլոկրատես
չհասներ մասն և բաժին Դիմոսթենեայ յարժաթոյն զոր առնոյր 'ի
Փիլիպպոսէ , յորմէ և կազելնոցին :

48. Հալոնեսոս կամ Ալոնեսոս կզգի է Եգեան ծովուն առ երի
Մակեդոնիոյ՝ 'ի մուտս թերմոսան ծոցոյն — Փոքր մի զկնի յիշատա-
կեան Արիստողէմ՝ զօրապար էր արժենացի , որիչ 'ի համանուն կա-
տակազուսանէն զորմէ խօսի Դիմոսթենէս :

49. Մենեսարքոս , կալլիս և հաւրոսթենէս՝ միայն 'ի յիշատակէ
աստի Եսքինեայ ծանօթ են , թէպէտ ճամբրիս իցեն ճառեալքդ ըզ-
նոցանէ , թէպէտ սուտ ըստ մասնէ :

50. Այս յափշտակութիւն Որոպոսի եղև յերրորդում ամփ հա-
բիւր և երրորդ Ուլմակիադին :

51. Աթենացիք խաղացին 'ի Թիկունս եւբիացւոց յերրորդ ամփ
հարիւր և հինգ Ուլմակիադին :

52. Պլուտարքոս՝ բռնաւոր Երետրիոյ՝ կոչեաց զարժենացիս յօդ-

նութիւն ընդդէմ Փիլիպպոսի, որ 'ի չորրորդ ամի Հարիւր և վեց Ուլիմպիոսի սպառնայր Եւբիոյ . բայց ապա նենգեաց նոցա, և ձեռն ետ 'ի մակեդոնացին :

55. Տամինայք, քաղաք Եւբիոյ էր 'ի գաւառին երեսորիացւոց . ընդ պարսպօք քաղաքիս յաղծեցին ատենացիք քալկիսեցոց՝ զօրավար զՓոկիոն ունելով: Իսկ Կոտիլէոն՝ լեաւն Եւբիոյ, կարի մտաւոր Տամինայց :

56. Եւբիպոս նեղուց՝ որ բաժանէ զԵւբիա 'ի ցամաքէն Ելլազայ : Ի Հնոցն Հռոմայեցւոց Սենեկա ողբերգակն և Պլինիոս բնապատում՝ օր ըստ օրէ եօթն անգամ ուննուլ և ցածնուլ ասեն անդ ծովուն յեւլէջս երթեկեկի ծփանացն : — Քալկիս էր քաղաք գլխաւոր կառուցեալ 'ի ծովափին Եւբիպոսի :

57. Ընթացք կամ արշաւ՝ մեծ իմն էին 'ի դուպարս նահատակաց մրցարանին, յորս երեք էին նշանաւորք . պարզ ընթացք կամ ասպարէզ, որ էր իննսուն և չորք ձողաչափ և կէս . կրկինն՝ երկիցս նոյնչափ . երկայնն՝ որոյ էր չափ աւելի քան զերկոտասան ասպարիչաց, յոր և յաջողեալ Դիոդորի՝ յայն անուն յորջորջէր :

58. Ի քաղաքի աստ լինէին ժողովք նիզակակցացն ատենացւոց, արկանել Հարկս քաղաքի քաղաքի 'ի պետս ծախուց պատերազմի :

59. Զայդ յայն սակա առնեն Կալլիաս և Դիմոսթենն ըստ Եւբիոնեայ, զի հեռացուցեալ 'ի ժողովոյն՝ յիւրեանս վտարեացն զհարկն զոր բերեալ էին : Եւ առաքեն 'ի ժողովն Եւբիոյ, զի նոյնպէս՝ ըստ Եւբիոնեայ՝ անդ դաւակիցք Կալլիասայ գուն 'ի գաղտնիս դնէին յարուցանել զկողզին ընդդէմ ատենացւոց :

60. Ի Պելոպոնէս հրեշտակութեամբ չոգաւ Դիմոսթեննէս յառաջներորդ ամի Հարիւր և ինն Ուլիմպիադին : Թերեա 'ի դարձին 'ի հրեշտակութենէ անտի չոգաւ և յԱկառնանիա :

61. Զօր լուման լումնին, զհնգետասան ասեմ՝ ամոյն, կէտ եղեալ էր Դիմոսթենի ամենեցուն 'ի ժողով գումարելոյ :

62. Զպլուտարքոս հալածեալ Փիլիպպոսի յԵրեսորիոյ՝ կացուցեալ էր ընդ նորա զԿլիտարքոս :

63. Կիրրացիք բնակիչք էին Կիրրայ՝ որ էր քաղաք վաթսուն վըտաւանաւ հեռի 'ի Դելփեայ առ ծովզեբրին . իսկ ակրազալեանք կամ կրաւալեանք՝ դրացիք էին Կիրրացւոց :

64. Ամփիկտիոնք, աշխարհագումար ատեան դաշնակից քաղաքաց, ժողովէին երկիցս 'ի տարւոջ . գարնանի՝ 'ի Դելփիս, և աշնանի՝ 'ի Զերմագրունան . էր զի և ստէպ ևս ըստ հարկի պիտոյից իրացն : Բազմաց 'ի հելլէն ժողովրդոց իրաւունք էին առաքել 'ի ժողովմն երկուս երկուս խորհրդակիցս, երբեմն երիս կամ չորս, բայց երկու եւթ քուեսայք էին նոցա : Առաջինն՝ գլուխ պատգամաւոր խորհրդակցացդ՝ կոչէր Աւանգապահ կամ Դիւանապահ՝ պահապան մեհենագիր ա-

ւանդից կամ դիւանաց, այլքն անուանէին Դարասանք, այս են՝ պատուիրակք ճարտարախօսք առաքելալք ՚ի Ջերմագրուննն: Նոյն անուն էր և պատգամաւորելոցն ՚ի ժողովն գելփական: Ատեան Ամֆիէ տրոնացն գատուոր էր հասարակաց խնդրոց կրօնից և ազգայնոց:

65. ՅԱթէնս ՚ի պաշտօն առեալ էր Աթեննա սատուածուհի թնամօզ անուամբ, զի ինամ կալեալ ծննդոցն Լետոլայ՝ մօր Ապօլոնի և Արտեմիայ, հոգացեալ էր զամենայն զպէտս սատուածուհւոյն: Բայց իմաստունքն աթենացոց ընդարձակ առմամբ իմանային նովաւ զսատուածեղէն Միտան և զինամին որով վարի ամենայն ինչ:

64. Լոկրացիք որոշէին ՚ի լոկրացիս Ոզուը, ՚ի լոկրացիս ուլունտեանս, և ՚ի լոկրացիս եպիկնեմեանս: Լոկրացոցն Ոզուըց մայրաքաղաք էր Ամֆիսաս՝ այժմ կոչեցեալ Փալէօքսաթաօ:

65. Այս այն Միդիաս է՝ որ կռփահարեալ էր զԻմոսթենէս ՚ի մեծախումբ տեսարանի:

66. Նորն սակ զտաճարն՝ կարծիս տայ երկուց լինելոյ ՚ի Դելփիս. բայց չէր. այլ ՚ի հրկէզն լինել՝ վերստին կառուցին Ամֆիկտիոնք, և մինչ չէ էր վճարեալ գործն և տաճարն սրբեալ՝ կախեցին աթենացիք ՚ի կամարան զվահանն ոսկիս յիշատակեալս յԵսքիներայ: Իսկ շինութիւն մեհենին անկատար մնաց մինչև ՚ի զալուստն Ներոնի ՚ի Դելփիս:

67. Հէլլէք Մարս կոչէին երբեմն և զՊարսիկս. վասն կիւրոսի յաղթանական ՚ի մի գաւազան զերկոսին ազգն խառնելոյ: Այլ առ մեզ յառաջ քան զայն՝ հաւն կիւրոսի Աժդահակ մարապարտոցի կոչի ՚ի Խորենացոյն. Ա. ԺԹ:

68. Յառաջում արշաւանին Պարսից ՚ի հէլլենաստան՝ միաբանեցին ընդ նոսա և թերացիքն:

69. Կրոզբիլոս ՚ի բնէ, ըստ Հեսիքիոսի, նշանակէ ցցունս հերաց Դ ճակատէ յետս ընդ գլուին վարեալ, և ըստ Սուրբատայ՝ զտուպոպիս վարսից մանկանց: Արպոկրատիոն զԿրոզբիլոսն՝ յորջորջանաց անուն ասէ լեալ Հեգեսիպպոսի: Մարթի թէ Եսքիներայ բանք զայնմ՝ ճարտարախօսէ իցեն. զի այնն ասել՝ զյայտնի ումեքէ ակնարկէ: Բայց չցիտեմք էր սակս և յոց դէպս զփոփիսացելոցն նիզակակցութիւն գրով յատեան հանեալիցէ Հեգեսիպպոս:

70. Այս է խանքն կամ ափսեայքն սուրբք՝ բարձեալ կան ՚ի ձեռս մատուցանելաց նոցին ՚ի սկզբան զոհիցն: Եգեալ կային ՚ի խանն գահամուկք նուիրացն, դանակն և այլ անօթք կարեորք ՚ի պէտս արարողութեանն: Ասացեալ է և Եւրիպիդեսայ, (Իփիգ. Աւլ. 1375),

Յալքաս կիւսահըմայն յոսկիաձոյն անդ ՚ի խան
Չեռամբ իւրով ըզթուրն ՚ի պատենից սպրասուր
Մերկացեալ արկս և ըզզլուի օրիորդին պըսակեաց:

71. Իմա զայնոսիկ որ քսանամեայքն էին, որ և էր ամ կատարեալ երիցութեան. զի 'ի կատարեալ արբունն հասեալ Համարելին ութուտասնամենի. իսկ սկիզբն՝ որպէս և ցայժմ՝ յամենայն բարեխառն նահանգս՝ 'ի չորեքտասանի տիոցն լինէր. վասն որոյ և ոմանք աստ զվերտասանեանն կամին իմանալ:

72. Թիտիոն ըստ Հելլենականին ասացեալ, որ է տեղի սպանդից, զոհարան:

73. Կոտտիփոս՝ յազգէ արկադացի, յարեալ էր 'ի Թեսալացիս և եկեալ բնակէր 'ի Փարսալ քաղաքին 'ի Թեսալիս, զոր ատտիկեցի բարբառ Թետալիս ասէ:

74. Մի այն քաղաք՝ Թերէ էր; զոր կործանեաց Ալեքսանդր յերկրորդում ամի հարիւր մետասան Ոլիմպիադին:

75. Փիլիպպեայ առանձինն տրտունջ կայր զԱթէասայ սկիւթացոց արքայէ. վասն որոյ խաղաց 'ի վերայ նորա, հար սատակեաց զըստուար բանակ նորա, և Թափեաց աւար սաստիկ:

76. Յանկարծամահ սատակումն իւղազլինւոցն 'ի Խորհրդատօնա՝ աստուածասաստ պատուհաս համարեալ էր: Սակայն ըստ Հին մեկնընի ուրումն՝ ոմանց 'ի նուիրելոցն 'ի ծով մարձեալ յօրինի լոգացումն՝ կուր եղեալ են ծովական իմն նհանգի, որպէս առանդութիւնն ասէր:

77. « Իիմոսթենէս, ասէ Կիկերոն, յառաջ քան զամս իրր երեքարիւր՝ Փիլիպպանալ ասէր զՊիլթեայ. այս է որպէս Թէ միաբանէ ընդ Փիլիպպեայ. որ յայն ակնարկէ, իբրև զի ասել զնա կաշառարեկ 'ի Փիլիպպեայ լեալ. » (Կիկ. յղ. գուշակ. Բ):

78. Հուսկ ուրեմն ասել՝ զՔերոնեայ ճակատամարտն տայ իմանալ: Աննուէր և անհաճոյ դից զոհք՝ զբարահմայն նշանակեն և զվատախտարակ:

79. Վասն զի բազում յաղթութիւնս տարեալ էր Ալեքսանդրի 'ի վերայ Իսաբհի:

80. Պղծեալ էր փովկիսացոց զհողան սրբեալս Ապոլոնի. վասն որոյ և հարկ եղև նոցա մղել երկարժամանակեայ մարտ պատերազմի ընդ բազում ժողովորդս Ելլադայ: Լակերդեմոնացիք՝ յատենէ Ամփիկտիոնացն տուգանեալք հազար տաղանդաց՝ վասն կարձեականին տիրելոյ Թերացոց դղեկին, անցին առ փովկիսացիս: Սոքա 'ի կռուի անդ աւար հարին զմէհեանն դելփական, և կարծիք եղեն՝ լակերդեմոնացոցն ևս յաւարամասն ընդ նոսին խառնելոյ:

81. Մինչդեռ Ալեքսանդր յԱսիա էր, լակերդեմոնացոց զայն պատեհ համարեալ 'ի Թօթափել զլուծն, ապստամբեցուցին գրեթէ բովանդակ զՊելլոպոնէս: Անտիպատրոս՝ յետ յամառ կռուոյ՝ երեկ զնոսս յերկրորդ ամի հարիւր երկուտասան Ոլիմպիադին, և շնորհեաց նոցա դեսպանս առնել առ արքայ, և 'ի բերանոյ նորա լսել զվիճակ իւրեանց:

82. Իմա զհայրենի երկրէն : Նովին մտօք հելլենականին վարէ զբառդ և հայ թարգմանիչ Գրիգորի Աստուածաբանին , և 'ի նմանէ մերս Յովհ. Մարկաւազ վարդապետ :

85. Հեփողոս . Վաստակք և Աւուրք . տող 225 կամ 258 : Բայց վերջին տող յառաջ բերեալ տանցդ փոքր մի այլազգ է բոս բառիցն յայժմու օրինակն Հեփողոսայ . այս ինքն ,

կամ յանդուռդ Ձըրուանեանն ըզնաւս իւրեանց պատուհասէ :

Եւ յետ չորրորդ տողին՝ կան 'ի նմա այլ ևս երկու տողք , զորովք զանց արարեալ թուի Եսքինէս , որ են սորա .

Անծընուող լինին կանայք , և ապարանք գառնան յաւեր
Խորհրդով ոլիմականն Արամազդայ , և այլ երբէք . . .

Ձի հին մատենագիրք , ոչ միշտ ճշգիւ 'ի մէջ առնուն զբանս նախնեաց :

84. Փրինոնդաս և Եւրիբատոս՝ երկու խաբերապք էին անուանիք , մինչև անուանց նոցա յառակս լինել :

85. Թրասիբուլոս՝ զօրավար էր Բեթնացի , որիչ 'ի զկնի յիշատակելոյն : Եւ կոչիտ էր Երևան եգեական ցեղին :

86. Թրասոնն , Արքեղեմոս և Պիւսանգրոս ոչ այլ ուսուէք ծանօթ են մեզ , բայց 'ի բանից աստի Եսքինէսայ : — Երբիա էր այլ Երևան եգեական ցեղին :

87. Լէոդամաս յաշակերտութենէ Իսկրատայ էր . և գտանի առնուն իւր 'ի վճռի ուրէք յիշատակելոյ 'ի Դիմոսութենէ : Իսկ Աբառնա էր գիւղաքաղաք ինէական տոհմին :

88. Պելէքս էր Երևան լէոնտեան ցեղին . և որ փոքր մի զկնի Ալեքնիա՝ Երևան էր հիպպոթոնտեան տոհմին :

89. Ի փոփկիտական պատերազմին՝ զքաղաքն Նիկեա առեալ էր թեալացոց 'ի ձեռաց փոփկիտացոցն . Փիլիպպոս անդրէն դարձոյց առ նոսա , զի որոսացի գնոսա 'ի կամս իւր :

90. Ելատիա էր գլխաւոր քաղաք Փոփկիտի առ երի թեբայ :

91. Յետ մարտին Քերոնեայ՝ եղ Փիլիպպոս 'ի Թեբէ պահապանս , մինչ գեռ քնքն 'ի հաշտութիւն խօսէր ընդ Բեթնացիս , և զգերին նոցա գարձուցանէր առանց իրիք փրկանաց :

92. Ճարտար շրջարանութիւն Դիմոսութենի էր՝ թեբայ բիովտացիքն ասել , առ խորշելոյ յանուանէ թեբացոց՝ թշնամեաց Աթենայ :

93. Գերազոյն աստեան Բիովտիոյ գումարէր 'ի Թեբէ , ուր հրեշտակս առնէին գլխաւոր քաղաքքն Տանագրա , Թեսպիէս , Պլատիէս ,

և այլք բազումք . և անուն կոչէր նոցա՝ Իշխանք Բիովտիոյ , գլուխք կամ գլխաւորք :

94. Դատարկ էին տեղիք զինուորացն որ առ ժամն չէին 'ի զօրուն , բայց տէրութիւնն տայր և նոցա զԹռչական , և գրաւէին զայն զօրա-
գլուխք :

95. Այդոցիկ ոչինչ յիշատակ առնէ պատմութիւնն :

96. Այս այն Կլէոփոն Թուի՝ զորմէ խօսի Եղբինէս և 'ի ճառի Անիրաւ Հրեշտակութեանն : Յելս պերպոնիտեան պատերազմին՝ նուրա մահ սպառնացեալ էր ամենայնի , որ խորհուրդ տայցէ ընդունել զհաշտութիւնն ընծայեալ 'ի լակեղեմննացուց առ Թեոփոստիս՝ յետ հարուածոց նոցին 'ի Սիկիլիա : ԶԿլէոփոնէս բանք լինին 'ի բազում կատակերգութիւնս Արիստոփանեայ , մանաւանդ 'ի Գորտան :

97. Զի ըստ Պլուտարքեայ՝ ժողովուրդն ոչ միայն առ յանցաւորս չկալաւ զԻիմոսթենէս , այլ և 'ի նա ապսպարեալ յանձն արար զԳրեկզմանականն անկելոց 'ի Քերոնեայ ճակատուն , ուստի փոխարեցան ոսկրոտի նոցին առ յուղարկաւորութիւն առնելոյ նոցա հռչակաւ աշխարհօրէն :

98. Պլատոն ևս խօսի զտղմութենէդ զայդմանէ 'ի Մենեքսենին իւրում :

99. « Զէ մարթ ժխտել , ասէ Լահառփ , զճարտարութիւն ընդդիմադրութեանցդ . ամենայնիւ հնարի Եղբինէս ատելի առնել զոտիս իւր . գումարէ զատենիւն զուրուս եղկելի քաղաքացւոցն , կացուցեալ զնոսա 'ի մէջ ժողովրդեանն և Դիմոսթենի . վրէժխնդիր ուրուականօքն պաշարեալ զնա՝ կազմէ զնովաւ պատնէշ իմն անճողոպրելի : Սակայն Դիմոսթենէս միով շնչով տապալեացէ զայդ ամենայն կազմութիւն և զհանդերձանս սղաձե քինախնդրութեան՝ զոր դատախազդ յարուցանէ 'ի վերայ նորա : »

100. Սպանողին Փիլիպպոսի :

101. Ըստ Պոլիբիոսի , յորժամ արքայ Մակեդոնիոյ զԵհս մատուցանէր , զընդերս սպանդին բերէին առաջի նորա զի ինքնին զհմայսն հարցանիցէ : Եւ ըստ Պլուտարքեայ՝ Ալէքսանդր 'ի յետին ամսն յոյժ 'ի խտիրս զառածեալ անկաւ : — Եւ մանուկն համբակ ասել փոքր մի զկնի՝ ակնարկէ յարհամարհական ինչ ձայն Դիմոսթենի ասացեալ 'ի դէմն նորին :

102. Կայ և այդ առ Պլուտարքեայ՝ 'ի վարս Դիմոսթենի : Զի հրեշտակ առաքեալ ընդ այլս ոմանս առ Ալէքսանդր , յահէ աշխարհակալին եթող զընկերսն 'ի Կիթերոն լեառն , և դարձաւ յետս ընդ կրուկ :

103. Ի բանից աստի հաւանելի է՝ զԱմփիլիկաիոնեան ժողովն իմանայ աստ :

104. Այս այն նաւաստիք են՝ որ զնուիրական նաւն վարէին , որով սովոր էին ծովել պատգամաւորք կամ դեպանք :

105. Ինքն Աւերաճար ոչ անց նախ յԱսիա, այլ յղեաց զԱտտալուս և զՊարմենիոն :

106. Մերձ յխառս, ուր ապա յաղթութիւն մեծ կանգնեաց Աւերաճար 'ի վերայ գնդին Պարսից :

107. Քանզի... ըստ նախնեացն օրինի՝ օծանէին սովորով զեղջերս սպանդին, և զգլուխն պսակէին : Այնմ՝ օրինակէր Դիմոսթենէս զԵւքինէս, իբրև առ դուրս հասեալ կորստեան :

108. Այլազգի զօրք այն էին՝ որ յես մարտին իստեայ հասան 'ի պարսկական բանակէն հրամանաւ արքային, և զնացին 'ի թիկունս օգնականութեան պելագոնիսեան վասարանջութեանն :

109. Պերրեպք էին բնակիչք հիւսիսակսղանցն Ելլազայ՝ 'ի Պեհեսս գետոյ և անդր :

110. Կերամիկոն էր գիւղ մի կամանտեան ցեղին :

111. Նիմիէոն էր քաղաք 'ի ցամաք կղզւոցն Քերոսնեսի տաւրացւոց :

112. Օրէն էր ամենայն ամբաստանելոյ տարազնաց լինել 'ի հայրենի գաւառէն՝ մինչ գետ ընդ գառաստանաւ էր : Եթէ գառաստանցն տայր զնա գատապարտ առնել, ոչ ևս կարօղ լինէր գառնալ անդրէն :

113. Ըստ հելլենականին Κηροι կիպի կամ՝ Կեպի ասացեալ, որ է դարսիպոս և էր քաղաք կառուցեալ 'ի վերայ Բուսպորի 'ի զազմակաւնաց միլեատացւոց :

114. Չի օրէնք ամենականք շհրամայէին առնել կին այլազգի :

115. Սրովարանքդ էին անօթք ջրոյ սրբութեան 'ի մուտս տաճարաց և հրապարակաց, որով ջրղէին զանձինս՝ 'ի գալ մտանել 'ի ներքս :

116. Պրիտանիոն՝ որ է Նահապետարան, էր պարանք մեծ 'ի քաղաքս Ելլազոյ յառանջականութիւն գեսպանաց, հասարակաց հիւրոց, թողակաւորաց պետութեան, յունկնդրութիւն ատենից, 'ի պահպանութիւն հասարակաց՝ թերափից, մանաւանդ մեհենական հրոյն : յԱթէնս՝ և շտեմարան էր ցորենոյ :

117. Բնագիրն ասէ 'ի Բոյ լոսաչառ . յայն զակնարկունն ունելով, զի հանգերձ՝ որ զամ՝ մի լուանայ, կորուսանէ զծաղիկ դունդին՝ զնորութիւն և զպայծառութիւն . նոյնպէս պարզեք՝ անխտիր յաճախեալք՝ մաշեն և թափեալ 'ի փառաց պարծանացն : Վկայէ այդմ՝ և կոռնելիոս Նեպոս 'ի Միլեաթէան . « Արդէս պատիւք ժողովրդեան մերոյ, ասէ, նուազ և անօք էին երբեմն, և նմին իրի շքեղք : Իսկ այժմ՝ զեղունք և առանցեալք, նոյնպէս յառաջ ժամանակաւ առ ամենացւոցն : »

118. Որատրոս . Քերթ . 410.

« Նքզըրտեանն 'ի ցանկալի ասպարիսին ժամանել կէտ Վաստակեաց յոյժ՝ 'ի տղայ տին, 'ի քիրտն 'ի ցուրտ՝ համբերատար, Ժուժկալեալ հրաժարեաց յԱստղկանէ և 'ի գինոյ : »

119. Փիլէ՛ ամբոց էր Ատտիկէի, յոր ապաստան անկան պաշտպանք ընկերհաշտուութեանն, գլուխ ունելով և առաջնորդ զԹրասիբուլոս և զԱրքքիէս, 'ի բունակալել երեսնից բունաւորացն Աթենայ, զորս և 'ի պարտութիւն մատնեալ բազում անգամ՝ ազատեցին ըզհայրենիսն :

120. Սարիմոն՝ գետ էր Թրակիոյ, առ որով յաղթութիւն մեծ տարաւ Կիմոն զօրավար աթենացոց 'ի վերայ գնդին Պարոից :

121. Հերոօք էին դրօշեալք Տիւր դից ըստ նախնեաց մերոց, որ է Հերոօս ըստ Հելլենաց. և էին կճեալք, չորեքկուսիք, պատշաճք յարձանագրութիւնս :

122. Այս դահլիճ, կամ գաւիթ ևս թէ կամփցիս կոչել էր 'ի հրապարակի ժողովրդեանն :

123. Էլիոն կամ Էլեոն՝ էր քաղաք Թրակիոյ 'ի բերան Սարիմոնի՝ ոչ հեռի յԱմփիպոլէ : Էր յայնժամ 'ի ձեռս Քսերքսի, որ ըստ Պլուտարքեայ աւանդելոյ՝ Բուտեսի յանձնարարեալ էր պահել զայն. որոյ չկարացեալ զգէմ՝ ունել թշնամեաց՝ հրձիգ արար զբերդն, և հոսեաց զանձն 'ի հուրն :

124. ՁԵՆԵՆԱԹԵԼԱ մարթի տեսանել յԻլիականին Հոմերի. Երգ Բ. 532 :

125. Սրահս այն ըստ հելլէն ձայնին Պիկիլէ կոչէր, որ է ըստ մեզ Կլարէն, վասն երևելի իրաց ազգին 'ի նմա նկարակերան լինելոյ :

126. Առ այս և կոռնելիոս Նեպոս ասէ. « Քանզի և այսմ Միլտիագետայ՝ որ զԱթէնս և զյունաստան բովանդակ ազափեցոյց, այսպիսի տուռս պատիւ 'ի Նկարէն անուանեալ գահլճին. զի 'ի նկարել Մարաթոնեան մարտին, 'ի դասու զօրավարացն առանեցունց՝ առաջին նորա պատկերն դնիցի, ինքն զզօրն իրախուսեսցէ և զպատերազմն մղիցէ : »

127. Ի տաճարի Դիցամօրն Կիւբելեայ աւանդեալ պահէին աթենացիք գլխատակարանս աշխարհին և զգիւննագիրս :

128. Ըմբիշ էր փիլամոնոզ՝ ժամանակակից Էրքինեայ և Դիմոութենի : Իսկ Գլաւկոս էր 'ի կարիստեայ քաղաքէ Եւբիոյ՝ անպարտելի նահատակ առ հիննս :

129. Հազարապետ էր այրդ այդ իրաց քաղաքին աթենացոց, նշանաւոր՝ չարաչար վարչութեամբն, մինչ զի անուան իւրոյ յառակս փոխել :

130. Այս է, նոյնպէս խոսիւ պատուհասէին զեսուելիսն հակառակ օրինաց, և որ զօրէնսն գործովք լուծանէին :

131. Հելլենացոց 'ի պէտս՝ էին ժամաշափք ջրեղէնք, որովք սահմանէր՝ այսչափ կամ այնչափ ջրոյ հոսմամբ՝ ժամանակ իւրաքանչիւր ատենաբանի խօսելոյ :

132. Կախէին յատենի դատաստանին զցուցակ հրամանին՝ զորօ

էր ամբաստանութիւն, և անդէն 'ի նմին աւընթեր գրեալ զօրէնսն՝ որոց հակառակ ելանէր հրամանն այն :

133. Արդար պատասխանատուութիւն զայն իմա, որ ըստ օրինացն և ըստ կարգի լինիցի :

134. Կոչեա իւր առեւ Եւքրինի 'ի գիմաց ամբոխին՝ զայն իմ յայտ առնէ, թէ ախորժեղով մտադիւր ըւէին ակննացիք զԻմմասթենէս :

135. Դիմնութենէս, ըստ Եւքրինեայ մտացն տեսանելոյ, բնակեալ էր 'ի Պիրէան իբրև նաւ մի անդանօր խարոխեալ կազմ 'ի փախուստ :

136. Քանզի էին գատը որոց ոչ գոյին պատիժը սահմանեալը յօրինաց, այլ թողեալ էին 'ի խոհեմութիւն դատաւորաց :

137. Զի հինքն 'ի սուգս իւրեանց զհերոն խզէին կամ գերծուին : Հնութիւն ասվորութեանս և 'ի սուրբ գիրս երեւի, զոր մերքն խզել ստացեալ են : Եւ 'ի Հոմերի ընթեռնումք. (Ոգիտ. Գ. 498).

Եւ ըզհերքն խզել և ընդ ծընօսս արտօսք հեղու :

Եւ ըստ Պլուտարքեայ պատմելոյն, 'ի մեռանել Հեփեստինի՝ եւս Ալեքսանդր խզել զբաշտ երիվարաց և զխորւոց, զի անասունք անգամ սուգ առնուցուն զսիրեւոյ իւրմէ :

138. Թարգմանութիւնդ տայ բաւական զիմաստն, թէ ոչ գլուխ է այն մարդոյ, այլ պատճառք կամ աղբիւր շահից և հասից. ըստ որում՝ ոմանք յարմարել ցանկացան և զբնագիրն և փոխել զբառն *πρόσδος* մուտք, հաս, 'ի *κεφάλαιον* գլուխ գրամոյ, և առնել. Ոչ կաւափն, այլ գրամոյ գլուխ ստացեալ ունի այրդ :

139. Բազում անգամ սոսիեալ էր Եւքրինեայ ընդ Դիմնութենի յտեսնախօսութիւնս իւր, այլ չև էր երբեք գատ վարեալ :

140. Քաւարիսս զօրավար ակննացւոց յաղթեաց Պոլլիսի 'ի նակուսին մերձ 'ի Նաքսոս :

141. Ոլլիմպիոս ընդ Անտիպատրի զեկազարէր զիրս Ծակեգոնիոյ և զԵլադայ, մինչ դեռ Ալեքսանդր յԱսիա էր : Անաքսինոս՝ մի 'ի բռնոաց նորա, 'ի կերպի վաճառականի երթեալ մտեալ էր յԱթենս :

142. Յայտ է և 'ի մերոց հնութեան մատենից, զի աշ և հաց և սղան միջնորդք և առիթք բարեկամութեան էին. քանզի նորին և նշանակք են :

143. Հինքն հեղինացւոց, որպէս և հռոմայեցւոց, զեթն օր պահէին զմեռեալն, յութն՝ այրէին, յինն՝ թաղէին զաճիւնն. յոր միտս ստէ Որատիոս. (Վերերգ. ԺԷ. 48).

« Զիննօրեայսն ցըրուել ըզփոշիս : »

Այլ Եւքրինէս որպէս գիտացեալ է զառակ օրինակիդ Դիմնութենի : կամ բերանոյ 'ի բերան յունկն իւր հասեալ, կամ յետոյ ուրեմն

յաւելեալ յօրինեալ 'ի ճառիդ, որպէս և այլ ինչ ինչ, զոր օրինակ և համբարեացն նմանութիւն որ խուն ինչ զկնի:

144. Զհրեշտակութենէն ասէ, զոր աթենացիք առաքեցին առ Փիլիպպոս յետ ճակատուն Քերոնեայ խնդրել զհաշտութիւն:

145. Զնոյն նմանութիւն առնու և սուրբ Ոսկերբարանն 'ի վերջ կոյս քառասուն և երրորդ ճառին, « Եթէ 'ի փողոյն զլեզուական 'ի բաց հանիցես, անպիտան մնայ այլ գործին. բայց ոչ այսպէս փողն հոգևոր: »

146. Հոմերոս յիլիականին. Բ. 212:

147. Լակեդեմոնացիք, յետ հասու լինելոյ քաղաքին Աթենայ, կարգեալ հաստատեցին 'ի նմա բռնաւորս երեսուն, որ բազում եղեան չարաշար 'ի վերայ քաղաքացւոցն հասուցանէին:

148. Ի բեղեկ պարսպացն հարկ եղև Դիմոսթենի, որպէս երբեմն թեմիստոկլի, քանդել զգերեզմանս. այնու Եքքինէս իրբև մահնաւկապուտ զնա ընտրեանէ:

149. Պատմութիւնն ոչ ինչ յիշատակէ զայդ, որպէս և ոչ զԹուղթըն սուղ ինչ յառաջ 'ի մէջ անեալ յիսքինեայ:

150. Միջնաբերդ՝ ակառն է կազմական, ամբակողմն գլուխ քաղաքին թերացւոց, դղեակ բերդ 'ի բերդի ամրացեալ, զոր կալեալ էր մակեդոնացւոց:

151. Մինչդեռ Ալեքսանդր Սսիա էր, թերացիք կոչեցին զարկաղացիսն 'ի թիկուն՝ առ զլուծն մակեդոնական ընկենելոյ. արկաղացիք պահանջեցին տասն տաղանդ յառաջ քան զիրին ձեռնարկութիւն: Թեբէ՝ 'ի գլխտ արծաթոյն ապաստան եղև 'ի Դիմոսթենէս, որոյ առեալ էր յարքայէն Պարսից գանձս առ 'ի յարուցանել թշնամիս Մակեդոնիոյ: Դիմոսթենէս զլացաւ, չառ յանձն տալ, և Անտիպատրոս փութացաւ հասոյց արկաղացւոց զտասն տաղանդն, զի մի խլտեսցին 'ի տեղուղէ իւրեանց:

152. Փիլիպպոս զգուտոր իւր կլէոպատրա տուեալ էր կնութեան Ալեքսանդրի եղբօր Ոլիմպիայ, քեռւոյն Ալեքսանդրի մեծի, Մուսաց կամ եպիւսացւոց արքայի:

153. Ալեքսանդր, զորմէ արդ իսկ անացաք, ըստ խնդրոյ տարևնտացւոց խաղացեալ յիտալիա 'ի թիկունս նոցին, և 'ի պարագութիւն մասնեալ յերեսաց բնակչացն Բրուտիոնի՝ կորեաւ ամենայն զօրօքն յերեքարիւր երեսուն և միում ամի նախ քան զմեր թուարբրութիւնս:

154. Զայս յաղթութիւն տարաւ Իփիկրատէս 'ի կորնթեան պատերազմին ընդդէմ Ագեսիլայ սպարտացւոյ, 'ի չորրորդ ամի հարիւր վեշտասան Ոլիմպիադին: Գունդն յիշատակեալ լակեդեմոնական էր հնգից հարիւրոց այրընտիր նահատակաց, կամ ըստ այլոց եօթն ինն հարիւրոց: Գլուխ գնդին կոչէր սպսյապետ:

155. Ի խաղալ Տիմոթէի զառաջինն 'ի Թրակիա, շուրջ պատեցաւ

զ Նլլադաւ՝ իւրով նաւահանդիսիւն , և նուաճեաց յաթենացիսն ըզ-
կերկիւրա կամ կորկիւրա կղզի , այն է Քօրճու :

156. Յօրէնսն Դրակոնի հրամայեալ էր կորուսանել և զանշունչ
իրս՝ որոց անկմամբ թէ որ մեռանիցի : Եւ զայդ օրէնս պահեաց Սողոմն :

157. Յետին արշաւան՝ իմանալի է զպատերազմն որ յանկ ել Քե-
րոնեայ ճակատամարտիւն :

158. Թուի ակնարկել ՚ի գանձս տեսարանին , որ յառաջ կարգեալ
էին ՚ի զօրաժողովս և ՚ի կազմն հանդերձանաց նաւուց , և ապա բաշ-
խեցան ՚ի ժողովորդն յաւուրս հանդիսից և կացրդից :

159. Թերեւս զԱւտոլիկոնն է են բանբդ , որ յԱրիսպագէն ՚ի մահ
գատապարտեցաւ :

160. Լէոկրատ՝ յետ քերոնեան խորտակմանն՝ եմուտ ՚ի նաւ գի-
շերի ամենայն կարասեաւն , և ինքնահալած անկաւ ՚ի Հուդոս . յետ
հինգ ամի դարձաւ եկն յԱթէնս , և ՚ի Լիկուրգոսէ ումեմնէ ամբաս-
տանեցաւ յատենի :

161. Այս գումարումն ժողովոյ յայտնապէս զԱմփիկտիսնացն
տայ իմանալ :

162. Իբրև նշկահեաց Եգիպտոս զԱրտաշէս Երկայնաձեռն , խա-
ղաց սպայ ծանր ՚ի վերայ նորա , և չկարաց ինչ ստնանել նմա յերթ-
սաց աթենացւոցն որ պահէին զնա : Յասումն արքայից արքայի գար-
ձաւ յայնժամ ՚ի վերայ նոցա , և արձակեաց ՚ի Պելլոպոնէս ընդ Աթ-
փոսի գաղտագողի դաւաճանս՝ գանձուք հանդերձ՝ յարուցանել նոցա
թշնամբս . այլ ոչ յաջողեաց . Լակեդեմոն ոչ կամակցեցաւ սրտմտու-
թեան արքային :

163. Այս վերջին բանք , կնիք խօսիցն Եդրինեայ , ըստդտեալ է
՚ի քննաբանից իբրև իմաստակութեան սնտաի պայթիւն՝ անհամե-
մատ ընդ նախակարգեալ պերճարանութիւնն . որպիսի ինչ ոչ նշմա-
րի և ոչ ուրեք առ Դիմոսթենի :

ԴԻՄՈՍԹԵՆԻ

ՃԱՌ

Յ Ա Ղ Ա Գ Ս Գ Ս Ա Կ Ի Ն

Ն Ա Խ Ա Դ Ր Ո Ի Թ Ի Ի Ն

Զոր Բնչ 'ի կիկերոնէ ասացաքս զճառէն Եղբրինեայ 'ի նախագրութեան անդ իւրում՝ բաւական է 'ի յայտ ածել զպատճառս մեծի խնդրոյն, յորոյ վերայ 'ի պայքար մտին երկոքին հաշկաւոր ճարտարախօսք Աթենայ. նա 'ի դատախազել, և սա 'ի տալ պատասխանի ընդ անձին և ընդ կտեսիփոնի, և արդարացուցանել զանձինս և զհրաման Պսակին: Բայց և զամանէ զեկուցանելի է ինչ ինչ առանձինն համառօտս:

Աթենացիք, յետ պարտութեան իւրեանց՝ թերացուցք հանգերձ՝ 'ի մեծի ճակատամարտին առ Քերոնեաւ, կասկածեալ և 'ի խեթի լեալ 'ի մեղմեի խորհրդոց Փիլիպպեայ, և անվտաճք ընդ նորոգութիւն առաջնոյ ուխտին դաշանց և թիկանց ընդ նմա, թէ դուցէ յաւուր միում, որպէս ընդ այլսն, և ընդ բուն իսկ քաղաքին իւրեանց գոռայցէ մակեդոնական ամբոխին յաղթօղ գումարտակօք, վասն որոյ պարտ վարկան կազմել և զօրացուցանել զհին և զխարխուլ պարիսպս իւրեանց: Ի տասանց անտի ընտրելոց առ այդ գործակալաց՝ գլխաւոր հոգաբարձու գտաւ ճարտարախօսս Դիմոսթենէս, ոչ միայն ըստ արժանի 'ի գլուխ հանեալ զիքն, այլ և զմասն ինչ հայրենի ընչիցն՝ 'ի վերայ աշխարհին իւրոյ եղեալ ձրի, ետ հատանել կրկին փոսս 'ի պատնէշ Պիրէոնի:

Մեծի պար երախտեաց առնն փոխարէն, առաջարկութեամբ կտեսիփոնի քաղաքացուոյ իւրոյ և բարեկամի, յանձն առ հաճեցաւ առեանն պարգեւել նմա պտակ ոսկի, և 'ի Սպանդարամետական օտնիցն հանդիտի տալ հրատարակել զպարճանսն: Եղբրինէս, վաղուց սխերիմ՝ նորա, հակառակ դատախազ ամբարձաւ այնմ հրամանի. նամակագիր եղև 'ի վերին երեսս զկտեսիփոնէ, թէ լուծանէ զօրէնսն՝ պահանջելով զայն պատիւ վասն իշխանի՝ մինչ չև նորա ըստ

օրինացն տուեալ զՏամար գործակալութեանն , և վանն առն միոյ՝
որ ամենայն աղետից ամենացուցն չարեացապարտն էր , և զժամա-
նակէն և զտեղւոյ քարոզութեանն , որ ընդդէմ՝ օրինացն էր : Դիմոս-
թենէս , որ ամենայն նետիցն Եւրբինեայ բուն նպատակն էր , պատու-
խանի յաղթողական առնէ ամբաստանութեանցն գերաՀաչակ ճա-
ռիւս յաղագս Պսակին , քան զոր չիք ինչ սքանչելի 'ի նախնեացն
առ մեզ Հասեալ ճարտարխօսութիւն , շնորհելով ինչ ինչ և եթ բա-
րուց և սովորութեանց ժամանակին և ազատաբերան ազգին :

Բայց ոչ անդէն առժամայն եղև դատաստան վիճին մեծի , այլ 'ի
Հինգ կամ 'ի վեց ամի Թագաւորութեանն Աւեքսանդրի , եօթն կամ
ութ ամաւ զկնի պատերազմին Քերոնեայ , առ որով նամակազիր
լեալ էր Եւրբինէս , սուղ ինչ յառաջ քան զԱպանդարամետական
տօնն , յորս պսակացն լինէին քարոզութիւնք : Ամենայն Ելլադա
գրեթէ անդ էր 'ի լուր պայքարին : Եւրբինէս նկուռ եղեալ յանհա-
րին կորովարանութենէն Դիմոսթենի , վտարանդի գնաց 'ի Հռո-
դոս : Ի մեկնել նորա՝ մատոյց նմա Դիմոսթենէս արծաթ բազում 'ի
նպատակ , և ստիպեաց ընդունել . և նորա ընկալեալ գոչեաց . « Չիսրդ
ոչ ստրկացայց ընդ զըկուձես 'ի Հայրենեաց , ուր պոպիտի մեծանձն
ոստի Թողում , որպիսի և ոչ բարեկամ՝ գտից այլուր : » Անդ կանգ-
նեաց զՏամբաւաւորն ընդ բազում ժամանակս վարժոց ճարտասա-
նութեան , և նախ քան զամենայն արտասանէր զերկոսին ճառքս
յակումբս աչակեբտացն . որոց գովեալ յոյժ գնորայն և ասացեալ ,
Իսկ զիսրդ յետ այսր ճառի պարտեցար , ապա իբրև 'ի Դիմոսթե-
նին գային , և 'ի Հիացուձն իմն կրթեալք՝ կայթիս և պայթիս Հար-
կանէին , աւանդի ասացեալ առ նոսա . « Իսկ զինչ ունէիք առնել ,
եթէ զինքնին զվերայն զայն լտէիք : » Եւ այս ոչ փոքր գովեստ է ,
ոչ միայն Դիմոսթենի , այլ և Եւրբինեայ առն ոստի և նախանձորդի :

Չհնոցն դատաստան Հաստատէ զճառէս առաջին քննարան ա-
ւուրցս և քաջ Հելլենագէտն Վիլմէն , զի ասէ . « Փիլիպպեանքն
(ճառք Դիմոսթենի) Թեպէտ և վտեմք իցեն , այլ ճառ Պսակին
իրաւամբք գասի առաջին գլուխ գործոցն Դիմոսթենի : » Աւաւել
'ի յայտ գայ մեծութիւն Դիմոսթենի , յորժամ ընթեռնուք առ
Հիննս՝ այնչափ Հելլտացեալ ամենացուց ընդ պերճարանութիւն
Եւրբինեայ , մինչև զերբեակ ճառս նորա յանուն երեցունց Ենոր-
հացն յորջորջել : Իսկ զԴիմոսթենէս՝ Հին և նոր գարբ կոչեցին իշ-
խան ճարտարխօսութեան , Հեղեղ յափշտակիչ , որտորնգոստ փայ-
լակն կայծակնատարափ , գեր 'ի վերոյ քան զամենայն Հիացուձն զար-
մանալեաց : « Այսոս այս և Բանն մի են » ասաց Լաֆօնթէն :

Դ Ի Մ Ո Ս Թ Ե Ն Ի

Ճ Ա Ռ

Յ Ա Ղ Ա Գ Ս Պ Ս Ա Կ Ի Ն

Նախ քան զամենայն, ո՛վ արք աթենացիք, ուխտիւք խնդրեմ յաստուածոց և յաստուածուհեաց բոլորեցունց, զի զիննամսն զոր ընդ քաղաքիս և ընդ ձեզ ամենեսին ունիմ ես հանապազնոյն և ՚ի ձէնջ առ իս դտանիցի ՚ի հանդիսի աստ յայսմիկ • և ապա, որ վասն ձեր է մանաւանդ և ՚ի ձեր բարեպաշտութիւն և ՚ի փառս, զի տացեն ձեզ դիք՝ մի խորհրդապիկց առնուլ զգատախազն, եթէ զիարդ պարտ իցէ ձեզ լսել ինձ • զի անագորոյն իմն այդ լինիցի • այլ զօրէնան և զերդունդ¹, յորում առ այլովք ամենեքումք իրաւամբք՝ գրեալ կայ և այս • Երկոցուն կողմանցն միապէս գնել ունին : Որ այն ինքն է, ոչ միայն մի ինչ կանխել առնել գատապարտ, և զնոյն միամտութիւն երկոցունցն շնորհել, այլ և որով կարգաւ և որով ոճով և կամիցի և ընտրիցէ իւրաքանչիւր դք յոստիացն, թոյլ տալ նովին և վարել :

Արդ էս յոյժ նիազ գտանիմ 'ի մարտի աստ քան զԵս-
 քինէս, մանաւանդ երկուք այսոքիւք մեծամեծօք, ով արք
 աթենացիք : Մի, զի ոչ զնոցին իրաց գուպարիմք . քանզի
 ոչ նոյն է ինձ այժմ 'ի ձերմէ մտերմութենէդ վրիպել, և
 նմա չյաջողել 'ի դատախազութիւնն՝ 2 . այլ ինձ . . . բայց
 չկամիմ ասել ինչ գժպատեհ 'ի մուտս աստ ճառիս . իսկ
 դա՝ վարկպարագի անխէթ յիմեքէ չարախօսէ զինէն : Եւ
 միւս ևս, որ յամենայն մարդիկ 'ի բնէ հաստատեալ է, բամ-
 բասանաց և ամբաստանութեանց մտադիւր մատուցանել
 ունին, իսկ ընդ անձնագովսն խոժոռել : Արդ՝ որ հեշատելին
 է յայսոսիկ, այն դմա տուեալ է . իսկ որ, որպէս բանից
 կարգ է ասել, զավենեսեան խեղդէ և մղձկէ, այն ինձ մնայ :
 Եւ եթէ սովին երկիւղած մտօք չարկից 'ի ճառ զառ 'ի յի-
 նէն գործեցեալսն, թուեցայց չունել ինչ 'ի հերքումն չա-
 րախօսութեանցն, և ոչ՝ որովք խնդրեմն պսակիլ՝ յայտ
 առնել : Իսկ եթէ 'ի գործս իմ և 'ի տնտեսութիւնս անցա-
 նիցեմ, բազում անդամ հարկ լիցի ինձ խօսել զանձնէ : Այ-
 սուհեան գուն գործեցից կարի իմն չափով զայն առնել .
 իսկ զոր իրքն ինքնին ստիպիցեն, այն վնաս 'ի նա յիրաւի
 երթեալ կրթեսցի՝ որ յարոյցն զայսպիսի պայքար : +)

Թուի ինձ, ով արք դատաւորք, թէ խոստովան լինիցիք
 դուք ամենեքեան, զի այս հասարակ ընդ իս և ընդ Կտեսի-
 փոն է գուպարած, և ինձ ոչ նուազ ինչ փութոյ արժանի :
 Զի յամենայնէն անկանել դառն է և գժնգակ, մանաւանդ
 եթէ յառնէ թշնամոյ հասանիցէ այգո՛րի վերայ, և ևս ա-
 ռաւել 'ի ձերմէ խնամոտ և մարգասէր կամացդ վրիպել,
 որչափ և մեծ իսկ է այդմ՝ լինել արժանի : Եւ քանզի այս-
 պիսի ինչ է պատերազմս այս, աղաչեմ և խնդրեմ յամենե-
 ցունց 'ի ձէնջ առ հասարակ՝ ունին մատուցանել պատաս-
 խանատութեանս իմում առ բողոքսն՝ ըստ ամենայն իրա-
 ւանց, որպէս ինչ օրէնքն հրամայեն, զորս օրինագրօղն
 իսկզբանէ Մոլոն, իրաւախոհ առ ձեզ և ժողովքդախնամ,
 ոչ գրով և եթ հաստատուն լինել պարտ համարեցաւ, այլ

և ձերով գատաւորացդ երդմամբ: Ոչ եթէ թերահաւատ ինչ 'ի ձէնջ լինելով, որպէս ինձ թուի, այլ տեսեալ, զի զբարոյայն և զբամբասանս՝ նրովք վասն յառաջագոյն ճառերն զօրաւոր գտանի դատախապն, չիք դատափետելոյն՝ 'ի բաց անցուցանել, եթէ իւրաքանչիւր դք 'ի ձէնջ 'ի գատաւորացդ՝ ոչ երկիւղածութեան առ գիտն պատկառ կացեալ, երկրորդի ևս խոտողին իրաւանցն մեծարանս առնիցէ, և երկոցունցն հարթ և հաւասար յառնկնդրութիւն մատուցեալ՝ այնպէս ամենայնի տեղեակ և խելամուտ լինիցի:

Արդ, քանզի որպէս թուի՝ զբովանդակ կենաց անձինս առաջի կայ ինձ այսօր տալ համար և զհամաշխարհի քաղաքավարութենէս, կամ է ինձ՝ որպէս 'ի սկզբանն՝ միւստնդամ պաղատել առ գիտ և աղաչեմ, ձեզ լու 'ի լու, նախ՝ զի զոր իմ առ քաղաքս և առ ձեզ ամենեսին կայեալ է միշտ խնամն, նոյն և 'ի ձէնջ առ իս լինիցի 'ի մարտի աստ և գարձեալ, զի որ օգուտ ինչ է 'ի հասարակաց ամենեցուն փառս և 'ի բարեպաշտօն իւրաքանչիւր, զնոյն ամենեցուն ձեզ շնորհեսցեն դիք խորհել և իմանալ զդատէս զայսամանէ:

Եւ ճորգ, եթէ Եպիֆնէս, զորոց միանգամ նամակագիր լեալ քսիս մատուցեալն էր, զայնցանէ և եթ ամբաստան կայր, և ես զայնմ հրամանէ՝ ապի ուղղորդ պատասխանի: Այլ քանզի և ընդ այլն անցանել՝ ոչ սակաւ բանս ծախետոց, և բազում ինչ ստեաց զինէն, հարկ համարիմ և իրաւունս, ով արք աթենացիք, ասել նախ սուղ ինչ զայնցանէ. զի մի դք 'ի ձէնջ յարապրուստ արտաքս բանից 'ի քարշ ածեալ՝ այլազգագոյնս ինչ լուիցէ յինէն զիրաւունս գատասանիս:

Յազագս անձին, որչափ ինչ լուտացեալ հայհոյեաց գա զիս, տեսէք քանի պարզ և արդար խօսիցիմ: Եթէ այնպիսի ինչ դք գիտէք զիս, որպիսի գա բաղադեաց, — զի ոչ այլ ուրեք երբեք կեցի՝ բայց առ ձեզդ, — մի և ձայնիս ան.

գամ բարբառոյ ժուժկալէք, [Թէպէտ և զամենայն ինչ զհա-
սարակաց՝ յոյժ գեղեցկապէս իցէ իմ տնօրինեալ . այլ՝ այժ-
մէն աստէն և աստ յարուցեալ պարտաւոր արարէք : Իսկ
եթէ լաւագոյն յոյժ քան զգա և՛ ՚ի լաւագունից, և ոչ ա-
նարգ ինչ քան զդք՝ ՚ի համեստից, — զի մի ծանր ինչ ասացից,
— և զիս և զիման համարիք և ճանաչէք, մի և յայլում ա-
մենայնի հաւատայք գմա . զի յայտ ուրեմն է՝ [Թէ նոյնպէս
յօգեաց ստեղծ զամենայն . և ինձ, զոր ՚ի բազում առաջին
պայքարս ցուցեալ էք յամենայն ժամանակի, զնոյն և
այժմ շնորհեցէք մտերմութեան խնամ :

Թէպէտ և գժնամիտ ես, Եղբինէս, սակայն զայդ ամե-
նեկն տիմարաբար կարծեցեր, [Թէ [Թողեալ իմ զճառս գոր-
ծոցն և քաղաքավարութեանց՝ ՚ի քո լուտանսդ գնիցեմ
դէմ : Զայդ ոչ արարից, չեմ ինչ այդպէս անզգայեալ .
այլ տնտեսութեանցն՝ զորս ստեալ գարովեցեր՝ ես ընդ ետ
մատեայց ՚ի քնին . իսկ զյոգնախուռն հրոսօզ ձաղանացդ՝⁵
սպա յետոյ արարից յիշատակ, եթէ սոցա լսել կամ լի-
նիցի :

† Իսկ արդ ամբաստանութիւնք բազում և անհնարինք,
որոց և ոմանց մեծամեծ և վերջին պատուհաս հրամայեն
օրէնքն . բայց ընտրութիւն իսկ այսր դատի՝ զատելոյ զբը-
պարտութիւն ՚ի դէմն բերէ, և զ[Թշնամանս և զլուտանս և
զզուտնս միանգամայն, և զամենայն ինչ զայդպիսի . և զե-
ղերանցն և զվնասուցն ասացելոց, եթէ ճշմարիտք էին,
չէք քաղաքիս ըստ արժանի վրէժս պահանջել, նա և ոչ
սուղ ինչ սակաւ : Զէ պարտ արդարև խափանել զմատչելն
առ ժողովուրդն և լինել արժանի ատենաբանելոյ . բայց
ոխութեան և մախանաց պայմանաւ զայն գործել, ոչ, աս-
տուածովքն երգուեալ, ոչ ուղիղ ինչ է, ոչ ազնուական և
ոչ արդարացի, ով արք աթենացիք . այլ յորս վնասակար
զիս տեսանէր առ քաղաքս, եթէ այնչափ ինչ էին որչափ
դա այժմս ողբերգակեալ⁶ ճոռոմարանէր, զօրինացն պա-
տիժս առ յանցանան ՚ի գործ արկանել : Եթէ քնութեան

ինչ արժանի զիս տեսանէր գործեալ, յարուցանել 'ի վերայ իմ գիւղերիչ, և այնպէս յատեան դատաստանի առաջի ձեզ զիս կացուցանել . և թէ անիրաւ ինչ իրիջ հրամանահան, զանիրաւութեանէս ամբաստան լինել : Քանզի չմարթէ ըզ-Վատեփիոն վասն իմ առնել պարտաւոր . և եթէ ակն ինչ ունէր յանդիմանել զիս, չվարէր ընդ նմա գատ : Եւ արգարե իսկ, եթէ ինչ յորոց այժմն չարախօսէր և ճառատէր, և կամ այլ ինչ առ ձեզ մեղուցեալ տեսանէր զիս, զտմենայնէ օրէնք գոն և պատուհասք և դատք և գատաստանք՝ դառն և ահագնասաստ սպառնալէզք լի, և գոյր նմա հանել զայն ամենայն ընդ իմ գլուխ . և եթէ զայդ առնել յառնէր գայր 'ի մէջ, և զայդ օրինակ վարէր ընդ իս, գործք նորա վկայ և երաշխաւոր մտանէին ամբաստանութեանն : Իսկ զարգիս՝ մոլորեալ յուզիլ և յարգար ճանապարհէն, և ըստ արտուղի խոտորեալ 'ի յանդիմանութեանց՝ որ յարգեանց անտի իրացն, յետ այսչափ ժամանակաց՝ բարուրս և հենգնութիւնս և կատականս կցկցեալ կարկատունս՝ խեղկատակէ : Հուսկ ուրեմն, զինէն են ամբաստանութիւնքն, և զսա ատենպբարչ եկակոչ առնէ . և բովանդակ ռազմի ճակատու պատերտղմիս զլուխ կացուցեալ զատելութիւն իւր ընդ իս, բայց ոչ ուրեք նովաւ յայտ յանդիման հարեալ ինձ 'ի գիմի, զայլ որ կողոպտել տրկանել 'ի պատուոյն ' թուի նկրտեալ : Եւ 'ի վերայ այլոց ամենայնի իրաւանց, զոր ունիցի որ ասել վասն Վատեփիոնի, և զայս ևս յոյժ 'ի գէտ թուի ինձ ասել, սվարք և թենացիք, թէ զմերմէ ատելութեանէս մեզ մեզէն արժան էր 'ի խուզափորձ մտանել և պահանջել զանձինս, և ոչ թէ զկուռէն ընդ միմեանս թողուլ, և երթալ խնդրել չարիս ինչ այլում ումէք հասուցանել . զի այդ՝ ծագ անիրաւութեան է : †)

Եւ արդ, զքնաւ իսկ զամբաստանութիւնն գտանիցէ որ ըստ այսմ՝ ոչ արգարութեամբ և ոչ ճշմարտութեամբ ինչ ասացեալ . բայց կամիմ և մի ըստ միոջէ առնուլ զնոսա

'ի խոյզ և 'ի քնին, մանաւանդ որ ինչ միտնդամ՝ վասն հաշ-
տութեանն և հրեշտակութեանս ստեաց զինէն, զգոր-
ծեալն իւր ընդ Փիլիպրատեայ՝⁸ յիս հանելով: Այլ հարկ
է, ովարք անհնայիք, և վայելուչ ևս, յուշ առնել ձեզ՝
Թէ զինչ իրք էին 'ի ժամանակին, զի ըստ այնր ժամուն
նկատիցէք զամենայն:

Ի յառնել փովկիտական պատերազմին⁹, ոչ ինե, զի չե-
կր իմ յայնժամ կացեալ 'ի վարչութեան, յայն միտս էիք
դուք զառաջինն՝ զի ընդ փրկութիւն փովկիտացւոցն կա-
մելիք, Թէպէտ և տեսանէիք զնոսս անիրաւութեամբ գնա-
ցեալս, և խնգայիք ընդ Թեբացւոցն որ զինչ և է կիրս, ոչ
ընդ խօլ ինչ և ոչ տարապարտ ընդ նոսս ցատուցեալք. զի
ոչ չափով ինչ վարեցան յորս յաջողեցանն 'ի Նեկտրա:
Առ այսու, ողջոյն Պելոպոնէս քոյքայեալ պառակտեալ
էր, և ատելիք չակեղեմնացւոց¹⁰ չէին բաւական հարկա-
նել կործանել զնոսս, և ոչ զորս յառաջագոյն արարեալ էր
նոցա¹¹ իշխանս՝ տեարք էին քաղաքացն. այլ առ նոսս և
առ այլս ամենեսին էր կազ և շփոթ անվճար: Զայն ուե-
սեալ Փիլիպպեայ, զի չէր յաներևայթա ինչ, ծախեալ ինչս
առ իւրաքանչիւր նոցա մատնիչան, զամենեսեան արկ ընդ
միմեանս և զրդովեաց. ապա յոր ինչ սխալէին այլք և չա-
րաչար խորհէին, ինքն կազմէր և զարգանայր ընդդէմ բո-
լորեցուն: Եւ իբրև երկարելով պատերազմին տառապեալ
հզօրքն յայնժամ, իսկ այժմ՝ ներգլեալքն Թեբացիք, յայտ
նի էր ամենեցուն Թէ հարկաւ առ ձեզ էին ապաւինելոց,
Փիլիպպոս՝ զի մի այդ լինիցի և մի քաղաքքս 'ի մի միաբա-
նութիւն եկեսցեն, ձեզ խաղաղութիւն և նոցա օգնութիւն
խոստացաւ: Արդ՝ զինչ եղև նմա նպաստ յըմբռնել զձեզ
գրեթէ 'ի կամաւոր պատրանս: Այլոց հելլենացւոցն խար-
դախութիւն կամ տգիտութիւն, կամ Թէ զերկոսին ևս ա-
սել. որք յորժամ անդուլ և երկայն պատերազմ մղէիք
դուք, և այն՝ առ հասարակաց ամենեցուն օգտի, որպէս
յարգեանց իրացն յայտ եղև, ոչ արծաթով, ոչ անձամբք

և ոչ այլով իւրք ամենևին չեղեն ձեզ զօրավիգն . յորոց յիւրաւի և յարժանի բարկացեալ ձեր՝ յօժարութեամբ անսացէք Փիլիպպոսի : Ապա ուրեմն , յանձն առեալն յայնժամ խաղաղութիւն՝ յայսցանէ , և ոչ՝ որպէս դայդ չարախօսեաց , յինէն կատարեցաւ : Եւ զդոցա ՚ի նմին զապիրատութիւնս և զկաշառակրծութիւնս , եթէ դք ողջմտութեամբ խոյզ և խնդիր առնիցէ , այժմու եղելոց իրացս գտանիցէ պատճառս : Եւ զայս ամենայն ճշդիւք ստուգապատում՝ առնեմ վասն ճշմարտութեան . զի թէ թուիցի ինչ յայսոսիկ առաւել իմն միւսս , ոչ իմ ինչ է բնաւ , այլ՝ որ առաջին խօսեցաւ և ՚ի միտ արկ զխաղաղութիւն՝ Արիստողեմոս էր կատակերգակն ¹² , և որ առն և գրեաց և զանձն վասն այնր ետ ընդ դմա ՚ի վարձկանութիւն՝ Փիլոկրատէս ագնուսացի , քոյդ , Եպիմէս , և ոչ իմ զովող , թէ և պայթեսցիս սուտդ խօսելով : Եւ որ ջատագովն կացին նմա , յոր և է աղագս , զի զայդու զանց առնեմ առ տեղեաւս , Եւբուլոս և Կեփիսոփոն ¹³ , իսկ ես՝ բնաւ և ոչ ուրեք երբեք :

Բայց թէպէտ և այսօրիկ այսպէս , և ՚ի ճշմարտութեանէն վկայեալք , դա սակայն յայն լըբութիւն եկն , մինչև ժարհել ասել զիս՝ ոչ միայն խաղաղութեանն արարող , այլ և խափանիչ քաղաքիս՝ չառնելոյ զայն համաշխարհական հելլենացւոցն ժողովով : Իսկ արդ , ո՛վ . . . զի՛նչ արդեօք իսկաբանեալ կարդասցէ դք քեզ անուն . . . եթէ իցէ՞ ուրեք , ուր քո անդ մերձ կացեալ՝ տեսեր զի յայնպիսի մեծ գործոյ և ՚ի նիզակակցութենէ , որպիսի այժմս ողբերգերէն ճամարսակեցեր , զրկեցի ես զքաղաքս , և զայրացա՛ր ինչ . կամ յառաջ մասուցեալ՝ ուսուցեր և պատմեցեր զայսոսիկ որովք այժմս չարախօսես : Եւ սակայն , եթէ իմ վաճառեալ էր Փիլիպպոսի զխափանած միաբանութեան հելլենացւոց , քեզ մնայր չլուել , այլ՝ ազաղակել և վկայութիւն գնել և յայտ առնել սոցա : Զայդ ոչ ուրեք արարեալ քո , և ոչ ուրուք լուեալ ՚ի քէն զայդ բարբառ : Եւ

յերաւի • քանզի և չգոյր ինչ յայնժամ առ ոք 'ի հելլենացւոց առաքեալ հրեշտակութիւն, այլ վաղուց ծանուցեալ էին ամենեքեան զմիտս իւրեանց • և զա առողջ ինչ ոչ խօսեցաւ զայսցանէ : Թող զայդ, չարաչար զբարտեռէ զա և զքաղաքս 'ի ստուծիւնս իւր : Զի եթէ գուք զհելլէնս 'ի պատերազմ հրաւիրեալ, համայն և առ Փիլիպպոս հրեշտակս առնելիք վասն հաշտութեան, զԵւրիբատեայ ¹⁴ իրան, ոչ զգործ քաղաքի և ոչ զարանց բարեաց, լինելիք գործեալ : Այլ չէ և չէ այդ այդպէս : Զի յի՛նչ միտս, յի՛նչ կամս առաքելոց էիք զնոսս 'ի ժամանակի անդ • միթէ վասն խաղաղութեան • այլ հաստատեալ կայր առ ամենեսեան • իսկ միթէ վասն պատերազմի • այլ գուք ձեզէն 'ի հաշտութիւն խորհէիք : Ապա ես՝ ոչ իսկզբանէ խաղաղութեան առաջնորդ և ոչ փնասակար ինչ եղեալ գտանիմ • և ոչ յայլու՛մ ամենայնի՛ զոր ստեաց զա զինէն՝ ճշմարիտ ինչ ուրեք երևի :

Արդ, իբրև արար քաղաքս զհաշտութիւնս, տեսէք աստ դարձեալ՝ զինչ իւրաքանչիւր ոք 'ի մէնջ ընտրեաց գործել • զի աստի առջիք 'ի միտ, ո՛վ այն ինչ ոք էր՝ որ յամենայնի գործակիցն էր Փիլիպպոսի, և ո՛վ ոք վասն ձեր ջանահնար և օգտի քաղաքիս 'ի ինդիր : Եղեալ իմ խորհրդական՝ հրաման ետու հանել, նսւել հրեշտակացն ճեպով ընդ կարճոյ ճանապարհ ուր և գիտիցենն լինել զՓիլիպպոս, և առնուլ 'ի նմանէ զերգմուռնս • իսկ նորա և ոչ յետ հրամանին կամեցան առնել զայն : Իսկ առ ինչ էր այդ, ո՛վ արք աթենացիք • ես պատմեցից : Փիլիպպեայ շահ այն էր, զի հարուստ մի ժամանակ 'ի մէջ անցցէ երգմանցն, և ձեզ՝ զի սակաւ : Ընդէր : Զի գուք ոչ միայն յօրէ յօրմէ երգուայն, այլ յօրմէ ակն կայայք լինելոյ հաշտութեանն, զամենայն կազմութիւն պատերազմի լուծէք լքէք • իսկ նա յամենայն ժամ առաւել ևս յայն հանդերձէր, ակն ունելով, որ և ճշմարիտ իսկ էր, թէ որ ինչ յառաջ քան զերգմանցն կուել վաղ աճապարեալ զբռամբ ածիցէ 'ի վերայ քաղաքիս, զայն ամենայն հաստատութեամբ կալցի անկա-

պուտ․ զի ոչ ստկա այնր ինչ ջրեսցէ որ զհաշտուութիւնն :
 Որոց իմ յառաջատես և խելամուտ եղեալ, ո՞վ արք աթե-
 նացիք, հանել ետու զհրամանն զայն՝ նաւել ուր Փիլիպոս
 պոսն գասնիցի, և վազագոյն զերգմունս ուխտիցն ընդու-
 նել․ որպէս զի մինչ գեռ ՚ի ձեռս Թրակացւոց՝ մերոց նի-
 զակակցացն էին տեղիքն, զորս գա ՚ի հենդն արկ այժմիկ,
 Սերրիոն և Միրտիան և Երգիակէ ¹⁵, այնպէս կուեսցին գա-
 շինքն, զի մի աճապարեալ կալեալ նորա զամուր ամուր տե-
 ղիւն՝ տիրացի Թրակիոյ, և բազում գանձիւ և զօրու սոն-
 քացեալ, գիւրաւ այնուհետև յայլ ևս իրս ձեռներէց լի-
 նիցի : Արդ գա զհրամանն զայն ոչ ասէ և ոչ ընթեռնու-
 իսկ զի ես խորհրդականս՝ պարտ վարկայ մուծանել առ
 ձեզ զհրեշտակսն, զայն ազարատ : Այլ ազէ զինչ արժան
 էր առնել․ չհրամայել մուծանել զուղեկեալսն առ ՚ի ընդ
 ձեզ խօսելոյ, կամ պատուէր տալ ճարտարապետին ¹⁶ ար-
 գելուլ ՚ի նոցանէ զտեսիլ հանդիսին․ սակայն երկուց գան-
 գաց գոյր նոցա հասանել կալ ՚ի զնին տեսեանցն, եթէ չէր
 մեր տուեալ զգիր հրամանին : Չնչին շահուց քաղաքիս
 պարտ ցուրեմն էր ինձ սպաս առնել, և զայնն ամենայն իբրև
 զգոսա վաճառակուր առնել Փիլիպպոսի․ քաւ, տիր օն
 տնդր ՚ի բաց տար :

Այլ արդ առ կարգա ինձ զհրամանն, զոր հաւաստի
 գիտելով գորա՝ զանց արար : Կարգա :

Հ Ր Ա Մ Ա Ն

« Առ իշխանաւն Մնեսիփիլիւսաւ, որ օր վերջին էր Հեկա-
 տոմէնոնի, ՚ի նահապետութեան ¹⁷ պանդիոնեան տոհմին,
 Դիմոսթենէս գիմոսթենեան պէանեցի ասաց․ Քանզի Փի-
 լիպպոս հրեշտակա առաքեալ ՚ի հաշտութիւն՝ եզ գաշինս
 հաւանութեամբ, հաճոյ թուեցաւ աստնի և Ժողովրդեան
 աթենացւոց՝ ՚ի կատարումն հաշտութեանն յանձն առե-
 լոյ ¹⁸ յառաջնում Ժողովի Ժողովրդեան, ընտրել անդէն

հրեշտակա հինգ՝ յամենայն աթենացւոց , և ընտրելոցն չուէլ գնալ առանց իրիք յապաղանաց՝ ուր ուրէք և զժողատուգեցեն զՓլիլիպպեայ , և առնուլ զերդմունսն՝ ՚ի Կմսնէ և տալ փութանակի ՚ի վերայ ընկալեալ ուխտից նորա ընդ ժողովրդեանն աթենացւոց , ղերկոցունց ևս նիզակակիցս ՚ի միասին առեալ : — Հրեշտակ ընտրեցան Եւբուլոս անափլիստացի , Եպքինէս ատրոմետեան կորթովկեցի , Կեփիսոփոն հուամնուսեցի , Դեմոկրատէս փլիացի , Կլէոմիլ կոթովկեցի : »

Յետ զայս իմ հրաման հանելոյ յայնժամ , և օգուտ ըզքաղաքիս հայթայթելոյ և ոչ զՓլիլիպպեայն , պատուական հրեշտակքդ այդդքիկ անփոյթ արարեալ նստան ՚ի Մակեդոնիա լի և լի ածիսս երիս , մինչև գարձաւ եկն Փլիլիպպոս ՚ի Թրակիոյ , զամենայն ինչ յիւր վտարեալ անգանօր . մինչ գեռ դոյր՝ յաւուրս տանն , նա մանաւանդ յերիս կամ ՚ի չորս , հասանել ՚ի Հելլեասպոնտոս , և ապրեցուցանել զամուրսն կռելով դաշանցն , մինչ չև թափեալ նորա զայնս : Քանզի ՚ի լինել մեր անդ՝ ոչ մերձենայր ՚ի նոսա , կամ ոչ մտանէաք ընդ նմա յուխտ . ուստի և վրէպ գտանէր ՚ի հաշտութենէն , և ոչ թէ զերկոսեան ևս զբռամբ արկանէր , և զամուրսն և զհաշտութիւնն :

Արդ՝ ՚ի հրեշտակութեան անդ առաջին գողօնք Փլիլիպպեայ և կաշառաբեկութիւն արանցդ այդդքիկ անիրաւաց և ատեւեաց դից՝ այդպիսի եղև . որոյ վամն՝ և յայնժամ և այժմ և յամենայն ժամ խոստովան լինիմ պատերազմել և ընդ հակառակս դողին ելանել : Այլ վաղվաղակի հետ՝ այլ ևս ինչ ահադին քան զայդ տեսանիցէք վրիժագործութիւն :

Քանզի իբրև ուխտեաց զհաշտութիւնն Փլիլիպպոս , նուաճեալ նախ զԹրակիա ՚ի ձեռն դոցա հետեւելոց ՚ի հրամանէս , դարձեալ միւսանգամ կաշառազնաց ընդ դոսա լինէր , մի գնալ մեկնել ՚ի Մակեդոնիոյ՝ մինչև զսպայն ՚ի վերայ փովկիսացւոց ամենայն կազմութեամբ պատրաստ յօ-

րինեսացէ . զի գուցէ 'ի ցուցանել նոցա աստ՝ Թէ հանդերձեալ է և կազմի 'ի չու , ելանիցէք խաղայցէք դուք , և ծովեալ պատերազմիկ նաւուքդ 'ի Գրուանն , որպէս յառաջն , փօսիցէք զկիրճն . այլ ընդ լսել ձեր 'ի պատմելոյ դոցա զայդոսիկ՝ և նա 'ի ներքս անդ 'ի կապանն 'ի Գրուանն լինիցի , և դուք մի ինչ ունիցիք առնել : Այնպէս յահի և 'ի մեծի տագնապի կայր Փիլիպպոս , Թէ գուցէ և յեա փութալոյ իւրոյ յայդոսիկ , մինչ չև զփոփխացիան կորուսեալ նորա , ձեր իրազեկ եղեալ՝ հրաման տայցէք խաղալ հասանել նոցա 'ի Թիկունս , և իրքն զերծանիցին ելցեն 'ի ձեռաց իւրոց . վասն որոյ կրկին կաշառէ զԹբակոծելիդ զայդ արհամարհ , ոչ հասարակ ընդ այլ հրեշտական , այլ ինքնուրոյն առանձինն , զայս ինչ և զայս դալ խօսել առ ձեզ և խոստանալ , որովք ամենայն ինչ գնաց կորեալ :

Բայց աղաչեմ և խնդրեմ , ով արք աթենացիք , զայս ձեզ յուշի կապել ընդ բովանդակ պայքարս , զի եթէ չէր ինչ այլ արտաքոյ ամբաստանութեանն դատախազեալ Եսքինեայ , և ոչ ես այլ ինչ բան օտար 'ի ներքս խառնելի . այլ նորա զամենայն բարրանս և զհայհոյութիւնս միահաղոյն արկեալ 'ի վար , հարկ է և ինձ առ ամենայն չարախօսութիւնս դորա կարճ 'ի կարճոյ տալ պատասխանի :

Արդ զինչ ատենաբանութիւնք էին դորա յայնժամ , որովք ամենայն ինչ կորեալ : — Թէ չէ պարտ խառնիլ ընդ անցանել Փիլիպպոսի 'ի Գրուանն , զի զամենայն զոր կամիք լինիցի՝ եթէ 'ի հանդարտութեան կացիլք . և յեա երկուց կամ երից աւուրց լուիջիք , զի որոց Թշնամի գայ՝ բարեկամ լինիցի , և որոց բարեկամ՝ ընդ հակառակն Թշնամի : Զի ոչ եթէ բանք , ասէր նազաբանելով , սերտեն զմտերմութիւն , այլ միաբանութիւն 'ի նոյն մի շահ օգտի . և Փիլիպպոսի և փոփխացւոց և ձեզ ամենեցուն օգուտ այն է , զերծանել յանդգայութենէ և 'ի պերճանացն Թեբացւոց : — Զայդոսիկ մտադիւր իմն լսէին ոմանք 'ի պմանէ վասն յայն ժամու ատելութեանն ընդ Թեբացիս : Արդ զի՞ եզև

եա ընդ ետ վաղվաղակի, ոչ առ 'ի յերկարս ինչ: Չուսուական փողկիսացւոց կորնչել, քաղաքաց նոցա բրել և խել, և ձեզ՝ որ հանգարտեալ կայիք և սորա 'ի բանի, սուղ ինչ զինի ժողովել զկահ և զկարասի ձեր 'ի վայրաց վայրաց, և դմա՝ ըմբռնել զոսկին • և առ սղբօք դարձեալ՝ ատելութիւնն առ թերացիս և առ թեառլացիս՝ քաղաքիս եղև, իսկ շնորհակալութիւն 'ի վերայ եզելոցն՝ Փիլիպպոսի:

Եւ զի այս այսպէս է, կարգա ինձ զՎալլիսթենի հրամանն և զհրովարտակն Փիլիպպոսի, յորոց յերկոցունց անտի այս ամենայն յայտնի լինիցի ձեզ: Կարգա:

Հ Ր Ա Մ Ա Ն

« Առ Մենսիփիլեաւ իշխանաւն՝ հրամանաւ նահապետաց և ատենին ժողովեալ ժողովրդեանն 'ի զօրագլխաց ¹⁰, որ օր քսան և մի էր Մեմակտերիոնի, Վալլիսթենէս ետէռնիկեան փալերացի ասաց • Մի ումէք յաթենացւոց մի իւիք պատճառանօք 'ի վայրի օթել, այլ յոստանին և 'ի Պիրէոնի, որոց չիցէ 'ի պահպանութիւն կարգեալ: Եւ սոցա իւրաքանչիւր զտեղին յոր կարգեցանն՝ պահել անմեկինք 'ի տուէ և 'ի դիշերի: Եւ որ ոչն հնազանդեացի հրամանիս այսմ, ընդ մատնիչան պարտաւոր լիցի պատժոց, եթէ ոչ յանհնարս ինչ զանձն ցուցանիցէ եկեալ: Եւ զանհնարիցն դատաստան՝ տեսցէ զօրապետն ոստիկան զինուոց, և զանձապետն և խորհրդեան գալիրն: Ժողովել արագ արագ և զամենայն ինչ 'ի վայրաց • զոր 'ի սահմանի հարիւր և քսան վտաւանաց՝ յոստանն և 'ի Պիրէոն, իսկ զոր արտաքոյ վտաւանաց հարիւր և քսանից՝ յԵլեւսիս, 'ի Փիլէ, յԱլիդան, 'ի Հուսմուս, 'ի Սունիոն: Ասաց Վալլիսթենէս փալերացի: »

Միթէ գովին ակնկալութեամբք արարէք զնազազութիւնն, կամ թէ զայդոսին՝ աւետաւորեաց ձեզ վարձկանդ այդ:

Ազէ ընթերցիր և զհրովարտակն՝ զոր յես այնորիկ ա-
ռաքեաց այսր Փիլիպպոս :

Թ Ո Ւ Ղ Թ Փ Ի Լ Ի Պ Պ Ո Ս Ի

« Թագաւոր մակեդոնացւոց Փիլիպպոս , աթենացւոց
խորհրդեանն և ժողովրդեան ինդալ :

« Գիտուն լինի ձեզ , զի անցաք մեք ընդ Դրոունն , ըզ-
փովկիսաստան ընդ մեզք նուաձեցաք , և որ միանգամ մտա-
գիւր 'ի մեզ յարեցան քաղաքք՝ մուծաք 'ի նոսա պահա-
կապանս . իսկ զստամբակեալն առեալ ուժով և 'ի հարկի
ծառայութեան կացուցեալ՝ յատակեցաք : Բայց լուր ա-
ռեալ զկազմութեան ձերոյ յօգնականութիւն նոցին՝ գրեցի
առ ձեզ , զի մի ընդունայն ինչ աշխատ լինիցիք յայգոսիկ :
Ձի համայն ասել , ոչ չափաւորութեամբ ինչ գործել
թուիք՝ յետ ընդ իս հաշտութեան գաշտնց՝ տակաւին ճա-
կատել յիմ վերայ , և զայդ՝ ուր փովկիսացիք չեն 'ի մերոց
հասարակաց ուխտիցս համարի : Վասն որոյ՝ եթէ չկայցէք
մնայցէք 'ի գաշինսդ , ոչ ինչ աւելի առնիցէք՝ բայց կան-
խել յանիրաւութիւն : »

Լսէք զիարդ հաւաստի յայտ առնէ և կնքէ 'ի թղթի
այդր առ ձեզ առ նիզակակիցս իւր , թէ զայս ամենայն ա-
րարի ես և կատարեցի յակամայս աթենացւոց և 'ի հե-
ճուկս . վասն որոյ , եթէ բարւոք խորհիցիք , սվ թերացիք
և թետալացիք , զդոսս առ թշնամիս ունիցիք և յիս հաւա-
տայցէք : Ոչ սովին բանիւք գրեալ , բայց 'ի ներքոյ զայս
նշանակեալ կամացն : Ապա այնուհետեւ առ գնաց զնոսս .
մինչև ոչ իմիք յետ այնորիկ նախատես լինել նոցա և ոչ
զգալ , այլ թոյլ տալ նմա տէր լինել ամենայն իրաց : Յայնմ
ամենայնէ թշուառական թերացիք յայժմու վիշտս վտան-
գին : Իսկ այժմ վստահութեան ձեռնտու և զօրավիգն , և

այսր՝ ստուգութեանց աւետաւոր և ձեր դաւաճան , դու այդ է որ այժմ ընդ կարիս թերացւոցն յողբս հարեալ պատմէ զողորմ ողորմ աղէսան , մինչ դեռ այնոցիկ և փոփխացւոցն եղերանց և որոց դամ մի հեղինք կրեցին չարչարանս , ամենայնի դա ինքնին իսկ է մնասապարտ : Յայտ իսկ է՝ զի ցաւէ քեզ 'ի վերայ եղելոցն , Եպրինէս , ողորմիս և թերացւոցն , զի սասցուածք են քո 'ի Բիովաիա և զհողս նոցա մշակես . իսկ ես խնգամ , որ հետ ընդ հետ 'ի դոցին գործօնէն 'ի դատ պահանջեցայ ²⁰ :

Այլ արդ գնացեալ անկայ 'ի բանս՝ զորս լաւ ևս արդեօք պատշաճեսցի ասել վայրիկ մի զինի . վասն որոյ դառնամ դամ անդրէն 'ի ցոյցս անդր , թէ արդի իրացս պատճառք՝ դոցա ապիրատութիւնք եղեն :

Քանզի իբրև պատրեցայք դուք 'ի Փիլիպպոսէ 'ի ձեռն նոցա , որք առ հրեշտակութեամբքն վարձկան մտին նմա և ոչ ինչ ճմարիտ ոչ պատմեցին ձեզ , խաբեցան և եղկելի փոփխացիք , և քաղաքանի իւրեանց սատակեցան , զի եղև : — Թեալացիքն ²¹ անդոսնելիք , և ապառուժութեացիք՝ բարեկամ , երախտադործ և փրկիչ զՓիլիպպոս համարէին . նա էր նոցա ամենայն ինչ . և թէ այլ ինչ որ ասել կամէր , չլսէին զձայնն : Իսկ ձեր՝ յեղելոցն կասկածեալ և դժգմնեալ , համայն 'ի խաղաղութեանն կայիք . զի և չցոյր ինչ ձեզ գործել անձին առանձին . և այլ հեղինացիք՝ ձեզ նման խարդաւանեալք և վրիպեալք 'ի յուսիցն , լրջմտութեամբ կային 'ի հաշտութեանն՝ և նոքա , թէպէտ և յեղանակաւ իմն 'ի վաղուց հետէ հարեալք պատերազմաւ : Քանզի յորժամ Փիլիպպոս հրոս հանեալ՝ ասպատակ սիրեալ 'ի լիւրիկեցիս և 'ի Տրիբալս և ուրեք ուրեք 'ի հեղինացւոց ²² , վանեալ վկանդէր , և կուտէր առ ինքն զօր բազում և ստուար , և ոմանք հաշտութեանն օճանաւ 'ի քաղաքաց քաղաքաց անդր երթեալք կաշառաբեկ լինէին ; յորոց մի էր և դա , յայնժամ ապաքէն յայնժամ ամենեքին՝ յորոց վերայ զայսոսիկ նիւթէր նա , մարտիւ

պատերազմի պաշարեալ կային : Իսկ եթէ չզգային, այն այլ իմն համար է, և ինձ չէ ինչ փոյթ . վասն զի ես կանխէի ասէի և վկայութիւն գնէի և առ ձեզ հանապազ, և յո՛ւ և առաքելի ջն : Բայց քաղաքք յախտի կային ջերեալք, զի վարիչք և գործակալք առնուին կաշառս և ընչիւք զեղծանէին . իսկ սոսկականք և ամբոխն՝ էր զի չլինէին յառաջատես, և էր զի՛ ի հանապազդող պղերդութեան և՛ ի դատարկութեան խանձ ըմբռնեալ կային . և ամենեքեան իսկ այնպիսի կրէին կիրս, զի իւրաքանչիւր կարծեալ այնպէս էր, թէ՛ ի նոսա միայն չժամանիցեն չարիքն, չլինիցին դամագիտ . այլ՛ այլոցն վտանգօք ակն ունէին զիւրեանցն յամրի և յանկասկածի ունել երբ և կամիցին : Այնուհետև, որպէս կարծեմ, փոխարէն մեծի և տարածամ հեղգութեան խառնազանձին՝ հհաս նմա յազատութենէն անկանել, և առաջնորդացն՝ որ բաց միայն յոնձանց զայլն ամենայն վաճառել վարկանէին, խելամուտ լինել՝ զի նախ զինքեանս էին վաճառեալ . զի փոխանակ սիրելեաց և հիւրոց, որպէս կոչէինն՝ ի կաշառիլ իւրեանց, այժմ՝ սուտակասպաս և աստուածոց ատելի և այլ ինչ ևս անուանա լսեն վայելչականս զամենայն : Արժան և իրաւ . զի ոչ ոք, ո՛վ արք ակենացիք, ՚ի շահ օգտի մատնչին ինչս ծախէ . և ոչ, իբրև գնելոցն տէր լինիցի, խորհրդակից այնուհետև առնու երբեք զմատնիչն . զի ոչ ինչ երջանկագոյն քան զմատնիչն գտանէր յայնժամ : Այլ՛ չէ այդպէս և չէ : Իսկ զիմրօ : Տիր օն անդր բացէ՛ ի բաց : Այլ՛ իբրև իշխանութեանն հետամուտ՝ հասու եղեալ դամ մի՛ ի բուռն արկ զիբն, և տէր է նոցին խարդոխողացն, և անզգամութեանն տեսող, յայնժամ ապա յայնժամ և ատեսայ և չաւատայ և ընդ գուհի ածէ : Իսկ արդ միտ գիք . զի թէպէտ և անց գնաց իրացն ժամանակ, բայց մտացեաց միշտ է ժամանակ այսոցիկ տեղեակ հմուտ լինելոյ : Լասութենէս բարեկամ անուանէր Փիլիպպոսի մինչև մատն և տուր եղև Ոլիւթեայ, Տիմոլաոս՝ մինչև կորոյս զԹեբէ, Եւգիկոս և Սիմոս լարիսացիքն՝ մինչև զԹետալիա

արարին ընդ Փիլիպպեաւ . ապա տիեզերք ամենայն լցան խոնեցան մատնչօք , որ հալածական եղեն և 'ի Թշնամանս , և զինչ մնաց 'ի չարեաց որ չանց ընդ նոսա : Զինչ ընդ Արիստրատոս 'ի Սիկիոնի , և զինչ ընդ Պերիլաոս 'ի Մեգալա . ոչ հերքեալ ընկեցան : Յորոց ամենայն հաւատեալ տեսանիցէ որ , զի որ առաւել զգուշանայ իւրում հայրենի աշխարհին և յաճախ ընդդիմաբանէ սոցա , նա ինքն , Եսքինէս , նա ձեզ մատնչացդ և վարձկանաց նօթձէ որով կաշառակործ լինիլիք . և առ նոցուն բազմութենէ և հակառակորդաց խորհրդոցդ ձերոց 'ի միջէ էք գուք այսօր ողբ և վարձաւորք . ապա թէ ոչ , գուք ձեզէն ձերովսանն՝ վազու ևս էիք կորուսեալ :

Թէպէտ և այլ ինչ բազում իցէ ինձ զայն ժամու եղելոցն ասել , զայս ևս քան զբաւականն աւելի համարիմ աւսացեալ : Բայց պատճառ ինքնդ է . զի զչարութեան իւրոյ և զանիրաւութեանցն շմալով ժայթքեաց յիս զերիկեան անգրոյթս , յորոց հարկ էր 'ի բաց լուանալ ինձ առաջի կրտսերագունից քան զիրացն ժամանակ : Ո՛ գիտէ՝ Թախանձ եղեալ մղձկեցայք և գուք , որ մինչ չև իմ ասացեալ ինչ՝ տեղեակ էիք վարձկանութեան գորա 'ի ժամանակին : Իսկ նա բարեկամութիւն և հիւրութիւն զայն անուանէ . և արդ իսկ ասաց ուրեք , բայ ԶԱլեքսանդրի հիւրութիւնն՝ նախատինս գնէ ինձ : Ե՛ս քեզ զհիւրութիւնն Ալեքսանդրի . ուստ ուստեք ընկալեալ քո զայն , կամ զիւրօք եղեալ արժանի : Քա՛ւ յինէն՝ Փիլիպպեայ հիւր կամ Ալեքսանդրի բարեկամ գքեզ ասել . ոչ մոլիմ այդպէս . բայց եթէ զմշակս , կամ որ այլ ինչ իրիք՝ վարձուք 'ի սպասուկայցեն , բարեկամս և հիւրս որոց 'ի վարձու ունիցին արժան իցէ կոչել զնոսա : Այլ չէ և չէ այդ այդպէս : Զխմրդ : Նա և քաջ 'ի բաց իսկ հեռի : Նա աւանիկ ես գքեզ նախ Փիլիպպոսի և այժմ՝ Ալեքսանդրի վարձկան կոչեմ , այլ և սորա ամենեքին ընդ իս . եթէ ոչ հաւատասա , հարց զքոսա . նա մանաւանդ ես փոխանակ քո հարցից զայդ : Արգեօք

ձեզ, ո՛ր արք աթենացիք, Ալեքսանդրի հիւր թուի լինել
Եպրինէս, թէ վարձաւոր ²⁵ : . . . Լսեն զինչ տան :

Կամ է ինձ արգ և զգրոյ ամբաստանութեան գորա առ-
նել պատասխանի, և անցանել ընդ գործեցեալսն յինէն .
որպէս զի Եպրինէս, թէպէտ և ինքնին քաջահմուտ, հա-
մայն լուիցէ՝ յէր սակս և հրամանատրելոցս այսոցիկ, և
ևս մեծագունից քան զսոսա, համարիմ զանձն իմ արժանի
հանդիպելոյ պարգևաց :

Ազէ կարգա ինձ զգիրն զայն ամբաստանաց :

Գ Ի Ր Ա Մ Բ Ա Ս Ց Ա Ն Ո Ւ Ք Ե Ա Ն Ն

« Առ իշխանաւն Քերոնտեաւ, որ օր վեց էր Ելպիե-
թոյիոնի, Եպրինէս ատրոմեաեան կոթովկեցի մատոյց առ
իշխանն գիր ամբաստանութեան անիրաւութեանց՝ զվտե-
սիփոնէ Լէոսթենեան անափիլիստացւոյ . զի գրեաց հրաման
անիրաւ, թէ պարտ և արժան է պսակել զԴիմոսթենէս
գիմոսթենեան պէանեցի ոսկի պսակաւ, և հռչակել՝ ի տե-
սարանին՝ ՚ի մեծ Սպանդարամետականն, ՚ի նոր ողբեր-
գութիւնսն, թէ ժողովուրդն պսակէ զԴիմոսթենէս գիմոս-
թենեան զպէանեցի պսակաւ ոսկեաւ վասն առաքինու-
թեանն և խնամոտ մտացն ունելոյ հանապազ առ ամենայն
հելլենացիս և առ ժողովուրդն աթենացւոց, և վասն բա-
րելաւութեանն, և վասն զի գործէ և խօսի միշտ զօգտակա-
րագոյնս ժողովրդեանն, և յօժարափոյթ է առնել զոր կա-
րօզ լինիցի զբարին : Զայս ամենայն՝ սուտ և անիրաւ գրեալ,
ուր օրէկքն ոչ ներէն՝ նախ գիրս ստութեան՝ ՚ի գիւանս աչ-
խարհին արկանել, և ապա՝ զպարտականն համարոյ պսա-
կել, — և է Դիմոսթենէս պարսպաչէն և ոստիկան տեսչա-
րանաց ²⁶ . — և դարձեալ չհրատարակել զպսակն ՚ի տեսա-
րանի ՚ի Սպանդարամետականն ՚ի նոր ողբերգութեան .
այլ եթէ ատեանն պսակիցէ, ՚ի խորհրդարանին քարողել .
իսկ եթէ քաղաքն, ՚ի Պնիքսի՝ ՚ի ժողովի ժողովրդեան :

Տուգանք՝ յիսուռն տազանդ : Վկայք ²⁷ դատախազութեանս՝
 Կեփիսոփոն կեփիսոփոնեան հռամնուսացի , Կլէոնի կլէո-
 նեան կոթովկեցի : »

Եւ արդ , ո՛վ արք աթենացիք , զոր ինչ ամբաստան լինի
 զհրամանէն , այդոքիկ են : Եւ ես 'ի դոցունց իսկ յայդցա-
 նէ ակն ունիմ աստատին յայտ առնել ձեզ , թէ զամենայ-
 նէ արդար սաց զպատասխանիսս . քանզի զնոյն նման նմին
 զբասրանացն կայեալ կարգ , զամենայնէ մի ըստ միոջէ ա-
 սացից կարգաւ , առանց ինչ կամաւ պակաս առնելոյ : Արդ՝
 քանզի գրեալ է թէ գործեմ և խօսիմ հանապազ զօգտակա-
 րագոյնս ժողովքսեան , և յորդոր եմ 'ի բարին որում ձեռն-
 հասն իցեմ , և գովեալ զիս 'ի նոսին , զայդոցիկ գատաստան
 'ի գործս տեսչութեան իմոյ կարծեմ լինել : Ձի 'ի նոցին
 քննութենէ՝ կալ լիցի ձեզ 'ի վերայ , թէ ճշմարիտ արդեօք
 և 'ի ճահ գրեաց զինէն զայդոսիկ Կտեսիփոն , եթէ սուտ :
 Եւ զի չաւել 'ի գրին՝ թէ յետ զհամարան սալոյ պսակել ,
 և 'ի տեսարանին զպսակն քարոզել հրամայեաց , և զայդ
 կարծեմ կցորդ լինել ընդ գործս տեսչութեան իմոյ , և թէ
 իցեմ ինչ արժանի պսակի և քարոզելոյ 'ի միջի սոցա , և
 եթէ ոչ : Թուի ինձ թէ և զօրէնսն ըստ Դրոց մարթէր զմա
 նամակագիր լինել ցուցանելի է :

Այսպէս իմ , ո՛վ արք աթենացիք , եղեալ է 'ի մտի՝ իրա-
 ւամբք և պարզաբար զպատասխանիսս առնել : Բայց եկից
 և 'ի գործեցեալսն իմ . և մի՞ դք համարիցի զիս՝ օցտել զճառս
 ամբաստանութեանցն՝ յորժամ 'ի հելլենականսն երթեալ
 անկանիցիմ՝ 'ի գործս և 'ի բանս : Ձի որ գատախազն է յա-
 րուցեալ՝ լաւագունացն խօսող և գործօն լինելոյս ըստ հրո-
 վարտակին , և որպէս ոչ ճշմարիտս զայդոսիկ չարախօսեաց ,
 նա է որ զճառս ամենայն քաղաքավարութեանց իմոց և ըզ-
 գործոյ՝ կարևոր պիտոյս և հարկաւորս կացուցանէ 'ի փուր-
 սիչ ամբաստանութեանն : Թող զայդ , և քանզի բազում
 ընարութիւնք են քաղաքավարութեան , ես զհելլենական

իրացն յանձին կալայ • վասն որոյ և զհաւաստիսս՝ ՚ի նոցունց առնել արժան է ինձ և իրաւ :

Արդ՝ զոր յառաջագոյն քան զիմ՝ վարչութիւն և զհրապարակութեանը կանխեաց կալաւ և գրաւեաց ²⁸ Փիլիպպոս, ՚ի բաց թողեալ, զի ոչ յիս ինչ մօտ լինել համարիմ, իսկ յորոց արդելեալ կարճեցաւննս՝ յօրէ յորմէ յայդոսիկ ՚ի մէջ եկեալ երևեցայ ես, զայն ամենայն յիշատակեցից և զնոցին համար կալայց • զայս ևեթ յաւելեալ առ տեղեալս :

Փիլիպպոսի, ո՛վ արք աթենացիք, մեծ իմն առաւելութիւն գտաւ, զի առ Հելլէնս, ոչ առ ոմանս ևեթ, այլ՝ առ ամենեսին առ հասարակ, տոհմականօք բուսան բոլեցին մատնիցք և կաշառակուրծք և աստուածոց ատելի որեար, այնչափ՝ որչափ ոչ ումէք յուշ գայ երևեալ երբեք յառաջագոյն : Չորս մարտակից և օգնական առեալ Փիլիպպեայ, զկանխաւ խեթացեալն ընդ միմեանս զհելլէնացիս և զսեռեալ՝ չար ևս պառակտեաց, էր զոր խաբելով, էր զոր կարասեաւ խթելով, և էր զոր ամենայն օրինակաւ զեղծուցեալ • և ճեղքեալ պատառեաց ՚ի ծուէնս ծուէնս, ուր ամենցուն մի էր օգուտ, խափանել զբարգաւաճանս նորին : Եւ զի յայսմ պայմանի էին Հելլէնք առ հասարակ, և յանգիտութեան՝ առ ոսոս բուսեալ չարին, պարտ է ձեզ, ո՛վ արք աթենացիք, միտ եղեալ նայել՝ զինչ ընտրել ՚ի դէպ էր քաղաքիս ՚ի գործել և առնել, և զայնր համարս պահանջել յիննս • զի որ յայսմ վայրի վարչութիւն զանձն մատոյց, ես ինքնին իսկ եմ : Արժան ինչ էր արդեօք քաղաքիս, Եսքիսէս, թողեալ զիմաստութիւն և զպատիւ իւր, ՚ի թեալայցուց և ՚ի Դոյոպացն դասու գարծակից Փիլիպպոսի մտանել՝ զի ՚ի ձեռս բերցէ նս զիշխանապետութիւն հելլէնացուց, և զնախնեացն պարծանս և զիրաւունս ազարտելկամ թէ զայդ չառնել, քանզի արդարեւ դժնդակ իսկ է, այլ՝ զոր ինչ տեսանէրն մօտ առ գուրս հասեալ ՚ի չխափանել ուրուք, և զոր ՚ի հեռուստ իսկ՝ որպէս թուի՝ նմարէր, զայն ամենայն ՚ի գալ հասանելն ընդ վայր հարկանել :

Այլ որ զգործեցեալն սաստկակոծ տոնէ սանդաստա-
կանօք , ես այժմ մտադիւրութեամբ պահանջեցից 'ի նմա-
նէ : Յորմէ կողմանէ կամէր լինել զքաղաքս . արդեօք ընդ
սատարս աղետիցն և ձաղանաց հասելոյ հելլենացւոց , զոր
'ի թեառլացիսն և յընկերչակողս նոցին պատշաճեցուացէ
ոք . կամ ընդ արհամարհողս լինելոցն՝ 'ի յոյս զօչաքաղու-
թեան իւրեանց , յորս գասեսցուք զարկագացիս , զմեսե-
նացիս և զարգիացիս : Բայց և յորովք 'ի սոցանէ , նա և
բնաւք իսկ , չար ևս քան զմեզ կոր 'ի գլուխ ելին վատթա-
րեալք : Չի եթէ ընդ տիրելն և անցեալ գնայր վազվազակի
Փիլիպպոս , և խաղաղ մնայր այնուհետև , և ոչ իւրք զոք 'ի
գաշնակցացն և ոչ յայլոց հելլենացւոցն խուէր , համայն և
այնպէս գայր ինչ բասիր և գարով որոց ոչն կացին հակառակ
գնացից նորա : Իսկ եթէ զամենեցուն սպառապուռ զոչա-
տիւ , զպետութիւն և զազատութիւն բառնայր ջնջէր , մա-
նաւանդ թէ և զքաղաքավարութիւն ևս զորոց և կարէր ,
զիսորդ ապա ձեր ըստ իմում խրատուս եկեալ՝ և չիցէ ա-
ռեալ խորհուրդ փառաւորագոյն քան զամենայն :

Բայց անդրէն դարձ առնեմ : Չինչ անկ էր , Եպիֆանէս ,
• առնել քաղաքիս , 'ի տեսանելն զՓիլիպպոս՝ զի հորդէր
յարգարէր անձին զիշխանութիւն և զբռնակալութիւն հել-
լենացւոց . և կամ զինչ պարտ էր ինձ խօսել կամ գրել՝
խորհրդականիս յԱթէնս , — զի և յայդմ խտիր մեծ կայ ,
— որ ընդ ամենայն ժամանակսն՝ մինչև յօրն յորում ամ-
բարձայ ես յատեան՝ տեսանէի զաշխարհն իմ ցանօք 'ի վէ-
րայ գլխաւորութեան և պատուոյ և փառաց նահատակեալ ,
և վասն այնր պարծանաց և օգտի ամենայն հելլենացւոց՝
առաւել ծախեալ ինչս և անձինս քան զծախս այլոց իւրա-
քանչիւր հելլէն ժողովրդոց վասն իւրեանց : Եւ զինքնին
զՓիլիպպոս՝ ընդ որում էր ձեզ կոխ , տեսանէի՝ զի վասն
իշխանութեան և հարստութեան մի ակնն խոց կայր ²⁵⁾ ,
անրակ խորատակեալ , խեղ և հաշմ ձեռն և ազգր , և զոր և
յանգամոց մարմնոյն կամիցի առնուլ բախտն , 'ի պատրաս

սի ունէր ընկենուլ զամենայն հեշտաբար, եթէ միայն մնացելովն՝ ՚ի պատիւ և ՚ի փառս կեցէ : Սահայն իշխէր ասել և ոչ դք, թէ սնելոյն ՚ի Պելլա գիւղ աննշան յայնժամ և փոքրիկ՝ այսչափ ինչ մեծանձնութիւն անկ իցէ ՚ի հոգւոջն, մինչև հելլենացւոցն իշխանութեան ակն գնել, և զայն ՚ի միտ արկանել, և թէ ձեջ՝ աթենացւոց՝ զօր ամենայն յամենայն ատենախօսութիւնս և ՚ի տեսարանս՝ նախնեացդ տաւրինութեան յիշատակաց ականատես և ականջալուր եղելոցդ՝ այսքան վատթարութիւն լինիցի, մինչ զի կամակար մտօք ինքնաձեռն մատուցանել Փիլիպպեայ զհելլենացւոցն ազիկամութիւն : Զայդ և ոչ դք ունէր ասել :

Մնայր ուրեմն և հարկ իսկ էր, զամենայն զոր նայն ընդ ձեզ անիրաւեալ գործէր՝ ձեզ այնմ իրաւամբք ընդգէմ կալ : Զսոյն և գործէիք դուք իսկզբանէ վայելուչ և ըստ արժանի. ես գիր հանէի և խորհուրդ տայի՝ որչափ ժամանակս ՚ի քաղաքավարութեանն կայի. զայդ և լինիմ իսկ խոստովան : Իսկ զինչ արժան էր ինձ առնել. ահա հարցանեմ զքեզ, թողեալ զայն ամենայն, զԱմփիլպոլիս, զՊիդնա, զՊոսիդէա, զՀալոնեսոս. և ոչ զմի յայդցանէ ոչ յիւշեմ. զԱերրիոն, զՌորիսկոս և զՊեպարեթեայ աւերածն, և զոր այլ ևս այսպիսի զրկանս զրկեցաւ քաղաքս, և գիտեմ իսկ ոչ թէ եզեն բնաւ : Եւ սակայն՝ դու ասացեր, թէ զայդոցիկ ճառս ՚ի մեջ առեալիմ՝ ատելի զսոսա արարի. ուր այդոցիկ հրամանքն՝ Եւբուլեայ և Արիստոփոնի, և Դիոպիթեայ ⁵⁰ էին, և ոչ իմ, իմ որ դիւրահեշտի խօսիսդ զամենայն զինչ և կամիս : Արդ՝ ոչ ևս ինչ ասացից զայդցանէ : Այլ որ զԵւբիա ⁵¹ յիւր վտարեալ՝ պատուար պատրաստեաց ընդգէմ՝ Ատտիկէատտանի, որ ձեռն արձակեաց ՚ի Մեգարա ⁵², որ զՈրէոսն առ, որ զՊորթմոս բրեաց, որ կացոյցն յՈրէոս զՓիլիստիդէս բռնաւոր և յԵրետրիա զԱլիտարբոս, որ զհելլենապոնաոս նուաձեաց, որ պաշարեաց զԲիւզանդիոն, և զհելլենական քաղաքանին՝ էր որ սասակաջինջ արար, էր յոր վտարանդիս տարեալ գաղութ բնա-

կէցոյց . որ զայս ամենայն արար և կատարեաց՝ բուռն ինչ եղև արգեօք , և զբկեաց զլացաւ և գրժեաց զաշանցն և եղծ զհաշտութիւնն , թէ ոչ . և արժան էր արգեօք երևել ումեք՝ ՚ի հելլենացւոց՝ կանգնել կալ նմա կրճիմ՝ ՚ի ցնացից անտի , թէ ոչ : Եթէ այգմ չէր արժան , այլ Ելլագոյ երևել կալ Միւսացւոցն անուանեալ առ և աւար^{՝՝} , մինչ գեռ տակաւին ողջ են և ՚ի միջի աթենացիք , առա ընդ վայր վաստակ եղէ ես խօսել զայդցանէ , ընդունայն ճգնեցաւ և քաղաքս՝ ինձ անսացեալ . և այն ամենայն որ գործեցաւ՝ լիցին փնտք , և իմ փնայք : Իսկ եթէ պարտ էր յառնել ումեք ընդդէմ այդոցիկ ախոյեան ընդդիմահար , ում այլ արժան էր լինել՝ քայց միայն ժողովրդեանն աթենացւոց : Արդ զայդ տնօրինեցի ես յայնժամ . և դէտ ակն ՚ի վերայ եդեալ՝ զի զամենայն մարդիկ նա ՚ի ծառայութիւն արկանէր , ընդդէմ կացի , և անգադար եղէ ՚ի փոյթ խօսելոյ և խրատելոյ՝ մի թողուլ լքանել զայդոսիկ Փիլիպպոսի :

Սակայն զխաղաղութիւնն նա ելոյծ՝ յաւարի առեալ զնաւն , և ոչ թէ քաղաքս մեր , Եպրինէս : Բեր ապէ զնոյն ինքն զհրամանն և զնամակն Փիլիպպեայ , և կարգա կարգաւ . զի ՚ի գոցին քննութենէ ՚ի վեր ելցէ՝ ո՛ր իմ իմիք իցէ փնասպարտ : Վարդա :

Հ Ր Ա Մ Ա Ն

2 Առ Նէոկլէս իշխանաւ՝ յամսեանն Բոէգրոմիոնի՝ ժողով ժողովրդեան կոչեցեալ ՚ի զօրագլխաց , Եւբուլոս մնեսիթեան կիւրացի ասաց . Քանզի ցուցին զօրագլուխք ՚ի ժողովի ժողովրդեան , թէ զ՛էոգամաս նաւապետ և զորս ընդ իւր առաքեալ նաւք քսան՝ յուղարկաւորք ցորենոյ ՚ի Հելլենսպոնտոս , զօրապեան Փիլիպպեայ Ամինդաս վարեալ է ՚ի Մակեդոնիա և ՚ի դիպահոյ եդեալ , փոյթ տարցին նահապետք և զօրագլուխք՝ զի ատեան գումարեսցի , և ընտրեսցին հրեշտակք առ Փիլիպպոս , որ երթեալ խօսեսցին

ընդ նմա՝ Թողուլ զնաւապետն և զնաւան և զգօրականն • և եթէ յանգէտս ինչ արարեալ իցէ զայն Ամինդաս , ոչինչ գնիցէ նմա մեկ ժողովուրդս • իսկ եթէ յանցաւոր ինչ ըստ օրէնս պատուիրանին զնա ըմբռնեալ , զի այց և խնդիր արարեալ աթենացւոց , արժանի ըստ անհոգութեանն ածցեն ՚ի վերայ պատուհաս • իսկ եթէ և ոչ մի ինչ յայցսանէ գտանիցի , այլ իւրովի անիրաւեալ առաքօղն կամ առաքեալն , յայտ առնել և զայս , զի խելամուռ եղեալ ժողովրդեանս՝ խորհեացի զինչ պարան իցէ առնել : »

Արդ զհրամանդ զայդ գրեաց Եւթուլոս , և ոչ ես • և զոր ըստ գմանէն՝ Արիստոփան , ապա Հեգեսիպպոս , ապա դարձեալ Արիստոփոն , ապա Փիլիքրատէս , ապա Կեփիստփոն , ապա այլք ամենեքին , իսկ ես՝ և ոչ մի ինչ յաղագս այսօցիկ :

Առ կարգա զհրամանն :

Հ Ր Ա Մ Ա Ն

« Առ իշխանաւն Նէսկլէսիւ , որ օր վերջին էր Բոէգրոմօսին ամսոյ , խորհրդով աստնին նահապետք և զօրագլուխք ՚ի մեջ մատուցեալ զբանս ժողովոյ ժողովրդեան՝ յայտ արարին , թէ հաճոյ թուեցաւ ժողովրդեանն ընտրել հրեշտակս առ Փիլիպպոս՝ պահանջելոյ զնաւան , ապա պատուէրս և զհրամանս ժողովոյն : Եւ ընտրեցին զսոսա • զԿեփիստփոն կլէոնեան անափիխտացի , զԴեմոկրիտոս գեմսփոնեան ա նագիրատեցի , զՊոլիկրիտոս ապեմանտեան կթովկեցի : Ի նահապետութեան հիւրպոթոնտեան ցեղին՝ Արիստոփոն կոլիտեցի գահերէց՝ ասաց : »

Արդ զոր օրինակ ցուցանեմ ես զհրամանսդ զայդասիկ , ցոյց նոյնպէս և դու , Եպքինէս , զոր հրաման գրեալ իմ՝ պատճառ իցեմ պատերազմին : Այլ ոչ ունիցիս • զի թէ ունէիր , ոչ ինչ յառաջ քան զայն այժմ ածէիր ՚ի մեջ : Նա և

ոչ Փիլիպպոս՝ որ զայս փնասակար առնէ, ամբաստան ինչ լինի զինէն յազագա պատերազմին :

Բայց աղէ ընթերցիր և զԹուղթն ևս զՓիլիպպոսի :

Թ Ո Ւ Ղ Թ Փ Ի Լ Ի Պ Պ Ո Ս Ի

« Թագաւոր մակեդոնացւոց Փիլիպպոս , աթենացւոց ատենին և ժողովրդեան ինդալ :

« Եկեալ 'ի ձէնջ հրեշտակք առ իս , Կեփիսոփոն և Դեմոկրիտոս և Պոլիկրիտոս , խօսեցան վասն արձակելոյ նաւացո՞ որոց նաւապետ էր Լէոդամաս : Ամենևին իսկ 'ի միամտութեան մեծի թուիք ինձ լինել , եթէ զանխլանալ յինէն համարիք , զի այն նաւք առաքեցան 'ի վերին երեսս պատճառանօք իբրև թէ յուզարկ երթալ ցորենոյ 'ի Հելլէսպոնտոսէ 'ի Լեմնոս ^{ՅԱ} , բայց 'ի ներքոյ՝ օգնել սիլիմբրիացւոց ^{ՅԵ} պաշարելոցն յինէն , որ չգտանին ընդ մեզ յուխտի դաշանց բարեկամութեան մերոյ : Եւ այդ հրաման տուաւ նաւապետիդ՝ առանց ժողովրդեանդ աթենացւոց՝ յիշխանաց այսի ոմանց , և յայլոց՝ որ այժմ արտաքոյ պաշտաման են , բայց ամենայն հնարիւք ջրգին զի ժողովուրդդ , փոխանակ այժմու բարեկամութեանն ընդ իս՝ ձեռն արկցէ դարձեալ 'ի պատերազմ , առաւել յոյժ նախանձ բերեալ այդմ գամադիտ լինելոյ քան զօրավիզն սիլիմբրիացւոց . և զայդ 'ի շահուց կողմանէ գնեն : Սակայն ոչ ձեզ և ոչ ինձ օգտակար թուի այդ : Ասան որոյ և այժմիկ ասա աթձակեմ ձեզ զքերեալ նաւագ , և ապա այսուհետև , եթէ հաճեալիք չհամարձակել առաջնորդոց ձերոց 'ի խորամանկ տեսութիւն , սոյլ պատուհաս 'ի վերայ կապիցէք , ջանացայց և ես զգուշանալ խաղաղութեան : Ողջ լերուք : »

Ոչ ուրեք 'ի սմա գրեաց զԻմոսութենէս , և ոչ իրա ինչ փնասու զինէն : Արդ՝ զի է զի զայլոց արտունջ եղեալ , զի-

մոց գործոցս չառնէ ինչ յիշատակ : Վասն զի եթէ գրէր ինչ զինէն, զանիրաւութիւնս իւր յիշատակելոց էր, զի ես զնոքոք գայի, և նոցին կայի պատերազմող : Եւ նախ զհրեշտակութեանն ՚ի Պելոպոնէս ²⁶ գրեցի զհրամանն, մինչ այն ինչ նա գեռ սողոսկէր սարգէր ՚ի Պելոպոնէս . և ապա զԵւբիայն, յորժամ ձեռն յԵւբիա մխէր . և ապա զարշաւանն, ոչ ևս հրեշտակութիւն, յՈրէոս ³⁷ և յԵրեւորիա, իբրև նա բռնաւորս ՚ի քաղաքսն յայնտիկ կարգեալ հաստատեաց : Յետ այնորիկ զնաւամարտիկ նաւացս գումարտակ առաքեցի, որով Քերրոնեսոս փրկեցաւ և Բիւզանդիոն, և ամենայն իսկ նիզակակիցք առ հասարակ : Յորոց և ժամանեցին ձեզ բարիքն մեծամեծք, գրուատիք, փառք, պատիւք, պսակք, գոհաբանութիւնք յերախտագիւտից անտի . և հարստահարելոցն՝ որոց ձեզն անսացին յայնժամ՝ եհաս փրկութիւն, իսկ անփոյթ եղելոցն՝ զբազում անգամ առ ՚ի ձէնդ գուշակեալսն եզլ յիշատակել, և առ այնպիսիս ունել զձեզ՝ որ ոչ անձանց և եթ խնամ ունեցին, այլ և արք իցեն խորագէտք և հմայողք . զի ամենայն ինչ եկն ել՝ զոր միանգամ կանխեցէք ասացէք առ նոսա : Եւ զի գանձ սաստիկ մատուցանէր Փիլիստիդէս՝ առ ՚ի պահել իւր զՈրէոս, սաստիկ և Վլիտարքոս՝ առ ՚ի պահել զԵրեւորիա, սաստիկ և ինքն իսկ Փիլիպպոս՝ զի յինքն զայգոսիկ գրաւեսցէ ընդգէմ ձեր, և մի ինչ վասն այլոց իրացն կրեսցէ փաշաման, և մի դք ուրեք բնաւ խոյզ ինչ և խնդիր ապիրատութեան գործոցն արասցէ, զայդ ամենայն չանգիտանայ և ոչ դք, և քան զամենեալն՝ գու : Քանզի հրեշտակքն եկեալք յայնժամ՝ այսր ՚ի Վլիտարքոս և ՚ի Փիլիստիդէսայ՝ առ քեզ ագան, Եպիֆանէս, և գու էիր նոցին ասանջական, զորս քաղաքս՝ իբրև թշնամիս և ոչ իրաւանց ինչ և ոչ օգտի բանբերս՝ հալածեաց . բայց քո սիրելիք էին : Ապա և ոչ մի ինչ յայդցանէ ոչ գործեցաւ, ով հայհոյիցդ իմ, որ ասես՝ թէ ՚ի կաշառիլդ կարկեալ կաս, և ՚ի վատնելդ կակաչես : Իսկ գու համբու՛ն և ոչ երբէք . այլ և ՚ի յղփանալդ կակա-

չես, և համրասցիս բնաւ ոչ, եթէ ոչ սղքս պապանձեցուցին զքեզ՝ անարգեալ արհամարհեալ այսօր :

Իսկ իբրև պսակեցէքն դուք զիս յայնժամ զանն այնր ամենայնի, և զհրամանն գրեաց Արիստոնիկոս՝ նովին որով այժմ այս Կսենսիփոն բանիւք, և պսակն 'ի տեսարանին քարողեցաւ, և էր այն ինձ հոչակ երկրորդ, Եսքինէս որ տնդն էր՝ ոչ դիմախօսեաց և ոչ զհրամանահանէն ինչ եղև տմբաստան :

Առ կարգա ինձ և զայս հրաման : Կարգա :

Հ Ր Ա Մ Ա Ն

« Առ իշխանութեամբն Քերովնիդեայ հեգեմոնեան, որ օր քսան և հինգ էր Գամելիոֆնի, 'ի նահապետութեան լէոնտեան ցեղին, Արիստոնիկոս փրէարեցի ասաց . Քանզի Դիմոսթենէս գիմոսթենեան յէանեցի՝ զքաղով և զկարևոր պէտս ժողովրդեանն աթենացւոց պաշտեաց, և յոգունց 'ի գաշնակցացս յառաջագոյն և առ ժամայս նպաստեղև հրամանօքն, և զմանս 'ի քաղաքացն Եւբիոյ եհան յազատութիւն, և անդադար ինամ տանի ժողովրդեան աթենացւոց և այլոց հէլլենաց, հաճոյ թուեցաւ ժողովոց խորհրդեան և ամբոխին՝ 'ի գովութիւն առնուլ զԴիմոսթենէս գիմոսթենեան զպէանեցին, և պսակել պտակ ոսկեղէն, և զպսակն հոչակել 'ի տեսարանին, 'ի Սպանդարամետականն, 'ի նոր ողբերգութիւնս . և քարողութեան պսակին փոյթ յանձին կաջի նահապետական ցեղն և հանգիսագիրն : Ասաց Արիստոնիկոս փրէարեցի : »

Արգ՝ իցէ որ 'ի ձէնջ, որ գիտիցէ 'ի հրամանէ աստի յայսմանէ յամօթ ինչ մատնեալ զքաղաքս կամ յայպն կասականաց կամ 'ի ծաղը, զորոց այժմ դա դալ հասանել ասէ՝ եթէ ես պսակիցիմ : Եւ սակայն՝ յորժամ նոր և ծամօթ ամենեցուն են իրքն, և եթէ քաջիկ վճարեալ, չնորհս

գտանէ . իսկ եթէ այլ իմն ազգ, պատուհաս : Ապա թուիմ ես՝ շնորհի յայնժամ եղեալ արժանի, և ոչ պարտաւի կամ պատժոյ :

Ապա ուրեմն՝ մինչև ՚ի ժամանակսն յորս այգոքիկ վճարեցան՝ վկայեցայ թէ զլաւագոյնսն գործեալ եմ հանապազ քաղաքիս, յազթելով ՚ի խորհրդեան ձերում ՚ի բան և ՚ի գիր, և զգրեալսն ՚ի գլուխ տանելով, որովք և պսակք եկին քաղաքիս և ինձ և ձեզ բոլորեցունց, և գուք զոհս դից և ուզերձս մատուցէք՝ իբրև ՚ի վերայ բարեաց եղելոց :

Արդ իբրև յԵւբիոյ հալածեցաւ Փիլիպպոս, զինուք առ ՚ի ձէնջ, իսկ վարչութեամբ և հրամանօք, թէ և հերձցին ոմանք ՚ի գոցանէ, առ ՚ի յինէն, այլ իմն մարտկոց խնդրեաց ընդդէմ քաղաքիս : Տեսեալ զի քան զքնաւ մարդիկ առաւել ունիմք պէտս արտաքուստ ցորենոյ, և կամեցեալ տէր լինել մտից ցորենոյն, անցեալ ՚ի Թրակիս՝ աղաչեաց նախ զառաջինն զնիզակակիցան իւր զբիւզանդացիս՝ մղել ընդ իւր ընդդէմ ձեր զպատերազմն : Իբրև չառնուին նոքա յանձն, և ոչ ՚ի նիզակակցութեանն սակի զայն լինել ասէին, և արգար սասէին, յայնժամ պահ պատանէչ պաշարումն տուեալ զքաղաքան, և մանգլիոնս կանգնեալ, արկ զնոսս յարգել և ՚ի նեղ : Ի լինել այգոցիկ՝ որ ինչ արժան էր մեզ առնել՝ ոչ ևս հարցանեմ, զի յայտնի է ամենեցուն : Իսկ ո՞վ օգնականն էր բիւզանդացւոց և ապրեցուցիչ, ո՞վ որ չեա հէլլեասպոնտի օտարանալ և ՚ի կողմ ելանել զայնու ժամանակաւ : Ի ուք, ո՞վ արք աթենացիք : Եւ յորժամ գուքն ասիցեմ, զքաղաքս ասեմ : Իսկ ո՞վ էր ՚ի քաղաքիս բերան և գրիչ և գործօն, և զանձն համակ անխնայ յիրսն տուեալ : Ես :

Եւ թէ այն ամենայն քանի օգուտ եղեն բոլորեցունց, չպիտի ՚ի բանից ուսուցանել ձեզ, այլ արդեամբք առէք զհանգեան : Զի որ յայնժամ պատերազմն էր, թող զոր եբերն զգեղեցիկ փառան, նա և յամենայն իսկ կենցաղօգուտս՝ առատազեղս և դիւրագիւտս զձեզ յարգարեաց քան զարդեան խաղաղութիւնս, զոր գոքս առ եղերանէ

աշխարհիս պինդ պահեն ազնիւք՝ յուսով առաջնկայիցն
 ակնկալուածեանց . յորոց իցիւ թէ վրիպեացին , և մի զոր
 բարեսէրք գուք խնդրէք 'ի դից՝ վայելեացեն 'ի նոսին , և
 մի յորոց նոքայն ախորժեցին՝ կարկառեացեն առ ձեզ :

Բայց կարգա առ դոսա և զբիւզանդացւոց պսակսն և
 զպերինթացւոցն , որովք պսակեցին վասն այսոցիկ ըզ-
 քաղաքս :

Հ Ի Ա Մ Ա Ն Բ Ի Ի Զ Ա Ն Դ Ա Յ Ի Ո Ց

« Առ նուիրապետան ³⁸ Բոսպորիկեաւ՝ Դամագետոս
 ասաց 'ի ժողովի , յատենէ խորհրդարանին առեալ օճան .
 Քանզի ժողովուրդն աթենացւոց՝ և յանցեալ ժամանակսն
 անդուլ ջանացեալ ինամ տորեսալ է միշտ բիւզանդացւոցս
 և դաշնակցացս և տոհմայնոց պերինթացւոց , և արդէն
 իսկ բազում և մեծամեծս հարեալ սպասս 'ի պէտս այժմու
 ժամանակիս , մինչդեռ Փիլիպպոս Մակեդոն զորաժողով
 լեալ 'ի վերայ աշխարհիս և քաղաքիս 'ի խախտումն բիւ-
 զանդացւոց և պերինթացւոց՝ հրձիգ առնէ զէնս և հար-
 կանէ զծառատունկս , հասեալ նոցա մեզ 'ի թիկունս հա-
 րիւր քսան նաւուք և պարենիւ և զինուք և սպառազի-
 նք ³⁹ , թափեցին զմեզ յահագին վտանգաց , և կանգնեցին
 զհայրենի պետութիւնս և զօրէնսս և զչիրիմս , հաճոյ թուե-
 ցաւ ժողովրդեան բիւզանդացւոց և պերինթացւոց՝ տալ
 աթենացւոց ընդ մեզ ինամութիւն ազգախառնութեան ,
 քաղաքակցութիւն , կալուածս դետնոյ և տանց , բարձե-
 րիցութիւն 'ի հանդէսս մրցարանաց , մուս յատեանն և
 'ի ժողովուրդն անընդմէջ զկնի պատարագացն . և որոց
 կամիցէ բնակել 'ի քաղաքիս՝ ապահարկ լինել նոցա յա-
 մենայն հարկաց : Վանգնել և պատկերս երիս վեշտասան
 կանգնեանս 'ի Բոսպոր , զժողովուրդն աթենացւոց պսա-
 կեալ 'ի բիւզանդացւոց ժողովրդենէն և 'ի պերինթացւոց :
 Աւաքել և նուիրակութիւնս ⁴⁰ յաշխարհաժողովուրդս

Ելլաբայ, յիսթմեանն, 'ի նեմեանն, յոլիմպեանն և 'ի պիւթեանն, և քարող կարդալ զպսական, թէ ժողովուրդն աթենացւոց պսակի առ 'ի մէնջ զի ծանիցենն Հելլէնք ամե նայն զաթենացւոցն զառաքինութիւն, և զբիւզանդացւոց և զպերինթացւոց շնորհակալութիւնն: »

Ընթերցիր և զպսական որ 'ի քերրոնեսացւոց անտի :

Հ Ի Մ Մ Ա Ն Ք Ե Ր Բ Ո Ն Ե Ս Ա Ց Ի Ո Ց

« Ի քերրոնեսացւոց բնակեալքն 'ի Սեստոս, յԵլէոս, 'ի Մատիոս, յԱլովպեկոնէս ⁴¹, պսակեն զատեան խորհրդոյ և զժողովուրդն աթենացւոց 'ի պսակ ոսկի վաթսուն տաղանդաց . և կանգնեն բագին Ընորհի և ժողովրդեան աթենացւոց, զի մեծին 'ի բարիս պատճառք եղեն քերրոնեսացւոց՝ թափելով 'ի Փիլիպպեայ և անդրէն շնորհելով զհայրենի բնագաւառս, զօրէնս, զազատութիւն, զմհեանս : Եւ յայսմ հետէ և առ յապա յամենայն յաւիտեան մի պակասեցեն գոհանալ և բարի առնել՝ որ զինչ և ձեռն իւրեանց դատնիցէ : Զայս 'ի հասարակաց տաճարին խորհրդոյ ետուն հրաման : »

Ապա ուրեմն՝ ոչ միայն զքերրոնեսոս և զբիւզանդիոն փրկել, զհելլէնսպոնտոս ապրեցուցանել 'ի լծոյ ծառայութեան Փիլիպպոսի, և 'ի պատճառս այսոցիկ՝ մեծարանք քաղաքիս՝ եղեն հանդէպ իմոյ մտադիւրութեանս և վարչութեան, այլ և ամենայն մարդկան յայտ յանդիման ցուցանել զբարեւալութիւն քաղաքիս և զՓիլիպպեայ չարութիւնն : Զի որ բարեկամ և նիզակակիցն էր բիւզանդացւոց, ամենեքին տեսին զի պաշարումն ած զնորգը, քան զոր զինչ այլ անպատեհ և անօրէն : Իսկ ձեր, որոց գոյր բազում ինչ արդարութեամբ և յիրաւի ⁴² տրտնջել զնոցանէ, զոր անզգամեցանն առ ձեզ յանցեալ ժամանակսն, ոչ միայն

անոխակալ եղեալ և ոչ լքեալ զգրկեալսն, այլ և կեցուցիչք երեւցարուք, որով փառս և մտերմութիւն և պարծանս ժառանգեցէք յամենեցունց: Եւ զի զբազումս 'ի քաղաքավարացդ պսակեալ է ձեր, գիտեն ամենեքեան. իսկ յյյր այլոս ուրուք ձեռն պսակեալ իցի քաղաքս, խորհրդականի ասեմ' և աստենախօսի, չունիցի ոք զայլ ոք ասել բայց միայն յինէն:

Եւ արդ, որպէս զի և զհայհոյութիւնսն՝ զորս ընդդէմ եւբիացւոց և բիւզանդացւոց ստեղծ և խօսեցաւ, ուր ուրեք դժուարին ինչ ընդ ձեզ գործեալ էր 'ի նոցանէ՝ զայն յուշ արարեալ, առ 'ի ցուցանել ասեմ' և զայնտսիկ զբարտաւթիւն լեալ, ոչ միայն այնու՝ զի սուտ են, զի այսմ գիտուն լինել կարծեմ զձեզ, այլ և այնու՝ զի թէպէտ և ճշմամբիտ յոյժ էին, օգուտ այն էր՝ որով եսս վարեցայ օրինակաւ՝ նովին և վարել, կամիմ' անցանել ընդ մի կամ ընդ երկուս 'ի բարեացն գործեցելոց քաղաքիս առ ձեզք, և զայն կարճառօտիւք: Զի այր այր առանձինն և քաղաք միաբանութեամբ՝ պարտի միշտ կրթել ջանալ զառաջիկայան ըստ եղելոց լաւագունացն գործել:

Արդ գուք, ո՛րք ատենացիք, 'ի տիրապետել լաւագեմոնացւոց ընդ ծով և ընդ ցամաք, և 'ի գրաւել զշրջակայս Ատտիկեայ քաղաքապետօք և պահակօք, զԵւբիա, զՏանագրա, զԲիտլիա ողջոյն, զՄեդարա, զԷգինա, ըզՎլէտնս և զայլ կղզիս, մինչ չև էր դեռ քաղաքիս ոչ նաւ և ոչ պարիսպ, ելէք խաղացէք գուք 'ի Հալիարտոս ⁴³, և դարձեալ՝ յետ ոչ բազում ինչ աւուրց՝ 'ի Աթրինթոս ⁴⁴, թէպէտ և բազում ինչ կայր յայնժամ' ատենացւոց ռիակալ լինել ընդ կորնթացիս և թեբացիս՝ յերաց անախ որ 'ի դեկելեան ⁴⁵ պատերազմին գործեցան, այլ չարարին զայդ, օն անգր ամենեւին իսկ ոչ: Եւ զերկոսին զայդ յայնժամ, Եպրինէս, ոչ առ երախտաւորս ոմանս առնէին, և ոչ անվտանգ ինչ տեսանէին, սակայն ոչ յայն սակս անտես արարին զապաւինեալսն 'ի նոսա. այլ՝ 'ի քաջափառութեան

և պարծանաց աղաքս՝ փութայորդոր լինելին տալ զանձինս
 'ի վիշապ անհնարինս, խորհուրդ բարի և ուղիղ արկեալք
 'ի միտ : Զի ամենայն մարդկան կենաց կատարած է մահ,
 Թէպէտ և 'ի անկան ուրեք ոք զանձն արգելեալ՝ այնմ սպա-
 սիցէ . իսկ արանց բարեգործաց պարտ է միշտ յամենայն
 բարիս ձեռն 'ի գործ առնել՝ պատասպարեալ 'ի յոյս ազ-
 նուական, և զոր աստուածն տայցէ՝ տանել առաքինաբար :

Զայս նախնիք ձեր առնելին, զայս՝ երկցագոյնքդ՝ 'ի ձէնչ,
 որք յորժամ Թեբացիքն հարստացեալք 'ի Նեւկորա բան
 'ի գործ առնելին սատակել զլակեղեմոնացիան՝ ոչ սիրելիս
 ձեզ և ոչ երախտաւորս, նա և բազմաց և մեծամեծ ինա-
 սանւոյ քաղաքիս վրիժապարտս, սակայն արգելէք ¹⁶ զնո-
 սա, ոչ ինչ երկիւղած լեալ յուժոյ և 'ի փառաց Թեբա-
 ցւոցն 'ի ժամանակին . և ոչ զմտաւ ինչ ածեալ՝ Թէ զինչ
 ինչ ընդ ձեզ անցուցեալ էր արանցն որոց վասն գիմէիք 'ի
 վտանգ : Եւ գովին յայտ արարէք ամենայն հելլենացւոց,
 զի եթէ և մեղիցէ ինչ ոք ձեզ, նմա զբարկուծիւն յայլ ինչ
 պահէք . իսկ եթէ փրկուծեան կամ ազատուծեան ինչ
 վտանգ հասանիցէ նոցա, չլինիք քինաթաքոյց, և առ ոչինչ
 դրէք :

Եւ ոչ ընդ գոսա միայն այսպէս վարեցայք, այլ դար-
 ձեալ 'ի վտարել Թեբացւոց զԵւբիա՝ ոչ անփոյթ արարէք .
 և ոչ զոր 'ի Թեմիսոփնէ և 'ի Թէոդորէ զրկեցայքն վասն Ո-
 րովկայս՝ ¹⁷ ընդ միտ տարայք, այլ և նոցա ևս հասէք 'ի
 Թիկունս, մինչքեռ տակաւին այն առաջին նուազ էր կար-
 դելոյ քաղաքիս կամաւոր նաւագործաց, յորոց մի և ես
 էի : Այլ զայոցանէ չև ևս է ժամ : Բարւոք արարէք ապա-
 քէն փրկել զկղզին . բայց լաւ ևս քան զայդ, զի իշխան կա-
 ցեալ անձանց նոցա և քաղաքաց՝ գարձուցէք զգոսա ար-
 դարուծեամբ 'ի մեղուցեալսն առ ձեզ, և ուր 'ի ձեզ էին
 ապաստան եղեալ չհայեցայք անդ բնաւ 'ի տոյժս ձեր :

Բիւրք այլ ևս կան ինձ ասել, այլ զանց առնեմ, նաւա-
 կութեա, հետեւախամարտս, գումարտակս բանակաց, և 'ի

հնում եղեալս և այժմուս առ ձեօք, զոր արարեալ է քաղաքիս զամենայն 'ի վերայ ազատութեան և փրկութեան այլոց հելլենացոց :

Յայսպիսիս և յայսքանս տեսեալ իմ զքաղաքս յօժարամիտ 'ի գուպարել յօգուտ այլոց, իսկ ապա մինչդեռ զիւրմէ իսկ էր խնդիր՝ զինչ պարտ էր ինձ տալ նմա հրաման, կամ զինչ խորհուրդ 'ի գործ : Ո՛խս պահել, յԱրամազգ երգուեալ, ընդ այնոսիկ որ զփրկութիւն խնդրէին, և բարուրս յուզել՝ առ 'ի կորուսանել զամենայն : Եւ ո՞ ոչ իրաւամբք ստատկէր զիս, եթէ և բանիւ և եթ լոկով լրբէի յամօթ առնել մի ինչ 'ի բարեաց քաղաքիս : Եւ զի դուք ոչ 'ի գործ տանէիք զբանն, իմ շքմարտիւ հասեալ է . զի թէ կամեիք, զինչ կայր խոչ ընդ ոտն . միթէ չէր ինչ մարթ, միթէ ո՞չ գոյին գոքա խրատտուքդ այգոքիկ :

Ամիմ այսուհետեւ դառնալ գալ յորս յետ այգոցիկ քաղաքավարեցայ, և 'ի սոսին դարձեալ մուսանգամ միտ դիք՝ զինչ այն ինչ էր որ օգտակարագոյնն էր քաղաքիս : Քանզի տեսեալ, ո՞վ արք աթենացիք, զնաւաստականն ձեր խաթարեալ, և զմեծատունն ապահարկս իմն եղեալ՝ առ նուազութեան սակի նպաստիցն իւրեանց, իսկ զչափաւորսն կամ զանաւագան ընչիւք 'ի քաղաքացիս 'ի գոյիցն անգամ թափրացեալս, և զքաղաքս այնր ազագաւ գձձեալ տառապեալ 'ի պատեհ պէտս ժամանակին, եդի օրէնս՝ որով զմեծատունն ստիպեցի առնել իրաւունս, իսկ զաղքատսն՝ 'ի զրկանացն հանգուցի . և որ կարեւորագոյնն էր՝ արարի քաղաքիս, պատրաստ ունել 'ի ժամու զամենայն կազմութիւն հանդերձանաց : Եւ եկակոչ եղեալ 'ի փութսիչ անիրաւութեան, եկի մտի առ ձեզ և արձակեցայ, և զմասնն քուէից ⁴⁸ չմբռնեաց դատախազն : Եւ ո՞րչափ ինչ գանձս կարծիցէք մատուցանել առ իս գլխաւորաց զովութեանցն ⁴⁹, կամ երկրորդացն կամ երրորդաց, մանաւանդ առ 'ի ձեռնութափ ինձ լինելոյ յօրէնսդրութենէ անտի, կամ եթէ ոչ՝ դոնէ թողուլ արկանել ընդ յամով երգման ⁵⁰ :

Այնչափ ինչ, ո՛ր արք աթենացիք, որչափ գանդաղելի է ինձ սսեւ առ ձեզ : Եւ զայս 'ի դէպ յոյժ առնէին նորա : Քանզի էր նոցա ըստ նախկի օրինացն՝ վեշտասանեցունց միանգամայն զհարկ պաշտամանն հարկանել, սակաւիկ ինչ և ոչինչ իսկ ծախեալ յանձանց, և զչքաւոր քաղաքացիսն ճմլեալ . իսկ յիմե՛ք օրինաց՝ որ ինչ անկն է իւրաքանչիւր ըստ իւրում գոյին բերել 'ի մէջ : Եւ որ յառաջն վեշտասանեւորոք միայն էր հարկակից 'ի բովանդակութիւն միոյ և եթ նաւի, երկուց այնուհետև երևեցաւ նաւակառոյց . զի և ոչ իսկ նաւակառոյցս կոչէին զանձինս, այլ հարկատու գործակիցս : Ասան որոյ 'ի խափանել զայդ և մի ստիպել յարգարութեան իրաւունս՝ չիք ինչ զոր ոչ տային :

Եւ արդ կարգաւ ինձ նախ զհրամանն ըստ որմէ եղէ եկակոչ, և ապա զհանդէս համարոյն՝ որ ըստ նախնի օրինացն և որ ըստ իմումս : Վարդա :

Հ Ր Ա Մ Ա Ն

« Առ Պոլիկլեաւ իշխանաւն՝ որ օր վեշտասան էր ամսոյն Բոյեդրոմիոնի, 'ի նահապետութեան հիպպոթոոնեան տոհմին, Դիմոսթենէս գիմոսթենեան պէանեցի մատոյց օրէնս մի նաւագործական փոխանակ առաջնոյն, ըստ որոյ 'ի բովանդակութիւն գործոյն գոյին հարկակից նաւակառոյցք . և ժողով խորհրդեանն և ժողովաւորն ձեռն ետուն հաւանութեան : Եւ զԴիմոսթենէ յանիրաւութիւն ամբաստան եղև Պարոկլէս փլիսացի . և չունելով զմասնն քուէից՝ տուժեցաւ զյիսուն դահեկանն : »

Բեր ազէ և զգեղեցիկ հանդէս համարոյն :

Հ Ա Ն Դ Է Ս Հ Ա Մ Ա Ր Ո Յ

« Ու նաև նաև կոչեացին նաևադործք վեշտասան՝ ՚ի միասին՝ ՚ի գնդաց գնդաց հարիւրեկացն հարկակցաց , ՚ի քսանն և հինգամենից ցքառասնեմեանս , հաւասար զմասն բաժնին մատակարարելով : »

Ալէ բեր առ սմին զոր յիմեկ օրինացս հանդէս համարոյ :

Հ Ա Ն Դ Է Ս Հ Ա Մ Ա Ր Ո Յ

« Նաւակառոյցք առ մէն մի նաւ ընտրեացին ըստ սակի ընչիցն ⁵¹ ՚ի տասն տաղանդէ . իսկ եթէ ընչիցն սակ առաւել գոյաւոր հաշուիցի , ըստ համեմատութեան՝ մինչև յերես նաւս և ՚ի մակոյկ մի՝ մտցեն ընդ հարկաւ : Ըստ նմին համեմատութեան լիցի և որոց քան զտասն տաղանդ նուազ իցեն ինչք , մինչև ՚ի մի եկեալ բովանդակեացին ՚ի տասն տաղանդ : »

Արդ միթէ սակաւ ինչ օգնութիւն թուիցիմ մատուցեալ աղքատացոյ ՚ի ձեզ , կամ թէ դոյցն ինչ արդեօք ծախէին մեծատունք առ ՚ի զիրաւունսն չառնելոյ : Ապա ոչ միայն ընդ չթողանալս յայսմանէ գովիմ , և ընդ ամբաստանիլս և արդարանալ , այլ և ընդ օգասկար օրէնսդրութիւնս և զփորձն արդեամբքն ցուցանել : Զի ընդ պատերազմն բովանդակ , իբրև հանդէսք համարոյն ըստ իմում օրինացս լինէին , ոչ դք երբէք ՚ի նաւակառուցից՝ իբրև հարստահարեալ դք ուլերձեաց առ ձեզ ոստ ձիթենի ⁵² , ոչ ՚ի Մունիքիս նստաւ , ոչ յոստիկանաց ⁵³ նաւահանդիսիցն ՚ի կապանս մասնեցաւ , ոչ մի նաւ քաղաքիս՝ արտաքոյ ըմբռնեալ կորեաւ , և ոչ յետնեալ անբաւական ՚ի չու՝ կաց մնաց աստէն . որ ըստ առաջնում օրէնսդրութեանն լինէր

այս ամենայն : Եւ պատճառ , վասն զի 'ի չքաւորան էր հարկ պաշտամանն , և ոչ սակաւ անհնարինք հանդիպէին . իսկ իմ յազբատաց անտի 'ի գոյաւորան փոփոխաւ զնաւաւորութիւնան , ամենայն ինչ ըստ պէտս յօրինեալ կազմեցաւ :

Եւ վասն այսր իսկ արժանի եմ գովութիւն ժառանգելոյ , զի զայդ ամենայն տնտեսութիւն ընտրեցի՝ յորոց փառք և պատիւք և զօրութիւնք միահաղոյն գային յորդէին քաղաքիս . ոչ յաչաղկոտ , ոչ դաժան և ոչ չարաբուեստ ինչ է իմ քաղաքավարութիւնս , և ոչ նուաստ ինչ անարդ և փղուն , և ոչ անարժան քաղաքիս : Արդ զնոյն և 'ի տեսչութիւնս քաղաքիս և 'ի հելլենականն երևեցայց ունել գնացս : Զի ոչ 'ի քաղաքիս զառ 'ի մեծատանցն առաւել ընտրեցի շնորհս քան զբազմութեանն իրաւունս , և ոչ 'ի հելլենականն՝ զպարզեան Փիլիպպոսի և զհիւրութիւնն սիրեցի փոխանակ ընդ հասարակաց օգտի համօրէն հելլենացւոց :

Եւ արդ մնայ ինձ ուրեմն զքարոզութենէն ստել և զհամարատուութենէն . քանզի թէ զլաւազոյնն գործեալ եմ և յամենայն ժամ խնամոտ եղեալ և փութաջան 'ի բարի առնել ձեզ , բաւական ցուցեալ համարիմ յատացելոցս : Սակայն զմեծամեծան 'ի վարչութեանցս և 'ի գործոց 'ի բաց թողում . զի նախ՝ այնպէս՝ համարիմ , թէ ըստ կարգի՝ զանիրաւին համարս պտտիմ տալ . և երկրորդ՝ թէ և ինչ ոչ սասցից զայլոց քաղաքավարութեանցս , համայն իւրաքանչիւր ուրուք 'ի ձէնը վկայ են ինձ միտք :

Բայց զբանն զորս գա վեր 'ի վայր հարեալ շտոգանեաց յաղաղա առնութեադիր ^{ՅԱ} օրինաց , ատուածովքն երգուեալ , ոչ զձեզ ինչ նոցին խելամուտ եղեալ համարիմ , բազմաց 'ի նոցանէ և ոչ ես ինքն ինչ մարթացի կալ 'ի վերայ : Ապա պարզաբար ընդ ուղիղ ճանապարհ զիրաւանց խօսեցայց :

Այնչափ ծտար է յինէն անպարտական զանձն ստել

համարոյ, որպէս գա այժմիկ բազում անգամ չարախօսէր և պնդէր, որպէս զի և խոստովան ևս լինիմ զամենայն աւուրս կենաց իմոց պարտապան ընեի համարոյ զայնմ ամենայնէ, որոց դամ մի մատակարար կամ անօրէն երևեցայ ՚ի միջի ձերում: Իսկ զորոց յիմոց ընչեցս ինձէն ՚ի կամակարուց ետու ժողովրդեան, և ոչ մի օր պարս դասիմ զանձն համարս տալոյ, լսես, Եպրինէս, և ոչ զայլ ոք ամենեւին, թէ և յինուսոց անախ ոք իշխանացն ընկեցի: Չի ո՞ր այն օրէնք իցեն՝ այդչափ անիրաւութեամբ և ամարգութեամբ լի, մինչ զի և որ յիւրոցն ինչ տայցէ, և գործ մարգասիրութեան և առատութեան գործիցէ, զրկել զնա ՚ի շնորհակալութենէ, և մատնել ՚ի ձեռս զըպարտչաց, և զնոսա՝ համարապահանջս տրոցն կացուցանել ՚ի վերայ գլխոյ նորա • փարգաստ, և ոչ մի ամենեւին: Իսկ թէ գասսէ, թող ցուցանէ, և ես հանդեպց և լուռ եղէց: Այլ չիք ուրեք, ո՞վ արք աթենացիք: Բայց գորս զըպարտել առեալ, քանզի ՚ի տալն զինչսս ՚ի վերայ տեսլարանացն կայի յայնժամ, ատեանն, ասէ, գովեաց զնա մինչ դեռ տակաւին պարտականն էր հաշիւ տալոյ: Ոչ և վասն միոյ իրիք յորոց հաշուի պարտականն էի, այ զըպարտիչ, այլ վասն որոց ետուս: — Բայց և պարսպաշէն էիր, ասէ: — Եւ յայդ իսկ սակս իրաւամբք գովեցայ, զի զծախան մատուցի, և ոչ ինչ հաշուեցայ: Չի հաշիւք՝ հաւաստեաց և քննողաց կարօտին, իսկ տուրք՝ գոհութեան և գովեստի է արժանի: Վասն այսորիկ գրեաց և սա զինէն զայդոսիկ:

Եւ զի այս այսպէս անպարեալ կայ, ոչ միայն յօրէնս, այլ և ՚ի սովորութիւնս մեր, դիւրաւ ցուցից ձեզ բազում ուստեք: Քանզի նախ, Նաւաիկլէս մինչ դեռ սպարապետն էր՝ բազում անգամ ՚ի ձէնջ պսակեցաւ վասն որ յիւրոց անախ ընձեռեւոցն • երկրորդ, զի զվահանն ընծայեաց Դիոտիմոս, և դարձեալ Քարիդեմոս, պսակ ընկալան • և ապա Նեոպտոլեմոսդ այդ, շատ ինչ գործոց կացեալ ոստիկան, պատուեալ է ՚ի տուրան իւր: Քանզի գժնգակ էր ապաքէն

առն ուրուք գործակալի, կամ չմարթեւ վասն գործակալու թեանն տալ քաղաքին զիւրան, կամ զտրոցն՝ փոխան շնորհակալու թեան՝ համարս պահանջիլ :

Եւ թէ արդար ասեմ զայդ, առ կարգա ինձ զորս վասն նոցա եղեալ են հրամանք : Կարգա :

Հ Ր Ա Մ Ա Ն

« Առ իշխանաւն Դեմոնիկոսիւ փիլիսոսոյ, որ օր քսան և վեց էր Բռեղրոսի, կամաւ ատենի խորհրդեան և ժողովրդեան, Կալլիսա փրէարեցի ասաց, թէ հաճոյ թուի հրապարակի խորհրդարանին և ժողովրդեանն՝ պահել զՆաւարիկէս զինապետ . զի յորժամ երկու հազար սպառազէնք աթենացիք յԻմբրոս էին՝ ի թիկունս օգնականութեան աթենացւոցն բնակելոց՝ ի կղզւոջն, և Փիլոն՝ կարգեալն ի մատակարարութիւն՝ չկարէր յերեսաց ձմերայնոյն նաւել և զհռոգան մատուցանել սպառազինացն, նա յիւրոց անտի ընչից եա, և չպահանջեաց ի ժողովրդեանն : Եւ զպահն քարոզել ի Սպանդարամետականն, ի նոր ողբերգական : »

Մ Ի Ի Ս Հ Ր Ա Մ Ա Ն

« Ըստ բանից նահապետացն խորհրդով ատենին՝ ասաց Կալլիսա փրէարեցի . Քանզի Քարիդեմոս՝ իշխան առաջնորդ սպառազինաց՝ առաքեալ ի Սալամիս, և Դիոտիմոս ասպահապետ, իբրև զօրականք ոմանք զինազերծ եղին ի թշնամեաց՝ ի ճակատուն որ առ գետոյն, իւրեանց ծախուք վառեցուցին զերիտասարդան յութ հարիւր ասպար, հաճոյ թուեցաւ ակմբի խորհրդեան և ժողովրդեանն՝ պահել զՔարիդեմոս և զԴիոտիմոս ոսկւով պսակաւ, և հռչակել յաւագ համաթենականն ի մերկամարտիկ մրցանսն, և ի Սպանդարամետականն, ի նոր ողբերգական : Եւ

հաշտեցրցն հոգ՝ օրինապահացն լրցի, նահապետաց, հանգիստդաց : »

Իւրաքանչիւր ոք 'ի սոցանէ, Եպֆինէս, ի շխանութեանն որում ի շխեր՝ պարտապան էր համարոյ, իսկ որոց վասն պսակէրն՝ չէր ինչ պարտապան . ապա և ոչ ես . զի 'ի նոյնս անշուշտ նոյն իրաւունք են և ինձ ընդ այլ : Ետու, և վասն այնր գովիմ . և որոց ետուս՝ չեմ պարտական համարոյ . ի շխան կացի, և զայնր զհամարան հատուցի, ոչ զորոց ընծայեցիս, երգուեալ Արամազդ : — Այլ անիրաւութեամբ ի շխեցի : — Իսկ դու որ անդ էիր, 'ի մուծանել զիս համարկարացն 'ի ներքս, չլինէիր ամբաստան :

Այլ զի գիտասընք՝ թէ դա ինքնին իսկ վկայէ ինձ, զի ոչ զորոց համարապարտն էի պսակիմ, օն առ կարդա ինձ զհրամանն ողջոյն զվասն իմ գրեալ : Զի որովք 'ի գլխոց առաջարկութեանն չեղև ամբաստան, որովք գատտիսազէն՝ զբարտեիչ լինել յանգիմանեացի : Կարդա :

Հ Ի Ա Մ Ա Ն

« Առ ի շխանաւն Եւթիկլեաւ, որ օր քսան և մի էր Պիանեփսիոնի, 'ի նահապետութեան ինէեան ցեղին, Կտեսիփոն լէոսթենեան անափլիստեցի ասաց . Քանզի Դիմութենէս գիմոսթենեան պէանեցի՝ հոգարարձու կարգեալ բեղեկի պարտապացս, և յիւրոց ընչիցն յաւելեալ ծախեալ ևս 'ի գործն տաղանդս երիս, ընծայեաց զայն ժողովրդեան . և զի հազարապետ տեսարանացն կացեալ, յաւել 'ի գումար ծախուց ցեղիցն բոլորեցունց և ետ յիւրմէ հարիւր մնաս 'ի պէտս զոհից, հաճոյ թուեցաւ ատենի խորհրդեան և ժողովրդեանն ակննացւոց՝ գոհարանել զԴիմութենէս գիմոսթենեան զպէանեցին՝ վասն առաքինութեանն և քաջաւարութեան, զոր անպակտս յամենայն ժամ ցուցանէ առ ժողովուրդն ակննացւոց . և պսակել զնա 'ի պսակ ու

կի, և հռչակ հարկանել զպսակն 'ի տեսարանին, 'ի Սպան-
դարամետականան, 'ի նոր ողբերգական և հանդիսագրին՝
ինամ տանել հռչակին : »

Այդ ուրեմն՝ յորոց ետու և ոչ զմիոյ յայնցանէ եզեր
ամբաստան, իսկ զոր նոցին փոխարէն արժանի ինձ համարի
ասեանն՝ զայնմանէ գաաախազես . ապա զտուրան առնուլ՝
իրաւունս խոստովանիս, իսկ զտրիտուրն հատուցանել՝
յանիրաւութիւն անբաստանես : Իսկ ո՞ր այն ոք իցէ ամե-
նաչար այր և աստուածոց ասելի և արգարև չարակն, եր-
գուեսալ 'ի գիս, ո՞չ ապաքէն գա այդ այգալիսիդ :

Իսկ յազագս 'ի տեսարանին քարոզելց, թողում ասել
զբիւրիցս բիւրոց քարոզիչն, և զիմ իսկ ինքեան բազում
անգամ պսակիչս . այլ աղէ, աստուածովքն, այգալէս շամ-
բուչ և անպգամ իցես, Եպրիմէս, մինչև չկարել 'ի միտ առ-
նուլ, թէ պսակառուին՝ զնոյն խանտանս բերէ պսակն ուր
և քարոզեսցի, իսկ 'ի տեսարանին լինել քարոզութեանն՝
յօգուտ պսակասուացն է : Չի որ լիցենն, յորդորիցին
առ հասարակ 'ի բարի առնել քաղաքիս, և քան զպս-
կեայն՝ զերախտահատոյցան գովիցեն առաւել : Դմին իրի և
քաղաքս գրեաց զօրէնս զայս : — Այլ առ ինձ ընթերցիր
զնոյն ինքն զօրէնսն :

Օ Ր Ե Ն Ք

« Զորս պսակէն ոմանք 'ի գրոհից, զքարոզութիւն պս-
կացն արտացեն իւրաքանչիւր 'ի գրոհս իւրեանց, բայց
միայն յորժամ ժողովուրդն աթենացուոց կամ ասեանն
զոք պսակիցէ, նոցա օրէն լիցի քարոզել 'ի տեսարանի 'ի
Սպանդարամետականան : »

Լսես, Եպրիմէս, զօրէնսն որ ասէ յայտնապէս . Բայց
միայն զորս ժողովուրդն կամ ասեանն հրամայիցէ, զնոսին
և քարոզեսցէ :

Արդ ընդէր զբազարտես, այ չուառ. զի բան 'ի բան կարկառես, հիմ 'ի վերայ այգոցիկ չառնուս սրբագեղ ըզկոճ վրացի: Նա և չամաչեն ևս՝ յուռմարեալ մախամարդակ ասծէ 'ի մէջ գատաստան առանց իրիք մնասու լինելոյ, և օրէնս փոփոխել, և զկիսոց մասն՝ քաղ հանել, որոց համակ արժան էր 'ի կարգացումն գալ այնոցիկ՝ որ երգուեալքն են ըստ օրինացն հատանել վճիռ: Եւ ապա՝ այգոցիկ գործողք գու, 'ի մէջ անցեալ ճառես, թէ յառն ընկերահաշտի զինչ ինչ արժան է լինել: Որպէս զի դը անդրի մի տայցէ գործել ըստ օրինակի, և ապա առանց լինելոյ 'ի նմա պահանջեալ պայմանաց օրինակին՝ ընդունիցի զայն. և որպէս թէ բանիւ, և ոչ արդեամբք և քաղաքավարութեամբք ծանօթականք իցեն արք ընկերահաշտք: Եւ ձայն բարձեալ գոչես, զասելիս և զանասելիս 'ի բան ձգեալ՝ իբրև 'ի վաչէ՝³⁵ ուստեմն, որ քեզ և ազգիդ քում վայելուչ են, ոչ ինձ:

Բայց խուն ինչ ևս, ո՛ր արք ատենացիք: Ինձ թուի՝ թէ այլ է լուտանք, և այլ ամբաստանութիւն. այնու՝ զի ամբաստանութեան պատճառք անիրաւութիւնք են, որոց և պատիժք կան յօրէնսն. իսկ լուտանաց՝ հայհոյութիւնք և յիշոցք՝ զոր ըստ բնութեան իւրեանց պատահէ թշնամեաց լեզուադարել առ իրեարս: Եւ զգատարանս զայս կարծեմ կառուցեալ 'ի նախահարց մերոց, ոչ զի ժողովեալ զձեզ այսր 'ի տանց ձերոց՝ անարժանս զմիմեանց շաղփաղփեսցուք, այլ՝ եթէ անիրաւեալ ինչ դը գտանիցի առ քաղաքս՝ զնա յանդիմանել: Ոչ ինչ ընդհատ յինէն այգմ՝ հմուտ Եպրինէս, փոխանակ գատախազելոյ՝ ընտրեաց կոկողաբանել: Բայց և ոչ աստանօր արժան ինչ է պարտեալ կոր 'ի գլուխ ելանել. միեցայց ապա և յայգոսիկ, զայս ինչ ևեթ հարցեալ զնա:

Զքեզ, Եպրինէս, արդեօք քաղաքին դը ասացել լինել թշնամի, եթէ իմ. յայտ է թէ իմ: Եւ սակայն, ուր գորք գատաստան յինէն պահանջել յայգոսիկ ըստ օրինաց, եթէ

անիրաւ ինչ որ էի՝ ի հաշիւս, ՚ի փուրսիշս, յայլ ամենայն իրաւունս, քո զայն թողեալ՝ և ուր բնաւ անպարտ եմ ամենայնիւ, օրինօք, անցեալ ժամանակաւ, ժամադիր ժամուք, բազում անգամ յառաջագոյն ՚ի գատ վարեալ զսոցանէ, և ոչ ուրեք երբեք ՚ի մտաս ինչ առ ձեզ բմբռնեալ, — բայց քաղաքիս հարկ է ընդ շատ կամ ընդ սակաւ հազորդ գասնել փառաց հրապարակաւ գործեցելոցն, — դու անդ յայնժամ ընդ առաջ ելեալ հարար ՚ի գիմի: Տես ազէ, գուցէ սոցա իցես թշնամի, և իմ բարբիցիս:

Եւ արդ, քանզի երկիւզածու թեան և արդարութեան գատաստան մերկացաւ բոլորեցուն, և պարտ է ինձ՝ որպէս թուի, թէպէս և ՚ի բնէ չիցեմ ինչ թշնամանասէր, այլ ՚ի պատճառս հայհոյանացն բարբանջելոց ՚ի գմանէ, փոխան յալովիցն և ստոց, զկարևորագոյնսն և եթ փոխանակաբանել զգմանէ, և ցուցանել՝ ո՞վ և յոյց իցէ որ այգպէս արձակ համարձակ ազատաբերան ձեռներէջ լինի հայհուջ առնել, և զբանս ինչ ՚ի քարշ արկեալ ընդ վայրս ածէ, այն որ ինքն զայնպիսիս ասէ՝ զորս ո՞վ որ ՚ի մարդկանէ ՚ի համեստից չլէհերիցէ բարբառել: Զի եթէ ինքն իսկ Դակոս կամ Հոսագամանթ կամ Մինովս էր գտտախաղս, և ոչ սերմանաբաղ որ, անարգ փարելի հրապարակին, գպիր կորստական, ոչ կարծեմ ադել նմա զայգպիսիս, և ոչ այգպէս ծանրաազատուկ բանս կուտակեալ իջրև յողբերգութեան պոռոչել: Ո՞վ Երկիր և Արեգակն և Առաքինութիւն, և այլս այսպիսիս և գարձեալ ՚ի Հանձար և ՚ի Խրատ Խրախուսել՝ որով բարիքն և յոռիքն ճանաչին և զի լուայք ապաքէն խօսել գմա զայսոսիկ: Այլ ո՞վ ջնջանդ խոհերական, զինչ հազորգութիւն է քո կամ քոյոցդ ընդ առաքինութեան, կամ զինչ գիտութիւն բարեաց կամ չբարեաց և սատ ուստեք ընկալեալ կամ զիմրօք եղեալ արժանի և ո՞ր քո իրաւունք զերստ յիշատակելոյ, որում ՚ի ստոյգ արժանաւորելոցն ոչ որ արգեօք այգպիսի ինչ ասիցէ զանձնէ, նա և յայլոյ ուրուք ասել՝ չիկնեսցի և իսկ թափուր եղէ:

լոցն իբրու զքեզ՝ և ձեռացելոց առ անդգայութեան, նոցա յորժամ խօսիցին՝ զշտացուցանել հասանէ զքեզին, և ոչ թէ այնպիսի ինչ որ համարիլ:

Ոչ վարանիմ թէ զինչ ասել իցէ զքէն և զքոյոցդ, այլ՝ սարակուսեալ կամ թէ ուստի սկիզբն տրարից ՚ի մէջ անցուցանել: Արդեօք թէ որպէս հայր քո Տրոմէս, կապի՞նք ստուարք և խառան ⁵⁶ ընդ անձն, ՚ի հարկի սարկու թեան կայր առ Նլպիասայ՝ որ առ Թեսեւսեայ տաճարին զխեղեխեղեփս նշանագրոց ուսուցանէր ⁵⁷. կամ թէ զխորգ մայր քո, տուընջենային հանապազորդ հարսանեօք վարեալ ՚ի խառնախուց խշաեկի տնդ՝ որ առ եղեգնաբնակն Հերովի ⁵⁸, զգեղեցիկ աննապատկերդ և զճայրագոյն երրորդաթիւ հապիս խեղկատակդ անոյց զքեզ. բայց և առանց իմ ինչ ասելոյ ամենեքին գիտեն զայգոսիկ: Կամ թէ որպէս փողարն նաւի Փորմիոն, փրէարեանն Դիոմիտի ստրուկ, յարոյց զնա ՚ի գեղեցիկ վաստակոց անտի: Սակայն, յԱրամադդ և ՚ի գիս երգուեալ, հեղգանամ. գուցէ զանկաւորան քեզ ասելով՝ տնվայելուչս ինձ թուիցիմ ընտրեալ բանս: Ապա թողեալ զայգոսիկ՝ յորոց կենցաղեցան գա արարից սկիզբն:

Զի ոչ յորս եհամն՝ ՚ի նոցանէ ինչ որ էր, այլ յորոց ժողովուրդն անէծս հանէ: Զի անազան ուրեմն . . . և զնրնաւ անազան ժողիցեմ, նա աւանիկ յերիկէ և յեռանդէ աթենացի համայն և ճարասան երևեցաւ. և երկուս հեզենայս կցկցեալ՝ զհայրն ՚ի Տրոմեսէ արար Աարովետոս, և զմայրն՝ պանծալի նազանօք անուանեաց Գլաւկոթէա, զոր ամենեքին գիտեն խուճապաճիւսդ ⁵⁹ յորջորջեալ. յայս է թէ ՚ի գործելոյ և ՚ի կրելոյ զամենայն՝ արժանացեալ այդմ անուան. զի և սուտ այլ սուտեք: Սակայն այնպիսի ապերափա և ժանտաբարոյ ես ՚ի բնուտս, զի ՚ի ծառայէ ազատ՝ և ՚ի տառապելոյ ճոխաճան յերեսաց սոցա եղեալ, ոչ եթէ շնորհս ինչ սոցա խոտտովանիս, այլ և զանձնդ վարձկանեցուցեալ՝ ընդգէմ սոցա քաղաքավարիս:

Չորովք երկևանն ինչ է, որպէս թէ փոխանակ քաղաքիս խօսեալ իցէ, թողից ասեւ զայնոսիկ. իսկ զոր յայննապէս յուցիւք 'ի կողմ թշնամեաց գործեալն է, զայնոսիկ յիշատակեցից : Չի ո՛վ դք 'ի ձէնջ ոչ գիտէ զվճուաւ տարագրեալն Անտիփոն, որոյ բան կապեալ ընդ Փիլիպպեայ՝ հրձիգ առնել զնաւարանսդ ձեր, եկն 'ի քաղաքս ՝ զոր իբրև իմ ձերբակալ արարեալ զթաքուցեալն 'ի Պիրէոնի՝ կացուցի 'ի ժողովի ժողովըդեան, չարայաչաղդ այդ՝ խանչեալ և զազազակ հարեալ, իբր այն թէ յընկերհաշտութեան զտնհնարինս գործիցեմ, զանկածան 'ի քաղաքայնոց թշնամանել, անհրաման 'ի առնս առնս երթևեկել, ետ արձակուրդ շնորհել : Եւ եթէ ատենի Արիսպագին ըեալ իրազեկ, և անպատեհ եղելոյ անգիտութեան ձերոյ կացեալ 'ի վերայ, չէր 'ի խնդիր ելեալ առնն, և ըմբռնեալ վերստին ածեալ առ ձեզ, խլեալ այնպիսին և 'ի դատն տալոյ ճողպրեալ՝ ի բաց արձակեալ լինէր 'ի պերճաբանէ այտի յայդմանէ : Իսկ ձեր յայնժամ 'ի տանջանս խոշանգանաց տուեալ զնա՝ սատակեցէք, որպէս պարտ իսկ էր և զգա ինքնին գլխովին :

Տեսեալ այնուհետև ատենի Արիսպագին զչորս գործեցեալն յայնժամ, յընտրել ձեր զգա 'ի բարեխօս մեհենին Դեկոսի ⁶⁰, 'ի նմին անփորձութենէ՝ որով բազում ինչ 'ի համաշխարհի իրաց ետուք վտարանդի, իբրև զգա նախապատիւ ընտրեցէք և աէր արարէք իրին, նոյնժամայն 'ի բաց մերժեաց զգա իբրև զմասնիչ դք, և հիպերիդեայ ետ հրաման ասենախօս լինելոյ և զայս արար՝ անդատին իսկ 'ի բազնէ տուեալ զվճիռն և պղծոյդ այգամ՝ և ոչ մի քուէ ոչ անկաւ :

Եւ զի ճշմարիտ ասեմ զայս ամենայն, կարգա ինձ զվըկայս այսոցիկ :

Վ Կ Ա Յ Ք

« Ի դիմաց ամենեցուն վկայեն Դիմոսթենի սոքա . Կայլ լիսաս սունիեցի, Զենոն փլիացի, Կլէոմն փալերացի, Դեմոնիկոս մարտածոնացի, Թէ յընարել ժողովրդեանն երբեմն զԵպքինէս բարեխօս վասն մեհենին Դելէայ առ Ամփիկափոնան, ատենակալ ընդ նոսին դատեալ և մեր՝ զՀիպերիդէս առաւել արժանի դատեցաք ատենաբանել փոխանակ քաղաքիս . և առաքեցաւ Հիպերիդէս : »

Ապա մինչ դմա կայր խօսել, և ատենան հալածեաց զգաւ և զայլ որ ՚ի տեղին հրամայեաց, նովին խակ դաւաճան և նենգաժէտ ձեզ յայտ արար: Արդ այդ մի է ՚ի քաղաքավարութեանց խօլականիդ, ապաքէն նման յոյժ, և զխմրդ ոչ, այնոցիկ՝ որովք զինէն չարախօսէ: Բայց դուք և զմիւս ևս այլ յուշ ածջիք:

Զի զբիւզանդացին Պիւթոմն յորժամ առաքեաց Փիլիպպոս, և յիւրոց անտի դաշնակցաց՝ յամենեցունց հրեշտակս արար ընդ նմին, յամօթ առնել զքաղաքս և անիրաւ յանդիմանել, յայնժամ ես յանդուգն խիզախելոյն Պիւթոմնի և յորդահոսանս ընդդէմ ձեր վիժողին՝ ոչ խորշեցայ յերեսացն, ոչ տեղի ետու . այլ յոտն կացեալ ընդդէմ դարձայ, և զիրաւունս քաղաքիս չետու կոխան, այլ ակն յայտնի զՓիլիպպոս կշտամբեցի անիրաւ . մինչև նոցին խակ ուխտակցաց իւրոց յառնել խոստովան և վկայ լինել . խակ դա պատերազմակից նմա եղեալ՝ հակառակ վկայեր իւրում հայրենի աշխարհին, և զայն՝ սուտ ևս:

Եւ այս ամենայն չէր շատ, այլ և դարձեալ միւսանգամ փոքր մի զկնի ըմբռնեցաւ, զի ընդ Անաքսիմոսի լրտեսին ^{Յ1} դնայր ՚ի տուն Թրասոմնի: Իսկ արդ որ ընդ առաքելունն ՚ի Թշնամեաց միայն ընդ միայն կայր զբանիւք անկանէր,

նոյն նա յախտարակաց բուն իսկ ինքնին լրտես գուշակ գտանէր և ոխերիմ իւրում գաւառին :

Եւ զի հաւաստեաւ ասեմ զայգոսիկ, կարգա ինձ զվրկայան :

Վ Կ Ա Յ Ք

« Տեղեզեմոս կլէոնեան, Տիպերիդէս կալլեպրեան, Արկոմագրոս գիոփանտեան վկայեն Դիմոսթենի, և երգմնի իսկ եղեն առ զօրագլուխան, թէ աստին զԵպքինէս ատրոմեաւեան կոթովկեցի, զի գնայր գիշերայն 'ի տուն Թրասոմիլի, և խօսակից լինէր Անպքսինոսի՝ որ Փիլիպպեայ լրտես դատեցաւ : Այս վկայութիւնք տուան առ Արկիաւ, որ օր երրորդ էր Հեկատոմբէոմիլի : »

Բիւրք ևս այլք առ ձեռն են ինձ ասել զգմանէ, բայց զանց առնեմ, զի գոյնպիսիք ոմանք են : Էր ինձ այժմ և շատ ինչ յայնցանէ 'ի գէմն ամեղ՝ որովք գա զայնու ժամանակօքն՝ թշնամեաց սպասահարկու և ինձ փնասակար գտաւ . բայց այդոքիկ չկան պահին առ ձեզ 'ի հաւաստի յիշողութիւն, և ոչ յարդարագաս բարկութիւն . այլ 'ի սովորութենէ չարէ իշխանութիւն բազում տուեալ է ձեր սւմ և կամք իցեն խարդաւանել և զրպարտել որ զք օգտի ձերոյ թելադիր լինիցի, ընդ լուտանացն հեշտութեան և շողովից՝ փոխանակեալ զօգուա քաղաքիդ : Վասն որոյ յոյժ գիւր և հարթ է միշտ և անքոյթ յապահով թշնամեաց արբանեկել և վարձս առնուլ, քան թէ զձեր կողմն մեծարել 'ի քաղաքավարութեան :

Եւ մինչ չև սկսեալ 'ի պատերազմ, մերկագլուխ թեկն ամեղ Փիլիպպեայ՝ դժնդակ է ապաքէն, սով երկիր և դիք, — զի զխորդ ոչ, — ընդգէմ հայրենեաց . այլ շնորհեցէք, թէ կամիք, շնորհեցէք դմա զայդ : Իսկ իբրև յայտ յանդիման նաւքս յառ յապուռ մատնեցան, աւար հարաւ

Քերրոնեոս , և յԱտտիկէ հինախաղաց ասպատակաւ գայր այրն , ոչ ևս յերկբայս էին իրքն , այլ եկեալ առ գուրս հասեալ կայր պատերազմն , որ ինչ յայնժամ վասն ձեր գործեաց յաշաղկոտդ այդ մեծավերջակեր ⁶² , չունկցի ինչ ցուցանել . ոչ մեծ ինչ և ոչ փոքր առաջարկութիւն կայ Եպիֆանայ յօգուտ քաղաքիս : Եթէ ասէ ինչ , թող ասանէ և աստ առ ետեզ ցուցանէ յիմում ջրին : Այլ չիք և ոչ մի ինչ : Սակայն հարկ է նմա մի յերկուց աստի . կամ զի չու նէր ինչ մեզ դնելոյ յայնժամ իմոց գործոցս , վասն որոյ և չգրեաց ինչ այլ քան զայնոսիկ . կամ զի զԹշնամեացն խնդրելով շահ , լաւադոյն ինչ քան զայնոսիկ չեբեր 'ի մէջ :

Իսկ արդ՝ որպէս ոչն գրէր , միթէ և չեսուէր ինչ արգեօք՝ յորժամ չար ինչ ընդ ձեզ կայր գործել : Նա աւանիկ չգոյր այլում բերան բանալ : Եւ զայնն ամենայն թերևս կարէր տանել քաղաքս , և դա զանկուլ մնալ 'ի գործելն . բայց մի ինչ գործեաց , ով առք աթենացիք , այնպիսի , որ այլում ամենայնի եզ գլուխ և աւարտ , զորով զյոզնախուռն բանսն ծախեաց , զամփիստեան լոկրացւոյն հրամանաց արկեալ ճառս երկարապատումս , որպէս թէ խեղաթիւրել զճշմարտութիւն : Եւ այն չէ այնպէս : Իսկ զիս՞րդ : Խախր մեծ 'ի միջի կայ : Ոչ երբեք լուսացիս գաղգործեցեալն քո յայնժամ , ոչ այնպէս ինչ կարօզ լինիցիս շատախօսել :

Այլ վկայ կոչեմ առաջի ձեր , ով արք աթենացիք , զատուածս համօրէն և զատուածուհիս առ հասարակ՝ որ տեարքն են աստիկաստան աշխարհիս , և զՊիլութեանն Ապոլոն որ հայրենականն է քաղաքիս ⁶³ . և աղաչեմ զնոսա զամենեսին , զի թէ զճշմարտն ասիցեմ առ ձեզ , և ասացի իսկ անդէն առժամայն 'ի Ժողովրդեանն , իբրև առաջին նուազ տեսի զազաջուրդ զայդ ձեռն մխեալ յիրն յայն , — զի ծանեայ , իսկ և իսկ ծանեայ , — պարգեւել ինձ բախտ բարի և կենդանութիւն . իսկ եթէ առ քինալ ինչ կամ 'ի պատճառս ոսոխախրութեան՝ քաղայս 'ի վերայ գորտս յա-

բույտներ՝ սուտս , յամենայն բարեաց զլէպ և թափուր
զիս կացուցանել :

Արդ՝ զի բնաւ այդպէս անիծանեմ զանձն իմ , և այդպէս ուժգին ձկտեալ լարիցիմ : Այլ զի , թէպէտ և դարու
թիւնք մերձ կայցեն ինձ՝ ՚ի հասարակաց պահեստի , յորոց
ցուցանիցեմ զայստօրիկ հաւատտեաւ , և գիտիցեմ տակաւին
զձեզ անմոռացս եղելոցն , սակայն զայն կասկածեմ՝ թէ
գողցէ առ ոճրագործութեամբք իւրովք նուազ ինչ որ զս
համարիցի՝ անբաւական առ այնպիսիս . որ և գիպաւ իսկ
յառաջագոյն , յորժամ զեղկելի փոփկիտացիսն՝ ՚ի կորուստ
մասնեաց՝ ստուծիւնս աստանօր պատմելով : Զի զամբիխ
սեան պատերազմն , որով յՆշատիս եկն եմուտ Փիլիպպոս
և առաջնորդ բնարեալ Ամբիկատիոնաց՝ զհամբռն հե՛լ
լենացւոցն իրս տապալեաց , զս այդ իսկ է որ ոլորեալ
նիւթեաց ընդ նմա , և ամենայն մեծամեծ չարեաց պատ
ճառ եկաց այր մի : Եւ անդէն ՚ի բողոք արկանել և աղա
ղակել իմում՝ ՚ի ժողովի ժողովրդեանն . « Պատերազմ յԱս
տիկէ մեծանես , Եսքինէս , պատերազմ ամբիկատիոնեան , »
կէպք՝ որ յորդորակ հրաւիրանաւն ակմբեալ բազմեալ
կային , չտային ինձ թոյլ խօսել . և այլք զարմացեալք՝ հա
մարէին զիս փուրսիչ իմն մնտօի մնասու առ քինալ յարու
ցանել ՚ի վերայ դորա : Իսկ թէ , ո՛վ արք Թեոնացիք , զինչ
էր իրացն ճշմարտութիւն , և յոր պէտս խառն զաւաճա
նեաւ կազմեցաւ ամենայն , և որպէս ՚ի գործ արկաւ , քան
զի խափանեցայք ՚ի ժամուն , լուարուք այժմիկ , զի տեսա
նիցէք իրս մի արդարև քաջիկ յօդեալ յօրինեալ . և մեծա
մեծս շահիցիք ՚ի հասարակաց հմտութիւն , և թէ քանի
հնարիմաց խորամանկութիւն էր ՚ի Փիլիպպոս՝ տեսանիցէք :

Զգոյր Փիլիպպեայ վախճան կամ ցածնուլ ՚ի պատե
րազմէն ընդ ձեզ մինչ չև զթեբացիս և զթետալացիս ՚ի
թնամութիւն դարձուցեալ ընդ քաղաքիս . բայց թէպէտ
և զօրագլուխք ձեր անյաջ և չարաչար մղէին ընդ նմա ըզ
մարտն , սակայն և ՚ի կռուոյ անտի և ՚ի հինից աւազակաց

բիւրս իմն կրէր նա չարիս : Զի ոչ մի ինչ յարդեանց յարարոց երկրին ելանէր 'ի գուրս, և ոչ որ ինչ նմա պէտք էին՝ մտանէր 'ի ներքս . և ոչ զօրագոյն ինչ քան զձեզ էր յայնժամ ընդ ծով, և ոչ յԱտտիկէ միջամուխ արշաւել կարօղ՝ առանց թետալացւոցն զինի իւր գալոյ և առանց թեբացւոցն սալոյ նմա անցս : Բայց և յետ մարտիւ վանելոյ զձեր որպիսի և իցէ առաքեալ զօրազարսդ, — զի զայգու զանց առնեմ, — 'ի նմին իսկ 'ի վայրացն բնութենէ և յուժոյ հարստութեան կողմանցս երկոցունց՝ ⁶⁴ եհաս նմա ջան և աշխատութիւն : Եթէ առ իւրում յիսութեան զթետալացիս կամ զթեբացիս 'ի բանի առնէր՝ խաղալ Քի վերայ ձեր, ոչ զղբ համարէր այնմ միտ գնել 'ի նոցանէ . իսկ եթէ զնոցա հասարակաց բարուրս պատճառեալ ընտրեալ կայր նոցա 'ի գլուխ, գիւրեաւ այնուհետև ակն ունէր՝ ուրեք լարել 'ի հաղբս, ուրեք 'ի բանս հանել : Ապա զինչ . ձեռն արկանէ, — տեսէք զեւրդ ճարտարապէս, — յարուցանել պատերազմ ընդ Ամփիկտիոնան և ալմուկ շփոթի 'ի ժողովի անդ նոցուն որ 'ի Գրունան . զի անդէն 'ի նոյնս ակն ունէր թէ ինքեան կարօտեսցին նոքս : Եւ եթէ զայդ յաւանդապահաց ⁶⁵ իւրոց առաքելոց կամ 'ի նիզակակցացն դք առաջի առնէր, 'ի կասկած անկանել համարէր զիրսն՝ թեբացւոց և թետալացւոց, և զամենեսին զգոյշ անձնապահ լինել . իսկ եթէ աթենացի դք լինիցի՝ որ զայն առնիցէ, և 'ի ձէնջ 'ի հակառակորդացդ, գիւրաւ ծածկիցի . որպէս և եղևն իսկ : Իսկ զեւրդ 'ի գլուխ եհան զայդ . . . կաշառեալ վարձեալ զգաս : Եւ ոչ ուրուք, որպէս կարծեմ, նախատես եղեալ իրին և ոչ զգուշացեալ, — որպէս սովորեցին լինել առ ձեզ սոսպիսիք, — առաջարկեցաւ գա գարասան ⁶⁶ երթալ 'ի Գրունան, և երկց կամ չորեք ընտրելովք բարոզ կարգացաւ : Եւ իբրև առեալ զպատիւ քաղաքիս գնաց եհաս յԱմփիկտիոնան, զայն ամենայն թողեալ և սպախաւ արարեալ, յոր վարձկանեալն էր՝ զայն վճարեալ սարաւ 'ի գլուխ : Եւ ստեղծեալ և ճառեալ խօսս

պաճուճեալս և առատպելս, թէ ուստ ուստեք կիրրայինն երկիր դիցանուէր իցէ, զարան անփորձս ճառից և առ հանդերձեալն զաչացուս՝ զաւանդապահան՝ հրապուրէ հրաման առնել, շքել պատել զգաւառաւան, զոր ամփիսացիք իբրև զիւրեանց ինչ ասէին մշակել, իսկ դա բարերը նուիրական զերկիրն լեալ, ուր լոկրացւոցն չէր ինչ ընդ մեզ եղեալ դատ, և ոչ ՚ի մէջ մատուցեալ զորս դա զարգիս բաղբաղէ՝ ոչինչ պատմելով ճշմարիտ : Եւ անտի ծանիլիք : Անմարթ էր լոկրացւոց դատ ինչ վարել ընդ քաղաքիս առանց եկակոչ առնելոյ : Իսկ ո՞ զձեզ ձայնեաց ՚ի դատաստան, աւ որով իշխանութեամբ. սաս զոք որ գիտիցէ, ցոյց : Այլ ոչ գտանիցես, այլ զուր և սուտ պատճառեցար զայդ :

Արդ ՚ի շքել Ամփիկտիոնաց ընդ երկիրն ըստ դորա սագրելոյ, անկեալ լոկրացւոց ՚ի վերայ՝ նետահար արարին գրեթէ զամենսեան, և զոմանս յաւանդապահացն յափրշտակեցին : Եւ իբրև գամ մի յայդցանէ միտաք և պատերազմ ՚ի վերայ ամփիսացւոցն յուզեցաւ, նախ Վոտափոս եկաց զորավար բանակին Ամփիկտիոնաց. այլ զի կէսք չեկին, և եկեալքն անդործ կային, ՚ի յաջորդ ժողովի Դրանցն զՓիլիպպոս կացուցին զորագլուխ՝ որք պատրաստեալքն էին և յառաջագոյն իսկ ՚ի բնէ անդգամք ՚ի թետալացւոց և յայլոց ևս քաղաքաց, և բարուրս պատշաճաւորս պատճառեցան. զի կամ ինքեանց պարտ էր, ասէին, մաքսիլ և հռոգել այլազգիս, և պատժել զորս ոչն հաւասարիցին, և կամ զնա ընտրել : Եւ զի՞ պիտոյ է առաւել ինչ ասել. զի այդոքիւք ընտրեցաւ, և անդէն վաղվազակի զօրածողով լեալ Փիլիպպոս և խազացեալ իբրև ՚ի վերայ Վիրրայի, և ողջոյն յոյժ ասացեալ կիրրացւոց և լոկրացւոց՝ երթայ առնու զԵլատիա : Արդ, եթէ ընդ տեսանելն զայս՝ չէր թերացւոց փոխեալ ՚ի խորհրդոց մտաց իւրեանց և ՚ի մեզ հատեալ, իրդ այդ ամենայն՝ իբրև զհեղեղատ ՚ի քաղաքս անկանէր : Այլ արդ նոքա յեղակարծումն յանկար-

Ժակի զգէմ՝ կալան նորա, 'ի վեր քան զամենայն՝ ո՛վ արք
աթենացիք՝ 'ի դիցն ուրուք խնամոց, և ապա՝ ըստ կարի
առն միոյ՝ յիմնէ առնելոյ :

Ազէ տուր ինձ զհրամանսն զայնտակ, և զժամանակն
յորս գործեցաւ ամենայն . զի տեսչիք՝ քանի քանի իրս
աղմկեալ՝ և չեա վրէժս գլուխդ այդ պղծալից : Կարգա ինձ
զհրամանսն :

Հ Ր Ա Մ Ա Ն Ա Մ Փ Ի Կ Տ Ի Ո Ն Ա Ց

« Աւ քրմաւն Կլինագորաւ, 'ի գարնային ժողովի
Դրանց, հաճոյ թուեցաւ դարասանիցն և ատենակալաց
Ամփիկտիոնացն և հասարակութեան Ամփիկտիոնաց, —
քանզի ամփիսացիք ոտնակտի առնեն զսրբանուէր երկիրն,
և վարեն, և պաճարս արածեն 'ի նմա, — ելանել անդր
գարասանից և ատենակալաց, և արձանաշար պատել զսահ
մանսն, և սաստել ամփիսացւոց՝ մի՛ ևս կոխել անդր : »

Ա Յ Լ Հ Ր Ա Մ Ա Ն

« Աւ Կլինագորաւ քրմաւ, 'ի գարնային ժողովի Դրանց,
հաճոյ թուեցաւ գարասանից և ատենակալաց Ամփիկտիո-
նացն և հասարակութեան Ամփիկտիոնաց, — քանզի ամ-
փիսացւոց շարաբաժին արարեալ զնուիրական գետինն՝
մշակեն և արօտականս ճարակեն 'ի նմին, և արգելեալք
յայդմանն՝ զինուք յարձակեալ խափանեցին բռնութեամբ
զհամաշխարհի ժողովն հելլենացւոց, և զոմանս ևս վերա-
ւորեցին, — զօրագլխին ընտրելոյ Ամփիկտիոնաց՝ Կոստի-
փոսի արկագացւոյ՝ հրեշտակազնաց լինել առ Փիլիպպոս
Մակեդոն, և աղաչել՝ զի օգնեսցէ Ապոլոնի և Ամփիկտի-
ոնաց, և մի՛ անփոյթ արասցէ զաստուածոյն թշնամանելոյ
յամփիսացւոց անախ ամպարշտաց . և զի զօրագլուխ միա-

հեծան ընտրեն զնա հելլէնք ժողովակիցք Ամֆիկաթինայ
ատենին : »

Կարգաւ և զժամանակն յորս եղեն այգոքիկ . քանզի
են՝ յորս դարասան եկաց գա : Կարգա :

Ժ Ա Մ Ա Ն Ա Կ Պ

« Իշխան Մնեսիթիտէս , որ օր վնշաստան էր Անթես .
տերինն ամսոյ : »

Տուր ինձ ազէ զհրովարտակն , զոր 'ի ստուգանել թե
բացւոց առաքէ Փիլիպպոս առ ուխտակիցան 'ի Պելոպո-
նէս . զի և անտի հաւաստի տեսանիցէք , թէ ծածկէր թա-
քուցանէր զբուն պատճառս իրացն . այն զի զայգոքիկ ընդ
գէմ՝ Նլլագայ և թեբացւոց և ձեր խնկ գործէր , և ձեանայր
բանել զհասարակացն և զհաճոյս Ամֆիկաթինայն : Բայց
բր պատճառս մատոյց նմա և պատճառանո , գա այգ այր
է : Կարգա :

Հ Բ Ո Վ Ա Ր Ց Ա Կ Փ Ի Լ Ի Պ Պ Ե Ա Յ

« Թագաւոր մակեդոնացւոց Փիլիպպոս , պելոպոնեսա-
ցւոց որ 'ի մերումնիդակակցութեան , գործակալաց և բար
ձակցաց և այլոց նիդակակցաց ⁶⁷ ամենեցուն խնդալ :

« Քանզի լոկրացիք , անուանեալքն Ոզոյք , բնակեալք
յԱմֆիպաս , յանցաւորք են 'ի մեհեան գեղգականն Ապո-
լոնի , և եկեալ զինուք աւար հարկանեն զարբեալ երկիրն ,
կամիմ՝ ձեզք հանդերձ հտաննել 'ի թիկունս օգնականու-
թեան աստուածոյն , և վրէժ խնդրել յանարգողաց սրբու-
թեան ինչ իրիք 'ի մարդիկ : Վասն որոյ զինու զարգու ընդ
առաջ լերուք ինձ 'ի Փովկիս , բարձեալ պաշար քառասնո-
րեայ , 'ի գլուխ լովոս ամսոյ՝ որպէս մէքս հաշուիմք , խնկ

ըստ աթենացոց՝ Բոյեգրոմիոնի, և ըստ կորնթացոցն՝ Պանեմոսի : Զմիահամուռ ընդառաջեալն՝ առ խորհրդակիցս կալցուք : Իսկ զէկեալսն՝ ՚ի մեզ՝ առ պատժապարաս : Ողջլերուք : »

Տեսանէք զի քողասուղէ զիւր պատճառան և յամբիկտիոնեանսն լինի ապաստան : Արդ՝ ո՞ պատրաստեաց նմա զայդոսիկ, ո՞ մատոյց նմա զպատճառանսդ, ո՞վ զք եզելցոցն գլուխ չարեացապարտ . ո՞չ ապաքէն դա : Մի ուրեմն, սով աղբ աթենացիք, ճեմս առեալ յածեալ ասիցէք, թէ յերեսաց միոյ մարդոյ այս անցք անցին ընդ Ելլադա : Ոչ ՚ի միոջէ, այլ ՚ի բազմաց և յապիրատից որ առ ամենեսեսն, ո՞վ երկիր և դիք . յորոց մի է և դա . զոր, եթէ համարձակ ասել պարտ իցէ զճմարտութիւն, ոչ ինչ դանդաղիցիմ ետ հասարակաց պատուհաս ասել՝ ամենայնի որ ըստ նոցանէն տուժից տուգանաց, մարդկան, տեղեաց, քաղաքաց : Զի որ զսերմն վարեաց, նա էր բուսելոց չարեացն հաւակ : Զոր ընդ տեսանելց միանգամ՝ զիսորդ ոչ սոսկացեալ արկէք զաչսդ, զարմանամ . բայց եթէ, զի որպէս թուի, խաւար թանձրամած անկեալ կայ կրճիմ ընդ ձեզ և ընդ ճրջմարտութիւն :

Արդ քանզի ՚ի հակառակ հայրենեաց գործեցեալսն գորս ձեռն արկի, եհաս ինձ գալ միսել յայնս՝ զորս հակառակ նոցին ես ինքնս առաքինացայ . զոր ըստ բազում գլխոց արժան է ձեզ լսել յինէն, և մանաւանդ՝ զի անպատեհ իմն է, սով աղբ աթենացիք, եթէ ես արդեամբք վասն ձեր ընդ փորձ երկանց անցեալ ժուժկալեցի, իսկ գուք և ոչ բանիւք չսփի և եթ նոցին համբերիցէք :

Զի հայեցեալ իմ ՚ի թերացիս, գոգ և ՚ի ձեզ ևս, զի որ երկոցունց ահագին և մեծի զգուշութեան արժանին էր, թոյլ տալ Փիլիպպոսի բարդաւաճել, զայնու անփոյթ արարեալ, և ոչինչ բնաւ եղեալ անձնապահ, ՚ի նոցա հնարից՝ որ զՓիլիպպեայ միտան ունէին և կաշառեալք էին յեր

կոչուանց կողմանց, նա՛ և մէտ և յորգոր ևս էիք ՚ի Թշնամու-
մու-Թիւն և յոսոխել ընդ միմեանս, դէտ ակն ՚ի վերայ ե-
գեալ՝ սաէպ կայի հանապազ, զի մի այդ լինիցի․ ոչ յիմե-
կնչ կամաց յօժարու-Թեանէ ևեթ օգուտ զայն վարկուցեալ,
այլ՝ գիտելով ևս՝ զի Արիստոփոն, և Եւքուլոս ևս, յամե-
նայն ժամ զայս սեր կամէին անկել․ և որ յայլ իրս ընդգի-
մագարձ միմեանց էին, յայտմ համակ միամիտ միահաւան
գտանէին․ որոց գու, զի ազուես, ՚ի քծինս հարեալ առ
կենդանեաւ նոցին զհետ կրթէիք, իսկ յեա մահուանն չի-
մանաս չառնուս ՚ի միտ՝ զի զնոցանէն չարախօսես։ Զի զոր
յազազս Թերացուցն. յիս պախարակես, քան զինէն՝ զնո-
ցանէ մանաւանդ լինիտ ամբաստան, որ յառաջ քան զիս
ընդ նոյն նիզակակցու-Թիւն հաճեցան։

Այլ՝ անդրէն դառնամ․ զի յորժամ գրգեաց յարոյց
դա զպատերազմն յԱնիխաս, և գործակիցք իւր կատա-
րեցին զԹշնամու-Թիւն առ Թերացիս, յայնժամ եղև Փի-
լիպպեայ ՚ի մեր վերայ գալ, յոյր սակս գոքս ընդ իրեարս
արկանէին զքաղաքս․ և եթէ փոքր միւս ևս չէր մեր վա-
զայարոյց զարթուցեալ, և ոչ անձին անգամ մարթեպք ըզ-
գալ․ այնչափ յառաջագէմ յաջողեալ գոցա զիրան։ Իսկ
Թէ որպէս էիք յայնժամ ընդ միմեանս, զհրամանքս և զպա-
տասխանիս զայսոսիկ լուեալ ՚ի միտ առնողուք։

Ա՛ռ կարգս ինձ զհրամանս զայսոսիկ։

Հ Ր Ա Մ Ա Ն

« Առ Հերոպիլիթոս իշխանաւ, որ օր քսան և հինգ էր
Ելլափերոլիոն ամսոյ, ՚ի նահապետու-Թեան երեքթևսեան
ցեղին, խորհրդով առենին և զօրագլխացն․ քանզի ՚ի սահ-
մանակից քաղաքաց՝ էր զոր ան Փիլիպպոս, և էր՝ զոր
տապալեաց, և հուակ ուրեմն կազմի գիմել յԱտտիկէ, յոչ-
ինչ համարեալ զգաշինս մեր․ և նկրտի լուծանել զերգմուս
և զխաղաղու-Թիւն, գրժեալ միաբան ուխտին հաւատար-

մուծեան, հաճոյ թուեցաւ առենին և ժողովրդեան՝ առաքել առ նա հրեշտակս, խօսել ընդ նմա և փարելի ասել, զի մանաւանդ զառ մեզ միաբանութիւն և զդաշնս ցանկանլի թար պահեցէ . ապա թէ ոչ, ժամ տայէ քաղաքիս խորհել, և դու՛ արասցէ զինուց մինչև յամիսն Թարգելի ինօն : Ընտրեցան 'ի միջոյ առենին Սիմոն անապիրատացի, Եւթիբեմոս փլիսսեցի, Բուլագորաս յԱլովպեկայ : »

ԱՅԼ ՀՐԱՄԱՆ

« Առ իշխանաւն Հերոպիթեաւ, որ օր վերջին էր Մուսիքիոնն ամսեան, խորհրդով ասպարսպեաին . քանզի Փիլիպպոս ջանահար լինի օտարացուցանել 'ի մէնջ զԹերացիս, և պատրաստ ևս է ամենայն զինու զօրութեամբ 'ի մերձակայս Ատտիկոյ գալ հասանել, անցեալ զուխաիւ գաշանցն որ ընդ մեզ, հաճոյ թուեցաւ առենի առաքանուոյն և ժողովրդեանն՝ առաքել առ նա քարոզ զսք և հրեշտակս, խնդրել աշխարհապաղատ պատգամօք՝ դու՛ առնել մարտի . որպէս զի ըստ մարթելոյ խորհեացի ժողովուրդն, որոյ չե է ցայժմ եղեալ 'ի մտի՛ ձեռն յայս կամ յայն ինչ տալ 'ի վայելչականաց : Ընտրեցան յառենակալաց անտի Նէարթոս սովսինոմեան, Պոլիկրատէս եպիփրոսնեան, և քարոզ՝ Եւնոմոս անափլիսատացի 'ի ժողովրդականաց : »

Կարգաւ և զպատասխանինն :

Պ ԱՅ Ա Ս Ի Ա Ն Ի Ա Ռ Ա Ք Ե Ն Ա Ց Ի Օ

« Թագաւոր մակեդոնացւոց Փիլիպպոս, ակեննացւոց առենի և ժողովրդեան խնդալ :

« Զոր խկղքանէն ընդ մեզ ձեր կամք էին՝ ոչ անգիտանամ, և թէ զոր փոյթ տանիք՝ գու՛ն գործեալ զձեզք ածել

զլծեաալ՝ աղիս և զլծերացիս, ևս և զբիովաացիս անգամ, մինչ գեռ նորա լաւագունի խորհրդով չստանուն յանձն ձեզ 'ի հպատակութիւն արկանել զկտմն իւրեանց, այլ զօգուտ անձանց ընտրեն : Իսկ այժմ ստորջայեալ, և առաքեալ առ իս հրեշտակոս և քարոզ՝ գաղինս ինձ յուշ առնէք, և գու՛ իննգրէք մարտի, առանց իրիք 'ի մէջը՝ ի ձեզ փնասու լինելոյ : Սակայն իմ լուեալ հրեշտակացո՛ւ հաւանիմ ընդ խընդիրսք, և պատրաստ եմ գու՛ և գաղար առնել զինուց, եթէ միայն զանուզայ խորհրդականսդ ձեր՝ ի բաց խղեալ՝ արժանահաս պատուհասին առնիցէք արժանի : Ողջ լեւուք : »

Պ Ա Ց Ա Ս Ի Ա Ն Ի Ա Ռ Ք Ե Բ Ա Ց Ի Ս

« Թաղաւոր մակեդոնացւոյ Փիլիպպոս, թերացւոյ առենին և ժողովրդեան իննգալ :

« Ընկալայ զգիր ձեր՝ որով նորոգէք ընդ ին զմիամտութիւն և զհաշտութիւն : Սակայն լսեմ, թէ աթենացիքն ամենայնիւ առատացեալ առ ձեզ՝ կամին զձեզ միաբան լինել 'ի իննգիրս իւրեանց : Յառաջագոյն ըստգիւտ ձեզ լինելի՝ թէ հրապուրելոց իցէք 'ի յոյս նոցա, և կամաց նոցին երթալոց զհեռ . բայց այժմ՝ 'ի վերայ հասեալ, թէ քան այլոց խորհրդոց զկնի ընթանալ՝ ընդ մեզ զհապաղութիւն իննգրէք պահել, ուրախ եղէ . և առաւել գովեմ զձեզ ըստ բազում զլիտոց, մանաւանդ վասն զյապահո՞վագոյնն յայտարիկ խորհելոյ և առ մեզ զմտերմութիւն պահելոյ, որ՝ ակն ունիմ՝ ոչ փոքր ինչ մէտ կշռոց յաւելցէ 'ի ձեզ, եթէ յոր 'ի մտին եղիք հաստատուն կայցէք : Ողջ լեւուք : »

Փիլիպպեայ 'ի ձեռն գոցա յայս կերպարան արկեալ զքաղաքն ընդ միմեանս, և այնու հրամանօք և պատասխանեօքն գոռոզացեալ, եկն թափեցաւ զօրօքն և էառ զԵլլատիտ, որպէս թէ ոչ ևս՝ յորժամ պիտոյ լինիցի՝ 'ի մի

Ի՞նչ գարձեալ դայցէք գուք և թերացիք : Իսկ
 Կաեալ յայնժամ՝ ՚ի քաղաքիս՝ գիտէք ամենե-
 ուք համայն և սակաւս ինչ կարի կարևորս :

Ընդ երեկս էր, եկն ոք պատմել նահապետացն, թէ
 առաւ Ելիտիա : Ապա յարուցեալ ոմանց իսկ և իսկ յըն-
 թրեաց անտի⁶⁸, հալածեցին զկրպակաւորսն ՚ի տաղաւա-
 րաց հրապարակին, զխրճիթան հրճիգ արարին . այլք զգո-
 րագլխացն յղեցին, ձայն ետուն փողարին, և շփոթեւ շորեկ
 լի էր քաղաքս : Ազդու ընդ այգն ՚ի խորհուրդ կոչեցին
 նահապետք զատեանն . և գուք ՚ի ժողով չոգայք . և մինչ
 չև նոցա ՚ի խորհուրդ մտեալ և խորհեալ ինչ յառաջա-
 գոյն, ժողովուրդն ամենայն բազմեալ ակումբս կայր ՚ի վեր-
 անդր⁶⁹ : Եւ ապա իբրև եմուտ ատեանն, և ցուցին նահա-
 պետք որ ինչ յառաջագոյն պատմեալն էր նոցա, և զե-
 կեալն ՚ի մէջ անդր մատուցին, և նա կաց խօսեցաւ, եհարց
 քարոզն . « Ո՞վ կամի հրապարակախօս լինել . » ոչ ոք մատ-
 չէր ՚ի մէջ : Եւ քարոզին բազում անգամ զնոյն հարցեալ,
 ոչ ոք բնաւ յարեաւ եկաց, մինչ դեռ անդ էին զօրավարք
 ամենայն և ամենայն ճարտարախօսք, և աշխարհն միաբար-
 բառ ձայնիւ հրաւեր կարդայր՝ խօսել ումք ՚ի փրկու-
 թիւն . զի զոր ըստ օրինաց քարոզն ձայն արձակէ, հասա-
 րակ համաշխարհի զայն համարել արժան է և իրաւ : Բայց
 եթէ պարտ էր ամենեցուն որ ընդ փրկութիւն քաղաքիս
 կամէին՝ ՚ի մէջ անդր երևել, ամենեքին գուք և այլ ևս ա-
 թենացիք յարուցեալ յատեան ելանէիք . զի ճշմարտու-
 թեամբ հասեալ եմ՝ թէ ամենեքին գուք զփրկութիւն նո-
 րա կամէիք . իսկ եթէ ճոխագունից, երէքարիւրքն⁷⁰ . իսկ
 եթէ երկոցունց այնոցիկ՝ խնամարկուաց քաղաքիս և մե-
 ծատանց, նոքա՝ որք յետ այնորիկ զառատատուր ընծայսն
 մատուցին . զի և ՚ի խնամոտ մտաց և ՚ի մեծութենէ արա-
 րին զայն : Բայց թուի իմն այնպէս, թէ ժամանակն այն և
 օր՝ ոչ զայր ոք խնամոտ և ընչեղ միայն հրաւիրէր, այլ և
 որ իսկզբանէն քաջ գհեա կրթեալ իչէ իրացն, և ուղիւ հա-

սու եղեալ՝ Թէ էր ազազաւ զայգոսիկ գործէր Փիլիպպոս
 և յինչ նկրտեալ: Զի որ ոչն էր այդոցիկ տեղեակ, և ոչ
 մանր 'ի քնին մտեալ անգուստ 'ի վերուստ, Թէ և սրտի
 մտօք ինամակալ դք էր և մեծագանձ բազմահարուստ, ջու-
 նէր առաւել ինչ գիտել զարժանն առնելոյ, կամ տալոյ
 ձեզ խորհուրդ: Արդ յաւուր այնմիկ ես ինքն յայտնեցայ
 այն դք և մատուցեալ խօսեցայ առ ձեզ զորս մտադիրու-
 թեամբ լուիջիք յինէն՝ յերկուս գէմս: Մի, զի ծանիջիք՝
 Թէ ես միայն 'ի ձարտարախօսաց և 'ի քաղաքավարաց ոչ
 լքի 'ի դժուարիման զկարգ միամիտ մանբմութեան, այլ 'ի
 բան և 'ի գիր 'ի խոյզ և 'ի ինգիր կայի կարևարացն ձեզ և
 յահագինան անդ: Եւ միւս ևս, զի սուղ ինչ ժամանակի
 ծախիւք՝ յայլ ամենայն տեսչութիւնսզ կարի յոյժ հմտա-
 գոյն տյառհետև լինիջիք: 7.

Արդ ասացի. « Զկարևոր խռովեալսզ, որպէս Թէ բա-
 րեկամութեամբ ընդ Փիլիպպեայ իցեն Թերացիք, ազէտս
 համարիմ իրացն եղելոց: Քանզի քաջ գիտեմ; զի Թէ այդ
 տյգպէս ինչ էր, ոչ յԵլատիա այժմ զնա լեւաք մտեալ,
 այլ 'ի մեր իսկ սահմանս: Այլ զի զԹերացւոցն իրս 'ի պատ-
 քաստի կացուցէ՝ հասեալ կայ, զայն ստոյգ գիտեմ. և Թէ
 սրպէս իցէ այդ, ասէի, յինէն լուարուք: Նորա՝ զորս 'ի
 Թերացւոց անտի գոյր կարասեաւ հրապուրել կամ խաբել,
 զամենեսեան որսացեալ է. իսկ որ իսկզբանէն դիմակաջք
 էին նմա և այժմ իսկ հակառակորդք, զնսսա ոչինչ իւիք
 զօրէ 'ի հաւան ածել: Արդ զինչ հնարի, և էր սակա կա-
 լաւ զԵլատիա: Մերձ զբանակն ցուցեալ և յանդիման կա-
 ցուցեալ զգէնան, զբարեկամս իւր ամբառնալ և խրախու-
 սել, և զհակառակորդան զարհուրեցուցանել. զի կամ առ
 ասին պակուցեալ՝ Թողացուցեն զոր այժմս ոչ կամին, և
 կամ բռնադատեսցին: Արդ՝ եթէ մէք, ասէի, սիրեսցուք
 ընդ միտ սանել առ ժամայս՝ որ դժուարին ինչ դէպ 'ի
 Թերացւոց անտի ընդ մեզ անցեալ իցէ, և կասկածահար
 լինել՝ իբրև 'ի Թշնամեաց կողմ եղելոց, նախ զայն առնեմք

որում ուխտիւք փափայքէ Փիլիպպոս - երկրորդ, խիթամ՞ դուցէ որ այժմն գիմագարձք նորա են, միամտեալ ընդ նմա, և ամենեցուն 'ի մի կամս փիլիպպացեալ, յԱտաիկէ արշաւեսցեն երկդքեան : Իսկ եթէ ինձ հաւանեալիք, և զորոց խօսեցիմս լինիլիք ուշիւ նկատել, և ոչ 'ի հակառակ մտեալ 'ի հենգնող կալ, ակն ունիմ՝ թէ և զարժանն թուիցիմ խօսել, և զմօտալուս սպառնացեալ վտանգ քաղաքիս 'ի բաց փարատել : Արդ զի՞նչ պարտ համարիցիմ : 'Նախ՝ դագարել յերկիզէզ, և ապա՝ դառնալ երկնցէլ ամենեցուն զթերացւոց - զի յոյժ իմն մերձաւորագոյն են 'ի ժամ տագնապին, և նոցա է նախ վտանգն : Յեա այնորիկ հասակաւ չափք և այրուձին ելցեն յԵլևսիս, ցուցանել և զձեզ ամենեցուն կազմս 'ի զէն - զի որոց 'ի Թերէ 'ի ձեր միտս իցեն՝ լիցի նոյնպէս խիզախել համարձակ յարգարութիւն - գիտելով չափ՝ զի որպէս վաճառելեացն Փիլիպպեայ զհայրենիս՝ մերձ է զօր յԵլատիս յօգնականութիւն, նոյնպէս որոց կամք իցեն 'ի վերայ ազատութեան նահատակել՝ կայք դուք 'ի պատրաստի, և թէ 'ի վերայ որ երթիցէ նոցա՝ հասանիցէք 'ի թիկունս : Զկնի այսոցիկ ստիպեմ ընտրել տասն պատգամաւորս, և զնոսա ընդ զօրազուխան՝ իշխանս կացուցանել ժամանակի անդր երթին և արշաւանին : Իսկ իբրև հասանիցեն պատգամաւորք 'ի Թերէ, առ ձեռնարկելոյ յիրան խրատ զի՞նչ ասամ. քաջ միտ դիք ինձ առայս : Մի ինչ բնաւ խնդրէք 'ի թերացւոց, — զի անպատեհ է ժամանակն, — այլ խոստասլիք, երբ և հրաման տայցեն, դիմել նոցա յօգնականութիւն՝ իբրև 'ի յետին վտանգի եղելոց, լաւ ևս մեր յառաջատես հանդերձելոցն եղեալ քան զնոսա : Որպէս զի, եթէ ընկալցին զայս և անսայցեն մեզ, յուշ նպատակիս լինիցիմք ժաման, և արժանի քաղաքիս շքով և վայելքով թեամք վճարեսցուք զայն : Իսկ եթէ չհասցէ մեզ յաջողել, նոքա ընդ այժմու վերպեն՝ անձանց մեզ գնիցեն, և 'ի մէնջ կուսէ ոչինչ գործեսցի անվայելուչ և ոչ կորանաց ինչ : »

Զայգոսիկ և զգոցին հանդոյնս խօսեցեալ՝ խի՛ ՚ի բեմէն : Եւ ամենեցուն միախոհ ձուլիւք հաւանութեամբ և ոչ ուրուք ինչ ընդգէմ ճիկ հանելով՝ ոչ միայն ասացի ևեթ զայգոսիկ , բայց ոչ գրեցի . ոչ գրեցի միայն , բայց ոչ պատգամաւորեցայ . ոչ պատգամաւորեցայ ևեթ , բայց ոչ զմիտս հաճեցի զթերացւոց . այլ իսկզբանէ մինչև ՚ի կաաարած ընդ ամենայն անցի , և մատենցի զանձն իմ ապառապուռ . ՚ի վտանգս՝ որ պատեալ պաշարեալ կային զքաղաքուս : — Աղէ բեր գու ինձ զոր յայնժամն տուեալ հրամանն :

Այլ զինչ կամիս , Եպրինէս , եգից զքեզ լինել , և զինչ զիս յաւուրն յայնմիկ : Կամիս զիս՝ զոր լուտալով և ՚ի հենդն արկեալ կոչիցես՝ զԲատայլոսն ⁷¹ լինել , և զքեզ՝ գիւցազն զք ոչ գուզնաբեայ , այլ մի յորոց ՚ի խազս տեսարանացն , Կրեսփոնս ⁷² ոմն , կամ՝ Կրէոն , կամ՝ զոր երբեմն ՚ի Կոյխատոս չարդ չարաւ խաղալով խեղեցեր՝ զԻնոմայոս : Այլ արդ , անդ յայնժամ Բատայլոսս ես պէանեցի՝ քան զքեզ զԻնոմայոսդ կոթովկեցի՝ առաւել արժանաւոր երևեցայ իմոյ հայրենի աշխարհիս : Դու՝ առ ոչինչ գաար պիտաւ նացու , ես՝ զամենայն զոր ինչ տնկ էր բարեկուլ . քաղաքացւոյ՝ գործեցի :

Ընթերց զհրամանն :

Դ Ի Մ Ո Ս Թ Ե Ն Ի Հ Ր Ա Մ Ա Ն Ն

« Առ Կաւսիկէս իշխանաւ , ՚ի նահապետութեան էս սեան ցեղին , որ օր վեշտասան էր Սկիրոփորիոնի , Դիմոութենէս զիմոսութենեան պէանեցի ասաց . Քանզի Փիլիպպոս մակեդոնացւոց թագաւոր՝ յառաջ ժամանակաւ գրժեալ երևի ուխտի գաշանցն խաղաղութեան՝ որ ընդ ժողովրդեանն աթենացւոց , արհամարհեալ զերզմունն և զիրաւունս խոստովանեալս առ ամենայն հեղինակս . և առեալ է քաղաքս՝ որ ոչ իւր ինչ անկ էին , և զամնս ես՝ որ աթենացւոց էին՝ հարեալ է ՚ի տէգ նիզակի , ոչ ինչ բնաւ

յառաջագոյն 'ի ժողովրդենէն ամթենացւոց զբկեալ . և այժմ' ևս առաւել ապարթանեալ ընթանայ 'ի բաձութիւն և 'ի խակագործութիւն . զի զհելլենական քաղաքանին' է զոր պահապանօք ընու և զտէրութիւննս բաձնայ , է զոր յանաշխարհիկս վարեալ 'ի հիմանց բրէ , և է զի փոխանակ հելլենաց' խուժագուժս ստրեալ բնակեցուցանէ 'ի նոսա , հրոս ածեալ 'ի մահեանս նոցա և 'ի շէրիմս , ոչ ինչ նոր և օտար 'ի հայրենեաց իւրոց գործեալ և 'ի բարուցն , և արգեան բախտիւն անյադ զմայլեալ , մոռացեալ զանձն' որ 'ի փոքրէ և 'ի փանաբլոյ' մեծ եղև յանյոյսս . և ցորչափ ժողովուրդն ամթենական տեսանէր՝ զի առնոյր նա զխուժագուժ քաղաքն ⁷³ որ երբեմն իւրն էին , առ փոքր գրեաց զառ ինքն յանցանսն . իսկ զարգիս յակն արկեալ զհելլեն քաղաքանին՝ զմանս թշնամանեալ , զկէսս իլեալ և խախտեալ , անհնարին համարի և անարժան նախնեացն փառաց՝ անտես առնել զծառայանալ հելլենացւոցն . վասն որոյ հաճոյ թուեցաւ ատենին խորհրդոյ և ժողովրդեան ամթենացւոց , պաղատանս և զոհս մատուցանել զիցն և զիւցազանց ինամապետաց քաղաքիս և աշխարհին ամթենացւոց , և 'ի միտ արկեալ զնախնեացն առաքինութիւն , զի առաւել ընտրէին քան զիւրեանց հայրենիսն՝ զազատութիւն հելլենացւոցն պահպանել , նաև երկերիւր իջուցանել 'ի ծով , և ծովակալին նաւարկել ընդ ծովն որ 'ի Գրունց և այսր , և զօրագլխին և ասպահապետին զհետևակամարտ և զհեծելախումբ բանական ածել յԵլևսիս , և առաքել հրեշտակս առ այլ հելլենս , և յառաջ քան զամենայն առ թեբացիս , վասն մօտադոյն լինելոյ Փիլիպպեայ յերկիր նոցա . քաջաբերել զնոսս՝ մի ինչ զարհուրել յերեսաց Փիլիպպեայ , այլ պատասպարան լինել իւրեանց և այլոց հելլենացն ազատութեան . և զի ժողովուրդ ամթենացւոց անյիշաչար եղեալ , եթէ այլ ընդ այլոյ ինչ յառաջագոյն ընդ միմեանս անցեալ իցէ քաղաքացս , յօգնել կայ զօրու և գանձիւք և զինուք և 'ի տէգս նիզակաց . գիտելով զի հելլ

լինացւոց ընդ իրեարս քաջ է գուպարել զբարձրնտիր լինելոյ, իսկ ընդ ըծով առն օտարածնի լինել և յառաջին բարձէն անկանել անտրժան է և փառացն հելլինականաց և նախնեացն առաքինութեան : Եւ և զի ժողովուրդն աթենացւոց, ոչ օտար ինչ որ համարի զԹերացւոցն ժողովուրդ, ոչ ըստ ազգի և ոչ ըստ տոհմի . յուչ ևս ածէ զնախահարց իւրոց երախտիս առ նախնիս Թերացւոցն, զի զհերակլի որդիս՝ զրկեալս ՚ի պելոպոնեսացւոց ՚ի հայրենի իշխանութենէն՝ անդրէն գարձուցին, զինուք յայթեալ յանդռնելոցն ՚ի մարտ ընդ Թոռունս հերակլի . և զԴգիպոս և զընդ իւր վտարանդիսն՝ ապաստան եղեալ հանգուցաբ . և այլ ինչ բազում է ^{7A} մեր ընդ Թերացիսն մարդասիրութիւն և փառք պարծանաց : Վասն որոյ և ոչ այժմ ինչ յետս կացցէ ժողովուրդն աթենական յօգտակարացն Թերացւոց և այլոց հելլենաց . մտանել ընդ նոսա յուխտ դաշննց և Թիւկանց առնելոյ, զաւակ խառնել և երգմիս տալ և առնուլ :
 « Հրեշտակք, Դիմոսթենէս գիմոսթենեան պէանեցի, Հիպերիդէս կլէանդրեան սփետտացի, Մնեսիթիդէս անախիանեան փրէարեցի, Դեմոկրատէս սովկիլեան փլիացի, Կալլիկաբոս գիտսիմեան կոթովկեցի : »

Այս եղև առաջին սկիզբն և հաստատութիւն իրաց ընդ Թերայ . յառաջ քան զայն՝ ՚ի Թնամոսթիւն և յատելութիւն և ՚ի խեղութիւն հատեալ էին քաղաքք ՚ի ձեռն գուցա : Այս հրաման զյայնժամ շուրջ մածեալ վտանգ քաղաքիս՝ անցոյց իբրև զմեզ փարատեալ : Եւ արդարակորով քաղաքացւոյ էր ցուցանել յայնժամ ամենեցուն, եթէ գոյր ինչ լաւագոյն քան զայնոսիկ, և ոչ այժմ ապատուհասակոծ առնել : Զի այր խորհրդական և այր զբազատ, ոչ յայլում իմիք նմանեալք, առաւել յայսմ՝ ՚ի միմեանց որոշին, զի մին զխորհուրդս իւր յառաջագոյն յայտ առնէ զբրացն, և զանձն երաշխաւոր ընծայէ հաւանելոցն, բախտին, հանգամանաց ժամանակին և ում և կամք իցեն . իսկ միւսն՝

լուռ կացեալ յորժամ պարտն իցէ խօսել, եթէ զժուարին ինչ գէպ տայցէ, զայն յաչաղէ :

Արդ այն էր, որպէս ասացին, գէպ ժամանակ առն՝ որում փոյթ ինչ էր զքաղաքէս և զարդար խօսից . այլ ես աւասիկ այնքան 'ի բանս ելանեմ ըստ չափ, մինչև եթէ և այժմ ունիցի որ ցուցանել ինչ լաւագոյն, կամ թէ բնաւ իսկ գոյր ինչ այլ քան զոր եսս ընտրեցի, քնասապարտ զանձն խոստովանիմ : Զի եթէ իցէ ինչ և արդ ուրուք 'ի մտին, որ օգուտ էր թէ գործէր յայնժամ, չէր պարտ ասեմ և այնմ անցանել զինև : Իսկ եթէ չկը և չգոյր, և դեռ ևս չմտրթի ումեք բնաւ ասել և ոչ այսօր, զի՛նչ պարտ էր առնել առն խորհրդականի . ո՞չ յերևելոց անտի և 'ի գտելոց՝ զազդողագոյնսն ընտրել : Արդ զայդ արարի ես, Եսքինէս, 'ի հարցանել քարոզլն « Ո՞վ կամի հրապարակախօս լինել, » և ոչ թէ « զանցելոցն գնացելոց չարախօսել, » և ոչ « զլինելոցն երաշխաւորել : » Գուր 'ի ժամանակին անբարբառ ետեզակալ նստեալ կայիր 'ի ժողովս ժողովըրդեանն, ես մատուցեալ խօսէի : Իսկ զի ոչ յայնժամ, գէթ այժմ ցոյց, ասա՛ զոր այն բան իցէ զոր պարտ էր գտանել, կամ ժամանակ բարեպատեհ օգտի քաղաքիս, և յինէն 'ի գերև ելեալ, և զոր այն նիզակակցութիւն, զոր գործ, յոր առաւել պարտ էր ինձ առաջնորդել սոցա :

Բայց անցեալն ապախտ առնի միշտ առ ամենեւեան, և ոչ որ սուրեք զնմանէ խորհուրդ հարցանէ . իսկ հանգերձեալն և առաջիկայն զխորհրդականին պաշտօն պահանջէ : Արդ՝ յայնժամ կէպք 'ի զժնգակացն, որպէս թուէր, աս գուրս կային, և կէպք անդ առաջի հասեալ . յորս տես զընտրութիւն իմոյ վարչութեանս, մի զպատահարսն զրպարտեր : Զի ելք և վախճան ամենայնի, որպէս աստուած կամիցի, այնպէս հասանէ . ընտրութիւնն և եթ զհանձար խորհրդականինն առնէ յայտ : Ապա մի զայն ինձ 'ի քնաս գրեալիւր, եթէ գէպք՝ Փիլիպպեայ ետուն զյազլթութիւն մարտին . զի այնր կատարած՝ յաստուած ապաստան կայր,

ոչ յիս . այլ թէ ոչ զամենայն՝ որչափ հնար էր մարդկեզէն մասց՝ ընտրեցի, և ուղղութեամբ և խնամոտ ջանիւ և վաստակասէր աստանօք գործեցի՝ ՚ի վեր քան զիար, կամ թէ ոչ յազնուականս և արժանի քաղաքիս ձեռն արկի իրս և ՚ի կարևորս, զայդ ցոյց ինձ, և անդ յայնժամ ամբաստան ընր զինէն : Իսկ եթէ հատեալ անկեալ կայծակն, ոչ միայն քան զմեզ, այլ և քան զամենայն հեղինակս, մեծ և ուժգին պայթեաց, զինչ պարտ իցէ առնել : Որպէս եթէ որ զնաւուղիդ, որոյ զամենայն ինչ ՚ի փրկութիւն հոգացեալ իցէ, և զնաւն ամենայն կազմիւք և սարուք կահաւորեալ՝ որովք ակն ունէր ապրանաց, ապա ՚ի ձմեռնատանջ լինել և վտանգել կահիցն կազմածոց, կտմ թէ և ՚ի խորակեցն իսկ ըտվանգակ, ՚ի նաւարեկութեան փնաս բասրիցէ : Այլ ոչ քեզավարէի զնաւն, ասացէ արդեօք . որպէս և ոչ ես զօրավարէի, և ոչ տէր էի Բախտին, այլ ամենայնի նա :

Այլ եկ զայն խորհեա և տես . զի եթէ մեզ թեքացուովք հանդերձ ՚ի կռիւ մատուցելոց՝ զայս վիճակեցաւ կրել, իմ իմիք ակն ունել պարտ էր, եթէ և ոչ գէթ զնոսին ունէպք նիղակակիցս, այլ ՚ի Փիլիպպոս երթային գումարելին . յոր պէտս զամենայն ձայնս իւր արձակեաց նա : Եւ եթէ, մինչ գեռ երեքօրեայ ճանապարհ հեռի էր ճակատամարան յԱռտիկեայ, այսչափ վտանգ և ահ պաշարեաց զքաղաքս, իսկ ապա՝ եթէ ուրիք յաշխարհիս մերում այն անցք անցանէին՝ իմ իմիք պարտ էր ակն ունել . կարծիցէք արդեօք՝ թէ դեռ ես գոյր մեզ ՚ի միջի լինել, յատեան ժողովել և ոգի կշանել . օր մի և երկու և երեք՝ բազում ինչ մատուցին քաղաքիս օձան ՚ի փրկութիւն : Իսկ յայնժամ . . . այլ չէ արժան ասել՝ զորոյ զփորձ չեա մեզ առնուլ ուրուք ՚ի գիցն ինամ, և քաղաքիս՝ զնիղակակցութիւնն զայն ետ ամբարտակ առաջի կանգնել, զորմէ գուդ չարախօս լինիս :

Այս ամենայն բանք բազումք՝ առ ձեզ են, արք դասաւորք, և առ այնոսիկ՝ որ շուրջս կան արտաքոյ և ունկն դնեն . զի առ ձեռնործելիք այդ՝ սուղ ինչ և հաւաստի բան

բաւական էր : Զի եթէ յայլոց ամենեցունց քեզ միայն յայտնի էին հանդերձեալքն, Եպրինէս, 'ի խորհուրդ մտանել քաղաքիս զնոցանէ՝ յայնժամ պարտ էր կանխել աւսել . իսկ եթէ չէիր յառաջագէտ, նմին տգիտութեան պատժապարտ ես ընդ այլս : Ուստի զի դու առաւել զինէն զայդոսիկ դատախազէս քան թէ ես զքէն . զի այնչափ ես քան զքեզ լաւագոյն գտայ քաղաքացի յորս ասեմս, — զի գեռւս ոչ խօսիմ զայլն, — որչափ զի ես զանձն իմ ետու 'ի թռւեցեալն օգտակար ամենեցուն, անվեհեր և անխնայ յամենայն վտանգէ անձինս : Իսկ դու ոչ ինչ այլ շահեկանագոյն ասացեր քան զայնս, — զի թէ ոչ չվարէին նոքօք, — և ոչ պիտանացու ինչ զք յայնոսիկ զանձն ընծայեցեր, այլ զոր վատարանց ոք և ոխերիմ քաղաքիս՝ զնոյն և քո արարեալ, ապա եկեալ փուրսիշ յարուցեր զանցիցն անցելոց : Եւ 'ի միում ժամանակի Արիստրատոս 'ի Նաքսոս և Արիստոյէոս 'ի Թասոս, ամենայնիւ ամենայն իրօք թըշնամիք քաղաքիս, 'ի դատ վարեն զբարեկամս աթենացոց, և Եպրինէս յԱթէնս զՌիմոսթենէ լինի չարախօս : Բայց որում թշուառութիւնք հելլենացոց համբարեալ կային 'ի փառաւորութիւն, կորստեան մանաւանդ արժանի է նա քան զայլմէ դատախազելոյ . և որում նոյն պատահք 'ի նպատակէն իւր և թշնամեաց քաղաքիս, չիք հնար՝ թէ բարեխոհ հայրենեացն իցէ . և յայտ սունես յորոց կեասդ և գործես, և յորոց քաղաքավարեսդ և դարձեալ ոչք քաղաքավարես : Գործիցի՛ ինչ յօգուտ ձեզ կարծեցելոցն, Եւքինէս անմուռնչ : Յեաս ընդդէմ ինչ պատահեաց և եղև որ ինչ չէր պարս, անդ է Եպրինէս . զոր օրինակ անգամախեղ բեկմուռք և ջլաձիգ ցաւք ստընդալոյ, յորժամ ախտ ինչ 'ի մարմինն անկանիցի, յայնժամ շարժին :

Այլ քանզի յոյժ հարեալ խղիթեալ կայ 'ի դիպուածան և 'ի պատահարս, կամիմ և նորանշան ինչ զարմանալի ասել . և յԱրամազդ և 'ի դիան երգուեալ, մի զք ընդ առաւելահրաշքանս պանչասցի, այլ զոր ասեմս՝ խնամով նկա

տեսցէ: Զի Թէպէտ և ամենեցուն յայտնի ինչ էին հանդեր-
 ձեալքն լինելոյ, և ամենեքեան նախատես եղեալ, և դու Ես
 քինէս, կանխապուշակ և գոչմամբ և աղազակաւ բողոքեալ,
 որ և ոչ ճիկ ինչ հաներ, սակայն և ոչ այնպէս արժանի ինչ
 էր քաղաքիս յետս կալ յիրաց անախ, եթէ փառացն կամ
 նախնեացն կամ առ յապա յաւիտեանցն փոյթ ինչ էր նմա:
 Զի զարգիս՝ ձախողեալ եթէ երևի՝ ի ձեռնարկսն, որ հա-
 սարակաց ամենայն մարդկան է, յորժամ աստուծոյ այն-
 պէս ինչ հաճոյ թուիցի. իսկ յայնժամ, արժանի զինքն
 դատեալ գլխաւորութեան այլոց, և ապա յետս կացեալ,
 զվնաս մասն և ասուր ամենեցուն ՚ի Փիլիպպոս լինելոյ՝
 յանձն իւր ձգէր: Զի եթէ անկուիւ ձեռնթափ լինէր յայն-
 ցանէ, որոց վասն և ոչ ՚ի միողէ ինչ վտանդէ իորըցսն նախ
 նիքն, ո՞վ դք ոչ թքակոծ առնէր զքեզ. զի ոչ զքաղաքս ան-
 շուշտ, և ոչ զիս: Աղէ որով երեսօք, երգուեալ յԱրամազդ,
 գոյր մեզ յակն արկանել զորեարն եկեալ ՚ի քաղաքս, եթէ
 իրքն՝ յոր վայր այժմ են՝ հասանէին, և միազլխապետ և
 աէր ամենեցուն ընտրեալ լինէր Փիլիպպոս, և առ ՚ի չլինե-
 լոյ այդմ՝ այլք առանց մեր ՚ի դուպարած լինէին նահաա-
 կեալք, և այն, մինչ դեռ յառաջին ժամանակս ոչ երբէք
 նախամեծար ընտրեալ է քաղաքիս զանդառունակ անհո-
 դութիւն քան զվիշտ վտանդին ՚ի պարծանս: Զի ո՞վ դք ՚ի
 Հելլենաց, ո՞ ՚ի խուժգժից ոչ գիտէ, թէ թերացիք և յա-
 ռաջ քան զնոսա հզորացեալքն լակեզեմոնացիք, և ինքն
 իսկ թագաւորն Պարսից, մեծապէս շնորհակալեօք մտա-
 դիւր լըմտութեամբ թոյլ տային քաղաքիս՝ զոր կամիցին
 անուղ և զիւրսն ոռնել, թէ միայն ընդ հրամանաւ մտեալ
 կամակատար գտանիցի, և այլում գգլխաւորութիւն հել-
 լենացւոցն թողուցու: Կա սուրեմն այդքիկ չէին յայնժամ
 հայրենատուրք ամենացւոց, և ոչ հանդուրժելիք և ոչ
 ընդաբոյսք. և ոչ դք երբէք կարող գտաւ յաւուր միում ՚ի
 հաւան ածել զքաղաքս՝ երթալ խառնել ՚ի վրիժագործ
 բռուռնսն և ծառայել յապահովս. այլ յամենայն ժամ պա-

տերազմեալ վասն յառաջագահից և պատուոյ և փառաց՝
անդուլ՝ անդադար մատնեաց զանձն՝ ՚ի վասնդ: Եւ զայս
այնպէս պարկեշտ և վայելուչ՝ ՚ի բարս ձեր վարկանիք գուք,
զի և ՚ի նախնեաց տնտի գոյնս առաւել՝ ՚ի գովեաա տունուք
որ յայս առաքինացան: Նւ կարիք քաջ յիրաւի - զի ո՛վ որ
ոչ սիրասցի ընդ քաջութիւն արանցն այնոցիկ, որ յանձն
առին թողուլ լքանել և զաշխարհն և զքաղաքս, և ելին
անկան ՚ի նաւան, զի մի ընդ հարկաւ հրամանի մտանկցեն -
և զայդ խորհրդականն զԹեմեստոկլէս ընտրեալ՝ ՚ի զօրա-
վար, իսկ զոր խրատն տայր հնազանդ լինել հրամանաց՝
քարկոծ արարին զՆիրսիքս ⁷⁸. ոչ զնա միայն, այլ և կա-
նայք ձեր զիին նորա: Զի որ յայնժամ աթենացիքն՝ ոչ
խնդրէին ոչ զճարտարախօս և ոչ զզօրագլուխ, որով երջան
կարար ՚ի լուծ ծառայութեան կեցցեն. նա և ոչ կեալ ար-
ժանի համարէին, եթէ չէր մարթ ազատօրէն կեալ: Զի
ամենայն որ ոչ հօր և մօր և եթ ծնեալ վարկանէր զանձն,
այլ և իւրում աշխարհին: Եւ զի նչ ՚ի միջի իցէ: Զի որ
ծնողացն միայն ծնեալ համարի, կեքեցելում ՚ի ճակատա-
գրէն և ինքնօրէն մահուն մնայ. իսկ որ և հայրենի աշխար-
հին, առ ՚ի չտեսանել զնա ՚ի գերութեան, յօժարեացի մե-
ռանել. և զթշնամանս և զանարգութիւն, որոց հարկ է
աանել ՚ի ստրկացեալ քաղաքի, ահագին իմն քան զմահ
հաշուեացի:

Եթէ ժմերտեալ լրբեալ էր իմ ասել, թէ ես գրգեցի
զձեզ արժանի բոս նախնեացդ խորհել, չիք որ որ ոչ նմա-
նագոյնս տաստէր ինձ. բայց ես այժմ ձեր ատեմ զայսպի-
սեաց ընտրութիւնս, և յայտ առնեմ՝ թէ և յառաջ քան
զիս զայս խորհուրդ կալաւ քաղաքս. իսկ ՚ի սպաս պաշ-
տաման գործոցն՝ և ինձ իսկ մասն և բաժին կարծեմ լինել:
Բայց՝ որոս զամենայնէ չարախօսեալ, և ստիպելով զձեզ՝
ժանտանալ ընդ իս, իբրև ընդ վնասակար անից և վտան-
գաց քաղաքիս, զիս ՚ի պարծանաց աստի առժամայս մեր-
կանալ ցանկայ, իսկ զձեզ յամենայն առ յապա ժամանա.

կացն գովուածենէ կապուտ կողուպուտ կացուցանէ : Զի եթէ իբրև ոչինչ քաջուածեամբ քաղաքավարեալ իմ՝ առնիցէք զսա ⁷⁶ գատտապարտ, յանցաւոր լեալ երեկցիք, և ոչ ՚ի բախտին ժլատութենէ կրեալ զանցս իրացն : Այլ չիք ձեր, արք աթենացիք, չիք յանցուցեալ, յորժամ վասն ամենեցուն ազատութեան և փրկութեան վասնդ յանձն առէք . երգնուամ՝ ՚ի նախնիսն՝ որ յառաջագոյն եզին զցլուխս իւրեանց ՚ի կշիւս ՚ի Մարաթանի, և ՚ի Ճակատեալան ՚ի Չլատիէս, և ՚ի Սալամիս նաւամարտիկան, և որ յԱրգեմիսիան, և յայլս բազումն՝ որ ՚ի գամբարանս ⁷⁷ աշխարհիս անկեալ գնին արք քաջք, զորս քաղաքս՝ նմին պատուոյ արժանիս վարկուցեալ յուղարկեաց ՚ի շիրիմ, Եպքինէս, և ոչ զյաջօգեալան եթ ՚ի նոցանէ և զյալթականան : Արգարև յիրաւի . զի որ արանց քաջաց էր անկ, յամենեցունց արկաւ ՚ի գործ . իսկ զբախտ՝ զոր աստուածն բաշխեաց իւրաքանչիւր՝ ընդ նոյն և անցին : Լ

Յետ այսր ամենայնի, ս՛վ անիծեալք և կորակոր գալիր, զու ՚ի սոցս շքոյն և ՚ի մարգասէր կամաց զքեզ զիս յողացեալ, ախոյեանս իմն և Ճակատս և վաղնջական արարուածս ողեցեր, յորոց որսւմ իմիք կարօտէր այս գուպարած . և ինձ, ս՛վ երրորդականդ խեղկատակ, որ վասն նախաթողոց խորհրդական կայի քաղաքիս, զոյր իմաստութիւն յանձին բերեալ պարս էր յատեան ելանել . միթէ զայնր՝ որ սոցս զանարժանան թելադիր լինիցի : Իրաւ իսկ էր ինձ մեռանել յայնժամ :

Ձեզ այտուհեաւ, արք աթենացիք, ոչ նովին մտօք զառանձինն և զհամաշխարհի փուրթիշս պարս է գատեւ : այլ զհանապազօրեայ կենցաղական խնդիրս՝ յառանձին օրէնս և ՚ի գործս պահելով զակն, իսկ զհասարակաց ընտրութիւնս՝ ՚ի նախնեացն պերճութիւն գէտ ակն կալեալ . և ընդ ցալոյն և պատուոյ նշանակին՝ պարտի համարել իւրաքանչիւր զք ՚ի ձէնը և զխորհրդականութիւն քաղաքիս սու նուլ յանձն, յորժամ իրաց աշխարհին ՚ի գատաստան մտա

նիցէ, եթէ ըստ նախնեացն արժանի գործ գործել պարտ վարկանիցիք :

Այլ քանզի, յարարուածս նախնեացն ձերոց անկեալ, է ինչ 'ի հրամանացն և 'ի գործոց՝ զորովք զանց արարի, կամիմ արդ գառնալ անդրէն ուստի յայդոսիկ խոտորեցայ :

Քանզի իբրև հասաք 'ի Թերէ, գտաք անդ զգեսպանան Փիլիպպոսի և զթեոտալացւոց և զայլոց նիզակակցացն ⁷⁸ . և զմեր բարեկամսն՝ յերկիւզի, իսկ զնորայսն՝ յանդգունս :

Բայց զի զայս այժմ՝ ոչ յիմ ինչ պէտս ասեմ, կարգա ինձ զթուղթն զոր անդէն վալվաղակի առաքեցաք հրեշտակքս :

Սակայն դա յայն ստահակութիւն հատեալ անց զանց ըստ չափ, մինչ զի եթէ 'ի պատշաճիցն ինչ գործեցաւ, զժամանակն՝ և ոչ զիս ասէ եղեալ պատճառ . իսկ ամենայն որ այլ ինչ ազգ ձախողակի դէպք ետուն, զիս և զբախտն իմ լինել նոցին փնասապարտ : Ապա ուրեմն, խորհրդականս ես և ատենախօս՝ 'ի բանիւ և խորհրդով գործեալսն ոչ ինչ մասն ունել գործակցութեան թուիմ դմա, իսկ որ 'ի զէնս և 'ի զօրավարութեան ձախողեալ ինչ է, ես միայն չարեացապարտ այնմ : Եւ որպէս լինիցի զըպարտիչ ապարասան և անագորոյն, կամ առաւելնզովեալ քան զդա :

Կարգա զթուղթն :

Թ Ո Ւ Ղ Թ Հ Ր Ե Շ Տ Ա Կ Ա Յ Ն 79

Արդ իբրև գումարեցին զժողովն, զնոսա նախ մուծին 'ի ներքս, վասն 'ի նիզակակցաց կարգին լինելոյ . և մատուցեալ հրապարակախօս եզեն, բազում դրուաախ զՓիլիպպեայ և բազում ամբաստանութիւն զձէնջ, և զամենայն զոր հակառակ թեբացւոցն գործեալ ինչ էր ձեր՝ 'ի մէջ ածեալ : Իսկ գլուխ բանից խօսիցն, շնորհս ինդրէին մատուցանել փոխարէն առ նոսա երախտեացն Փիլիպպոսի, և զառ

'ի ձէնջ զրկանացն վրէժ պահանջել՝ որով օրինակու և կամք իցեն. կամ տալով նոցա անցս 'ի վերայ ձեր, կամ 'ի միսսին յարձակելով յԱտտիկէ: Եւ ցուցին, զՅակէս Թուէր նոցա, Թէ ըստ իւրեանց խորհրդոյն՝ անասունք և գերդասանք և այլ ևս բարուԹիւնք՝ յԱտտիկէայ 'ի Բիովախա զեղեալ յորգեսցեն. իսկ ըստ մերոց բանկոց՝ զոր խօսելոց իցեմք, ասէին, բիովաականաց 'ի յափշտակուԹիւն յառ և յապուռ մատնել յերեսաց պատերազմին. և այլ ինչ ոչ սակաւ առ սոքօք, բայց զամենայն 'ի նոյն դիտաւորուԹիւն խօսէին: Իսկ զոր մէքս առ այդոսիկ ընդդէմ եղաք խօսս, փոխանակ բոլոր արևուս՝ քաղցր վարկանէի ասել մի ըստ մտղէ. այլ խիթամ 'ի ձէնջ, գուցէ վասն զառանցեալ ժամանակացն՝ հեղեղ իմն անցից համարելով ողողեալ գնացեալ, առ ընդունայն աշխատուԹիւն զբանան ունիցիք: Այլ արդ զոր մէքս հաւանեցուցաք և զոր նոքայն ետուն մեզ պատասխանի՝ լուարուք:

Առ կարգա զս:

Պ Ա Տ Ա Ս Ի Ա Ն Ի Թ Ե Բ Ա Ս Թ Ի Ո Ց

Արդ՝ յետ այսորիկ հրաւիրեալ կոչեցին զձեզ. ելէք, օգնեցէք: Եւ զի զոր 'ի միջի աստ է՝ զանց արարից, այնպէս ընտանեբար ընկալան զձեզ, զի մինչ սպառազէնք իւրեանց և այրուծին 'ի բացի էին, զգօրականգ յոստան անդր ժողովեցին և 'ի տունս, առ մանկունան և առ կանայս, և առ որ ինչ և այլ մեծագոյն էր նոցա: Եւ երիս գովուԹիւնս ազնուագոյնս յաւուր այնմիկ առ ամենայն մարդիկ յայս արարին զձէնջ Թեբացիքն. մի՛ արուԹեան, երկրորդ՝ արգարուԹեան, և երրորդ՝ զգաստուԹեան: Քանզի զպատեւրազմն ձեօք հանդերձ քան ընդդէմ ձեր հարկանել յանձն առեալք, արիագոյնս և արգարախնդիրս քան զՓիլիպպոս զձեզ գատեցան: Եւ որ առ նոսա և առ ամենեսին իսկ առաւել զգուշուԹեամբ յամրի ոչահին, զմանկունս և զկա

նայս, 'ի ձեզ ապաստան արարեալ՝ հաւատս պարկեշտութեան 'ի ձեզ ունել ցուցին յայննապէս . յորում ամե նայնի, արքայութենացիք, քաջածանօթք զձէնջ ցուցան : Զի իբրև եմուտ բանակս 'ի քաղաքն, ոչ դք՝ և ոչ խկ զուր տարապարտուց՝ յօգեաց ինչ զձէնջ բամբասանս . այնպէս ցածունս զձեզ ընծայեցուցէք : Եւ երկիցս ընդ նոսին 'ի ճակատ մտեալ յառաջին կռիւան, որ զքետովն և որ ձմերանին, ոչ անբազկուտս ևեթ, այլ և զարմանալիս զձեզ 'ի դէմն ածէք, կարգաւորութեամբ, կազմածովք, խրախուսանօք : Յորս ձեզ՝ յայլոց գովութիւնք մատուցան, և 'ի ձէնջ՝ զոհք և թափօրք ⁸⁰ աստուածոց : Եւ ես հեշտաբար հարցանիցեմ զԵպիֆինէս . մինչ դեռ այս ամենայն գործեալ լինէր, և նախանձու և խնդութեամբ և գրուատեօք լի էր քաղաքս, արդեօք զոհէր ինչ և նա և խրախ լինէր ընդ քաղմութեանն, թէ արտամութեամբ և հեծութեամբ գժգմեալ ընդ հասարակաց բարութիւնն՝ նստէր 'ի տան : Զի եթէ անդ էր և ընդ այլս 'ի կարգի, զիմորդ օչ ապիրատ գործիցէ, նա մանաւանդ ամպարիշտս, յորժամ զորոց և ինքն զատուածան վկայս կոչէր իբրև զլաւագունաց, այժմ իբրև խոտանս գատապարտել ինդրիցէ 'ի ձէնջ՝ 'ի գիան երգուելոց : Իսկ եթէ չէր անդ, զիմորդ չիցէ բազմապատիկ կորուտեան արժանի, եթէ յորս այլք խնդային, ինքն 'ի տեսիլ նոցին տխտէր :

Վարդա ինձ և զհրամանս զայստսիկ :

Հ Ի Ա Մ Ա Ն Ք Զ Ո Հ Ի Ց

Արդ մէք յայնժամ զյաշաիւք գայաք, իսկ թերացիք՝ մեօք զանձինս համարէին գտեալս . և որ օգնականութեան կարօս թուէին յերեսաց գործոց գոցա, եհաս նոցա այլոց 'ի թիկունս ժամանել յորոց ինձն անուացէք : Իսկ թէ ձայնս որպիսիս յայնժամ արձակէր Փիլիպպոս, և յինչ յոյզս

չքից ամբողջից կայր, ուսի՛նք 'ի Թղթոց նորս յորոց 'ի Պե-
լոպոնէս առաքէր :

Առ ինձ ընթերց զայնոսիկ . զի տեսչիք Թէ պնդութիւն
խճե երթեակիք և տառապանք և ստեպ ստեպ հրամանք ,
որոց դա այժմ ընդ հենպն ելանէր , զի՛նչ գործ վճարեցին :

Այլ յղովք առ ձեզ , արք աթենացիք , կայեալ են
ճարտարախօսք փառաւորք և մեծամեծք յառաջ քան զիս .
Վալչիտարատոսն այն , Արիստոփոնն , Վեփա՛տս , Թրասի-
բուլոս , և այլք բիւրաւորք . այլ սակայն ոչ ոք երբէք 'ի
նոցանէ նուիրեաց քաղաքիս զանձն իւր բողոք բողոքովին .
այլ որ դրեացն ոք , ոչ չողաւ 'ի հրեշտակութիւն . և որ չո-
գաւն՝ ոչ ինչ գրեաց : Զի տմենայն ոք 'ի նոցանէ պահէր
միանգամայն անձինն պարապ և դիւր , միանգամայն և ա-
պաւէն ինչ՝ եթէ յանկարծ դէպ ինչ տայցէ : Իսկ արդ
զի՛նչ . ասասցէ որ արդեօք . այնչափ ուրեմն անցուցեալ քո
զայրովք զօրութեամբ և յոխորտութեամբ , մինչև զամե-
նայն ինչ առնել քեզէն գլխովին : Ոչ զայդ ասեմ , այր գու-
այլ այնպէս հաւատացեալ էի ահագին լինել զվտանգն՝ յոր
պաշարեալ կայր քաղաքս , մինչև ոչ Թուէր ինձ՝ Թէ տեղի
և կամ ուչ ինչ Թողուցու անձին զգուշութեան . այլ շատ
համարել , եթէ ոք ոչ ինչ ապախտ արարեալ , զոր պարտն
իցէ՝ վճարիցէ : Հաւանեալ էի և զանձնէ , Թերևս անզգա-
մութեամբ , և սակայն հաւանեալ էի , Թէ ոչ ոք 'ի գրել՝
լաւագոյն ինչ քան զիս գրիցէ , և ոչ 'ի գործելն ինչ՝ գործի-
ցէ , և ոչ զհրեշտակութիւնն առաւել յօժարմտութեամբ
և արդարութեամբ առնիցէ : Վասն այսորիկ յամենայն ինչ
արկի զանձն :

Այլ՛ աղէ կարդա զԹուղթն ֆիլիպպոսի :

Թ Ո Ւ Ղ Թ Ք Փ Ի Լ Ի Պ Պ Ե Ա Յ

Որ յառաջ քսան զայս 'ի բազում և 'ի յանդուզն բանս խրոխտացեալն էր 'ի վերայ քաղաքիս Փիլիպպոս , յայս տեղի հասոյց զնա իմ քաղաքավարուԹիւնս , Եպիֆնէս , զայս բարբառ արձակեաց նա զինէն . որոց փոխարէն իրաւամբք տուաւ ինձ 'ի սոցանէ պսակ . և դու որ անգն'կայիր , ոչինչ ընդդէմ դարձար . և դատախազն Գիֆոնդաս ոչ կալաւ զմասն քուէիցն :

Կարգա ինձ և զհրամաննս զայնտսիկ , որ անդատապարտ արձակեցան յայնժամ , և 'ի դմանէ ոչ չարախօսեցան :

Հ Բ Ա Մ Ա Ն Ք

Այս հրամանք , ո՛վ արք աթենացիք , մինչև 'ի հեզս և 'ի բայս ապաստան , նոյն են ընդ այնտսիկ՝ զոր յառաջն Արիստոնիկոս և այժմ՝ Կտեսիփոնոս այս գրեաց . և զսոցանէ ճարոյց ինչ փուրսիչ Եպիֆնէս , և ոչ ընդ դատախազին խառն ամբաստան եղև : Սակայն , եթէ ճշմարիտ ինչ զինէն չարախօսէ դա , նմանադոյնս արդեօք յայնժամ զայսոցիկ պրողէ զԵմեմմէ՛նայ , և զՀիպերիդէայ , քան թէ զմանէ՞ 81 պոյր նմա դատախազել : Իսկ ընդէ՛ր բնաւ : Վասն զի է սմա այժմիկ 'ի նոսա անկանել յամուր ապաւինի , և 'ի դատաստանացն իմաստուԹիւն , և 'ի չամբաստանել գորա յայնժամ զնոցանէ՞ որ զնոյնս գրեցին զոր այժմս սա , և 'ի չնէրել օրինացս փուրսիչ ինչ ամբաստանուԹեանս զորոց դամ մի այսպէս վճարեալ կնքեալ են , և յայլ ինչ բազում : Իսկ յայնժամ , չև այսց նախաժաման լինելոյ արգարագատուԹեանց , մերկ ինքեանս իրին իրաւունք ընտրէին : Բայց չգոյր կարծեմ յայնժամ զոր այժմս առնէ . 'ի վագնջուց ժամանակաց և 'ի խուռն հրամանաց ընտրեալ հաւաքել զորս ոչ դք գուշակէր , և ոչ կարծէր թէ ասիցին այսօր , և

այնպէս չարախօս լինել. և զժամանական փոփոխեալ այլ ընդ այլոյ, և 'ի տեղի ճշմարտիցն՝ պատճառանս սուտս կցկցեալ իրացն, կարծել ասել ինչ : Ոչ գոյին այսոքիկ յայնժամ. այլ ամենայն բանք լինէին դէմ յանգիման ճրչմարտութեան՝ երես առ երես և հուպ առ արգիւնս իրացն, մինչդեռ 'ի միտս ձեր էին և գրեթէ 'ի ձեռին ունէիք ըզբնական : Վահն որոյ՝ դորա յամենայն յանդիմանութեանց արգեանց իրացն փախուցեալ, այժմ՝ հուսկ ուրեմն եկեալ կայ, ճարտասանից հանդիսի կարծելով գուպար, որպէս ինձ թուի, և ոչ քաղաքավարութեանց հարցուփորձ առնել ձեզ աստանօր. և խօսից լինել ընտրութիւն, ոչ օգտի քաղաքիս :

Եւ ապա խելս իմն խառնեալ խորամանդէ, թէ զկարծիսն զոր 'ի գալն 'ի տանէ ունէիք զմէն՝ պարտ է ձեզ ապախտ առնել. և որպէս 'ի կարծելոյ՝ թէ մթերեալ խորեալ կայցեն ինչք առ ումեք, համար արարեալ՝ թէ պարզ և յտակ իցեն հաշիւքն⁸², 'ի բաց թողացուցանէք. զնոյն և այժմ առնել 'ի խօսից ընծայութիւնս : Այլ տեսէք՝ քանի յերաւի փուտ և զազփազփուռն է 'ի բնէ ամենայն որ ինչ ոչ արգարութեամբ գործիցի : Զի ըստ հանձարեղ առակ օրինակիդ, խոստովան ուրեմն եղև՝ թէ ծանուցեալ է ձեր, զի ես վասն հայրենեացս խօսիմ, իսկ ինքն վասն Փիլիպպեայ. քանզի ոչ խնդրէր արգեօք փոխել զձեզ 'ի մտացդ, եթէ չէին ինչ այսպիսի կարծիք զերկոցունցս : Եւ զի ոչ արգար ինչ խօսի 'ի խնդրենն դառնալ ձեզ 'ի կարծեացդ, գիւրաւուուցից ես, ոչ հաշիւս ինչ 'ի միջի դնելով, — զի ոչ այդ ինչ է գործոց հանդէս, — այլ զմի մի իւրաքանչիւր կարճառօտիւք յուշ արարեալ, համարառուս և վկայս միանգամայն զձեզ զլսելիսդ ունելով :

Իմ քաղաքավարութիւն՝ զորմէ գայդ չարախօսէ, փոխանակ թեբացուց ընդ Փիլիպպեայ յերկիրս արշաւելոյ, որում ամենեքին ակն ունէին, արար՝ զի ընդ մեզ տայցեն ճակատ՝ զնորա զգէմ ունել. և զի փոխանակ յԱտտիկէ լի-

ներքյ ճակատամարտին, եօթն հարիւր վտաւանաւ հեռի 'ի քաղաքէս' 'ի սահմանս բիւզանդացւոց լինիցի. և զի փոխանակ ծովական հինից Եւբոյոյ 'ի մեզ հրոտակաց և աւար հարկանելոյ, ատարիկէաստան աշխարհ 'ի ծովէն կողմանէ զամենայն ժամանակ պատերազմին 'ի խաղաղութեան վայելեացէ. և զի փոխանակ ունելոյ Փիլիպպոսի զհելլենադոնտոս յառնուլն զԲիւզանդիոն, բիւզանդացիք ընդ մեզ ընդդէմ նորա կռուեացին: Իսկ արդ նման ինչ հաշուից թուիցին քեզ գործոցն հանդէպք. կամ թէ պարս ինչ իցէ ջնջել զայսոսիկ, և ո՞չ մանաւանդ միտ առնել՝ զի զամենայն ժամանակս անեղծ արձանացին յուշոյ յիշատակաց: Թողում յաւելուլ, զի զդառնութեանն Փիլիպպեայ, զոր է տեսանել յորս միանգամ աստ անդ տէր եկաց, այլոց եհաս առնուլ զհամ. իսկ զմարգասիրութեանն⁸³ զոր յայլ գործսն կեղծաւորեալ ձեւնայր, դուք զարգիւնն ժողովեցէք ուղութեամբդ վարելով: Այլ զայսոսիկ թողում:

Սակայն ոչ հեղգացայց զայս ասել, զի որ զայր ճարտարախօս՝ արդարութեամբ կամէր պահանջել և ոչ զըրպարտ առնել, ոչ որպէս դուք այժմ խօսեցար՝ այնպէս ամբաստան լինէր, առակս իմն ստեղծանելով, և 'ի ձայնս և 'ի ձեւս կերպարանաւորս պատճառելով. քանզի բնաւ իսկ յիրաւի, — ո՞չ տեսանես, — ըստ այնմ ինչ եղեն հելլենացւոցն իրք, զի զայս ձայն՝ և ոչ զայն վարեցի ես, կամ այսր զձեռս՝ և ոչ անդր անձի և բերի: Այլ յարգիւնս իւրացն կառուցեալ զտկն հայեր, զինչ օձառք էին քաղաքիս և զինչ զօրք՝ յորժամ եղէ ես յիրսն միջամուխ, և զինչ հայթայթեցի նմա յետ այնորիկ յիմում վերակացութեան, և զինչ ոսոխացն եղեն իրք. և ապա, եթէ նուազ արարի զգորութիւնն, յիս լինել ցուցանէր զմեանս. իսկ եթէ առաւել յոյժ մանաւանդ, ոչ զըրպարտէր: Այլ քանզի գուսասի 'ի փախուստ դարձար, ես արարից. և միտ գիք՝ եթէ ստուգութեամբ վարիցիմ՝ 'ի բանս:

Զօրք քաղաքիս էին կզայիւքն, ոչ ամենեքեան, այլ

տկուրագոյնքն և Թարմատարը • զի ոչ Քփոս , ոչ Հոռոս և ոչ Վերկիււրա ընդ մեզ էին • և արծաթոյ կշիռ՝ քառասուն և հինգ ևեթ տաղանգով չափ , և այն՝ յառաջագոյն ժողովեալ հանեալ էր • Իսկ սպառազէն կամ այրուձի՛ բաց ՚ի մերոցս՝ և ոչ մի : Եւ որ քան զամենայն ահաւորն էր և ՚ի շահ Թշնամեաց , դոցա՛ զամենայն սահմանակիցս յատելուԹիւն քան ՚ի սէր պատրաստեալ էր , զմեզարացիս , ըզԹեբացիս , զԵւբիացիս : Քաղաքիս այսպէս էին իրք , և չէք ումիք ասել ինչ այսմ հոկառակ : Իսկ Փիլիպպեայ իրք , ընդ որում էր մեզ մրցուԹեան հանդէս , տեսէք որպէս : Նախ ինքն էր իշխան ընդ իւր եղելոյ ամբոխին , և ինքն միահեծան , որ քան զամենայն մեծ է ՚ի պատերազմի • և ապա , նոքա հանապաղ զէն ՚ի ձեռին կային • և ապա , ինքն ճոխուԹեամբ յօրացեալ՝ առնէր զոր հաճոյն Թուէր նմա , ոչ ՚ի հրամանս ինչ տուջարկեալ , ոչ յայտ յանգիման յատենի հրապարակաց առեալ խորհուրդ , ոչ ՚ի զրպարտչաց խրժրժեալ , ոչ անիրաւուԹեան ամբաստանս կրեալ , և ոչ համարոյ պարտ եղեալ ումիք • այլ համարձակ ինքն տէր , ինքն առաջնորդ , ինքն ամենայնի իշխան : Իսկ ես՝ ընդգէմ նորա ճակատեալս ախոյեան , — զի և զայս արժան է կրչուել , — իմ իմիք իշխան էի • և ոչ իմիք : Քանզի զատենաբանելն իսկ նախ , որում միայն հաղորդ էի ես , միապէս շնորհէիք դուք վարձկանաց նորա , որպէս և ինձ • և յորս առաւել էին գոքա քան զիս , — և շատ իսկ այն էին ըսա իւրաքանչիւր պատճառանացն գտելոց , — զայն ամենայն ՚ի նպաստ Թշնամեացն խորհուրդ հաստատեալ ձեր , այնպէս ՚ի բաց գնայիք :

Այլ սակայն սովին իսկ նիւազուԹեամբս՝ նիզակահիցս ձեզ արարի զԵւբիացիս , զաքայեցիս , զԿորնթացիս , զԹեբացիս , զմեզարացիս , զԷւկապացիս , զՎերկիւրացիս • յորոց գումարեցան բիւր մի և հինգ հազար այլազգիք , երկու հազար այրուձի , Թող զքաղաքական զօրս : Եւ արծաթոյ՝ որչափ մարԹացայ՝ յաճախուԹիւն յոյժ ժողովեցի :

Իսկ եթէ զարդար բաժին թերացւոցն 'ի գէմն ատես, Եպրինէս, կամ զբիւզանդացւոցն, կամ զԵւբիացւոցն, կամ թէ զհաւասար բաժեանց ինչ ճառես այժմ, տգիտանաս նախ, զի 'ի բովանդակ երկց հարիւրոց անտի նաւաց պատերազմելոց 'ի վերայ հելլենաց՝ զերկերիւրսն քաղաքս մատոյց. և ոչ տեսաւ զեան ինչ զայն համարել, ոչ զխորհրդականս իրին 'ի դատ վարել, և ոչ զայրանալ ընդ այն. — զի և անպատեհ իսկ էր. — այլ աստուածոցն շնորհս կալաւ, զի 'ի հասարակ հասեալ վտանգի հելլենացւոց՝ ինքն կրկնապատիկ քան զայլն նպաստ եղև 'ի փրկութիւն ամենեցուն: Ապա 'ի նանիր շնթես սրակես շողոմն առնես գու սոցա՝ զիս զրպարտելով: Զի է՝ զի զոր պարան էր առնել՝ այժմ ասես. իսկ յայնժամ, զի ասա 'ի քաղաքիս և մերձ էիր, չեղեր ամբաստան. եթէ միայն հնարաւոր ինչ էր՝ յերեսաց հանգամանաց ժամանակին, յորս ոչ զոր կամէպէն, այլ զոր իրքն առաջի մատուցանէին, պարտ էր ընդունել: Զի որ գնէրն ընդ մեր, և զմերժեալն 'ի մէնջ ընդգրկէր վաղվաղակի, և յաւելոյր արծաթ 'ի գին, անդ պատրաստական կայր:

Սակայն, եթէ այժմ զգործոցս ամբաստանութիւն կրեմ, զինչ կարծէք, եթէ 'ի ճղճմել իմում 'ի խոյզ և 'ի ինդիր այդոցիկ՝ սորսորեալ թօթափէին 'ի մէնջ քաղաքք, և 'ի Փիլիպպոս երթեալ յարնէին, և համայն Եւբիոյ և Թերայ և Բիւզանդիոյ տէր լինէր, զինչ կարծիցէք թէ առնէին և խօսէին յայնժամ արքդ այդ ամպարիշտք. ո՞չ ապաքէն՝ թէ դաւ և մասնութիւն գործեցաւ, ո՞չ ապաքէն՝ թէ որ ընդ մեզն լինել կամէին՝ հերքեալ մերժեցան: Եւ դարձեալ, թէ 'ի ձեռն բիւզանդացւոց հաս կալաւ զհելլենապոնտոս, և պարենի ցորենոյն հելլենացւոց աէր եկաց. պատերազմ ծանր և դրացի 'ի թերացւոց անտի յԱտտիկէ եհաս. ծով յերեսաց յարձակմանց հինից Եւբիոյ՝ եղև աննաւելի: Ո՞չ ապաքէն զայստիկ բարբառէին, և այլ ևս բազում ինչ ասոքք: Զար է, ով արք ատենացիք, միշտ չար՝ այր զրպար.

տող, և յամենուստ չարակնօղ և պարսաւադէտ : Իսկ այ-
րուկդ այդ՝ բնութեամբ իսկ աղուես է, ոչինչ՝ առողջախոր-
հուրդ արարեալ գորա՝ իսկզբանէ և ոչ ազատամիտ ինչ, 'ի
բնէ հասկիտ կապիկ, գեղձուկ Ինոմայոս, բեմբասաց վա-
տանշան : Չի յինչ պէտս հայրենեաց եկն քո զօրութիւնդ .
զանցելոց զնացելոցն այժմ՝ խօսիս առ մեզ . որպէս զի բժիշկ
ոք մտեալ առ աշխատեալ հիւանդան՝ չասիցէ և չուսուցէ
իւ յախտէն թափիցին . և իբրև վախճանեացի ոք 'ի նոցանէ
և յուզարկեսցի, զհետ 'ի գերեզմանն ընթացեալ պատմի-
ցէ . « Եթէ զայս ինչ և զայս արարեալ էր այրդ այդ, ոչ
մեռանէր : » Բանդադուշեակ դու, այժմ՝ ուրեմն խօսիս :

Կա աւանիկ և զպարտութիւնն, — եթէ յայն ինչ պեր-
ճացեալ ես՝ ընդ որ հեծել քեզ արժան էր մանաւանդ, այ
նշողեալ, — ոչ իւրք ինչ յինէն կողմանէ գտանիցէք եղեալ
քաղաքիս : Եւ այսպէս առէք 'ի քնին : Ոչ ուրեք երբէք՝
ուր հրեշտակութեամբ առաքեցայ ես 'ի ձէնջ, յաղթա-
հարեալ դարձայ 'ի հրեշտակացն Փիլիպպոսի, ոչ 'ի Թեոա-
լիոյ, ոչ յԱմբրակիոյ, ոչ 'ի լիւրիկեցւոց, ոչ 'ի թագաւո-
րացն թրակացւոց ⁸⁴, ոչ 'ի Բիւզանդիոյ, ոչ այլ ուստեք
բնաւ, և ոչ հուսկ ուրեմն 'ի թեբացւոց : Սակայն, յորս
հրեշտակք իւր նկուռ լինէին բանիւ, հասեալ նորա զինուքն
'ի վերայ՝ տապալէր զամենայն : Իսկ արդ յինէն պահան-
ջես զայնոսիկ . և ո՞չ ամաչես, զայր մի՝ զոր և 'ի կնատու-
թիւն կատակես, նմին միում՝ միայնում՝ արժան դատել՝ զի
յաղթող լինիցի զօրութեանն Փիլիպպեայ, և այն՝ բանիւք
և եթ : Քանզի իմ այլ իմիք էի ես իշխան . ոչ անձին իւրա-
քանչիւր, ոչ բախտի ճակատելոցն 'ի մարտ, ոչ զօրավարու-
թեանն՝ զորոյ յինէն պահանջես զհամարս . այգչափ ան-
զգամ ես : Բայց զորոց միանգամ առն ճարտարախօսի անկ
իցէ համարս տալ, զամենայն ան 'ի մէջ հարց և քնին, ոչ
հրաժեշտ տուեալ խուսափեմ : — Իսկ զինչ այն իցէ : —
Տեսանել զերսն անդուստ 'ի վերուստ իսկզբանէն, զգաստ
լինել ինքնին յառաջագոյն, և այլոց կանխագուշակ : Այ-

տղիկ և պաշտեցան յինէն : Առ սգօք՝ և զհեղգու-թիւնս , զգանդազանս , զանգիտու-թիւնս , և զկազս , որ յամենայն քաղաքս կարևար վնասքն են վարչու-թեան , զայդոսիկ ևս կարձեւ ըստ կարի , և նմին հակառակ՝ ՚ի միաբանու-թիւն՝ ՚ի սէր և ՚ի ջանս պատշաճ պիտոյիցն առնելոյ դարձուցա-նել : Եւ այդ իսկ ամենայն վճարեցաւ առ յինէն , և ոչինչ ուրեք գոցէ դք՝ յինէն կուսէ պակաս մնացեալ : Իսկ եթէ հարցանիցէ դք զդք . Ի՛ւ իւիք ապա ՚ի բազում ինչ իրս՝ յորս ձեռն արկ՝ յաջողեցաւ Փիլիպպոս . ասասցին ամե-նեքեան , թէ զօրօքն և պարգևօք և կաշառաբեկն առնելով զիրացն գործակալս : Արդ ուրեմն սպային ոչ իշխան էի ես և ոչ զօրապետիս , վասն որոյ և ոչ զգործոց նոցա ինձ ինչ անկ իցէ տալ համարս : Եւ ՚ի չլինել կարասեալ կաշառա-բեկ՝ զօրադոյն քան զՓիլիպպոս գտայ . զի որպէս որ զգինան տայ՝ յաղթէ առողին՝ եթէ վաճառակուր լինիցի , նոյնպէս և որ չառնուն ինչ և չկաշառի՝ յաղթէ գնո-ղին : Ապա ուրեմն , որչափ իմովանն , անպարտելի եկաց քաղաքս :

Արդ աւագիկ , որ ինչ ՚ի մեջ բերել էր ինձ՝ թէ յար-ժանի և յիրաւի գրեաց սա զինէն զյայտոսիկ , առ այլովք բազմօք՝ այդղբիկ են և գոցին նմանք : Իսկ զոր ամենեքին իսկ գուք գիտէք , զայն այժմ ասացից :

Քանզի անդէն և անդ զկնի ճակատամարտին , գիտա-ցեալ և տեսեալ ժողովրդեան զամենայն զոր եսս գործեցի՝ յահագինան և ՚ի սարսափելիս եղեալ ձեռնամուխ , յոր-ժամ չէր ինչ զարմանք ապախտաւորել առ իս բազմու-թեան , նախ՝ որ ինչ իմ խորհուրդք էին ՚ի փրկու-թիւն քաղաքիս՝ ընտրեալ կալաւ գնոսին . և որ ինչ ՚ի պահ զգուշու-թեան գործեցաւ , գնդի գնդի պահակերացն կարգ յօրինուածոյ , պարկէնք փոսից , արծաթ ՚ի պէտս պարսպացն , իմով հրա-մանօքս վճարեցան : Եւ ապա յընտրելն զդք համբարակա-պետ ⁸⁵ , զիս քան զամենեսեան կամեցաւ ժողովուրդն : Ահա այսորիկ , իբրև ամբոխ արարեալ կուտեցան ՚ի վերայ իմ՝

որոց միտք 'ի խնամն էին եղեռն ինձ հատուցանելոց, և փուր-
սիշս՝ հաշիւս՝ քսուծիւնս՝ զամենայն զայս յարուցին յիմ
գլուխ, ոչ յանձանց իւրեանց, գէթ 'ի սկզբանն, այլ ընդ
որովք առաւել ակն ունէին յանձանսթս մնալ. — քանզի
տեղեակ էք և յիշէք՝ զի յառաջին ժամանակս հանապա-
զօր եկտիոջ և գասափեա լինէի ես, և ոչ Սոսիկլեայ անմը-
տուծիւն, ոչ զըպարտուծիւն Փիլոկրատեայ, և ոչ Դիոն-
գեայ և Մեղանտոսի շամբշուծիւն, և ոչ այլ ինչ՝ պակաս
մնաց 'ի դոցանէ, զոր ոչ 'ի հանգիսի փորձ մատուցին ընդ-
գէտ իմ. — Երգ յայնմ ամենայնի՝ նախ աստուածովքն և
ապա ձեզք և այլովքն ամենեքումք աթենացուովք՝ ապրեալ
ողջ պահեցայ. արգարապէս. զի և այս ստուգուծիւն է և
արժանի ըստ իրաւարարաց, որոց երգմնի լեալ է, և երգ-
մանցն սրբուծեան խելամուտ: Արգ յորս քսուծիւնքն
լինէին զինէն և արձակուրդ ինձ հրամայելիք, և զմասն
քուէից ոչ տայիք դատախազեցն, 'ի նմին և վճիռ հատա-
նելիք ինձ զլաւագոյնն գործեալ. և յորս ատենաբարչ ե-
ղեալ՝ անդատապարտ ելանէի, յայտ առնելիք՝ թէ օրինա-
ւորս և եթ գրեալ և խօսեցեալ է իմ. և յորս ընդ հաշիւն
հաճ և հաւան գտանելիք, խոստովան լինելիք՝ զամենայն ինչ
ուղղուծեամբ և անկաշառ յինէն վճարեալ: Արգ քանզի
այգաքիկ այգպէս, զինչ անուն արժան և իրաւ էր Կտեփ-
փոնի դնել իմոց գործոցս. ոչ զոր 'ի ժողովրդէնէն տեսանէր
եղեալ, ոչ զոր յերգուեալ գատաւորացն, ոչ զոր 'ի Ճմար-
տուծենէ անտի առ ամենեպիս հաստատելոց:

Այո, առէ. այլ լաւ է Կեփալեանն այն, ոչն երբեք ընդ
ամբաստանուծեամբ անկանել: — Այո, օն և օն երգուեալ
յԱրամազգ, գէթ բարեբախտ է: Իսկ ընդէր բնաւ բազում
անգամ ամբաստանեալն և ոչ երբեք անիրաւ յանդիմանեալ՝
իրաւամբք ընդ բամբասանօք յայն սակս լինիցի: Սակայն
առ գա, արք աթենացիք, գոյ ինձ պարծել և զԿեփալեայ
պարծանան. զի ոչ երբեք փուրսիշ ինչ յարոյց նա 'ի վերայ
իմ, և գատախազ եկաց յամբաստանուծիւն. ուստի և 'ի

քէն ևս վկայեցայ, գոնէ ոչ ինչ քան զՎեփալոս վատթար լինել քաղաքացի :

Բազում ուստեք տեսանիցէ որ զգորա ապիրատու թիւն ևս զյաչաղկոտու թիւն, այլ մանաւանդ յորոց զբախտէն խօսեցաւ : Այլ ես բնաւ իսկ, որ մարդ որ է և մարդոյ զբախտն յանդիման հարկանէ, ամենւին անմիտ զնա համարիմ և անխրատ : Զի որ երջանիկ և բարեբաաս զանձն կարծէ, ոչ գիտէ և թէ կազցէ նոյնպիսի բախտ իւր և մինչև ցերեկոյ . ո՞րպէս ապա արժան իցէ խօսել զնմանէ, կամ զխմոր զայլոյն նախատել : Այլ քանզի գա առ այլովք բազմօք և ՚ի մասինդ յայդմիկ ամբարտաւանս բարբառեցաւ, միտ դիք, ով արք աթենացիք, և տեսէք՝ քանի՛ ճմարտադոյնս և մարդավայելուչս զբախտէն քան զգա ճառեցից ես : Ես զբախտ քաղաքիս բարի վարկանիմ, և ՚ի Գողոթնեանն Արամազդայ և ՚ի Պիւթեանն Ապոլոնէ տեսանեմ դուշակեալ ձեզ զայն . իսկ զմարդկանն առ հասարակ, որպէս ինչ այժմս գտանի, դժուարին և դժնդակ : Զի ով ՚ի հելլենացեաց կամ ո՞ր որ ՚ի խժդժից այժմիկ ընդ բազում և մեծամեծ եղբրանց ընդ փորձ չանցանէ : Վասն որոյ՝ զլաւագոյնսն ընտրելք և զբարեբախտագոյնդ քան զայլ հելլենացիսն ⁸⁶ լինել, որ կարծէին երջանիկ կեանս վարել ՚ի լքանելն զմեզ, բարւոյ մասին քաղաքիս վարկանիմ զայդ . իսկ զգայթելն և ոչ յամենայնի ըստ կամս յաջողել, համարիմ բաժանորդ լինել քաղաքիս ՚ի մասն վիճակի այլոց մարդկան, որ ինչ և մեզ անկն էր : Իսկ զիժոյ անձին բախտ, և զմիոյ միոյ իւրաքանչիւր ՚ի ձէնջ, արդար կարծեմ յիւրն ինքնուրոյն ՚ի քնին առնուլ : Արդ ես զբախտէն այսպէս արժան դատիմ ուղղութեամբ և իրաւամբք, որպէս ինձ թուի, կարծեմ թէ և ձեզ : Իսկ գա զիմ առանձին բախտ քան զհասարակացն քաղաքիս՝ տիրագոյն լինել ասէ, զփոքրս և զտրուպ քան զազնիւն և զմեծ : Եւ զիմոր մարթի այդմ լինել :

Եւ սակայն, եթէ քեզ, Եպիսէս, հաճոյ է ապաքէն ցապաք զիմ բախտն կրկտել, ՚ի քնդ հայեաց . և եթէ լա-

ւազոյն զինն քան զքոյդ դասնիցես , գագարես 'ի բամբաւսելոյ զայն : Հայեաց արդ աստէն և աստ անդասին իսկըզբանէ :

Եւ մի ոք , երգումն յԱրամազդ տուեալ և 'ի գիս , ոյծ ինչ և անհամ յիս ըստգոցէ : Չի եթէ զաղքատութիւն զբայն առնիցէ զուրուք , ես և ոչ միտս անդամ համարիմ ունել նմա , և ոչ՝ եթէ 'ի ճոխութեան սնեալ , և այնիւ սիգացեալ նազիցի : Այլ յերեսաց հայհոյութեան և ամբարտաւանութեան ժանտիդ այգորիկ ստիպիմ յայսպիսի բանս գալ անկանել , որովք պաշտեցայց չափ եւթ ըստ մարթելոյ իմովսանն :

Արդ ինձ՝ մինչ մանուկն էի , Եպրինէս , եղև ցանկորդել յարժանաւոր վարժարանս , և առ ձեռն ունել զինչ և վայելէ ումեք՝ որ առ կարօտանաց չառնիցէ ինչ անպատեհս : Եւ իբրև ելի ըստ մանկութիւն , որ ինչ այնուհետև պատշաճն էր՝ զայն առնել . պարապես կալ հանդիսից խազուց , նաւա հանդերձել պատերազմի , հարկս հարկանել , ոչ ուրեք պապասել յառանձին և 'ի համալխարհի առատաձեռնութենէ , այլ քաղաքիս և բարեկամաց պիտանի լինել : Իսկ իբրև հաճոյ թուեցաւ ինձ մատչել 'ի գործ հասարակաց , այնպիսի առաքինութիւնս ընտրել , որպէս զի բազում անդամ պսակ ժառանգել 'ի հայրենեացս և յայլոց հելլենացւոց , և ոչ ատելեացդ իսկ համարձակել գէթ բիծ գնել պորսաւել զընտրութիւնս իմ : Արդ ես այսպիսեալ կենցաղավարեցի բախտիւ : Բայց թէպէտ և բազում ինչ է ինձ ասել զնմանէ , զանց առնեմ . զգուշացեալ՝ մի գուցէ տրտմեցուցանիցեմ զումանս որովք գովիցիմն :

Իսկ դու , մեծարոյդ այր և այլոց անգասնիչ , առ սովաւ միտ եգեալ նայեա , որով իւրք վարեալ ես բախտիւ . յորում , 'ի մանկութեանդ յետին կարօտութեամբ սնեալ , ընդ հօրդ կանխեալ սկէիր առ գարոցին , զսեակն լեսուլ , զնստարանսն սրբել սպընգով , աւել ածել դասատան մանկըտոյն , 'ի ծառայի կարդ , և ոչ մանկան աղաաի : Իսկ

իբրև եղեր այր, մայր քո որ ձօնիս նուիրեր՝ գաւ առ նմա
 գրահարգաց կայիր, և այլ ևս ընդ նմին տանէիր սպաս. և
 զցայգ՝ մորթովք եղնորթուց փերևետեալ, և լիով թափու-
 կոք արբեցուցեալ և սրբեալ զնուիրեալսն, և շփեալ կաւով
 և թեփով, և յարուցեալ⁸⁷ ՚ի սրբութենէն՝ հրաման ապիր
 ասել. « Փախեայ ՚ի յոռւոյն, գաի զլաւն. » և պանծայիր՝
 թէ չեք ուրուք երբեք սյնպիսի սունացեալ: Այնպէս հա-
 մարիմ և ես իսկ և իսկ. զի մի կարծիցեք՝ թէ այսպէս մե-
 ծամեծս գիտէ բարբառել, այլ՝ ոչ և գերախանչ զօղանջել:
 Իսկ ՚ի տուէ, զչքնաղ կաքաւիչան ընդ գոնէս ածեալ,
 պսակեալս ՚ի շուճրայ և ՚ի սօսի⁸⁸, վիշապակս լորտուս ՚ի
 ձեռագ ճմլելով, և ՚ի վեր քան զգլուխդ ամբարձեալ աղա-
 զակելով. « Ե՛հ եհէ, վա՛շ վա՛շ Սպանգարամեա, » և կայթս
 հարկանելով « Կեցցէ Ատտէս⁸⁹, Ատտէս կեցցէ: » Եւ
 ՚ի պառուկանց՝ նահատակ, պարագլուխ, սպէտաբարձ և
 նքուքակիր և այլ ինչ այսպիսի կարդացեալ հռչակէիր. և
 վարձս առնուիր ՚ի նոցանէ կարկանդակս՝ քաջարս և բլիթս.
 Ընդ որոց ո՛վ ոչ երանեսցէ արդարև զմա և բախտին իւ-
 ռում: Իսկ յորժամ ընդ քաղաքացիս գրեցար իւ և է օրիւ
 նակաւ, — զի զայգու զանց՝ տոնեմ, — սակոյն իբրև մտեր
 ՚ի գիր համարոյ, ընարեցեր առեր քեզ անդէն զգեղեցկա-
 գոյնն ՚ի գործս. գպիր կալ և սպասաւորել տորին իշխա-
 նութեանց: Եւ իբրև անտի ևս ընկեցար, զամենայն զոր
 զայլոց չարախօսես՝ քո ինքնին արարեալ և կատարեալ,
 ոչ յամօթ արարեր, երգուեալ յԱրամազդ, և ոչ մի ինչ
 յառաջնոց գնացիցդ՝ վարուքդ որ զկնի. այլ՝ ՚ի վարձու
 տուեալ զքեզ առ մեծահառաչ անուանեալ խեղկատական,
 առ Սիմիլոսն և Սոկրատէս, գուսանամուտ լինէիր ՚ի կարգ
 երրորդ, թուզս և ողկուզուկս⁹⁰ և ձիթապտուզս քաղի-
 լով իբրև մրգավաճառ ոք՝ յօտարին ազարակաց, և յաճա-
 խագոյնս սաեալ սնտի վէրս՝ քան ՚ի ճակատամարտիցն
 յորս գուք ընդ ոգւոց ձերոց ճգնեալ նահատակէիք⁹¹:
 Զի անհաշտ և անազգ պատերազմէր ձեր ընդ հանգիսա-

տեսան . յարոց վէրս բազում ընկալեալ, յիրաւի այնուհետեւ զանկործան այնպիսի վտանգից՝ ծաղբ առնես որպէս վատասիրտս :

Այլ զանց արարեալ զորովք՝ չքաւորութեան ոք արգեօք մեղ գնիցէ , անցից 'ի բուն խկ 'ի վարուցդ դարովութիւն : Քանզի այնպիսի ակործեցեր քաղաքականութիւն , — զի և զայս ևս եհաս քեզ երբեմն առնել , — որով 'ի յաջողութեան աշխարհիս՝ կեցեր կեանս նապաստակի , սարսափեալ և գողացեալ , և ցանդ հարուածոց ակն կալեալ վասն որոց անիրաւ զքեզ ըստգտանէր մտացդ խիղճ . խկ յորս այլք թշուառացան , յանդուգն և խիզախ տեսար յամենեցունց : Այլ որ 'ի մահու հազար քաղաքացեաց խիզախեալ խրախուսեցաւ , զի՞նչ արժան իցէ նմա 'ի կենդանեաց կրել :

Արդ , թէպէտ և այլ ինչ շատ կայ ինձ ասել , թողից 'ի բաց . զի ոչ զամենայն զոր գոյ ինձ հալանել 'ի դմա քարուականս և այսպնէլիս՝ պարտ անձին համարիմասել յախուռն և վարկպարազի , այլ որչափ ինչ չիցէ ինձ ամօթ խօսել : Արդ գու 'ի հարցփորձ մատո առ միմեանս եղեալ զքո և զիմ վարս , հեղաբար և մի դառնութեամբ , Եղբինէս . ապա հարց զսոսա , զյ՞ր բախտ ընտրիցէ մէն մի 'ի սոցանէ :

Ուսուցանէիր նշանագիրս , և ես 'ի վարժարանսն հանապազորգէի . ձօնիս նուիրէիր , էի և ես նուիրեալ . 'ի պարանցանէիր , և ես էի պարապեա . գալիր կացեր , և ես ժողով կոչէի . կացեր գուսան երրորդական , և ես 'ի զնին կայի . չաջողէիր , և ես չչէի . զամենայն 'ի շնորհուկս թըշնամեաց քաղաքավարեցեր , և ես 'ի շնորհս հայրենի աշխարհիս . թողում զայլն : Բայց այժմ այսօր ես վասն պսակելոյ փորձ գտանիմ , և վկայիմ ոչ ինչ ապիրատ գործեալ . խկ քեզ՝ զըպարտողի կարծիս առնուլ մնայ , և 'ի վտանգի կաս՝ թէ այլ ևս առնիցես արգեօք զայդ , եթէ պսպանձեալ կարկեսցիս , չառեալ զհինգերիւր մասն քուէիցն : Արդ գովին գեղեցկանախ հենցաղիւզ յիրաւի , — ո՞չ տեսանես , — զիմ բախտն իբրու զխոտան ինչ դարով առնես :

Օն առեալ և զպաշտամանն զկայտութիւնս զոր պաշտեցի՝ ընթերցայց ձեզ զամենայն . և գու փոխարէն կարգա մեզ զտունսն զորս ապականէիր .

« Զբառորփս և զխաւարին թողեալ զբրուծո եկեալ կամ . 92 . »

Եւ զայն ևս ,

« Գիտասօրբ զիս ակամայ լինել գուժկան բօթարեր . »

Եւ դարձեալ . . . հէ , զչարդ չարաւ կորուսցեն նախ դիք , և ապա ամենեքին սոքա , զապիրատ քաղաքավարդ , և ըզխեղկատակդ յերրորդաց :

Ընթերցիր զվկայութիւնսն :

Վ Կ Ա Յ Ք

Արդ ես 'ի քաղաքականսն այսպիսի . իսկ յանձնականս , եթէ ոչ ամենեքին գիտակ իցէք՝ թէ ընտանի և մարգատէր և ամենայն կարօտելոց ձեռնտու , լուռ եղէց և ոչինչ բարբառեցայց , և ոչ մի ինչ առ այդ ածից 'ի մէջ վկայութիւն . ոչ զայն՝ զի ոմանց յոսոխացս գերեզարձ արարի , ոչ՝ զի չքաւորաց ոմանց դատերացն նպաստ եղէ 'ի հարսանիս , և ոչ ինչ այլ յայսպիսեաց : Զի ես այսպէս ածեմ զմտաւ . թուի ինձ՝ թէ երախտաւորելոյն է յամենայն ժամ յիշատակել , իսկ բարերարին մոռանալ 'նոյնժամայն , եթէ պարտ իցէ միումն լաւի առն գործ վճարել , և միւսումն՝ մի զհիբի և զիղբորդույ : Զի զիւր երախտիսն յուշ ածել և ասել՝ հանգոյն իմն է նախատելոյ . քաւ յինէն առնել ինչ այսպիսի , նա՛ և ոչ մօտ երթալ : Այլ՝ որպէս ինչ և համարեալս եմ յայտոսիկ , ինձ շատ է :

Կամիմ յիմոցս 'ի հասարակացն դարձեալ դարձուցանել զբանս , և սակաւիկ ինչ ևս ասել առ ձեզ : Զի եթէ

ունիցիս ասել, Եսբինէս, ո՛վ որ 'ի մարդկանէ ընդ արեգակամբս, 'ի Հելլենաց կամ 'ի խուժայնոց, անմնաս ապրեցաւ 'ի բռնութենէ՝ նախ Փիլիպպոսի, և այժմ՝ Ալեքսանդրի, քաջ է. ներեալ քեզ՝ թէ իմ բախտս, կամ անբախտութիւն. թէ կոչել կամիցիս, ամենայնի եղև պատճառ: Իսկ եթէ, որոց չև ուրեք երբեք տեսեալ զիս և ոչ զբարբառ իմ լուեալ, 'ի նոցունց ևս՝ բազումք բազում ինչ և անհնարինս չարչարեցան, ոչ արամբք չափ և եթ, այլ և քաղաքք ուրոյն և ազգք, քանի՞ն ուրեմն արդարադոյն և ճշմարտագոյն իցէ՝ զհասարակաց բախտ ամենայն մարդկան, և զժրժուարին և զտարապարտ ընթացս իրաց ասել այնոցիկ պատճառս: Այլ քո թողեալ զայսոսիկ, զիս զքաղաքավարեալս առ սոսա ըստդոտանես. և զայդ՝ գիտելով չափ, զի թէ և ոչ զբովանգակ, գէթ զմասն մի հայհոյութեանդ՝ յամենեալին ձգես, և մանաւանդ 'ի քեզ: Զի եթէ իմ ընդվզեալ կնճացեալ՝ ինձէն խոճոճեալ էր զերան, գոյր ապաքէն ձեզ այլոց ճարտարախօսացդ զիս կշտամբել. իսկ եթէ մերձ կայիք միշտ յամենայն ժողովս, և հասարակ ամենեցուն առաջի գնէր քաղաքս՝ տեսանել զօգուտն, և այնք լաւագոյն թուեցան յայնժամ ամենեցուն, և մանաւանդ քեզ, — զի ոչ եթէ առ մտերմութեան ինչ՝ յիս ապսպարէիր զամենայն զյոյսդ և զնախանձդ և զպատիւսդ, որ գոյին յայնժամ համօրէն յամենայն 'ի դործս իմ, այլ յայտնասպէս 'ի ճշմարտութենէն յաղթահարեալ, և առ 'ի չգոյէ քեզ լաւագոյն ինչ ասելոյ, — զի՞նք ապա չեցես անիրաւ և դժիւեմ, ուր այժմ պատուհասեալ գոռաս ընդ այնս՝ քան զորս չգտեր ինչ յայնժամ ասել ազնուագոյն:

Արդ ես առ այլ ամենայն մարդկան յայսպէս տեսանեմ կարգեալ և հաստատեալ զայսոսիկ: Մեղան որ կամայ, բարկութիւն և պատուհաս 'ի վերայ նորա. յանցեալ որ ակամայ, փոխանակ պատժոյ՝ ներել նմա: Ո՞չ մեղաւ ինչ որ և ոչ յանցեալ, տուեալ զանձն յայն ինչ որ օգուտն թուեցեալ էր ամենեցուն, այլ չաջողեցաւ խառն ընդ ամե-

նեանն, ոչ նախատակոծ առնել արժան է զնա և ոչ սան՝ գաստակս 'ի վերայ կապել, այլ տրտմակից լինել և արգահատել: Եւ այս ամենայն այսպէս երևի, ոչ միայն յօրինականն, այլ և բնութիւնն ինքնին գլխովին անգիր օրինօք և 'ի բարս մարդկան զնոյն յայտ արար: Արդ վայրենութեամբ և զբաարուութեամբ այնչափ անցոյց զանցոյց Եւքինէս զհամօրէն մարդկաւ, մինչև զորս ինքն իսկ իբրև ձախողանս յիշատակէր, զնոսին ևս զինէն չարախօսել:

Եւ թող զայլսն, որպէս թէ զամենայն զբանս իւր անբըծովութեամբ և միամտութեամբ խօսեցեալ, պատուէր ևս տայր ձեզ՝ պատրաստ և զգոյշ լինել, զի մի նենգ ինչ և գաւ գործեալ՝ խաբեցից զձեզ, ստատիկ և կախարդ և խաբեբայ անուանս ինձ կարգացեալ, և այլս սոյնպիսիս որպէս թէ դք զիւր պատշաճն՝ զայլմէ ումեքէ կանխեսցէ աւասցէ, և յիրաւի այնպէս ինչ իցեն, և ունկնդիրք չքնիցեն միտ՝ ո՛ այն դք իցէ որ զայնս ասիցէ: Բայց ես գիտեմ՝ զի ամենեքին ճանաչէք զգա, և քան ինձ՝ դմա առաւել զայնս 'ի դէպ համարիք: Գիտեմ ևս, զի զսաստկութիւնն իմ, — թող լիցի՝ այլ ես տեսանեմ, զի ոչ փոքու ինչ մասին ուժգնութեան խօսելեացն՝ լսելիքն են իշխան. զի ըստ ձերում ընդունելոյ և առ իւրաքանչիւրսն մտերմութեան՝ ըստ նմին և խօսողն կորովամիտ և ուժգնասիրտ համարեցաւ. — արդ՝ եթէ իցէ ինչ և յիս հմտութիւն այնպիսի, ստուգեալ գտանիցէք զայն ամենեքին՝ համակ 'ի ձեր նպաստ, և ոչ երբեք 'ի միաս, և ոչ իսկ առանձինն ինչ ուրեք. իսկ զգորայդ՝ ընդ հակառակն, ոչ միայն 'ի շնորհս թշնամեաց խօսել, այլ և եթէ դք զգա տրտմեցոյց ինչ կամ ընդհարաւ ընդ դա, ընդ նոսին ևս ոստիել իժանաւ. զի ոչ ըստ արժանի և ոչ յօգուտ ինչ քաղաքիս վարէ զայն: Զի ոչ զցասումն և ոչ զատելութիւն, և ոչ այլ ինչ այսպիսի, վայելէ բարեւոյ և ազնիւ քաղաքացւոյ՝ զհասարակաց իրաց ժողովեալ գաստաւորսն ազաչել, զի հաստատուն առնիցեն նմա, և ոչ յայն ազազս ինչ առ ձեզ մատչել. նա մանաւանդ մի ունել իսկ զայնս 'ի

բնութեան . իսկ թէ հարկ հասանելցէ, հեղաբար և չափով վարել : Իսկ արդ յորո պարտ իցէ առն քաղաքավարի և ճարտարախօսի տաստիկ լինել : Յորս ինչ մի յամենայն իրաց՝ քաղաքին՝ ի վտանգ գլխի, և յորս կայցէ ինչ ժողովրդեան ընդ թշնամիսն . զի այս է քաջի և բարւոյ քաղաքացւոյ : Իսկ որ ոչն է երբեք արժանի գատեալ՝ զաշխարհիս ինչ մնասու, յաւելից թէ և զանձինն, առնուլ յինէն վրէժ, ոչ վասն քաղաքիս և ոչ վասն իւր ինչ, գալ նմա այժմ, պսակի և դավութեան ամբաստանութիւնս կազմ և պատրաստ ունելով, և այսչափ բանս ժայթքել, անձին տակաւութեան՝ մախանաց և փոքրոգութեան է նշանակ, առն՝ յոչինչ սփտանացուի : Իսկ թողուլ և զքնդ իս մրցամարանն, և սմա այժմ՝ ի վերայ երթալ, բնաւ իսկ չարութեան է :

Վասն որոյ և թաւիս ինձ, Եպիֆնէս, ցոյցս ինչ առնելոյ կամօք խօսից և քաջաձայնութեան՝ ընտրեալ զայս հանգէս, և ոչ թէ զանփրաւութեան ինչ գատաստան պահանջել : Բայց ոչ ճառք ճարտարախօսին, Եպիֆնէս, պատուական ինչ են, և ոչ ձայնին ոլորակք, այլ՝ ի նոյն միակամութիւն ընդ բազմաց, և զնոյն սիրել և տակ՝ զորս և հայրենիքն . զի որում այս միտք իցեն, նա և զամենայն ինչ բռեւրմութեամբ ասացէ : Իսկ որ յորոց քաղաքն վտանգ ինչ անձին աեսանէ՝ զայնտակ պաշտէ և գրգէ, ոչ ՚ի նոյն խարխիս ամբանայ ընդ բազմաց . ուստի և ոչ զնոյն անտխալ զգուշութեան ակնկալութիւն ունի : Այլ ես, — տեսանէս, — քանզի զնոյն ընդ սոսա ընտրեցի օգուտ, վասն որոյ և ոչ սեփական և առանձինն ինչ արարի : Իսկ միթէ և ոչ գու : Եւ զխորդ . որ անդէն վաղվազակի յետ ճակատամարտին հրեշտակ չողար առ Փիլիպպոս, որ ՚ի ժամանակին՝ աղետից պատճառն էր հայրենեացս . և այն՝ մինչքեռ զամենայն յառաջագոյն ժամանակն ՚ի բաց հրաժարելի ՚ի գարծոյ անտի, որպէս գիտեն ամենեքեան : Իսկ արդ ով է որ զքաղաքս խաբէ . ոչ ապաքէն որ չասէ զոր խորհին . և

Ում քարոզն անէծս կարգայ իրաւամբք յամենայն ժողովս . ոչ ապաքէն այնպիսուան . և զինչ մեծագոյն ունիցի որ ասել ապիրատութիւն զառնէ ճարտարախօսէ քան զայն՝ զի խորհուրդք իւր և խօսք չիցեն միաբան : Արդ դու աւագիկ այդպիսի իսկ գտար :

Եւ դու տակաւին կաս բարբառիս , և իշխեն հայել յերեսս սոցա : Համարիցիս թերևս անգիտանալ սոցա՝ թէ ով որ իցես . կամ այնչափ քուն և թմբիբի անկեալ զամենեքումբք , մինչ չիշել զճառագ զոր հրապարակախօս եղեր յատենի ժողովրդեան , նզովիւք և երգամբք հաստատեալ թէ չկայ ինչ քո և Փիլիպպոսի , այլ թէ ես առ քինալ արկանեմ զքեզ զայդ անուն վատութեան : Բայց անգէն իբրև մարտն պատմեցաւ , ոչինչ զայսցանէ փոյթ արարեալ վկայեցեր իսկ և իսկ , և պատճառեցար բարեկամութիւն և հիւրութիւն ունել ընդ նմա , զայս անուանս ընդ վարձկանութեան փոխանակեալ : Զի որով հարթայարմար և արդարակ բարրանօք՝ Եսքինեայ որդւոյ թմբկահարին Գլաւկոթէայ՝ հիւր կամ բարեկամ կամ ծանօթ էր Փիլիպպոս . ես ոչ նշմարեմ . այլ վարձկանեցար նմա յեղծանել զօգուտ սոցին . համայն և այնպէս՝ ակներև մատնիչ և գահիճ ըմբռնեալ քո , և անձին քում գուշակ նշաւակիչ գտեալ ՚ի գէպս գէպս , զիս հայհոյես , և ինձ նախատինս դնես զայն ինչ իրս՝ յորս զամենեսեան մանաւանդ գտանիցես բասրելիս :

Բազում ինչ և գեղեցիկ և մեծամեծ ընտրեաց կալաւ քաղաքս , Եսքինէս , և ինև յաջողեաց , զորս և ոչ մոռացաւ . և նշանակ՝ աւասիկ : Քանզի ընտրել առեալ ժողովրդեանս զդք , որ զգամբանականն ատենախօսեսցէ զկատարելոցն յայն անցս արկածից , ոչ զքեզ ընտրեաց , թէպէտ և ընծայեցար , ոչ զքեզ զքաջաձայնդ , ոչ զԻեմադէս՝ որոյ այն ինչ վճարեալ էր զհաշտութիւնն , ոչ զՀեդեմոն⁸³ , և ոչ զայլ որ ՚ի ձէնջ , այլ զիս : Եւ ՚ի մատչել քո և Պիլթոնկի ստամբակօրէն և լրբարար , ով Արամազդ և դիք , և ՚ի չաբախօսել զինէն զայդոսիկ զորս դու այժմ՝ և ՚ի հայհոյել :

ոչինչ ընդհատ գարձեալ զիս ընտրեաց : Ոչ անգիտանաս զպատճառան, սակայն և ես ասացից քեզ : Զերկոսին զայս գիտէին սղբա . և զիմ մտերմութիւն և զկամս սրտիս որով զիրան պաշտէի, և զձեր ապիրատութիւնդ : Զի յորոց 'ի յաջողել իրացն՝ երգմամբ բացէ 'ի բաց յուրաստ կայիք, զնոյնս 'ի գթել քաղաքիս խոտտովան լինէիք : Վասն որոյ, զեիզախեալան 'ի խորհուրդս մնաց իւրեանց 'ի վերայ հասարակաց աղետից՝ համարէին վաղուց թշնամիս, այլ յայն ժամ նոցա 'ի ծանօթումն եկեալ : Եւ դարձեալ 'ի դէպ վարկանէին, զի ատենախօսն վախճանելոցն, որ զնոցա առաքինութիւնն պանծացուցանելոց էր, մի յարկակից և մի հաւանընկեր հոմանի գտանիցի ընդ ռիերիմ ախոյեանս նոցին լինել . և մի անդ ընդ նոսին շուայտել և յաղթութեան նուազել երգս 'ի վերայ հարուածոցն Հելլէնաց՝ ընդ բուն իսկ աստակիչն, և այսր եկեալ՝ մեծարանս ընդունել . և մի կերպարանեալ ձայնիւքն արտասուել զնոցին գիպուած, այլ 'ի սերտ սքո՛ւէ վշտակից լինել : Եւ զայդ՝ յանձինս իւրեանց տեսանէին և յիս . իսկ 'ի ձեզ ոչ . վասն այսորիկ զիս ընտրեցին, և ոչ զձեզ : Եւ ոչ եթէ ժողովուրդն զայս, իսկ վախճանելոցն հարք և եղբարք, ընտրեալք յայն ժամ 'ի ժողովրդեանն 'ի դիահանս նոցին, այլազգ ինչ . այլ զի պարտ էր նոցա մեռելոյթս առնել, իբրև առ ընտանեւ գունի ումեք գնացելոցն, որպէս սովոր է լինել, յիմում տանս արարին զայն : Արգարւ յիրաւի . զի ծննդեամբ մէն մի առաւել քան զիս ընտանիք էին միմեանց, բայց հասարակ ընդ բոլորեսին՝ ոչ դք մերձաւորագոյն . զի որում փրկութիւն նոցա և յաջողութիւն առաւել փոյթ էր, նա՛ և 'ի մեռանելնոցին, որ քա՛ւ մի լինէր, առաւել ևս տրտմակից գտանէր 'ի վերայ ամենեցուն :

Հասպա կարգա գմա զարձանագիրս զայս, զոր աշխարհախոհ ձուլիւք հաւանութեամբ ընտրեաց քաղաքս դրոշմել 'ի վերայ նոցա . զի տեսցես, Եպիֆնէս, և յայնմ իսկ՝ ապաշնորհ և քիչ չարաբան եղեալ զանձնդ և պիղծ անօրէն : Կարգա :

ԱՐՁԱՆԱԳԻՐ

Հայրենի վասն աշխարհին արկան սոքա զէնս 'ի գուպար,
 Եւ ըզխրոխտումնն վանեալ փարատեցին զտոխաց ԾԿ.
 Եւ մահուամբ չափ արութեամբ կրուեալ զոգիս փըրկեցին ոչ.
 ԶԱզընդեհակտն ընտրեցին զամենեցուն դատաւոր,
 Ի շքնորհս հելլենացոց, զի զգերութեան մի զսամեաւս
 Ի պարանոցս ընկալեալ 'ի Թըշնամանս անկցին գուժ:
 Հարցն երկիր կըրէ 'ի ծոց զհանգուցելոցն յալով մարմինո,
 ՅԱրամազդայ քանզի այս մահկանացուաց ել բաժին:
 Դիցն է ոչ ինչ սըխալել, և յաջողել համակ 'ի կեանս,
 Իսկ 'ի բախտէն Հրամանաց ճողապրել չեա ինչ երբեք:

Լսեն, Եպիֆնէս, և յայսմ իսկ, որպէս աստուածոց
 միայն է ոչ ինչ սխալել և յաջողել յամենայնի. ոչ խորհըր-
 դականին եդ զցորուԹիւն ուղիղ առաջնորդելոյ պատերազ-
 մողաց, այլ աստուածոցն: Զի ուրեմն, այ անիծեալ, զիս
 վասն այգոցիկ հայհոյես, և ասես՝ զորս 'ի քո և 'ի քոյոցդ
 դու՛ս գարձուացէ՛ն դիք:

Բազում և այլ ինչ, ո՛վ արք աթենացիք, չարախօսեաց
 դա և ստեաց, այլ ընդ մին առաւել զարմացայ: Զի յիշա-
 տակ արարեալ անցիցն անցելոց յայնժամ ընդ քաղաքս,
 ոչ մտերիմ և արդար քաղաքացւոյ միտս երեր, ոչ արտօսը
 կաթեցոյց, և ոչ ինչ այսպիսի յանձին զգածաւ. այլ ամ-
 բարձեալ զձայնն խնդագին և կոկորդալիը՝ կարծէր անշուշտ
 զինէն ամբաստան լինել: Բայց ցոյցս տայր զանձնէ, զի ընդ
 վշտալից պատահարսն ոչ ինչ նման այլոց սգացեալ: Սակայն
 որ զանձն առ խնամոտս օրինաց և ընկերհաշտութեան ու-
 նի, որպէս գա աւագիկ, Թէ և ոչ ինչ այլ, փարթար զայս
 պարտի յանձին կրել, տրտմակից և ուրախակից լինել
 բազմութեան, և մի 'ի խնամս իրաց հասարակաց՝ 'ի Թըշ-
 նամեաց Թեր ելանել: Զոր դու այժմ յայտ եղեր արա-
 րեալ, զիս ամենայնի ճառաստելով պատճառ, և զքաղաքս

ինև անկեալ 'ի հոգս և 'ի տաղտապանս, թէպէտ և ոչ խնով քաղաքավարութեամբս, և ոչ խնով ինչ կամաց ինամով սկսայք գուք օգնել հելլենացւոց : Չի թէ զայդ շնորհեալ լինէիք ինձ, թէ գուք ինև գիմակաց եղբուք իշխանութեանն՝ ընդգէմ՝ յարուցելոյ հելլենաց, զմեծագոյնն յամենայն պարզևս տուեալս այլոց՝ ինձ լինէիք ընձեռեալ : Այլ ոչ ես ինչ ասացից զայդ, — զի անիրաւէի առ ձեզ, — և քաջ գիտեմ՝ զի և ոչ գուք ներեսցիք իսկ դա, եթէ իրաւ առնէր, ոչ առ ընդ իս ոխիցն՝ մեծագունի պարծանացդ ձերոց ազամասուկ ածէր 'ի վերայ :

Այլ զի է ինձ պատուհասակոծ առնել զայդտիկ, ուր այլ ևս դժնդակադոյնս ամբաստան լեալ է գորս և ստեալ զի որ զինէն Փիլիպպանալ դատասիպզէ, ս'լ երկիր և դիք, նա զի նչ ոչ բաջաղիցի : Սակայն, 'ի հերակլէս և յամենայն 'ի դիս երգուեալ, եթէ զստութիւն և զոտխասէր բանից գոռութիւն 'ի միջոյ 'ի բաց պարուրեալ՝ Ճմարտիւ ուշ ունել պարտ իցէ, թէ ոչք ոմանք իցեն արգարև, որոց վայելապէս և իրաւամբք զեղելոցն ոճիր վնաս արգասեաց 'ի գլուխ կուտեսցեն ամենեքեան, յամենայն քաղաքս դասնիցէ որ զմանեալնս գմս, և ոչ ինձ . որք յորժամ Փիլիպպեայ իրք ապիկար և յոյժ յեանեալք էին, և մէք կանխեալ ժամանեալ աղդ առնէպք, և փարելի ասէպք, և 'ի մտի դնէպք նոցա զլաւագոյնսն, առ իւրեանցն զօշաքաղութեան զհասարակաց օգտակարսն վտարանդի ետուն, իսբեալ իւրաքանչիւր զքաղաքացիս իւրեանց, և կաշառարեկ արարեալ արկին 'ի ծառայութիւն . զթեասալացիս՝ Դաւոքոս, Կինէաս, Թրասիգէոս . զարկագացիս՝ Կերկիգաս, հերոնիմոս, Եւկամպիգաս . զարգիացիս՝ Միրտիս, Տելլագամոս, Մնասէաս . զելիացիս՝ Եւքսիթէոս, Կլէոտիմոս, Արիստեքմոս . զմեսենացիս՝ որգիքն Փիլիպպեայ՝ ատելոյն աստուածոց՝ Կեոփև և Թրասիգըոս . զսիկիոնացիս՝ Արիստրատոս, Եպիքարէս . զկորնթացիս՝ Դինարքոս, Դեմաստրատոս . զմեգարացիս՝ Պաիոգորոս, Ելիքսոս, Պերկլաւոս .

զթերացիս՝ Տիմոլաոս, Թէոգիտովն, Անեմիտաս : զեւբիւս
ցիս՝ Հիպպարքոս, Կլիտարքոս, Սոսիատրատոս Կար-
ճատեալ՝ ոչ եղցի ինձ օրս բաւական՝ ՚ի զրուցել զմատնչացն
անուանս : Սղբա ամենեքեան, ա՛րք աթենացիք, թիախոր-
հուրդք են յաշխարհս իւրեանց ընդ գոսին որ ՚ի ձեզ, արք
պիղծք, սուտահասպաք և սղաջուրք, որ ծայրակառուր
յոտից և ՚ի ձեռաց եգին իւրաքանչիւր զաշխարհ իւրեանց,
արբեալք զմայլեալք, և խրախամիտ մատուակեալք⁹⁸ զա-
զատուծիւն՝ նախ Փիլիպպեայ, և այժմ՝ Ալեքսանդրի, որք
որովայնիւ և ևս ամօթալեզքն չափեն զերջանկուծիւն . իսկ
զաղիկամի ազատուծիւն և զըռնելն զդք անձանց տէր, որ
նախնի հելլենացւոցն ծագ և սահման բարուծեանց էին և
օրէնք, խախտեալ և վեր ՚ի վայր հարեալ տապալեալ :

Արդ յայսմ ամօթալի և աշխարհագոյժ աղմկէ և ՚ի զըմ
բաղէ, նա մանաւանդ՝ եթէ չէ պարտ բարբանջել, ո՛վ արք
աթենացիք, ՚ի մատնուծենէ ազատուծեան հելլենացւոց,
և քաղաքս առ ամենայն մարդիկ անըստգիւտ եղև իմով
տեսչուծեամբքս, և ես առաջի ձեր : Եւ ա՛պա կաս հար-
ցանես զիս, ընդ որո՛ւմ առաքինուծեան ինդրիցեմ ինձ պա-
տիւ փոխարէն : Եւ ևս ասեմ՝ քեզ . փոխանակ՝ զի ուր ամե-
նայն քաղաքավարք ՚ի Հելլէնս կաշառագնաց եղեն, սկսեալ
՚ի քէն, նախ ընդ Փիլիպպոսի և այժմ՝ Ալեքսանդրի, զիս
ոչ ժամանակ, ոչ քաղցրաբանուծիւն, ոչ մեծուծիւն խոստ-
մանց, ոչ յոյս, ոչ երկիւղ, ոչ շնորհ և ոչ այլ ինչ բնաւ
գրգուեցոյց, և ոչ հրապուրեաց վտարանդել ինչ յորոց
միանգամ թրաւտնս և օգուտ հայրենեացս գատեցայ : Եւ
ոչ, զոր ինչ իրատն ետու սոցա, ձեզ նման իբրև ՚ի կշիւս
ինչ՝ ՚ի շահն կոյս մէտ լինելով ետու, այլ՝ յուղիւ և յար-
գար և յանկաշառ մտաց գործեցի զամենայն . և իրաց մե-
ծամեծաց առ ինև մարդկանս վերակացու եղեալ, զամե-
նայն ուղմուծեամբ և արդարապէս և պարզաբար տնաե-
սեցի : Սոցին ահա սակս՝ ինդրեմ առնուլ պատիւ :

Իսկ զպարսպաշինուծիւնն զայն՝ զոր գու ինձ ընդ

քարոչածեալ գարովեա՝ և զփոսահատութիւն, գոհութեանց և գովեստից դատում արժանի. զի զիմորդ ոչ. բայց հեռի ուրեք յիմոց տեսչութեանցս կարգեալ: Չի ոչ վիմակաւոյց քարակարկառ պարսպեցի ես զքաղաքս և ոչ աղիւսաւար, և ոչ յայգովմեծ ինչ յիմոցս իմանամ. այլ եթէ զպարիստն իմ արդարև յիրաւի կամիս ուշ եդեալ նկատել, գաանիցես զէնս և քաղաքս և գաւառս ⁸⁶ և նաւահանգիստս, և նաւս և երիվարս և զսոցին վերամարտիկս: Չայստսիկ հանի արկի կանգնեցի ես պատուար շուրջ զԱտտիկեաւ, որչափ էր կար զօրութեան մտաց մարգոյ, և սոքիմբք պարսպեցի զաշխարհն, ոչ զշրջապատ և եթ Պիրէոնի կամ զոստանիս: Եւ ոչ ես ինչ վրիպեցի ՚ի հաշուիցն Փիլիպպեայ, ծն անդր փարգաստ, և ոչ ՚ի հանդերձանացն. այլ նիզակակցացս զօրք և զօրավարք ՚ի բախտէն: Չինչ այդոցիկ ցուցակութեան հանդէս: Պայծառ և յայտանշան. բայց գէտ ակն կալարուք:

Մտերիմ քաղաքացւոյ զինչ արժան էր առնել, ամենայն ինամով և փութով և արգարութեամբ ՚ի վերայ աշխարհին առաքինելոյն զինչ: Ո՛չ զԵւբիա ՚ի ծովէն կուսէ՝ առաջի Ատտիկոյ կանգնել ամբարտակ, և ՚ի միջերկրեայ կողմանէն՝ զԲիովտիա, և ՚ի պելոպոնիսական ծագաց՝ զսահմանորդս իւր ⁸⁷. ո՛չ զպէտոս համբարոցն հոգալ, զի համակընդ մարդս բարեկամաց մինչև ՚ի Պիրէոն հասանիցէ. և յորոց մեզն կային՝ զկէսս պահպանել՝ առաքելով թիկունս և խօսելով և գրելով զարժանն, զՊրոկոննեսոս ⁸⁸, զՔերրոնեսոս, զՏենեգոս. և զայլս առնել յանկս ՚ի մեզ և նիզակակիցս, զԲիւզանդիոն, զԱբիզոս, զԵւբիա. և զգօրս թշնամեաց զհաստահարուստս քակտել ՚ի նոցանէ, և որոց պէտք ինչ էին քաղաքիս՝ զայնս բովանդակել: Այս ամենայն պաշտեցաւ ձեզ իմով առաջարկութեանցս հրամանօք և իմով վարչութեամբս. զորս, ո՛ր արք աթենացիք, եթէ առանց խանաւորութեան կամիցի ոք նկատել, գտցէ և ուլիղ խորհեցեալս, և գործեալս ամենայն արգարութեամբ. ո՛չ

զիմիք պատեհ գերե արարեալ, ոչ սոգիտացեալ և ոչ վաարանդի տուեալ յինէն, և որ ինչ միանգամ 'ի կարի և 'ի խեղամտութեան միոյ առն էր՝ ոչինչ պակաս արարեալ: Իսկ եթէ աստուածոյ ուրուք ռիութիւն, կամ բախտին բանութիւն, կամ զօրավարացն վատթարութիւն, կամ չարութիւն դաւաճանաց քաղաքաց ձերոց, կամ այս ամենայն միահաղոյն, ամենայնի հասուցանէր զլծար, մինչև յետս ընդդէմ կործանեաց, զինչ փնաս 'ի Գիմոսութենէս: Իսկ եթէ, որպէս ինչ որ ես էի առ ձեզ ըստ իմում պայմանի, 'ի մէն մի հելլէն քաղաքացն մի եթ այր գտանէր, նա աւանիկ եթէ այր մի եթ 'ի Թետալիա, և մի այր յԱրկագիա կայր ընդ իս միախոհ, ոչ ումէք 'ի հելլենացուց ներքոյ և արտաքոյ Գրսնցն՝ ժամանէին չարիքս այս. այլ ամենեքեան ազաք և ինքնօրէն աղիկամիք, ամենևին աներկիւղ և անհոգ, երջանիկք և երանիք 'ի հայրենիս իւրեանց նստէին, այսչափ և այսպիսի բարեաց փոխարէն՝ ձեզ և այլոց աթեանացուց ինև կալեալ շնորհս:

Եւ զի ծանիղիք, թէ յոյժ իմն 'ի վայր են բանքս քան զիրացն արգիւնս՝ առ 'ի զգուշութենէ նախանձու, ծն ատտ ինձ զայսոսիկ, առ ընթերցիր զհանգէս համարոյ օգնութեանցն որ յիմմէ հրամանաց:

Հ Ա Մ Ա Ր Օ Գ Ն Ա Կ Ա Ն Ո Ւ Ք Ե Ա Ն Ց

Ձայս և զայսպիսիս, Եղբիւնէս, պարտ է գործել բարուց և քաջի քաղաքացուց, — յորոց 'ի յաջողելն, ի՞՞վ երկիր և դիք, գոյր մեզ մեծամեծս լինել անշուշտ. և իրաւամբքն լինել յար և կից էր. իսկ եթէ ընդդէմքն պատահեցին, կայ մնայ գոնէ համբաւ բարի՝ և անբասիր լինել քաղաքիս, և ոչ կամեց նորս, այլ բախտին մեզ գնել՝ որ այսպէս կըսեաց զերսն, — և ոչ թէ, երգնում յԱրամազդ, յետս ընկեցեալ զօգուտ քաղաքին՝ և թշնամեաց մտեալ 'ի վարձու, փոխանակ իւրոյ աշխարհին՝ ոսոխացն դիպօղ ժամու սպաս առ

նեւ . և ոչ , որ զիրաց զք արժանի քաղաքին բուռն հարեալ իցէ խօսել և հրտման տալ և ընտրեալ պինդ կալ մնալ 'ի նոսին , յաչաղել զայնպիսին . և թէ զք առանձինն ինչ տրրու մեցուցեալ իցէ՝ զայն քէն ունել 'ի մտի և ռիս պահել . և ոչ 'ի վերին երեսս անօրէն և մեղմեիս հանդարտութիւն ցուցանել , որպէս բազում անգամ առնես դու : Քանզի է իսկ է արդարամիտ հանդարտութիւն և օգտակար քաղաքիս , որով բազումք 'ի քաղաքացւոցդ վարիք՝ պարզմտութեամբ . այլ ոչ դովին վարի և դա հանդարտութեամբ . օն անդր , ամենեկն իսկ ոչ . այլ յետս կացեալ 'ի վարչութենէ՝ երբ և նմա հաճոյ թուիցի , և յաճախ թուի , դէտակն եղեալ սպասէ՝ թէ երբ յափրացեալ տաղտուկ լինիցիք 'ի ստեպ և անդադար խօսողէ ումէքէ , կամ եթէ հակառակ ինչ 'ի բախտէն պատահեաց , կամ դժուարին ինչ այլ 'ի վեր ել , որ ոչ սակաւ են 'ի մարդիկ , անդ յայնժամ 'ի հանդարտութենէ անտի յանկարծակի իբրև այս մի ելեալ ռոտուցեալ՝ երևի ճարտասան . և խրոխտաձայն պոռոտ բարբառոյն հանդէս արարեալ , և հաւաքեալ բայս և բանս՝ աղիսաղ խեալ տողէ զնոսին՝ համարձակ առանց սրթալոյ և հինինալոյ և ոգի կլանելոյ . յորս ոչ շահեկանութիւն ինչ է և ոչ բարւոյ իմիք գիւտ , այլ վիշտ ում է է քաղաքացւոյ , և հասարակաց խայտառակութիւն :

Սակայն այգմ վիութոյ և խնամոց , Եպրինէս , եթէ յարդարամտութենէ էին և զաշխարհին օգուտ մեծարելոյ , պարտ էր բերել պտուղ բարի և ազնիւ և բոլորեցունց արգասաւոր . դաշնաւորութիւնք քաղաքաց , արծաթոյ պաճարանք , շահավաճառի յօրինուածութիւն , օրէնադրութիւնք օգտակարք , յարուցելոց թշնամեացն ընդգէմ կազմութիւնք : Զի այդր ամենայնի էր անդ ուրեմն երբեմն խոյզ և խնդիր . և անցեալ ժամանակն յորովս ետ պատճառս առն բարւոյ և քաջի . յորս դու ոչ ուրեք երևեսցիս՝ ոչ առաջին , ոչ երկրորդ , ոչ երրորդ , ոչ չորրորդ , ոչ հինգերորդ , ոչ վեցերորդ , և ոչ յոր և ասիցեմք կարգ .

Օն և օն ո՛չ, յորս բարդաւաճութիւն ինչ մերոյ աշխարհիս լինէր : Զի ո՞ր նիզակակցութիւն քով ջանիւք հաստեցաւ քաղաքիս, ո՞ր օգնականութիւն կամ ո՞ր կահումն բարեկամութեան կամ փառաց, ո՞ր հրեշտակութիւն, ո՞ր սպաս պաշտաման՝ որով յառաւել պատիւ վերացաւ քաղաքս . զի՛նչ ՚ի մերոց աստի կամ ՚ի հելլենականաց և յօտարաց՝ որոց գամ մի վերակացու եղեր՝ ՚ի քո ձեռն ուղղեցաւ . ո՞ր այն նաւք պատերազմիկք, ո՞ր զէնք, ո՞ր նաւաց հանգրրուանք . զի՛նչ նորոգումն պարսպաց, զի՛նչ առնուծիոյ կազմութիւն . յի՛մ իմիք յամենայնէ պիտանացու ինչ ոք իցես դու . զի՛նչ գոյաւորաց կամ կարօտելոց՝ քաղաքական և աշխարհահոգ ինչ առ ՚ի քէն նպաստաւորութիւն արծաթոյ . և ոչ ինչ : — Բայց, այր դու, եթէ և ոչ մի ինչ յայդցանէ, սակայն գոնեայ խնամ և յօժարութիւն : — Ո՛ր, երբ . դու, ո՛վ անիրաւ գքան զամենայն, որ և ոչ յորժամ որոց գամ մի բարբառ արձակեալ էր ՚ի բեմիս՝ հանգանակեցին ՚ի փրկութիւն, և հուսկ ուրեմն Արիստոնիկոս՝ զարծաթն անգամ ժողովեալ իւր ՚ի տոյժս տուգանացն ⁹⁹, և ոչ յայնժամ երևեցար, և չետուր ինչ . ոչ առ չքաւորութեան . զի զի՛նչ, որ ժառանգեցերդ զինչս աներոյ քոյ Փիլիոնի՝ առաւել քան զտաղանդաց հնգից, և առերկաշառ տաղանդս կրկին՝ որ անկան քեզ հանգանակ ՚ի գրլխաւորաց զովողակից դասակարգացն, փոխանակ զի խանգար ածեր յօրէննն նաւակառուցական : Այլ զի մի բան ՚ի բանէ բարբառեալ՝ յառաջիկայիցն . աղմկիցիմ, թողից զայնոսիկ : Բայց յայտ է յայսցանէ, զի ոչ առ ՚ի չգոյէ չետուր, այլ զգուշացեալ մի ինչ հակառակ գործել այնոցիկ՝ յորոց պէտս զամենայն ինչ ՚ի գործ արկանէիր : Իսկ արդ դու յի՛մ աշխոյժ և կայտառ, և երբ պայծառափայլ : Յորժամ ընդդէմ սոցս ասել ինչ պիտոյ լինիցի, յայնս ոգեղաբարբառ, քաջուշեղ, կատակ գերագոյն, ողբերգակ թէոկրինէս ¹⁰⁰ :

Եւ ապա՝ վաղնջուց արանցն քաջաց առնես յիշատակ .

և բարւոյք առնես : Սակայն ոչ է իրաւացի, ո՛վ արք աթե-
նացիք, առնուլ 'ի ձէնը զհաւաստի հաճութիւնդ ձեր ընդ
վախճանեալսն, և ընդ նոսին 'ի քնին և 'ի կշիռ արկանել
զիս՝ որ 'ի միջի ձերում կեամ : Զի ո՛վ ոչ գիտէ, թէ ընդ
ամենեսին որ կենդանի են՝ առաւել կամ նուազ տեղի ունի
նախանձ, իսկ զմեռեալսն՝ և 'ի թշնամեաց դք ոչ ևս ատեայ :
Եւ զի այս այսպէս է անդատին 'ի բնուստ, այժմ՝ ես ընդ
առաջնան քան զիս կշռեցայց և զննեցայց . քաւ, մի եր-
բէք . զի ոչ արդար և ոչ հարթ ինչ է, Եպիսէս . այլ ընդ
քեզ և ընդ այլում ամենայնի՝ զո դք և կամիցիս 'ի կամակ-
ցացն քոց և կենդանեաց : Տես ևս, արդեօք գեղեցիկ և լաւ
իցէ քաղաքիս, վասն առաջնոցն երախտեաց մեծամեծս
յոյժ լինելոյ, մինչև ոչ ումեք զորչափն կարել ասել, զգը-
տեալսն յայժմու կեանս՝ յապախտիս և յարհամարհանս
գրել, թէ ամենեցուն՝ որոց 'ի բարւոյք մտէ ինչ գործիցեն՝
պատիւ և մարդասիրութիւն 'ի սոցանէ ժառանգել : Եւ
սակայն, եթէ պարտ իցէ ասել զամենայն, յորժամ ուղիղ
դք հայիցի 'ի քաղաքավարութիւն իմ և յընտրութիւն,
հաւասարս գտցէ և համակամս ընդ այնր ժամու գրուա-
տելի որերոյն . իսկ զքոյդ՝ ընդ նոցին զըպարտեացն : Զի
յայտ իսկ է թէ և յայնժամ կային դարովիք ոմանք ժա-
մանակակցաց և առաջնոցն գովիքք, չարայաչաղք և քո գոր-
ծակիցք : Եւ ապա ոչ ինչ համբուն նման նոցին ասես զիս .
իսկ գու նման, Եպիսէս, և եղբայրդ քո, և այլ դք բնաւ
յայժմու ճարտասանից . զի ես ոչ զդք ասեմ : Այլ զկեն-
դանին և զորս 'ի նմին կարգէ, ո՛վ քաջք, զի մի այլ ինչ ա-
սացից, ընդ կենդանիսն 'ի հարցփորձ մատո՝ որպէս զայն
ամենայն, զքանաստեղծս, զպարաւորս, զըմբշամարտիկս :
Փիլամմոն ¹⁰¹, քանզի քան զՆարիստեանն Գլաւկոս և քան
զայլս ոմանս 'ի յառաջագունիցն ըմբշաց կնատագոյն էր,
ոչ վասն այնորիկ անպասկ ելանէր յՈլիմպիայ . այլ քանզի
ճարտար քան զմտեալսն յասպարէզ անդր առ նա՝ կուռէր,
պսակ առնոյր և յաղթօղ քարողէր : Եւ գու զիս առ այժ-

մու ճարտարախօսօքն տես, առ քե, առ որով և կամիս 'ի բոլորեցունց . ոչ խորշիմ յուսմբէ: Երոց միջի, մինչքեռ առաջի կայր զօգտակարագայնսն քաղաքիս ընտրել, և աչ խարհիս խնամք՝ բարեյորդար ամենեցուն 'ի միջի կային, քաջախօս ես երևեցայ, և ամենայն ինչ իմով հրամանօք և օրինօք և պատգամաւորութեամբք տնօրինէր . իսկ 'ի ձէնջ՝ չէր դբ ուրեք, բայց եթէ յտանհարութիւն սոցա պիտոյ ինչ լինէր: Իսկ իբրև եկին ելին ընդ մեզ, որոց չէր պարտ պատահել, և ոչ ևս խորհրդականաց էր ինդիր, այլ արբանեկաց հրամանաց, և ընդդէմ հայրենեաց կազմ և պատրաստ եղելոց 'ի վարձկանութիւն, և ախորժելոց 'ի սրակել այլոց, յայնժամ գու և մէն մի 'ի գոցանէ յօրինեալ և մեծ և պայծառ տէր երիվարաց . իսկ ես՝ անաւագ, խոսաողան լինիմ, այլ՝ քան զձեզ առաւել առ սոսա խնամոտ և մտերիմ:

Ի բնէ համեստ քաղաքացւոյ, իվ արբ ակթենացիք, զերկուս զայս պարտ է յանձին բերել, — զի այսպէս ասել 'ի խօսելս զանձնէ՝ աննախանձագոյն է . — յիշխանութիւնս՝ զառաքինւոյ և զգլխաւորի կարգն պահել քաղաքիս . և յամենայն ժամ և 'ի գործ՝ զմիամտութիւն . զի այսմ բնութիւնն տէր է, իսկ կարելոյն և զօրելոյն՝ այլ ինչ իբք: Արդ զգա առ իս մնացեալ գտանիցէք մինչև 'ի սպառ: Եւ տեսէք: Ոչ 'ի պահանջիլ գլխոյս, ոչ յածել Թագիւլ 'ի վերայ իմ զամգիկաթոնեան գատաստանն, ոչ 'ի սպանալիսն, ոչ 'ի խոստմանցն աւետիս, ոչ յարձակելն յիս զնզովեալագ զայդոսիկ իբրև զգազանս, ոչ երբեք զառ ձեզ միամտութիւնն ետու ևս վտարանդի: Զի իսկզբանէ հետէ՝ անդէն և անդ զուղիղ և զարդարամեծ ճանապարհ քաղաքավարութեան ընտրեալ կալայ . պատուոյ, ճոխութեան և փառաց հայրենի աշխարհիս սպաս տանել, զնոսին աճեցուցանել, 'ի նոսին համակիլ: Ոչ ես 'ի յաջողուածս օտարաց՝ ուրախ և զուարթ ընդ հրապարակն ճեմիմ, աջ կարկառեալ և աւետիս տուեալ այնոցիկ՝ յորս ակն ունիմ թէ առ նոսա պտտմեցեն, իսկ զուրախութիւնս քաղաքիս՝ սոս:

կալեօք լսեմ և հեծութեամբք և զերկիր նշմարելով, որպէս ամպարիշտքդ այդդքիկ, որ զքաղաքս դարովեն՝ որպէս թէ ոչ նովին զանձինս իւրեանց դարովեցեն. աչք նոցա՝ ի դուրս հային, և յորս ՚ի թշուառանալ հելլէնացւոց՝ այլ դք ¹⁰² երջանկացաւ, զայնս գովեն. և պարտ է, ասեն, սկել՝ զի մինչ ՚ի սպառ. յաւերժասցին :

Բայց մի՞ դք ՚ի ձէնջ, ո՛վ դիք համօրէն, մի՞ զայստակ կանձն առեալ ակնարկեսցէ, այլ մանաւանդ և ՚ի նոսին միաս իմն և իմաստս ազգեսջիք ազնուագոյնս. իսկ եթէ այնպէս կացցեն մնացեն անբժշկելիք, զմէն մի իւրաքանչիւր կորուսիք զնոսս, և տարաժամ սատակեսջիք ընդ ծով և ընդ ցամաք. և մեզ մնացելոցս տուք արագահաս փրկութիւն ՚ի սպառնալեաց երկիւլիս, և անընդոստ խաղաղութիւն :

ՏԵՂԵԿՈՒԹԻՒՆՔ ԻՆՉ

Ի Մ Ե Կ Ն Ո Ւ Թ Ի Ի Ն Ճ Ա Ռ Ի Ս

Թիւ 1. Բանք երգմանն՝ զոր պահեալ է Դիմնութենի 'ի ճառին ընդդէմ Տիմոկրատեայ, այսպիսի ինչ են. « Եւ դատախազին և ջատագովին՝ երկոցունցն միապէս լուսոյց : »

2. Չի Եսքինէս, եթէ չշահէր զկէս և զՏինգերիբ մասն քուէից, տուժեցոց էր Հազար դրամ կամ դահեկան, որ առ նորա մեծութեամբն յոչինչ համարելի էր : Եւ այս իսկ է զոր առէն՝ թէ անիկի յիժի դատախազիցի. իբրու ոչ ինչ կորուսանել, ոչ յընչիցն և ոչ 'ի շքոյն և 'ի մեծարանացն. յորմէ բնաւ իսկ թափուք զնա տայ այդու իմանալ :

3. Ըստ սմանց մարթի նկատել 'ի բնագրին, զի առ Հելլէնսն ոչ սակաւ բանք՝ այլափոփիկ յորջորջանք են 'ի գօտէկուուոյ կամ 'ի մարտե առեալք. զի զամբաստանեալն կամ զդատափեռեալ՝ ասեն փախչող, և զդատախազն՝ հալածիչ :

4. Հրաման կամ կամս ասելին զյառաջագոյն խորհեալն յատենէ աւագանւոյն. բայց զվճիռ Պատատութեանն տալ անկ էր ժողովոյ ժողովրդեանն :

5. Ըստ հելլէն ձայնին՝ իբրև հանդէս իմն ճեմելաց. անտի առեալ, զի 'ի սպանդարամտական տօնոն շուրջ ամէին վաչիք կամ սայլէք արս գինեհարեալս, որ խենշաբար օրերս գնէին անցաւորաց, սայլին և առնուին յիշոցս. և օրէն էր անդ զամենայն դառնափէժ ժան լյոտս աստի անտի վայրենաբար ժայթքել յերեսս միմեանց : Եւ այս սկիզբն ասի լեալ թատերախաղոց, յորս գուսանամուտ էր երբեմն և Եսքինէս :

6. Յաճախ Դիմնութենէս 'ի բանս իւր, որպէս և աստ յայսմ' զլոյրի, անհարկէ յառաջին արուեստան Եւրբինեայ, զի էր ընդ երկար ժամանակ կատակազուտան 'ի տեսարանս ողբերգականն:

7. Ի դատակնիքել կատարեցին 'ի տուգանս, պարտապան լինէր հասարակաց դանձուն. և մինչև 'ի հատուցանել զպարտան՝ անպատիւ ապիրբաս լինէր, այս է՝ մերկ յամենայն քաղաքական իրաւանց:

8. Փիլիսորատէս բարեկամ' էր Եւրբինեայ, որ և տուեալն էր ժողովքդեան զերաստ խաղաղութեանն ընդ Փիլիսպոսի:

9. Յերեսաց հանգամանացն Ելլազայ չկամեցան աթենացիք օգնական լինել փոփոխացոց, թէպէտ և ուխտակից իւրեանց էին:

10. Մեանացիք, արկազացիք և արգիացիք, որ 'ի մի ուխտ մտարանութեան մտեալ էին:

11. Ջնուազ իշխանութեան գլխաւորացն իմանայ, զորս կարգեալ էր լակեգեմնաբոց 'ի քաղաքան Ելլազայ. յաղթանակ թերացոցն 'ի Լեկարա կործանեաց զնոսին:

12. Մի էր օս 'ի նշանաւոր կատակազուտանաց ժամանակին, և յոյժ մեծաբոյ յաշտ Փիլիսպոսի:

13. Երկուքեան սոքա ռամկավարք էին, հերձուածապետք ամբոխին և կողմնակիցք Եւրբինեայ:

14. Եւրբիստոս եփեսոսցի, առեալ արծաթ բազում 'ի կրեսոսէ առ 'ի զօրաժողով առնել, հասուածեալ անց 'ի կողմն կիւրսի: Անուն նորա յառակո եղև ընդ ամենայն Ելլազա՝ նշանակել Խոփեֆոյ, առ ամենայն ո՛րք նենդութիւն բաւական:

15. Աւանք էին սոքա կառուցեալք առ ծովեզերքն Թրակիոյ. և էին արքային կերտորէպտեայ՝ գաշնակցին աթենացոց, յորոց կային գունդք պահապանք յերկուս 'ի նոցանէ:

16. Յայգ անուն կոչէր՝ որում յանձն էր շէն պահել զշինուածս տեսարանին. և արձոյր արծաթ 'ի հանգիտականացն:

17. Ամենայն ջեղք ունէին կարգաւ զգահերիցութիւնն, զոր և նահապետութիւն կոչէին, զաւուրս երեսուն և հինգ:

18. Ի ժողովի ժողովրդեան, որպէս ասացաք յԵւրբինէս, զհաւանութիւնն յայտ առնէին համբարձմամբ ձեւաց, յորմէ և ձեռնաձգութիւն անուանէր կամ ձեռնարձակութիւն. նոյն ձայն է որ սլլուր ձեռնադրութիւն ասի, և ընտրեալն՝ ձեռնադրեալ:

19. Չօրագլխաց և նահապետաց միայն էր իշխանութիւն գումարերոյ դանտղոր ժողովոս ժողովրդեանն:

20. Քանզի յետ առմանն թերայ՝ Ալեքսանդր պահանջեաց յաթենացոց ասլ 'ի ձեռս իւր զԴիմնութենէս:

21. Թեսալացիք, կամ որ նոյն է՝ Թեսալացիք արհամարհք էին յաշտ սցլոց հեղինացոց զման անժուժկալութեան իւրեանց և զլորենութեան:

22. Ակնարկէ յառուձ փերեսացոց քաղաքին, և Պանդոսիոյ, և Ելատեայ, և այլոց:

23. Կամի ստել զհրեշտակութիւնս իւր 'ի Պելուպոնէս և յԱմբրակիա:

24. Եցարզութիւն և ընտանութիւն Հելլենաց, քանզի յաճախ յուզեցնացութիւննս գիպէր ընդ օտարս՝ յորոց առնջականութիւն գտանէին, յայն սակս հիւրո-նիւն բազում անգամ նշանակէ զբարեկամութիւն նոցա ընդ օտարս՝ և առանց իրիք ասոնջականութեան պատճառ և առիթ լինելոյ որոց հիւրքն կոչէին միմեանց:

25. Զվարձկանն կամ վարձաւոր՝ Հելլէն լեզու շեշտուր ձայնիւ *μισθωτός* *Ֆոնորոս* ստէ. բայց աւանդի 'ի հնոց մեկնաց, թէ Դիմոս-թենի խորամանկ խորհրդով 'ի հարցման անգ այլափոխեալ իցէ զայն 'ի նախապարաշեշտուր, և հնչեալ յատենի անգ *Ֆոնորոս*. որպէս զի գտաւուորք և փղսփուրքն, թէ և ոչ 'ի վկայութիւն իրացն ճշմարտութեան, գէթ առ ուղղելոյ զվերկակ ասոննախօսին, որպէս սովոր էին, ընդատուցեալ ազազակեցեան մտաբարձառ *Ֆոնորոս*, *Ֆոնորոս*: Յայտ եղէ թէ ընդէր և 'ի հայումս նմանաբար շեշտուր վայնաոր: Բայց այսմ հնարիմացութեան Դիմոսթենի, և կամուոր փոփոխութեան շեշտին 'ի բնագրի անգ իւրում, շին հասու եղեալ ոչ սակաւ ազազրոգք և թարգմանիչք և մեկնիչք նաւին:

26. Վերակացուք հանգիսից տեսլեանցն տասն թուով, մատակարարք էին արծաթայն կարգելոյ 'ի պէտս սօնիցն և ամենայն արարուղութեանց հասարակաց:

27. Սղաք վկայք կային, թէ գիր ամբաստանութեանն ստուգիւ մատուցաւ առ ասեանն:

28. ԶԱմփիզուլէս, զՊիզնա, զՊատիզէս:

29. Ի պաշարման Մեթոնի կորուսեալ էր Փիլիպպոս զփ ակնն. և 'ի կռուին լիւրիկեցոց՝ վիրաւորեալ յառ իւր և յանրակ, իսկ 'ի ձեռնն՝ 'ի մարտն Տրիպալաց:

30. Զօրաժօր աթենացի էր յետինդ, որ 'ի Քերսոնէս մշտաց մարտ ընդդէմ Փիլիպպեայ:

31. Փիլիպպոս երկոց փորձ փորձեաց 'ի վերայ Եւբիոյ. 'ի վերջնում պատերազմին՝ եղելոյ յառաջնում ամի հարիւր ինն Ուլիպիական, հարթյառակ արար զՊարթմոս, կարգեաց երես բաճաւորս յԵրեսորիս, և յՈրեսոս յագուանս:

32. Ի նմին ամի վերջին պատերազմին Փիլիպպեայ յԵւբիս՝ հնարեցաւ ասեալ զՄեգարա. որ գուան բանայր նմա 'ի Պելուպոնէս:

33. ԶՖուսացիս, 'ի հեռանալ արքային իւրեանց Տելեփոսի, աւար հարկանէին դրացիք նոցա. անտի՝ զամենայն ինչ զոր յառ և յազառ կամակարելոցն մատնեալ լինէր, առակարանելով մուտացոց աւար կոչէին:

34. Լեռնաս կղզի եղեան ծովուն աթենացոցն էր :
35. Սիլվիբրիացիք՝ երբեմն դաշնակիցք աթենացոց, էին յայն-
ժամ՝ ՚ի հնազանգութեան Բիզանդիոյ թրակացոց. զի էր Սիլվի-
բրիա, որ է այսօր Սելևկի, քաղաք թրակիոյ :
36. Ան հրեշտակութիւն եղև յերկրորդում ամբ հարիւր և ինն
Ուլիպիադին. մի էր ՚ի նոցանն և Դիմոսթենէս :
37. Այս արշաւան ՚ի վանել յԵւբիոյ զընհաւորան՝ զօրավարու-
թեամբ ֓ոկիոնի եղև :
38. Յայս անուն յորջորջէր քուրմն Պոսիդոնի ՚ի Մեդարա՝ քա-
ղաք գլխաւոր բիզանդացոց :
39. Սպառազէնք՝ էին հետեակ գունգք վառեալք ամենայն զինու-
զարդու պատրաստութեամբ :
40. Նուիրակութիւն կամ այցելութիւն կուէր՝ մեծ և հանդիսաւոր
հրեշտակութիւնն, զոր ազգք ազգք առաքէին ՚ի տեսիլ խաղցոց կա-
ցորդիցն Եւլադայ :
41. Այդ ամենայն քաղաքք էին Քերանեսոսի թրակիոյ :
42. Ակիտրիկ յնկերական պատերազմն՝ զոր Քիոսիւ հանգերձ
և Հառոսոի մշեցին բիզանդացիք ընդգէմ Աթենայ :
43. Անդ կուուեցան թերացիք ընդ Լիւսանդրի՝ որ և անկաւ. կո-
չեալ էին իւրեանց յօգնութիւն զաթենացիս, որոց գնացեալ հասին
ընդ առաջնորդութեամբ թրասիւրուլոսի :
44. Աթենացիք, բիովտիացիք, կորնթացիք և արգիացիք գաշնա-
ւոր եղեալ՝ զգէմկալան Սպարտայ ութ ամ ՚ի պատերազմին կորնթա-
կան ասացեալ, զի մեծ առպարէզ նահատակութեանցն Երթինթոս էր :
45. Որ եղև ՚ի յետին ամս պելոպոնիսեան պատերազմին, սկսեալ
՚ի չորեք հարիւր տասն ամէն յառաջ քան զՔրիստոս : ԶԴեկեկիս ամ-
բացուցեալ էր լակեդեմոնացոց առ ՚ի զետեղիլ անդ, և անտի գիւ-
րաւ սապատակել յԱտտիկէաստան :
46. Յարշաւել Եպամինոնդայ ՚ի Լակոնիս, առաքեցին աթենացիք
գիփիկրատէս բիւրաւ մի և երկու հազար արամբ ՚ի թիկունս օգնա-
կանութեան սպարտացոց :
47. Թեմիսոնն բանաւոր Երեսրիոյ յափշտակեալ էր զՈրովպոս
յաթենացոց ՚ի խոր խաղաղութեան, գործակից ունելով զԹեոդոր :
Յանձն առեալ միաբանեցին աւանդել զքաղաքն ՚ի թերացիս, մինչև
ժողով ամփիկտիոնեան ատենին եղիցի՝ ՚ի գատաստան. բայց ազա-
սքառ ոչ հաւանեցան տալ ՚ի գուրս զքաղաքն :
48. Ի սովորութենէ զօրութեամբ իմանի հինգիւրորդ մասնն. զի
եթէ ամբաստանն չգտանէր յիւր կողմն զկէս և գէթ զհնգերիւր մասնն
քուէից, գատասպարտէր ՚ի տուգանս. օրինակ իմն, եթէ ՚ի հարիւրոց
չտասնայր եօթանասունս :
49. Առ ՚ի կազմել զնաւան պատերազմի՝ զհազար երկերիւր ընչե-

զագոյն քաղաքացիա բաժանեալ էին 'ի քսան զոգոգութիւնս կամ գաւակարդս . յորոց իւրաքանչիւրքն 'ի վաթսուն քաղաքակցաց յօգեալ պարտէր կազմել երկուսասան կամ գոնէ տասն նաւս : Գլխաւորք զօգոգութեանցն ընչեղագոյնքն էին :

50. Մինչ չէ օրինաց իրիք կամ հրամանի վճռեալ 'ի ժողովրդենէն , եթէ որ 'ի քաղաքացւոց հակառակ ինչ զայն համարէր առաջնոց օրի նաց , պարտէր երգումմբ հաստատել թէ ամբաստան լինելոց է 'ի ժամու զՏօրէ բանին . այսմ երգման 'անուն կոչէին Իրդոմն . յամոյ կամ յածրայ : Պաշտպանին օրինաց մարթէր ապախտ առնել զայն 'մինչ չէ 'ի գատ մատուցեալ . և զայս կոչէին Յողուլ ընդ յամով Իրդման :

51. Զպահանջէին հարկս 'ի քաղաքացւոցն ' բայց ըստ այսչափ կամ այնչափ մտին զյլոցն , զոր անուանէին Ինչ ըստ սոյն : Յառաջնում կարգին կամ 'ի գատուն ' մասն այն էր հինգերիք մի եւթ :

52. Նաւապետքն անուանեալ նաւակառոյցք կամ քաշտիկք ' որ անբաւական գտանէին 'ի հասուցումն սակին , աղերս արկանէին ժողովրդեանն ' ոտս մի ձիթենի մատուցեալ եղեալ 'ի բազինն յոր զոհքն մատուցին 'ի սկիզբն ժողովոցն . կամ ապաստան լինէին 'ի մահեանն , և 'ի բազինն նստէին Արտեմայ Մունիքիոյ 'ի Պիրէոնի :

53. Պաշտօն ստոխկանացս էր փոյթ տանել կազմութեան և հանգերձանաց նաւացն ամենայն սարուք , զի պատրաստ գտանիցին ելանել 'ի ժամու . և զորս յեսնեալ և ապաժաման գտանէին 'ի նաւարարաց անտի , իշխանութիւն էր նոցա ըմբռնել և կապել զնոսս :

54. Աւայտեո կոչէին զօրէնան զոր ամբաստանօղն օրինաց իրիք կամ հրամանի ' ապր գրոշմել զէմ ընդզէմ որոց հակառակն կարծէր 'ի միւսմ ախտակի . զի միով ակնարկութեամբ տեսցեն գատաւորք զառաջին օրէնան և զնորն որ նոցին ընդ հակառակս ելեալ եղծանէին զմիմեանս :

55. Տես զտեղեկութիւնն 5 և 6 :

56. Քանզի զխառանն կամ զկանգրիւ ' փայտ առ ընազիրն , է որ ոճ խօտից իմանայ , փոխանակ աղի կամ պարաւանդ փայտեայ տակայ . և օրինակ առնու զքերդողի ասելն . Հեղումք նըւէր գալխուրանօք և սակուղ . (Վիրգիւ) . փոխանակ պարզ տակայ ոսկի գալխուրանօք : Բայց այլք անուր իմանան և թարգմանեն :

57. Որ անարգ և անպատեհ համարեալ էր գործ յայնժամ առն ազատի :

58. Ոչ 'ի պատմութիւնս և ոչ 'ի դիցարանութեան գտանի ուրեք յիշատակ կարամիտէս գիւցազին , զոր զիւպակաւ յօգեալ և յարմարեալ են աստ ոմանք . այլ ուղղեն արգի հմուտ քննաբանք , ընդ որս և Տինտոսֆ , ուսեալ 'ի Փոսիոսէ , որ բժիշկ սնն Հերովս անուն առէ լեալ . որ ըստ յոյն բառին ' գիւցազն կամ քաջ , նշանակէ : Իսկ կալափուտէն , անուն կարծեցեալ անոյս գիւցազինն , 'ի յունէն 'ի մեզե .

ղեզմարնակ լռի՝ զի թերեւս 'ի շամբուսս ուրեք բնակէր Հերով՝ յանարգազոյն վայրի :

59. Բնագիրն ասէ *ε' μπουσα* *Կ' մպուսս* . որ էր անուն խառնազազան յուշկապարիկ իմե ցնորից, զոր 'ի Հեկատոսայ Համարէին առաքեալ, և ամենայն ազգի կերպարանաց ընդունակ : Իսկ անունն Գլաւկոթէա, որպէս թէ խաժակն իմե կամ ծաւի աստուածուհի ասիցէ :

60. Աթենացիք 'ի վազ ժամանակաց Հետէ սեփականեալ էին ըզաաճարն Ապոլոնի 'ի Դելոս . զԵլոսացիք պահանջեցին զիրաւունս իւրեանց յամփիկատինեան ասենէն . և յայն սակս յղեցաւ Հիպերիզէս՝ պաշտպան կալ աթենացոց : Եւ այս ընտրութիւն, ասէ, և զև 'ի սեղանոյ սրբութեանն առնլով զքուեայս վճռոյն, որ առաւել պատկասելի էր :

61. Որ եկեալ էր յԱթէնս 'ի ժամանակի զի խորհուրդ առնուին ազատել զԵւրիա, և թիկունս օգնականութեան առաքել 'ի Հելլեսպոնոսս :

62. Երկակի իմաստս տայ ձայնդ . մի՛ երգիծանող, զի մեծազերջական չափովքն յօրինէին առնք երգիծանութեանց . և միւս՝ խանգարիչ սաղից սղբերգականց, զի և այնք մեծազերջիւք կազմէին, և Եւքրինէս գուսան՝ ծանծաքէր աղաւազէր զայնս : Իսկ որ փոքր մի զկնի առի յիմաստ Էթի՛ յայտնի է ասել 'ի ժամանակի աստ յայտմիկ որ շորհեալս է ինձ 'ի խօսել : Եւ զի ժամք լըով հոսելով չափէին առ նոսս՝ ասացեալ է մեր 'ի ճառին Եւքրինեայ :

63. Բանգի Եսթէ, որդի Ապոլոնի 'ի Կրէուսայ գտերէն Երեքթեոսի արքայի Աթենայ, հայր և իշխան էր Հելլենացոցն, որ և յունիացիք կամ ըստ մեզ Ելոնք . որոց հասուած գնացեալ և սիրով ընկալեալք յԱտտիկէ և անդ բազմացեալք, ապա յետոյ գարձեալ գուղութ չոզան անցին 'ի Եսթիա կամ յունաստան, որ 'ի նոցանէ ան գուռունն : Աստի՛ մի 'ի նախահարց աթենացոցն համարեալ էր Ապոլոն :

64. Փիլիպպոս շմարթէր ստնանել ինչ աթենացոց ընդ ծով, զի չէին նորա բաւական նաւք 'ի տանել հանել զգորս իւր յԱտտիկէ :

65. Աւանդապահս կամ նուիրապետս կոչէին զպատգամաւորն առաքեալս 'ի ժողով Ամփիկատինացն : Եւս պատերազմին ընդդէմ փոկիխացոց՝ ստացեալ էր Փիլիպպոսայ զերկոսին քուէսն, զորս ժողովուրդն այն ունէր յատենի անդ :

66. Գարասանքն անուանեալք՝ պատուիրակք էին առաքեալք 'ի ժողովն Ամփիկատինաց 'ի Զերմագրուննս՝ երթալ խօսել 'ի գիմաց բաղաբին և սալհրամանս . որպէս ծանուցար և 'ի ճառին Եւքրինեայ :

67. Որք էին արկապացիք, մտնացիք և արգիացիք :

68. Կահապետք 'ի միտին ընթրէին 'ի նահապետանոցի անդ, որ

արի Կաննիս կոչէր, մանաւանդ 'ի Ծόλος անուանեալ կամարայարկ կոն-
քաձէ խորանին :

69. Պնիքս ասացեալ տեղին, ուր լինէին ժողովք ժողովրդեանն,
էր 'ի վերայ քան զՏառարակաց հրապարակին 'ի կողմ բլրոյ միոյ մի
զմիով աշտիճանեալ :

70. Երէք հարիւրքն ճոխազոյնք էին 'ի կարգս քաղաքացւոցն :

71. Բառալըս ըստ Պլուտարքեոյ ձայներ զնա մտնկաին վասն
վախաւ և անօրամարմին լինելոյն 'ի համբախութեան տիան . կամ զի
էր յայդ անուն սրնգահար օձն եփեսացի՝ այր անառակ և յոյժ կնա-
մարդի, կամ զի յայդ անուն՝ կաշէին ատտիկեցիք զամօթոյ անգամն :
— Իցէ արդեք մարթ՝ յայդ անուն նախատական անուղ և զոր մերս
Ղազար Փարպեցի պատմէ 'ի թղթին առ Վահան մամիկանեան, թէ
նախանձոտք զՄովսէս խորենացի և զմատենան նորա Փափազէիս կա-
շէին, որպէս թէ բառալըսն :

72. Կրեոսիոնս՝ այր Մերոպէի, յոր անուն էր ողբերգութիւն մի
Երբիպիդեոյ՝ որ այժմ՝ չէ 'ի միջի : Կրեոն է բաձաւոր թերայ և աներ
Իդիպոսի՝ յԱնտիգոնէն Սոփոկլի, որ կոչ ցարգ : Իսկ Ինամայոս՝ էր
զիւցազն կորուսեալ ողբերգութեան իրիք նորին Սոփոկլի . զոր չարա-
չար խաղացեալ էր Եսքինեոյ 'ի Կոլլիտոսոս աւանին Արտիկէի, ուր
գուզնաբեոյ գուսանք խաղային . որով ծագք առնէ զնա Դիմոսթենէս :

73. Այս ինքն են քաղաքք՝ որոց տիրեալ էին Եթենացիք զժողով-
քերքն Մակեդոնիոյ :

74. Որպիտի ինչ՝ օգնութիւնն զոր մատուցին Եթենացիք թերա-
ցւոցն 'ի Հալիարք, և զգորավիզն զոր յղեցին նոցա 'ի թիկունս օգնա-
կանութեան՝ 'ի թափել զկազմեականն զղեակ թերայ :

75. Այս Կիրսիլոս իրատ տուեալ էր Եթենացւոց՝ խոնարհել և
ընդունել զՔրեոքսէս :

76. Այս է՝ զԿրեոսիոն, որ զհրամանն Եհան պտակելոյ զԴիմոս-
թենէս իրրև քաջ քաղաքաժար և երախտաւոր քաղաքին :

77. Մեծաւ յուզարկաւորութեամբ թողէին 'ի Կերամիկոն կո-
չեցեալ տեղւոյն զմարտիկան անկեալս վասն հայրենեաց . և յառաջ
քան զմարմինն հողոյ տալ խօսէին ճառ դամբանական 'ի գովութիւն
նոցին :

78. Որք էին Դուլոպք, փթիացիք և ետալացիք :

79. Աստի յառաջ պակասեն պատճէնք 'ի մէջ անեալ գրուածոցն,
որ յոյժ ցանկալի են յեանոցս, ևս և 'ի քաջիկ խելամուտութիւն ճար-
տարութեան բանիցն Դիմոսթենի : Բայց այժմու քննաբանք՝ ըստ
հին մեկնչաց՝ ոչ 'ի Դիմոսթենէ ասեն յեռեալ զայնտիկ 'ի խօսան
իւր, այլ յետ նորա յայլոց, և չկան իսկ 'ի բազում գրադիրս . և 'ի
գտեալան կան ոչ օակաւ զիւրպակք անուանց իշխանաց և ժամանակաց,
անհնարինք յուղղել հաւատուեալ զամենայն :

80. Այս հանգեցք էին մեծաց համաթենական օտնիցն :

81. Իմա նոյնպէս և աստ, որպէս և այլուր, զլիտեախփոն, որ դրեաց զհրաման այսր պսակի զսրմէ պալքարս է :

82. Հինքն մանրախիճ կոպճօք վարէին 'ի հաշիւս իւրեանց, և յայնս առնլի են ասացեալ հաշիւք :

83. Քանզի դարձոյց Փիլիպպոս զգերին աթենացւոց առանց փքրկանաց, զմեռեալն ետ թաղել, և հրեշտակս արար յԱթէնս վասն հաշտութեան առնելոյ :

84. Իմանայ զՏերէս և զլիերսորէլպտէս, որոց պատերազմ էր ընդ Փիլիպպոսի :

85. Կամ պարենապահ, կոչէին զայնոսիկ՝ որոց պաշտօն էր գնել ցորեան՝ արծաթոյ տէրութեանն, և աւանդել զայն 'ի շտեմարանս աշխարհին :

86. Ակնարկէ 'ի ժողովուրդսն Պելլոպոնիոսոյ, որ չառին յանձն գաշնաւորել ընդ աթենացիս ընդգէմ Փիլիպպոսի :

87. Ի սրբել նուիրելոցն՝ անկեալ գնէին 'ի գետնի, ընկզմեալ 'ի մեծ զիզջ և յապաշաւանս :

88. Վասն զի գիւթական զօրութիւնս ընծայէին վայրի ոսպթին՝ որ այն ինքն է շումրոյ. և պսակս 'ի սօսւոյ առնուին 'ի հանգէսս սպանդարամտական խորհրդատօնիցն :

89. Հելլէնն ատէ Կ'ոս Ա'տոց, Ա'տոց Կ'ոս. Հիւս Ա'րփիս. Ա'րփիս Հիւս. ոմանք զերկոսեանդ ևս իմանան այլ և այլ անուանս Սպանդարամեաին, կամ Դիոնիսեայ և Բակքոսի ըստ Յունաց և հռովմացոց. իսկ կէսք զՀիւս թարգմանեն իջցի, և այլք իմանան Արամազդ անձրեւածին, զոր խառնէին ևս 'ի տօնս Սպանդարամեաին, և ձայնդ իսկ նշանակէ. և էին աղաղակք բանգադուշելոցն մոլելոց աստուածապարարկաց : Ոչ գիտեմ որպէս Սարկաւազ մերս վարդապետ այլ ընդ այլոյ տունու զԱտտին՝ որ է Ատիւս կամ Ատտիս՝ ընդ Ատտէսի. զի ասէ. « ՉԱտտինի՝ այսինքն զԴիոնիսեայ կափարան (կամ կիրան) » : Թերևս 'ի նմանութենէ ձայնիցն :

90. Արգեկութք լինէին 'ի ժամանակի ազարակային օտնիցն սպանդարամտականաց :

91. Դարձուցանէ յանկարծ զգէմս բանին վայրիկ մի առ ունկընդիրն, որպէս առնէր և այլ ուրեք ուրեք, և ապա անդրէն առ նոյն գառնոյ, զոր և յառաջիկայսդ առնէ դարձեալ :

92. Այս տուն 'ի Հեկարեայն Եւրիպիդեայ է, առաջին՝ յայն առնաւ ողբերգութեան. իսկ յաջորդ՝ մեզ անյայտ թէ ուստի առեալ իցէ. և որպէս յերրորդական գուսանացն լինել ասաց զԵւրքինէս, ըստ այնմ խեղկատակելով խաղ առնէ զնա : Ապա իբրև երրորդ իմն այլ բերել կամեցեալ, տաղակացեալ՝ յանէծս փոխի :

93. Ինմանգէս հզօր ճարտարախօս և պաշտպան էր լակեգեմո-

նացուցն . իսկ Հեզեմնն՝ Ճոռոմախօս Նամարտակ՝ վարձկան Փիլիպպեայ :

94. Աթենացիք և Նիզակակիցք իւրեանց՝ երկիցս յաղթեալ էին Փիլիպպեայ մարտիւ , և Նակասն Քերոնեայ ընդ երկար եկաց անպարտելի , մինչև հուսկ ուրեմ յաղթեցան ասթենացիք :

95. Հելլենական այլասացութիւն է . զի 'ի խրախօնս նախ ըմպեալ ուրուք՝ զնոյն նուագ մատուցանէր բարեկամին . որով իմանային տալ 'ի ձեռս և մասնել զիւրն այլում :

96. Իմա զԵւբիա , զԲիոպտիա և զՄեգարայ երկիրն :

97. Զմեգարացիս , զկորնթացիս և զաքայեցիս :

98. Պրոկոնեսոս կղզի է Պրոպոնտիգեայ , այժմ՝ Մազաբա կոչեցեալ :

99. Զի պարտաւորեալ էր 'ի տուգանս ինչ , և չունելով առ ժամ չատուցանել՝ ապիրատ եղեալ անկեալ էր 'ի քաղաքական իրաւանց իւրոց ըստ օրինացն՝ մինչև հայթայթեոցէ . և զժողովեալն ևս առեալ էր :

100. Այրս այս յօրինեալ էր նախ թատրերգութիւնս ինչ . ապա ետ զանձն 'ի քսուաց և զբպարաշաց ազնուական արուեստն , յորում պնչափ յառաջագէմ գտեալ՝ մինչև անուան իւրոյ յառակս լինել :

101. Փիլամմոնդ , որպէս ծանուցեալ է և 'ի ճառին Եսքիսեայ , էր անուանի ըմբշամարտ ասթենացի :

102. ԶԱլեքսանդրոս իմանալի է , որ օր քան զօր երթալով երթայր և բարգաւաճէր :

ՄԱՐԿՈՍԻ ՏՈՒԼԼԻՈՍԻ

ԿԻԿԵՐՈՎՆԻ

ՃԱՌ

ՎԱՍՆ Ա. ԼԻԿԻՆԻՈՍԻ ԱՐՔԻԱՅ ԳԵՐԹՈՂԻ

Ն Ա Խ Ա Դ Բ Ո Ի Թ Ի Ի Ն

Ալքրիաս անտիրացի, յազգէ Յոյն, անգասին 'ի պատանութենէն համբաւեալ քերթողական հանճարով 'ի քաղաքի անդ իւրում և շուրջ յասիական կողմանսն և ընդ բնաւ Ելլազա, իբրև եկն յիտալիա, տարենտացիք՝ հռեգիոնացիք և նէապոլսեցիք 'ի քաղաքակցութիւն իւրեանց ընկալեալ զնա՝ բազում այլ ևս մեծարանօք պատուեցին: Եւ զի վասն համբաւոյն յառաջածանօթ էր յոգունց հոյակապ արանց հռովմայեցոց պանդխտելոց, շոգաւ 'ի Հռովմ. ուր ապա Լուկուլլեանք ասպնջականութեամբ յապարանս իւրեանց հիւրընկալեցին զնա: Եւ յետ թեարկութեամբ նոցին՝ քաղաքացի Հռովմայ գրելոյ, 'ի նոցանէ իսկ թուի ընկալեալ և զԼիկինիոս գանուն հռովմեացի զտոհմին իւրեանց: Հաճոյ և մեծարոյ եղեալ անդ յաշտ ոչ սակաւ աւագաց, որպէս Կ. Մետելլոսի Նուսթրեան, և որդւոյ նորա Պիոսի, Մ. Եմիլիոսի Սկաւրոսի, Կ. Լուտատիոսի Կատուլսի՝ հօր և որդւոյ, և Լ. Կրասոսի, իսկ ընդ Լուկուլլեանց եղբարց և Մ. Լիւիոսի, Դրուսոսի և Հոկտաւեանց, և Կատուլիի հօր Ուտիկեցւոյն՝ և Հորտենսեանց մտերմութեամբ ընտանեցեալ, ապա յետոյ ընդ Մ. Լուկուլլոսի գնաց 'ի Սիկիլիա վասն առտնին գործոց ինչ իւրոց: Ի փոխել նորա անտի՝ ելեալ դնաց ընդ նմա 'ի Հերակլիա քաղաք Մեծին Յունաստանի՝ որ ընդ մէջ Մետապոնտոսի և Տարենտոնի: Հերակլիացոց արժանի տեսեալ զինքն և միջնորդելով ևս մեծի առնն Լուկուլլոսի՝ գրեցին զնա յիւրեանց քաղաքակցութիւն: Իբրև 'ի Պլաւտիոսէ Սիլուանոսէ և Պապիրիոսէ Կարրոնէ օրէնքն եղան 'ի Հռովմ, զի որոց միանգամ դաշնակից քաղաքաց քաղաքացի գրեալքն իցնն, եթէ 'ի ժամանակի անդ օրէնսդրութեանդ՝ կալեալ իցնն յիտալիա տուն բնակութեան, և ընդ աուրս վաթսուն առ դատաւորին զկամս իւրեանց յայտ արարեալ, ընորհեցի

նոցա՝ Հռովմայ քաղաքացւոց անցանել 'ի համարի : Սովին օրինօք անդէն ստացեալ էր ինքնին Արքիս զհռովմական քաղաքակցութիւն . զի էր իսկ դաշնակից քաղաքին Հերակլիայ քաղաքացի , և ամս բազումն բնակութիւն 'ի Հռովմ կայեալ , և զկաման յայտնեալ Կ . Մետելլոսի Պիոսի՝ սերտ մտերմի իւրում , որ 'ի նմին ամբ դատաւորն էր : Բայց զկնի՝ ընդ Լ . Լիկինիոսի Լուկուլլոսի գանձաւորին չոգաւ յԱսիա , և անդ եկաց ընդ նմա մինչև 'ի գարձ նորին : Իսկ 'ի գնալ նորին ապա բգեշխ 'ի պատերազմն միհրդատեան , գնաց դարձեալ ընդ նմին , և ընդ իւր գարձ արար անդրէն 'ի Հռովմ վաթանամեայ : Անդ ըստ Պապեան օրինաց , զի մերժեսցին նժգեհճ՝ որ իբրև քաղաքացիական և չեն , Գրակքոս ոմն փութիչ ամբաստանութեան յարոյց 'ի վերայ քաղաքակցութեան իւրոյ՝ հերքել զնա : Կիկերոնի սովին Շառիւս , յորում և յիշատակէ զայդ ամենայն , պաշտպան եկաց նմա , առ գատաւորան՝ որպէս թուի՝ Կ . Հոկտաւիոսիւ , այն որ ապա հայրն եղև Հոկտաւիոսի Կեսարու Աւգոստոսի : Թէպէտ և են որ գատաւոր ժամանակին համարին զԿ . Ալիքիլիոս , կամ զԿ . Կիկերոնի՝ զեղբայր ճարտարախօսիս , բայց հաշիւք ամացն ոչ ներեն :

Մ. Տ. ԿԻԿԵՐՈՎՆԻ

Ճ Ա Ռ

ՎԱՄՆ Ա. ԼԻԿԻՆԻՈՍԻ ԱՐՔԻԱՅ ՔԵՐԹՈՂԻ

Եթէ գուցէ ինչ յիս հանճար, գատաւորք, որոյ իրագէտ եմ նիազութեանն, կամ թէ խօսից վարժութիւն՝ յորում ոչ ժխտեմ փոքր 'ի շատէ զիս պարապեալ, կամ թէ ինչ այսր իրի՝ հմտութիւն՝ 'ի կրթութենէ ազնուական արուեստից և 'ի հրահանգաց, յորոց վկայեմ զի ոչ երբեք սարտուցեալ եմ 'ի կեանս իմ, զայնր ամենայնի նախ Ա. Լիկինիոսս այս ² յիրաւի պահանջեսցէ յինէն զպտուղ՝ գրեթէ սեփական իմն իրաւամբք: Զի որչափ հեռագոյնս զօրեն ակնարկել միտք իմ յելս անցեալ զառանցեալ ժամանակաց՝ և զմանկութեանս յուշածել խորին յիշատակ, անդուատ 'ի վերուստ առեալ արկեալ 'ի միտ՝ զսա տեսանեմ իշխան առաջնորդ ինձ կացեալ 'ի սկսանել և 'ի զարգանալ 'ի կիրթս ուսմանցս այսոցիկ: Զի եթէ ձայնս այս բարբառոյս, սորա խրախուսանօքն և օրինօքն յարդարեալ, եղև երբեմն ոմանց 'ի փրկութիւն, ապա յորմէ զսոյնս ըն-

կալաք առ 'ի զօրավիզն այլոց լինելոյ և զայլա կեցուցանելոյ, սմին ինքեան ապաքէն, որչափ 'ի կարի մերում է, և օգնութիւն և փրկութիւն արժան է մատուցանել: Եւ մի դք ընդ այս բանս մեր զարմասցի թերևս, որպէս զի այլ իմն 'ի սմս⁵ իցէ հանձարոյ զօրութիւն քան զայս գիտութիւն և զհրահանգս խօսից, և ոչ մէք յայս ևեթ ջանս համակ նուիրեցաք զանձինս: Զի և ամենայն արուեստք առ մարդկութիւն պատկանաւորք՝ ունին ինչ ընդ միմեանս աղերս, և իբրև ազգսխառնութեամբ իմն ընդ իրեարս յեռեալ են:

Այլ զի մի ումէք 'ի ձէնջ զարմանս թուեսցի, յօրինական⁴ յայս խնդիր և 'ի հրապարակաւ դատաստան, ուր դատ վարի առ դատաւորի⁵ հոռովմէական ժողովրդեան, առ առն ընտրականի, և առաջի անաչառ քննողաց⁶, 'ի ժողովի և 'ի խռան այսքան մարդահոյլ բազմութեան, այս պիտի արկանել ինձ ճառս, որ ոչ միայն 'ի սովորութենէ դատաստանաց, այլ և յատենական ոճոյ խօսից օտար են, աղաչեմ զձեզ՝ շնորհել ինձ 'ի գատի աստ զայս ներովմս վայելական դատապիտեղոյս, և ձեզ՝ որպէս ակն ունիմ՝ ոչ ինչ դժպհի, զի 'ի ճառելս զգերտպանժ քերթողէս և զբանիբուն առնէս՝ 'ի հրապարակի աստ արանց գիտնաւորաց, և առ բարեխրատութեանդ⁷ ձերում, և 'ի գատողութեան այսր դատաւորի, թողութիւն առնիցէք ինձ խօսել փոքր մի համարձակագոյնս, և վասն առն այսպիսոյ, որոյ առ խաղաղական և ուամնասէր կենացն՝ չիք երբեք 'ի դատ ինչ և 'ի վտանգ անկեալ, վարել նոր իմն և անսովոր օրինակ բանից: Զոր եթէ տեսից շնորհեալ ինձ առ 'ի ձէնջ, արարից անշուշտ, զի զի իկինիոսս զայս՝ զմեր քաղաքացի՝ ոչ միայն չդատիցիք արժանի վտարելոյ 'ի համարոյ քաղաքացւոցս, այլ մանաւանդ ընդունելոյ, թէպէտ և չէր իսկ բնաւ:

Քանզի իբրև անց Արքիաս ըստ տիս մանկութեան, և

յարուեստից անտի որովք մանկականն հասակ սովոր է
 կրթիլ 'ի մարդկութիւն՝ ետ զանձն 'ի ջանս գրաւոր վաս-
 տակոց՝, զառաջինն անդ յԱնտիոք, ուր ծնեալն է յազ-
 նուական տանէ, յերբեմն հռչակաւոր և 'ի ճոխ քաղաքի՝
 և քաջահմուտ որերով և ազատական ուսմամբք պերճա-
 ցելոյ, անդէն վաղվաղակի եհաս նմա անցանել զամենե-
 քումբք 'ի փառս հանճարոյ : Ապա յայլ կողմանս ասիա-
 ցւոց և յամենայն յունաստան այնպէս հռչակ հարկանէր
 գալտեան նորա, զի քան զհանճարոյն համբաւ՝ ակնկա-
 լութիւն առնն, և քան զակնկալութիւն նորա՝ մուտք իւր
 և հիացումն մարդկանն առաւել գտանելին : Էր յայնժամ
 Իտալիա՝ յունական արուեստիւք և գիտութեամբք բար-
 գաւաճ, և 'ի Լատինն ևս այս ուսմուչք սիրելի յոյժ էին
 քան այժմ՝ յաւանսն յայնոսիկ, և աստ 'ի հռովմ՝ վասն
 խաղաղութեան ւերութեանն՝ ոչինչ անիննամ և ապախա-
 կային : Վասն որոյ և տարենտացիք և հոեգիոնացիք և
 նէապոլիսեցիք ⁸ պարգևեցին նմա զքաղաքակցութիւն իւ-
 րեանց և այլ ևս մեծարանս . և յորս գոյր ինչ ընարութիւն
 հանճարոյ՝ ավենեքեան արժանի ծանօթութեան և ասպն-
 ջականութեան զնա համարեցան : Սովին մեծանուն համ-
 բաւով մինչքեռ ծանօթ էր հեռաւորաց մերոց ⁹, յարեա-
 եկն 'ի հռովմ՝ 'ի բզեչխութեան Մարիոսի և Կատուլէայ :
 Եդիտ նախ բզեչխս զայնոսիկ, որոց մին՝ ¹⁰ իրս մեծամեծս
 մատենագրութեան արժանիս, միւսն՝ և զգործս քաջու-
 թեան և զփոյթ և զունկն ևս կարող էր մատուցանել :
 Մինչ գեռ ևս պատանեակն էր Արքիաս, անդէն և անդ
 ընկալան զնա Լուկուլլեանք 'ի յարկս իւրեանց : Այլ այս
 ոչ հանճարոյն ևեթ և դպրութեանցն, այլ և բնութեանն
 և առաքինութեան . զի որ պատանութեան իւրում առա-
 ջին եղև յարկ, նոյն և ծերութեան նորա գտաւ ընտանե-
 գոյն : Էր 'ի ժամանակին սիրելի Կ . Մետելլոսի, զՆումի-
 դեանն ասեմ, և որդւոյ նորա Պիոսի, քաղցրախորժ 'ի
 լուր Մ . Եմիլէայ, կենակից Կ . Կատուլոսի՝ հօր և որդւոյ,

արդոյ յաչս ի . Կրատսոսի . իսկ լուսկուլլեանս և զԻրուսոս և զՀոկտաւեանս և զԿատոնն ¹¹ և բովանդակ զտունն Հորտէնսեանց ընտանութեամբ յինքն յարեցուցեալ 'ի մեծաշուք պատիւ վայելէր . զի ոչ միայն որ շքմարտիւ ուսանել ինչ և լսել կղկաթն էին , այլ և որ ձևանայինն՝ յարգէին զնա :

Զայնու ժամանակաւ յետ ոչ սակաւուց , իբրև չոգաւ ընդ Մ . Լուսկուլլոսի 'ի Սիկիլիա , և իբրև 'ի դաւառէ անտի մեկնեցաւ ընդ նմին լուսկուլլեայ՝ եկն 'ի Հերակլիա ¹² . որ քանզի արդարագոյն իրաւամբք և դաշամբք ¹³ քաղաք էր մեր , կամեց աւ սա քաղաքակից նմա լինել . և այսմ ինքնին արժանաւոր դատեալ և զօրութեամբ և շնորհիւն լուսկուլլոսի ընկալաւ 'ի հերակլիացւոցն : Յօրինաց Սիլուանոսի և Կարբոնի տուաւ քաղաքակցութիւն « որոց միանգամ 'ի դաշնաւոր քաղաքս 'ի համար մտեալքն իցեն , եթէ 'ի ժամանակի անդ օրինադրութեանն՝ յիտալիա իցեն բնակաւորք , և ընդ աւուրս վաթսուն ¹⁴ առ դատաւորին զկամն իւրեանց ցուցեալ : » Եւ զի սա ամս քաղումս 'ի Հռոմ բնակեալ նստէր , յայտնեաց զկամնն առ Կ . Մետելլոսի դատաւորի՝ իւրում մտերմին :

Արդ , եթէ զիրաւանց քաղաքակցութեան են մեզ բանք , չասեմ ինչ այլ . վճարեալ է դատս : Զի իմ իմիք յայսցանէ , իվ Գրակքոս ¹⁵ , մարթիցի եղծանել : ԶՀերակլիայ քաղաքակցութիւնն արդեօք ժխտիցես : Մերձ է այր մեծազօր իշխանութեամբ և կրօնիւք և հաւատով Մ . Լուսկուլլոս , որ ասէ զանձնէ՝ ոչ 'ի կարծ ինչ վկայել , այլ հաւատսի գիտութեամբ . ոչ յականջալուրս և եթ , այլ անձամբ ականատես եղեալ . ոչ անդ գիպելով և եթ , այլ արդեամբք եղեալ գործամուխ : Աստ են և դեսպանք հերակլիացիք , որեար ազնուական , 'ի պատճառս այսր դատաստանի՝ պատուիրանաւ և համաշխարհի վկայութեամբ հասեալ կան , և Հերակլիայ քաղաքացի տսեն զնա գրեալ :

Արտանօր դու զհերակլիացւոց քաղաքական գիււանա .

գիրսն պահանջես, զորս յիտալական մարտին 'ի հրայրեացս անդ գիւանինն ամենեքին գիտեմք յաշիւն դարձեալ: Ծաղու բանք են, զորոց առ ձեռն ունիմք՝ ոչինչ ասել, և զոր անհնարն է ունել՝ խնդրել. լուել զմարդկան յիշատակէ, և զմատենից յիշատակարանսն յուզել. և ուր առ քեզն կայցեն մեծի առն երկիւղածութիւն և անխարդախ մարդկան երդումն և հաւատ, որոց չեք իւիք աղաւաղել, զայնս մերժել, և ցանկալ յիշատակագրոց՝ զորոց դու իսկ ինքնին վկայես թէ սովոր են զեզծանիլ:

— « Բնյց ոչ կալաւ բնակութիւն յիտալիս: » — Սա՞, որ այնչափ ամբ յառաջ քան զքաղաքակցութիւնն՝ ըզհռով՝ արար իւր օթեան ամենայն իրաց և բախտին: — « Այլ չեք յայտ զկամս իւր արարեալ: » — Նա մանաւանդ յայն գիւանագիրս գրոշմեալ կայ, որ 'ի պաշտամանէ անտի և 'ի դասէ դատաւորաց՝ նոքա միայն առնուն զօրութիւն հասարակաց գայրութեանց: Քանզի յորժամ գիւանագիրք Ապպեայ ¹⁶ ոչ 'ի պահ զգուշութեան լինել համբաւէին, և թեթեամտութիւն Գաբինեայ ¹⁷ մինչեռ ողջանդամն էր, և յետ դատապարտութեանն թշուառութիւն նորա՝ զամենայն հաւատս արձանագրոց ապախտ արարին, Մեռելլոս՝ այրն սուրբ և պարկեշտակրօն քան զբնաւս՝ այնչափ փոյթ և խնամկալաւ, մինչև առ ի. ինտուլոս գատաւոր և առ իրաւարարսն երթեալ՝ զմիոյ անուան քերուածոյ ասել զանձն խռովեալ: Իսկ արդ 'ի գիւանագիրս յայստիկ ոչինչ տեսանէք քերուած յանուան Ա. ի կիկնիոսի:

Որ զի այս այսպէս, առ իմէ՞ երկմտիցէք զքաղաքակցութեան սորա, մանաւանդ յորժամ և այլոց քաղաքաց 'ի համար քաղաքացւոյ թուեալ է: Քանզի ուր բազմաց չափաւորաց և ոչ իւիք արուեստիւ կամ դուզնաբէիւ իւիք պանծացելոց՝ ձրի տարապարտուց զքաղաքակցութիւն բաշխէին մարդիկն 'ի յունաստան, կարծեմ ¹⁸ թէ հուգիոնացիքն կամ լոկրացիք կամ նէպոլսեցիք կամ տարենտացիք՝

զոր Թատերական ճարտարացն սովոր էին պարգևեւէլ առատաբար , զնոյն սմա՝ գերագոյն փառօք հանձարոյ ճոխացելումն՝ չիցեն կամեցեալ : Զխնչ ապա , մինչ դեռ այլք՝ ոչ միայն յետ շնորհելոյ քաղաքակցութեանն , այլ և յետ Պապեան օրինաց յեղանակաւ իւրք՝ ՚ի դիւանադիրս ժողովրդոցն այնոցիկ սարգեալ իցեն . իսկ սա , որ և ոչ ՚ի պէտս իւր առնու զայնոսիկ՝ յորս և գրեալ իսկ է , զի միշտ հերակլիացի լինել կամեցաւ , ընկեսցի՛ ուրեմն արտաքս :

Բայց սակայն զաշխարհագիրս ¹⁹ մեր որոնես : Իբրև զի Թաքուն ²⁰ իմն է , Թէ առ վերջին աշխարհամարօքս՝ սա ընդ մեծափառ զօրագլխին Լուկուլլոսի ՚ի բանակին ²¹ էր , առ միջնովքն՝ ընդ նմա որ գանձապետն էր՝ յԱսիա գտանէր . իսկ առ առաջնովքն ²² , առ Յուլիաւ և Կրասոսիւ , և ոչ մասին՝ միոյ ժողովրդեան եղեալ է աշխարհագիր : Բայց քանզի աշխարհագիրն ոչ զերաւունս քաղաքակցութեան հաստատէ , այլ ցուցանէ միայն՝ զի որ յաշխարհամար մտեալն իցէ՝ այնպէս իբրև քաղաքացի ձեւացեալ է յայնժամ , սա զայնու ժամանակօք , զորովք դու ամբաստան լինիս , Թէ ըստ իւրում իսկ մտաց՝ և ոչ յիրաւունս հռովմէական քաղաքացեաց վայելեալ իցէ , բազում անգամ կտակ գրեաց ըստ մերոցս օրինաց , և զհռովմայ քաղաքացւոց ժառանգութիւնս ընկալաւ , և վասն բարերարութեանց՝ ՚ի դանձա աշխարհին արձանագրեցաւ ²³ ՚ի Լ . Լուկուլլոսէ դատաւորէ և բղեշխէ : Ե՛րթ ապա ինդրեա գուքեզ հաւաստիս , եթէ կարես . զի ոչ երբէք ըմբերանեսցի սա , ոչ ըստ իւրոց և ոչ ըստ բարեկամացն մտաց :

Հարցանիցես Թերևս զմեզ , Գրակքէ , Թէ զի՞ այսչափ անուամբս այսուիկ հեշտանայցեմք : — Վասն զի զայն ինչ նօթձէ մեզ՝ յոր կազդուրեսցին ոգիքս յատենական ազմիէ աստի , և հանգիցեն սկանջք պարտասեալք յամբոխ աղաղակէս : Համարիցիս Թէ առ ձեռն մեզ կայցէ խօսել հանապազօր յայսչափ գունակ գունակ կերպարանս իրաց , եթէ չհրահանգիցեմք զմիտս մեր գիտութեամբ . կամ Թէ

միտք մեր տոկայցե՛ն այսքանոյ ճգնութեան , եթէ ոչ նովին գիտութեամբ անդորր ինչ առնիցեմք : Այլ ես խոստովան լինիմ , թէ զտովին ուսմամբք զանկեալ և զգածեալ է իմ . յամօթ լիցին այլք , եթէ այնպէս 'ի դպրութիւնս խթեցան ոմանք , զի չունիցին ինչ անտի հասարակաց հանել արգասիս , և ոչ 'ի տեսիլ և 'ի լոյս ընծայել : Իսկ ինձ առ ինչ իցէ ամաչել , որ այսչափ ամբ են՝ այնպէս կեամ , դատաւորք , զի ոչ երբեք 'ի կարիս ինչ ուրուք կամ 'ի բարիս՝ յետս զիս ընկրկեաց հանգիստ իմ , կամ 'ի բաց դարձոյց հեշտութիւն , կամ յուլացոյց քուն : Վասն որոյ՝ ո՞ այն զք որ զիս կշտամբեացէ , կամ ո՞ իրաւամբք ցամնուցու ընդ իս , եթէ զժաման՝ որ այլոց շնորհին 'ի վճարումն պիտոյից իւրեանց , որ 'ի հանդէս տօնական ավուրցն խաղուց , որ առ այլ ևս զքօսանս զուարճութեանց , և որ առ ինքն իսկ հոգւոյ և մարմնոյ հանգիստ , և զոր այլք նուիրեն կանխեալ յերկարեալ խրախճանաց , և զոր ուլանց և գնդի խաղալոյ , զայն ես ինձ 'ի գեգերանս առից ախորժակացս այսոցիկ : Եւ այնչափ ևս առաւել ներելի է ինձ այս , զի 'ի վարժից աստի յարգեալ համարի ²⁴ և այս բանախօսութիւն և ճարտարութիւն . որ որչափ ինչ և իցէ յիս , ոչ երբեք ապաժաման գտա՞ն 'ի վտանգս բարեկամաց : Որ եթէ ումեք թեթեւ ինչ թուիցի , և զմեծագոյնն թէ յորմէ աղբերէ առնուցում՝ այնմ ևս քաջ խելամուտ եմ : Զի եթէ ոչ 'ի մանկութենէ՝ բազմաց խրատուք և բազում դպրութեամբք զմիտս յայն հրահանգուցեալ էր , թէ չիք ինչ 'ի կեանս առաւել քան զգովութիւն և զպարծանս փափաքելի , և թէ 'ի գիւտ նոջին՝ դոյզն ինչ է գրելի զամենայն չարչարանս մարմնոյ և զամենայն վտանգ մահու և սքսորանաց , ոչ երբեք վասն փրկութեան ձերոյ տայի զանձն յայնքան 'ի մեծամեծ մաքառմունս և 'ի հանապազորդ հէնս խուժանի արանց ապականելոց և անուանարկաց : Բայց լի են մատեանք ամենայն , լի իմաստնոցն ձայնք , լի և հոժեալ օրինակօք վաղք ժամանակաց , որք առ հասարակ 'ի խաւարի անկեալ մնային ,

եթէ ոչ հասանէր դպրութեանցն ըյս : Քանի՛ն յաճախ նկարագիրս , ոչ 'ի նկատել և եթ , այլ և 'ի նախանձաւոր լինել , թողին մեզ օրինակագիրք յոյնք և լատինք զարանց քաջաց կենդանագրեալս . զորս իմ ցանգ առաջի աչացս արձանացուցեալ 'ի վարչութեան պետութեանս , զմիտս իմ՛ և զհոգիս 'ի նոյն իմաստս արանցն ընտրականաց տպաւորէի :

Հարցանիցէ որ թերևս . Իսկ զիմորդ . յիթէ և արքն այնորիկ վեմականք , որոց առաքինութիւնք 'ի գիրս դրոշմաւք են , սովին գիտութեամբք հմտացան՝ զորս գու գութութեամբք պանծացուցանես : Դժուարին է հաւաստել զայդ զբողոքեցունց . բայց աներկևան է իմ առ այդ պատասխանի : Զբազումս վկայեմ ես առանց գիտութեան արս վեմամիտս և առաքինիս լեալ , և իբրև յաստուածեղէն իմն բուսոյ բնութեան՝ համեստս և զգօնս : Սո՛ աւատիկ և զայս յաւելում , զի բազում ուրեք բնութիւն առանց գիտութեան բաւական գտաւ 'ի փառս և յառաքինութիւն , քան գիտութիւն առանց բնութեան : Բայց սակայն և զայս վիճիմ , զի ուր ուրեք յրնտիր և յազնիւ բնութիւն զուգաւորեսցին հրահանգք ինչ և յօրինուածութիւն գիտութեան , անդ սքանչելին այն և անհամեմատ չգիտեմ զինչ՝ սովոր է 'ի վեր երևել : Զի 'ի թուոյ աստի էր զոր հարքն մեր տեսին զայրն աստուածային՝ զԱրիւրիկեցին²⁸ , աստի Կ . Լէլիոս , Լ . Փուրիոս , արք ժուժկաւք և զգաստասէրք . աստի այրն արիական և գիտնաւոր 'ի ժամանակին՝ Ծերունին այն Մ . Կատովն . որք եթէ ոչ ինչ շահէին 'ի դպրութեանց՝ 'ի գիւտ և 'ի կիրթս առաքինութեան , ոչ բնաւ յուսումն նոցին բերէին պարապ : Բայց թէպէտ և ոչ արգիւնքս այս մեծ ծնանէին , և զուարճութիւն և եթ էր ջանիցս կատարած , համայն՝ որպէս ինձ թուի՝ յոյժ վայելուչ վարկանէիք մարդոյ և ազատական՝ զմտագիւրութիւնս զայս : Զի այլք՝ ոչ ամենայն ժամանակի են , ոչ ամենայն հասակի և ոչ տեղոյ . իսկ այս ուսմունք՝ զմանկութիւն

վարժեն²⁶, զժերուԹիւն զբօսուցանեն, զարգ են 'ի յաջողուածս, 'ի ձախողանս՝ ապաւէն և սփսփանս ընձեռեն, հեշտուԹիւն են առանին, արտաքոյ՝ ոչ ինչ խափան լինին, ընդ մեզ հսկեն, ճանապարհ առնեն, 'ի հով ելանեն:

Զի Թէպէտ և մեզ անձամբ անձին չցոյր հնար յոյնս ժամանեւ, և ոչ մերով ճաշակելեզքս առնուլ զհամ, սակայն և 'ի տեսանելն յայլ՝ զարմանալ պարտ էր ընդ այնոսիկ: Ո՞ 'ի մէնջ այնպէս վայրենամիտ և խտտաբիրտ երևեալ, որ դեռ ընդ դեռ ոչ աղիտացաւ 'ի մահն Ռոսկիտսի²⁷. զի Թէպէտ և տըւոր վախճանեալ, այլ վասն մեծի արուեստին և շնորհացն՝ Թուէր Թէ չէր պարտ մեռանել: Արքնա՝ մարմնոյն միայն շարժուածովք զամենեցուն մեր զսիրտս յինքն էր յանկուցեալ. մեք անփոյթ առնիցեմք զանհաւատալի շարժմամբք մտաց և զարուԹեամբ հանձարոյ: Ես զայս Արքիաս քանիցս տեսի, դատաւորք, — զի ձերով ներու զամտուԹեամբք վարեցայց, որովհետև այգչտփ ուշիւ ունկնդրուԹիւն ինձ մատուցանէք յայս նորօրինակ բանախօսուԹիւն, — քանիցս տեսի ես զսա՝ առանց ինչ նշանագրելո՞ ընտիր ընտիր տունս բազմաԹիւս ափ յափոյ յանկարծաԹափ ածեւ ճառել զիրաց իրաց առժամայն պատահելոց: Քանիցս դարձեալ անդրէն վերստին զնոյն բանս կրկնել յեղյեղել այլափոխ բայիւք և իմաստիւք: Իսկ զոր ինամոմն և ուշի ուշով գրէր, այնպէս 'ի գովուԹիւն առեալ տեսի զայնս, մինչև 'ի վաղնջուց մատենագրացն ժաման լինել 'ի փառս: Իսկ արդ զսա ես ոչ սիրիցեմ, ոչ պքանչացայց ընդ սա, և չհամարիցիմ ամենայն իրաւամբք պաշտպանուԹեան արժանի: Այլ յարանց ականաւորաց և բազմահրմից այսպէս ընկալաք, Թէ այլոց իրաց ուսմանց գոյ գիտուԹեամբ և օրինգք և արուեստիւ կատարել, իսկ բանաստեղծին՝ անդասին 'ի բնուԹենէն է ունել զօրուԹիւն, և իւրոյ մտացն կորովով շարժել, և հոգի իմն գողցես աստուածեղէն կրել յանձին շունչ: Վասն որոյ մերն այն Եննիոս յիրաւի նուիրականս կոչէ զբանաստեղծան, զի իբրև

յաստուածոց իմն պարզեաց և շնորհաց երևին 'ի մեզ աւանդեալ: Լիցի արդ սուրբ առ ձեզ, գատաւորք, առ արագ մարդասերս՝ անուռ բանաստեղծի, զոր ոչ մի ինչ գուժ վայրենութիւն պղծեաց երբէք: Վէմք և ափափայք 'ի ձայն նորա դռնչեն արձագանգս, գաղանք ամեհիք ողբքին յաւախ երդովքն և ոտնակառեն՝²⁸. մեք 'ի լաւագոյնսն ընդէլակրթեալքս ոչ շարժիցիմք 'ի քերթողացն բարբառ: Զհռ մերոս քաղաքացի իւրեանց ասեն լինել կոյուփոնացիք, քիացիք յիւրեանս վտարեն, պահանջեն սալամինացիք, իսկ զմիւռնացիք՝ իւրեանց լինել հաստատեն. վասն որոյ տաճար ևս սրբեցին նմա յաւանի անդ. [Թող զգտաս, այլ ևս յողվագոյնք մարտ եգեալ կռուին ընդ միմեանս:

Արդ նոքա զօտարն, քանզի բանաստեղծ էր, յետ մահուն ևս 'ի միմեանց խլեն. մեք զսա զկենդանիս՝ որ սրտի կամաւ և օրինօք մերս է՝ 'ի բաց հանեմք. ուր զի երբեմն և զամենայն ճիգն և զհանձար [Թափեալ է Արքիայ 'ի քարոզել զփառս և զպարծանս հռովմեական ժողովրդեանս: Զի և 'ի կիմբրացւոցն իրս 'ի պատանութեան ձեռն արկեալ՝ նմին իսկ՝ Վարդիոսի, որ անագղելի ոք [Թուէր այսց ախորժակաց, հեշտալի գտաւ: Զի և չիք ոք այնպէս դժոխահեռ ընդ Մուսայս, որ ոչ մտադիւր ողջունեսցէ՝ [Թէ ոք զլաւերժայիշտտակ հոչակ վաստակոց իւրոց հարկանիցէ 'ի տաղս: ԶԹեմիստոկիէս՝ զայրն մեծ զաթենացի, իբրև հարցաւ [Թէ ո՞ր լուր կամ ո՞յր ուրուք ձայն քաղցրասցի յունկն իւր, աւանդեն ասացեալ. «նորայն՝ որ զիմ՝ քաջութիւնս սքանչելապէս քարոզ կարդայցէ»: Վասն որոյ և ինքն Մարիոս առանձինն իմն սէր կայաւ առ Լ. Պլուտիոս²⁹, որոյ հանձարովն ակն ունէր [Թէ համբաւեսցին հանդէսք քաջութեան իւրոյ: Իսկ 'ի սմանէ՝ պատերազմն միհրդատեան մեծ և տաժանելի և բազմօրինակ ընդ ծով և ընդ ցամաք յածեալ, նկարագրեալ է բովանդակ. որ ոչ զԼ. Լուկուլիոս միայն՝ զայրն քաջ և զանուանի, այլ և զանուն հռովմեական ժողովրդեանն փառաւորեն մատեանքն

այն: Զի ժողովուրդն հռովմէական զօրավարութեամբն
 Լուկովլիեայ փեռեկեալ երաց զՊոնտոս, զպարսպեալն եր-
 բեմն Թագաւորական հարստութեամբ և նովին խկ բնու-
 թեամբ աշխարհին. բանակ ժողովրդեանն հռովմայ նորին
 առաջնորդութեամբ սակաւաձեռն դնդաւ խորտակեաց
 զանթիւ զօրս հայոց. հռովմէական ժողովրդեան են պար-
 ծանք, զի սերտ մտերիմ քաղաքն Վիւղիկեցւոց, նորին խոր-
 հրրդով, յամենայն հինէ արքային և ՚ի բոլոր պատերազմին
 բերանոյ և յորկորոյ կորզեալ ապրեցաւ. մեր հանապազ
 պատմեսցի և քարոզեսցի՝ մարտիւ պատերազմացն Լու-
 կովլիեայ՝ սատակմամբ զօրագլխացն խորասուզեալ նաւա-
 տորմն թշնամեաց, և անհաւատային այն առ Տենեդեաւ
 նաւամարտ. մեր են նշանք յաղթութեան, մեր արձանք
 յիշատակի, մեր յաղթանակք: Ապա որոց հանձարովն այ-
 սոքիկ հուշակին, հռովմէական ժողովրդեան համբաւի ա-
 նուն: Սիրելի եղև երիցուն Ափրիկեցւոյ մերս Եննիոս.
 վանն որոյ և ՚ի շիրմին Սկիպիոնեանց համարի նա պատկեր
 կանգնեալ ՚ի կճոյ ³⁰: Բայց նորա գովութեամբք ապաքէն
 ոչ դրուատեալքն միայն, այլ և հռովմէական ժողովրդեանն
 զարդարի անուն: Կախահաւ սորա ³¹ Վատովն՝ յերկինս
 բարձրանայ. պատիւ մեծ առաւելու յիրս հռովմէական
 ժողովրդեան: Միով բանիւ, ամենեքեան նղբա առ հապա-
 րակ՝ Մաքսիմոսք, Մարկելլոսք, Փուլուիոզք՝ ոչ առանց
 ամենեցուն մեր համօրէն պարծանաց շքեղանան: Արգ-
 զայրն զայն Ռուգիեցի ³² որոյ զայստսիկ արարեալ էր՝ նախ-
 նիքն մեր ՚ի քաղաքակցութիւն ընկալան. մեք զհերակլիա-
 ցիս զայս, զցանկալիս քաղաքաց բազմաց, և զօրինօք հաս-
 տատեալս ՚ի սմա, վարեսցնւք արտաքս ՚ի մերմէ քաղաքէս:

Իսկ թէ ոք դոյզն ինչ և եթ Քամացիցի ժողովել արդա-
 սիս փառաց ՚ի սաղիցն յունականաց ³³ քան ՚ի լատինա-
 կանաց, անհնարին սխալէ. վանն զի յունականքն ընդ հա-
 մօրէն իսկ գրեթէ ազնիս ընթեռնուն, լատինականք յանձ-
 կազոյն սահմանս իւրեանց գրաւեալ ամփոփին: Վանն

որոյ , եթէ արարուածք քաջութեանց մերոց ընդ ամենայն ծագս տիեզերաց ընդարձակեալ են , յոր վայր ժամանեալ իցեն զէնք բազկաց մերոց՝ անդր և փառաց և անուան մերոյ յանկալի է խաղալ անցանել . զի եթէ պանծալի են այսոքիկ ազգացն որոց իրք 'ի գիր ելանեն , ապա ևս առաւել որոց միանգամ զգլուխս վասն փառաց 'ի կշիռս դնիցեն՝ քաջալերութիւն են 'ի վասնգա և 'ի ճգնութիւնս : Քանի՛ ամբոխ մատենագրաց իրացն իւրոց ընդ իւր ունել պատմի մեծն այն Ալէքսանդր . և սակայն յորժամ 'ի Սիդէոն առ Աբելլէոյ դամբանին հասեալ եկաց , « Ո՛վ երանելիդ , ասէ , պատանեակ , որ քաջութեանդ քում զՀոմերոս գտեր քարոզ : » Եւ արդարև յիրաւի . զի եթէ չէր Իլիականն այն 'ի միջի , գերեզմանն այն՝ որ զմարմին նորա ծածկէր՝ և զանուն նորա կորուսեալ էր հետախաղաղ : Զի՛նչ այլ . և մերս այս Մեծ ³⁴ , որ զբախտին յաջողութիւն ընդ քաջութեան հաւասարեաց , ո՛չ ապաքէն յատենի զօրականին պարգևեաց քաղաքակցութիւն Թէոփանեայ միտիլենացոյ՝ վիպագրի գործոցն իւրոց . և արի արքն մեր այնոքիկ , բայց շինականք և զինուորք , քաղցրութեամբ իմն փառաց յոր գորեալք , իբրև նոցին պարծանաց հազորդս , մեծամեծ ձայնիւք հնչմամբք հաճեալ ընդ այն հաւանեցան : Իսկ արդ Արքիաս , եթէ չէր օրինօք քաղաքացի հռովմէական , չկարաց՝ կարծեմ՝ ³⁵ 'ի զօրագլխէ ումեքէ զքաղաքակցութեան առնուլ պարգև : Ի շնորհեւ զայդ Սիլլայի Սպանոսաց և զաղատացոց , մերժելոց ինչ էր զսա՝ եթէ ինդրէր , այն որ տեսաք մէք զնա յատենի հրապարակին , զի յորժամ քերթող դք անպիտան 'ի ժողովըդենէն մատոյց առ նա դրկոյս ինչ , յորում երգս ինչ զմանե յօրինեալ էր միայն՝ փոխ առ փոխ տողիւք սաւղ ինչ երկայնիւք ³⁶ , անդէն առ ժամայն՝ յորոց վաճառէրն ³⁷ յայնժամ՝ հրամայեաց տալ նմա վարձս , պայմանաւ՝ « զի մի ևս այլ գրեսցէ ինչ այնուհետև : » Որ զմանս չմարթուն քերթողին վարձուց ինչ դէթ համարեցաւ արժանի , սորա հանձարոյն և հարստութեան

'ի գիր և ճոխութեանն ոչ ըզձանայր: Եւ զինչ. միթէ և 'ի մտերմէն իւրմէ Կ. Մեռելի՛րոսէ Պիտէ, որ բազմաց շնորհեաց զքաղաքակցութիւն, ոչ անձամբ և ոչ 'ի ձեռն Լուկուլի՛եանց չմարթէր 'ի ձեռս բերել, որոյ մտնաւանգ այնքան էր անձկացեալ արձանագրութեան գործոց իւրոց, մինչև քերթողաց անգամ ոմանց՝ 'ի Կորդուբա ³⁸ ծնելոց՝ խոշոր իմն և օտարախորթ հնչմանց մատուցանել զունկն իւր: Զի և չէ պարտ թաքուցանել զայս, որում անմարթ իսկ է աղօտանալ, այլ խոստովան լինել. ամենկեանս գովութեան տենչանգ ձգիմք, և ամենայն ոք վեհանձն՝ առաւել ևս վարեալ ընթանայ 'ի փառս: Կղբին իսկ իմաստասէրք՝ 'ի գիրսն անգամ զոր յազագս արհամարհութեան փառաց մատենագրեն, զանուանա իւրեանց գրոշմնն 'ի նոսին. և 'ի նմին իսկ յորում զհամբաւ և զքաջատոհմութիւն խոտեալ անգոմնեն, քարոզիլ և անուանի լինել փափաքեն: Մեծն այն այր և զօրավար՝ Դեկիմոս Բրուտոս, տաղիւք ներս սիրեցելոյն իւրոյ Ատտիտի՛ գգրունս տաճարաց և մահարձանաց իւրոց զարդարեալ պճնեաց: Կա և այն ևս՝ որ զԵննիոս ընդ իւր տարեալ ուղեկից՝ ընդ ետոյլացիսն կուռեցաւ, Փուլուիոս, ոչ ինչ երկմտեաց զանկածն իւր յաւարէն Արիսի՛ նուիրել Մուսայից: Վասն որոյ, քաղաք՝ յորում զօրավարք գոգցես դեռ ևս 'ի զէն և 'ի զարգ պատերազմի՛ զքերթողացն անուանս և զտաճարս Մուսայից մեծարեալ պատուեցին, չէ արժան 'ի նմա խաղաղագեաց պատմութեանեալ դատաւորաց հետեւ 'ի պատուելոյ Մուսայից և կեանս առնելոյ բանաստեղծաց:

Եւ զի մտադիւրագոյնս զայգ առնիցէք, զանձն ձեզ, գատաւորք, արկից առաջի օրինակ, և զիմմէ աստի սաստկագին թերևս՝ սակայն արդարավայելուչ փառասիրութենէ՛ եղէց առ ձեզ խոստովան: Զի զոր մէքս 'ի բզեխութեան մերում ընդ ձեզ գործեցաք իրս՝ 'ի փրկութիւն ոստանիս և պետութեանս, և 'ի վերայ կենաց քաղաքայնոցս և 'ի վերայ տէրութեանս առ հասարակ, ձեռն արկ սա՛ 'ի

նոսին և սկիզբն արար տաղից. զորս լուեալ իմ, քանզի մեծ ինչ իր և հեշտալի թուեցաւ ինձ, յորդորեցի զսա 'ի կատարումն ածել: Զի առաքինութիւն ոչ այլ ինչ ինդրէ փոխարէնս վաստակոց և վտանգից՝ բայց 'ի փառաց աստի և պարծանաց. որ եթէ 'ի բաց կողոպտիցի, զի է զի յանձուկ ասպարիսի աստ կենաց և 'ի սուղ՝ յայսչափ 'ի ծանր աշխատութիւն զանձինս արկանիցեմք: Ապաքէն, եթէ ոգիքն չունէին ինչ զգայութիւն յապայս, և եթէ 'ի սահմանս յորս ժամանակ կենացս բովանդակի' 'ի նոսին և եթէ զամենայն խորհուրդս մտացն վճարէին, ոչ յայիքան երկս տողէին զինքեանս, ոչ յայնչափ հոգս և 'ի տքնութիւնս տառապէին, և ոչ զկենացն անգամ մըցեալ մաքառէին այնչափ: Այլ արդ յամենայն քաջալաւ՝ ընդաբոյս իմն տընկեալ կայ՝ առաքինութիւն, որ զտիւ և զգիշեր փառացն խթանօք զմիտան ընդոստուցանէ, և յուշ առնէ՝ թէ ոչ ժամանակէիւ ինչ կենացս պարտ է չափել զանուանցս յիշատակ, այլ առ ամենայն ապագայ հանդերձեալն յորդորեալ տարածանել: Իսկ արդ՝ միթէ այնչափ նկնախոհ թուիցիմք ամենեքեան, որ 'ի պետութեանս և յայս վիշտս և 'ի վտանգս կենաց յամենամք, զի իբրև մինչև ցվախճան ասպարիսին ոչինչ խաղաղ և անգորր ոգի առնուցումք, զամենայն ինչ միանգամայն ընդ մեզ համարիցիմք մեռանել: Ուր գրօշեալս և պատկերս, ոչ ոգւոցն նմանութիւնս, այլ մարմնոց, մեծաւ իննամով թողուցուն բազում արք հոյակապք, միթէ չիցէ՞ արժան առաւել զխորհրդոցս և զառաքինութեանց ցանկալ թողուլ զտիպս 'ի չքնաղ հանճարան կենդանագրեալ և ողորկատեսակ: Ես զամենայն ինչ զոր և գործէի, անդառին 'ի ժամանակէ անտի իրացն համարէի սփռել և ցանել 'ի յիշատակ յաւիտենական ծագաց տիեզերաց. թէպէտ և յեա մահու չիք լինելոց իցէ այն յիմեք զգայութենէս, թէպէտ և ըստ կարծեաց արանց ամենիմաստից՝ 'ի մասն ինչ իմ պատկանիցի, զարդիս ապաքէն մտախոհութեամք և յուսով զուարճանամ անշուշտ:

Վասն որոյ, դատաւորք, պահեցէք զայրդ նովին պատկառելի պատուովն՝ զոր տեսանէք սիրելի եղեալ բարեկամացն շքոյ և հնու(թեանն⁵⁵), և այնքանեաւ հանձարովն՝ որչափ արժանն իցէ զոյն վարկանէլ, զոր հանձարոյ արանց աւագաց տեսանէք եղեալ ցանկալի • իսկ իրաւամբք դատաստանի՝ որ օրինացն շնորհիւ, բանիւ ազատ քաղաքին, իւրկուլլեայ վկայութեամբ, և արձանագրոջն Մեռելլոսի հաւատատեալ է : Եւ զի այս այսպէս, խնդրեմք ՚ի ձէնը, դատաւորք, եթէ ոչ մարդկեղէն և եթ, այլ և աստուածեղէն⁴⁰ իմն ընծայութեան հարկ է ՚ի մէջ անցանէլ, զի զայն՝ որ զձեզ, որ զզօրագլուխս ձեր, որ զարիական հանդէսս հռովմէական ժողովրդեան յաւէժ գեղազարդեաց, որ և յայս ՚ի մեր և ձեր առտնին արգի վտանգս՝ խոստանայ տալ անեղծական վկայութիւն գովութեանց, որ և յայնմ թուոյ է՝ որ միշտ առ ամենեսեան ընդ սուրբս են համարեալ և քարոզեալ, այնպէս ՚ի ձեր հաւատս ընկալլիք, որպէս զի ձերով մարդասիրութեամբք ՚ի դարմանս լինել երևեսցի, քան ՚ի վնաս՝ յերեսաց խստութեան : Չոր ինչ զդատէս, ըստ իմո՛ւմ սովորութեան, համառօտ և պարզ խօսեցայ, դատաւորք, վստահ եմ թէ ամենեքեան հաճ և հաւան իցէք ընդ այն • իսկ զոր ոչ ըստ ատենից և ոչ ըստ դատաստանական օրինի զհանձարոյ առնն ճառեցի և զուսմանէ նորա առ հասարակ, յուսամ՝ ՚ի ձեզ, դատաւորք, թէ ՚ի բարւոյ մասին զայն ընդունիցիք • իսկ որ զբուն դատողութեանն պաշտօն ունի՝⁴¹ զնմանէ գիտեմ աներկբայ :

Ի Ճ Ա Ռ Ն Ա Ր Ք Ի Ա Յ

Թիւ 1. Իմա քերթողութեան, յորում գրուած է ՎԱՐՔԻԱՍՅ քաղութիւնն և զվաստակն :

2. Այս ինքն է ԱՐՔԻԱՍ, որ 'ի Լուկուլլեանց անտի' իւրաց ասպըն զականաց, որպէս ասացաք, էառ զանուն ազգատոհմի նոցա Լիկիւնեան :

3. ՅԱՐՔԻԱՍ՝ քերթողականն հանճար, այլ 'ի ճարտարիտունութենէն Կիկերոնի :

4. Չորսն օրէնք կան, և օրինօք վճարի :

5. Հաւանագոյն կարծեօք՝ Հսկաուխտի, որում առաւել 'ի գէւ կն զոգնաք Կիկերոնի . որ և բարիանուն իշխան կոչեալ Մակեդոնիոյ, այք մեծարոյ՝ սուրբ և անարատ կոչի 'ի Վիլլէստէ :

6. Առ որս եթէ ըստ գասն էլանիցեն բանքն, անպտտեհ համարէն :

7. Իմա առ մարդավայելուչ իրատուք և արտօմաօք հրահանգեալսդ :

8. Բնակիչք քաղաքաց՝ որ յազգաց ազգաց յունականաց շինեալ էին 'ի Մեծի Յունաստանին, որ են հարուակողմանք իտալիոյ :

9. Մեծամեծ որերոյն Հառվնայ՝ որ յիտալիա, 'ի Հելլագա և յԱսիա շրջէին :

10. Մարիոս՝ քան գրագիտութեամբ՝ պատերազմոջ քաջութեամբ անուանի, և բաւական 'ի մատակարարելն իւր թ մազում մատենագրութեան . իսկ կատուլոս՝ և ուսմամբ ծանօթ էր, և հմուտ գեղեցիկ ախորժակաց ոչ չափաւորապէս :

11. Ջհայրն իմա կատողնի՝ որ յետ քաղաքական պատերազմին զերոզմէն երթեալ յՈւտիկէ՝ Ուտիկեցի յորջորջեցաւ :

12. Քաղաք ականաւոր, որպէս ասացաք, ընդ ձեջ Մետապոնասսի և Տարենտոնի :

13. Յայտ է թէ հերակլիացիքն սերտագոյն ինն ուխտիւ դաշանց յօդեալ էին ընդ Հռովմայ քան զայլ երիսն . ապա թէ ոչ՝ ընդէր էր յետ նոցա յաւելուլ 'ի վերայ զՀերակլիա, մինչ զի և ոչ զգիւանագիրս նոցա բերել 'ի ձեջ :

14. Վաթառն աւուրքն վասն հեռաւորացն էին, զի 'ի միւսմ 'ի ժամանակեալ աւուրքն կարօղ լիցին դնալ 'ի Հռովմ՝ և տալ զանուանսն 'ի գիր քաղաքակցութեան, և ոչ թէ զամենայն աւուրքն զայնս :

15. Առ Գրակքոս շքէ զբանն, որ որպէս ասացաք 'ի նախագրութեան՝ դատախազն էր և ոտիւ քաղաքակցութեանն Արքիասայ :

16. Ապպիոս կլաւտիոս Պուլքէր՝ հայրն կլաւտիոսի, և Պ. Գարի-նիոս ընդ Մետելլոսի կացեալ էին դատաւորք :

17. Գաբինիոս մինչդեռ դատաւորն էր յետ իշխանութեանն Աքայիոյ՝ ամբաստանեցաւ իբրև հասու և խորոջ հասարակաց գանձուն :

18. Հենգնօրէն է այդ կարծիճդ 'ի վերայ յայտնի և ստոյգ իրի :

19. Աշխարհագիր կամ աշխարհամար էր՝ յոր քաղաքացիք ամենայն մասնէին, տալով զհամար ամենայն ստացուածոց իւրեանց 'ի ձեռս համարակարին :

20. Հենգնականն է թաքունն տակ զիրն քաջայայտ ամենեցուն :

21. ՅԱտիա, 'ի Միհրդատայ պատերազմն :

22. Առ առաջին համարակարօքն, որ յետ ընդունելոյ Արքիայ զքաղաքակցութիւնն, չիք ինչ եղեալ աշխարհամար յոր մտանիցէ և Արքիաս :

23. Իրաւունք էին այն ամենայն՝ քաղաքացւոց միայն սեփականք . ուստի սուս ես 'ի բանս քո : Իսկ արձանագրութիւնն 'ի գանձս աշխարհին՝ էր 'ի պատիւ և 'ի յիշատակ երախտաւորին առ պերդութիւնն, և 'ի յոյս և եթ բարեաց և շնորհաց առ յապա ակն ունելոյ 'ի պէտան :

24. Ճարտարիտութիւն բազում ինչ օգաի 'ի քերթուածոց ընթերցմանէ և գովութիւն ժառանգէ, մինչև հոյր տակ և այնմ զՀռմիրոս վասն բազում ազգի ազգի պերճաբանութեանցն, մանաւանդ իններորդ երգոյ իլիականին :

25. Պոպլեոս Կոստանդինոս Սկիպիոն երէցն , պարտութեամբն Անիւրաւոյ և ամբրիկեցւոցն կարգեգոնացւոց՝ Ամբրիկեցի կոչեցեալ , աբգարե մեծ և զարմանալի այբ , պատերազմական քաղութեամբ և առաքինութեամբք դիցազն հռովմայեցի , որում զուգական միայն Եպիսկոպոսութեացին 'ի Հելլէնս :

26. Օրինակք ինչ ընթեռնուն զմանկութեան սնուցանելն կամ դասորիարարելն :

27. Կուինտոս Ռոսկիոս Գալլոս , անուանի 'ի Հռովմ կատակագրական՝ բարեկամ Կիկերոնի , այն ինչ մեռեալ :

28. Աւանդութիւն որ կարգեալ գայր զոմանց վազեմի երգողաց , որպէս զՈրփէոսէ , զԱմփիոնէ :

29. Ջաս ասնն առաջին կացեալ վարժապետ 'ի Հռովմ լատին գայրութեան . և Սուետոնիոս ընդ երեւելի հախտորսն գատէ զնա :

30. Այնչափ սերտ սիրելի և մեծարոյ համարեալ Եննիոս բանառակ ժողով Սկիպիոնի , մինչև հազորդ զնա ունել գամբանական պատուոյ և իբրև զմի 'ի նախնեացն :

31. Իմա Կատոնի Ուտիկեցւոյ , որ թերևս անդ էր , և ընդ գատաւորսն և սազմեալ :

32. Այս ինքն զԵննիոս , որ էր 'ի Ռուգիք գաշնաւոր աւանէ Ապուլիոյ , քերթող վիպասանութեանցն՝ յորս Կատոնի և այլքն յիշառտակեալք գովաբանին , և այժմ չեն 'ի միջի , բայց միայն հատակոտորք ինչ մեծամեծք :

33. Յայտ է թէ 'ի տաղան Արքիպ ակնարկէ , որ քանզի յոյն էր՝ 'ի յոյն լեզու և գրէր :

34. Կնէոս Պոմպիոս՝ որ անդ ուրեմն էր , կամ գէթ 'ի քաղաքին յատենախօսութեան ճառիս :

35. Հենդանական է և այս Կարծիժ , որպէս և 'ի վեր անդր սազարարք :

36. Իմանան յեզերական տացեալ տաղից աունս՝ որ երկատու են . առաջինն վեցասանի՝ երկայն , երկրորդն հնգասանի՝ սուղ ինչ քան զայն կարճ :

37. Վաճառէր յայնժամ Սիլլա հրապարակաւ զինչ Մարիոսեանց , զորս պարտեալ էր և տարագիր արարեալ և սպանեալ :

38. Քաղաք Սպանիոյ , ուստի էր և Սենեկա և Լուկանոս և Մարտիալիս , զորոց ևս ճշմարտեալ է գատակնիքդ կիկերոնեան մինչև ջայտար : Չի ըստ Մուրետոսի բանիբուն առն և ըստ այլոց բազմաց , յես աւգոստեան և տիբերեան աւուրց , որ շատ և որ սակաւ առաջինք եղնն յապականիչս ինքնազարդ և բնիկ գեղոյ հռովմական բարբառոյն և բանաստեղծութեան , որ զբնութիւն ունէր իւր առաջնորդ և կաղապար , և օրինակ՝ զՀելլէնս :

39. Ոչ վարկապարզի և առժաման ինչ բարեկամաց , այլ պա-

տուաւոր և երկայնժամանակեան , որ առաւել առնէ զառնն մեծա-
րանս և զբարեբարութիւն :

40. Ձի երկնաւոր շնչամբ երգեն քերթողք , որով սուրբ և նուխ-
րեալ կոչին . և զի աստուածաճաճոյ դործ է շնորհակալութիւն առ
երախտաւոր փառաւորիչս անուան ազգի մերոյ :

41. Ձչոկտաւիստէ իմանայ , զոր և զովէ իսկ իբրև զեղեցիկ զբռ-
րութեանց և մարգավայելուչ հրաճանդաց կրթասէր :

Կ Ի Կ Ե Ր Ո Վ Ն Ի

Ճ Ա Ռ

Վ Ա Ս Ն Կ • Լ Ի Գ Ա Ր Ի Ո Ս Ի

Ն Ա Խ Ա Դ Ր Ո Ւ Թ Ի Ի Ն

Կ. Կոնստիդին Լճնդոս, որ կայր փոխանակ կուսակալի յԱփրիկէ, 'ի ժեկնելն անախ 'ի Հուովմ կոյս՝ զփոխանորդ իւր զԿ. Լիզարիոս կացոց անդ ընդ իւր իշխան: Իսկ իբրև պատերազմն բորբոքեցաւ 'ի ձջ կայխոսի կետարու և Կնէոսի Պոմպիոսի, քաղաքացիք և զառաւականք՝ կուսակիցք Պոմպեայ՝ կամեցան առնուլ զԼիզարիոս՝ իւրեանց զօրավար ընդդէմ կետարեանց. այլ նորա աչք իւր 'ի առն, և առ ընտանիսն դառնալ անձկացեալ, շառ յանձն շաղիլ այլ ևս 'ի գործ պետութեանն: Ատիոս Վարոս զկուսակալութիւն Ափրիկոյ յառաջագոյն առեալ և հասեալ յՈւառիկէ, սիրով կալաւ յանձին զմատուցեալ նմա իշխանութիւնն: Մինչ այս մինչ այն, 'ի փոփոխել պաշտամանց, Լ. Ելիոս Տուբերոն վիճակաւ ընտրեալ կուսակալ 'ի ծերակուսէն, երթայ 'ի մարզ անդր՝ որ ընդ ձեռամբ Վարոսի, և մերժեալ 'ի նմանէ որդուոջն հանգերձ կուխնտոսիւ, անցանէ 'ի Մակեդոնիա առ Պոմպիոս: Լիզարիոս մնայ յԱփրիկէ. 'ի պարտութիւն մասնին Պոմպիոսեանք և յԱփրիկէ: Կայխոս կետար, թէպէտ և ցասմամբ ընդ յամառեալն անդ ընդ իւր 'ի կռիւք և յետ անկանելոյն Պոմպիոսի, սակայն զկին առմանն Ագրուստայ՝ շնորհեաց Լիզարիոսի զկեանսն. այլ նորա շիշխեցեալ կամ չկամեցեալ դառնալ յիտալիա, եկաց անգէն ինքնակամ յաքորոս, մինչ գեռ եղբարք իւր և մերձաւորք և բարեկամք, ընդ որս և կիկերոզն և մտերիմն իւր Կ. Պանտա, ոչ դադարէին ազերսել զկետար վասն դարձի նորին: Կուխնտոս Ելիոս Տուբերոն՝ զթուլթեամբ և ներողութեամբ կետարու դարձ արարեալ ընդ հօրն 'ի Հուովմ, առ քինալ ընդ Լիզարիոսի, զի նա մնաց յԱփրիկէ, և ինքն երեամ մի յառաջ ընդ հօր իւրում մերժեցաւ. յԱփրիկոյ, և գիտելով ևս ատելիս կետարու զմնացեալն յԱփրիկէ, շարախօս եղև զնմանէ առ ներողամիտն կետար, զի չեկն յիտալիա և եկաց մնաց

Սփրիկէ: Կուինտիլիանոս յիշատակէ և զճառ նորա ընդդէմ Լիգարիոսի, որում յետ փրիկեան պատերազմին՝ պաշտպան եկաց Կիկերոն առ Կեսարու սովին ճարտար և գեղեցիկ հրապարակասուութեամբ, զոր իրաւագէտն Պոմպոնիոս ամենագեղ կոչէ, և յոյժ հաճոյ եղեալ է Ատտիկոսի, Բալբոսի, Ուպիոսի և այլոց բանիբունարանց ժամանակին՝ բարեկամաց Կիկերոնի, որպէս յայտ է 'ի Թուղթան որ առ Ատտիկոս, և յարգեանցն ևս, զի սովաւ յաղթահարեալ Կեսարու 'ի գթութենէն, ներեաց և շնորհեաց դարձ Լիգարիոսի. որ ապա հրապուրանօք այլոց երախտամոռաց գտեալ առ բարերարն՝ ընդ այլ դաւաճանս նորա կորեաւ ինքն և եղբայր մի ևս իւր: Կուինտիլիանոս 'ի ճառէ աստի առնու յաճախ օրինակս՝ բազում գովութեամբ 'ի ճարտարիասութեան հրահանգաց մատենին, Յայս ճառ և 'ի յաջորդո՞ր որ վասն Դիոտարայ արքայի, գիտելի է մեծ ճիգն և ճարտարութիւն Կիկերոնի յարգարացուցանել և զանձն իւր, որ 'ի նոյն կողմնածութիւն Պոմպիոսի բամբասեալ էր:

Կ Ի Կ Ե Ր Ո Վ Ն Ի

Ճ Ա Ռ

Վ Ա Ս Ն Կ . Լ Ի Գ Ա Ր Ի Ո Ս Ի

Նոր միաց, Կ . Կեսար, և յառաջ քան զօրս զայս՝ անլուր ¹, քսեաց առ քեզ մերձաւորն ² իմ Կ . Տուբերոն, թէ Կ . Լիգարիոս կացեալ մնացեալ է յԱփրիկէ . և զայս՝ այրն գերաւհանձար Կ . Պանսա, յուսացեալ թերևս ՚ի մտերմութիւն իւր ընդ քեզ, իշխեաց խոստովան լինել: Վասն որոյ յի գարձայց ոչ գիտեմ: Իմ, քանզի գու զայդ քեզէն գիտել ոչ մարթէիր և ոչ այլուսա լսել, պատրաստեալ եկեալ էր զողիտութիւնդ քո պատրել ՚ի փրկութիւն առնն հիբացելոյ: Այլ քանզի ՚ի փութոյ պնդութեան ոստիին հետազօտեալ ՚ի վեր ելեալ են դադոնիքն, մանաւանդ զի և մտերիմն իմ Կ . Պանսա խլեաց եհան զայն ՚ի ձեռաց իմոց ³, պարտ է՝ կարծեմ՝ խոստովան լինել, զի թողեալ զպայքարելն՝ զամենայն բանս ՚ի գթութիւն քո արժան իցէ յանդուցանել առնել ապաստան, որով բազումք իսկ գտին զփրկութիւն ⁴, ընկալեալ ՚ի քէն՝ ոչ զա-

զատութիւն յանցանաց, այլ՝ զվրիպանացն ներդամն : Ու նիս արդ, Տուբերոն, զյաւէտ ցանկալին առն դատախազի, զպարտաւոր դք՝ որ խոստովան լինի՝ բայց զայն լինի խոստովան, թէ յայնմ կողման գտաւ՝ յորում և գու ինքնին, Տուբերոն, յորում և այրն ամենագովելի՝ հայր քո : Ապա հարկ է նախ ձեզ զձեր յանցանագ խոստովանել, քան թէ մեզս ինչ ստգտանել՝ ի Լիգարիոս :

Վասն զի Կ. Լիգարիոս, մինչ չև ինչ դեռ կասկած էր պատերազմի, ընդ Կ. Կոնստիդիոսի տեղապահ չողաւ յԱփրիկէ . յորում տեղապահութեան այնպէս սիրելի ընծայեցոյց զանձն քաղաքացւոց և նիզակակցաց, զի ՚ի մեկնել Կոնստիդիոսի ⁵ ՚ի նահանգէ իշխանութեան իւրոյ՝ չէր հնար հաճել զմիտս մարդկանն, եթէ զայլ դք կացուցանէր ՚ի վերայ նահանգին : Արդ Կ. Լիգարիոս, իբրև յետ բազում հրաժարելոյ՝ ոչ ինչ շահեցաւ, յակամայ կամս յանձն առ զիշխանութիւնն . որում և այնպէս իշխեաց ՚ի խաղաղութեան, զի քաղաքացւոց և նիզակակցաց հաճոյ եղև յոյժ ուղղութիւն նորա և արդարամտութիւն : Հըւպ ընդ հուպ լուցաւ պատերազմն, զորոյ եղեալքն յԱփրիկէ՝ յառաջ քան զպատրաստութիւնն՝ զմղելն լուան : Որ իբրև լու եղև, է որ անխորհուրդ ցանկութեամբ, և է որ առ կոյր իմն երկիւղի՝ նախ կենաց, ապա և գործոյն իւրեանց, խնդրէին զդք իւրեանց զօրավար . այլ Լիգարիոս ՚ի տուն իւր ակրնկառոյց՝ և առ իւրսն խանդակաթ, չառ յանձն մտել ՚ի գործ ինչ : Առ այնու ժամանակօք Պ. Ատիոս Վարոս ⁶, որոյ զկուսակալութիւն Ափրիկոյ ընկալեալ էր, երթայ հասանէ յՈւտիկէ . ամենեքեան առ նա ընթանան վաղժաղակի, և նա ոչ սակաւ տենչանօք ընդգրկեաց զիշխանութիւնն . եթէ իցէ ինչ իշխանութիւն՝ տուեալն սոսկականի ումեք ազազակաւ տխմար ամբոխին, և ոչ հասարակաց ինչ խորհրդով : Արդ, Լիգարիոս՝ որոյ իվճք սրտին էին փախչել յամենայն այնպիսի գործոց, հանգեաւ ⁷ փոքր մի գալուս-

տեամբն Վարոսի: — Ցայս վայր, Կ. Կեսար, յամենայն յանցուածոյ ազատ է ի իգարիոս: Եւ նա 'ի տանէն՝ ոչ միայն և ոչ 'ի մի ինչ պատերազմ, այլ և ոչ 'ի դոյզն ինչ նշմար մարտի. տեղապահ երթեալ 'ի խաղաղութեան, այնպէս եկաց 'ի հանդարտեալ մարդի անդ, զի օգուտ նմա էր տեւել բաւել անխառվ խաղաղութեանն: Երթ նորա չու նի ինչ անշուշտ վշտացուցանել զսիրտ քո: Իսկ արդ՝ միթէ անգէնն մնալ. ամենեկին իսկ ոչ. զի երթն ոչ 'ի չար կամաց էր, իսկ մնալն՝ յօրինաւոր հարկէն: Ապա երկղքին այս ժամանակք առանց իրիք յանցանաց լինելոյ են. մին՝ զի տեղապահ չոգաւ, միւսն՝ զի թախանձեալ 'ի գաւառէն կարգեցաւ իշխան Ափրիկոյ: Երրորդ ժամանակ է՝ յորում յետ գալատեան Վարոսի մնաց անգէն յԱփրիկէ. որ եթէ յանցաւորութիւն ինչ է, հարկին էր յանցումն ⁸, և ոչ կամաց: Եթէ կարող լինէր հնարիւք ինչ խոյս տալ անտի, միթէ յաւտիկէ ծառակէ քան 'ի հոռով, ընդ 9. Ատիոսի՞ քան ընդ միասիրտ եղբարսն, ընդ օտա՞րս՝ քան ընդ իւրսն սիրէր լինել: Մինչ զեռ և տեղապահութիւն իւր լի էր անձկաւ և հոգովք յանհնարին գթոց հարազատացն, էր ինչ նմա հնար կալ անպլէկոծ մտօք՝ պատառամա՞ք պատեւրազմին յեղբարցն ճեղքեալ:

Արդ ուրեմն, Կեսար, չգտանես ինչ տակաւին 'ի իգարիոս նշան ինչ կամաց 'ի քէն օցտելոյ. որոյ ես, միտ գիր՝ ազաչեմ, որով վատահոութեամբ ջատագով կամ դատին, ուր իմումս մատն լինիմ՞: Ո՛վ գթութիւն պանչելի, և ամենայն դրուատից և հոչակաց և մատենից և արձանաց արժանի փառաւորութեան: Մարկոս Կիկերոնի յատենի քում պաշտպան կայ այլում, թէ չէր յայն ինչ կամս՝ յորում խոստովան լինի եղեալ զանձն. ոչ 'ի լւին խորհրդոցդ երկնչի, և ոչ՝ թէ 'ի լսելոյ անդ զայլմէ՞ զինչ 'ի միտսդ ելանիցէ՞ զարհուրի: Տես զիւրդ աներկիւղ եմ. տես քանի՞ն լոյս առասուութեանդ քոյ և իմաստութեան յիս նշողէ 'ի խօսելս առ քեզ: Ամենայն դորութեամբ ամբարձից ըզ-

ձայնս, զի լուսիցէ զայս ժողովուրդն հոռովմէականն: Ի բանալ
դրանց պատերազմին, Կեսար, և ՚ի իաղալ ևս մեծաւ մա-
սամբ յառաջ, ոչ ՚ի բռնութենէ ինչ տագնապեալ, խոր-
հրրդով և կամաւ յայն զէնս ընթացայ՝ որ հակառակ քեզ
էին առեալ: Իսկ արդ առ զք ասեմ զայս: Առ նոյն ինքն
իսկ՝ որ մինչ տեղեակն էր այսմ, չև տեսեալ զիս, դարձոյց
սակայն ՚ի քաղաքս. որ թուղթս առ իս յԵգիպտոսէ ա-
ռաքեաց՝ զի իցեմ նոյն որ ինչ էի. որ յորժամ ինքն միայն
էր ՚ի բովանդակ տէրութեան հոռովմէական ժողովրդեան
Սպարապետ, հաճեցաւ լինել զիս երկրորդ ¹⁰. յորմէ,
աւետաւորելով ինձ սորին ինքեան Կ. Պանսայի, զչնոր-
հեալ խուրձան սարդենապսակս առ իս կալայ՝ որչափ և
արժան դատեցայ պահել. և որ յայնժամ համարեցաւ
տալ ինձ զգիրկութիւն, յորժամ եթէ անկապուտ ամե-
նեին ՚ի զարդուցս տայցէ: Տես, աղաչեմ, Տուբերոն, զի
զոր զինէն համարձակաձայն բարբառիմ՝ չիչխեմ խոստո-
վան լինել զ՚ի իգարիոսէ: Եւ յայն աղաքս ասացի զինէն
զայստիկ, զի յորժամ և զինքենէ ասիցեմ զնոյնս, ներեսցէ
ինձ Տուբերոն. որոյ ես ճարտարութեանն և փառացն թեկն
ածեմ, կամ վասն մերձաւոր ազգախառնութեանն, կամ
զի նորա հանձարով և ախորժակզքն զուարճանամ, կամ զի
այնպէս համարիմ՝ թէ փառք մերձաւոր պատանուոյս՝
պտուղ ինչ և ինձ ընծայեսցէ: Այլ զայս հարցանեմ. ցվ
այն զք՝ որ առ յանցանս ունի ՚ի իգարիոսի զլինելն յԱփրի-
կէ: Նա, որ և ինքն իսկ ՚ի նոյն Ափրիկէ կամեցաւ լինել, և
տրանջէ ևս՝ զի արդելաւ ՚ի ՚իգարիոսէ. և անուշտ զէն
իսկ ՚ի ձեռին ընդգէմ Կեսարու ՚ի կռիւ ճակատեալ եկաց:
Չի զինչ այլ գործէր, Տուբերոն, սուսերն քո այն մերկա-
ցեալ ՚ի պատենից ՚ի փարսալեան ճակատու. զոյր կողս
ինդրէր սայրն այն. զինչ միտք էին զինուցն քոց, զինչ քո
խորհուրդք, աչք, ձեռք, եռանդն սրաի. յինչ ցանկայիր,
յինչ ըզձանայիր: Կարի յոյժ տագնապեմ. խոռովեալ տե-
սանի պատանին ¹¹. առ իս դարձայց: Ի նոյն զէնս եղէ: Եւ

յինչ այլ ջանացաք, Տուբերոն, բայց զի զոր սայս կարէ՛ մեք կարասցուք: Իսկ արդ, Կեսար, որոց անպատուհասն մնալ՝ քոյոյ գթութեանդ պարծանք են, նոցին բանքն զքեզ յանգթութիւն զինեացեն: Սակայն ՚ի դատի աստ, Տուբերոն, ոչ սակաւ և զքոյդ ևս, այլ մանաւանդ զհօրդ իմաստութիւն խնդրեմ. զի այրն՝ հանձարով և գիտութեամբ վեհագոյն՝ չէ ագեալ ՚ի միտ զդատիս բնութիւն. զի թէ էր առեալ, այլով որով և է ոճով և ոչ այսու ընտրէր քեզ վարել:

Վշտամբես զխոստովանողն. ոչ է շատ. ամբաստան զնրմանէ լինիս, որոյ լաւագոյն է դատն ըստ իս քան զքոյդ, կամ որպէս գու կամիս՝ հաւասար: Այսողիկ զարմանալոյ արժանի. բայց զոր ասելոցս եմ՝ ՚ի սքանչելեաց իմն սակի է: Այդ դատախազութիւն ոչ զայն ազդէ՝ զի դատապարտ եղէ ի իգարիոս, այլ զի ՚ի մահ վարեացի: Չայդ ոչ դք յառաջ քան զքեզ արար հռովմայ քաղաքացի. օտար և եկամուտ են այդ բարք ¹²: Արեամբ չափ բորբոքիլ գիտէ ատելութիւն Յունացն ցոփոգեաց կամ գազանաբարոյ խուժգժիցն: Չի զինչ այլ պահանջիցես. զի մի լինիցի ՚ի հռովմ, զի ՚ի տանէն տարագիր լիցի, զի մի ընդ ամենալաւ եղբարնն, մի ընդ սմին Տ. Բրոկքոսի՝ քեռւոյ իւրում, մի ընդ որդւոյ սորա՝ քում քեռորդւոյդ և մի ընդ մեզ կեցցէ. զի մի ՚ի հայրենի աշխարհին լինիցի: Եւ միթէ իցէ. միթէ մարթիցի ինչ նմա առաւել քան զոր էն՝ թափուր և ամայի յայդմ ամենայնէ լինել: Արգելեալ է յԽտալիոյ, յաքսորս կայ: Ապա ուրեմն ոչ ՚ի հայրենեացն արկանել կամիս գու զնա, յորմէ անկեալ իսկ է, այլ և յարեէն: Այլ զայդ և ոչ առ իշխանապետին այնմիկ ¹³ դատախազեաց դք, որ զամենայն ատելիս իւր մահուամբ պատուհասէր. ինքնին նա հրաման տայր սպանանել առանց ուրուք դատախազի, և վարձուք անդամ հրապուրէր: Այլ անագորոնութեանն այնորիկ յես ամաց ինչ խնդրեցաւ վրէժ յայնմանէ իսկ՝ զոր գու այժմ անողորմ լինել կամիս ¹⁴:

Բայց ոչ զայդ պահանջեմ ես՝ ասիցես : Այդպէս աներկ-
բայ հաւատամ և ես՝ Տուբերոն . քանզի ծանեայ զքեզ,
ծանեայ զհայրդ, ծանեայ զտուն և զանուն ձեր . նա և փոյթ
և խնամք զարմի ձերոյ և ազգատոհմի յառաքինութիւն՝ ՚ի
մարդասիրութիւն և ՚ի գիտութիւն պէսպէս պատուական
արուեստից՝ ծանօթ են ինձ առհասարակ . վասն որոյ ստոյգ
գտակաւ հասեալ եմ, [Թէ ոչ արիւն խնգրէք դուք . այլ՝ ոչ
մանր միտ գնէք . քանզի բանն յայն ակնարկէ, զի ոչ շատ
համարիցիք զպատիժն յորում կայ դեռ ևս Կ . Լիզարիոս .
արդ զինչ այլ մնայ՝ բայց մահ . զի եթէ յաքսորս է, որպէս
զի և է իսկ, զի՛ ևս այլ պահանջէք : Արդեօք զի մի՛ ներեսցի
նմա . այլ՝ խիստ ևս է այդ և առաւել դաժանազոյն : Մար-
տիցէս ուրեմն՝ զի մի ընկալցուք զոր հայցեմքս մէք ՚ի տան՝
մտալթանօք և արտասուօք անկեալ առ ոտան, ոչ այնչափ
յիրաւունս մեր յուսացեալք՝ քան [Թէ ՚ի սորա մարգա-
սիրութիւնն . հինհասր առնիցես զողբունն մեր, և զթա-
ւալելոցս առ ոտան զաղերսական բարբառ հատանիցէս :
Եթէ մինչցեռ զայս ՚ի տան անդ առնէաք, զոր և արարաք
իսկ, և ակն ունիմ [Թէ ոչ ՚ի նանիր արարաք, գու յանկար-
ծահաս ՚ի ներքս անկեալ և զաղաղակ հարկանէիր . Չգոյշ
լեր, Կեսար, չներել, զգոյշ լեր մի՛ ողորմեսցիս եղբարց որ
զեղքօր փրկութիւն պաղատին, ո՞չ ապաքէն յամենայն
մարդկութենէ մերկանայիր . քանի՞օն դժնդակ ևս է, զի
զոր մէք առ անին աղերսիցեմք՝ գու այնմ յատենի հրա-
պարակիս հակառակ կայցես, և յայս աղէտս բազմաց՝ զո-
ղորմածութեանն ապաստան բառնայցես ՚ի բաց : Պարզ
ասացից, Կ . Կեսար, զոր գիտեմն : Եթէ ՚ի մեծի ասա յա-
ջողուածի քում չէր այն քաղցրութիւն զոր գու քե, քե
ասեմ, ժառանգես, — գիտեմ զոր խօսիցիմն, — սուգ
դառնութեան անհնարին՝ յորգեալ գեղոյր ՚ի յալթանակդ :
Չի քանի՛ բազուաք լինէին ՚ի յալթականաց անտի՛՝ որ ա-
նագորոյն զքեզ կամէին լինել, որ զի և ՚ի պարտելոց ան-
գամ գտանին ¹⁵ . քանի՛ բազուաք, որ կամելով ոչ ումէք նե-

րել քեզ, զթուօթիւնդ քո արգելուին, յորժամ՝ որոց և ներեցերդ՝ նորին խկ չկամին քեզ ողորմած առ այլս լինել: Զի եթէ և գոյր մեզ հնար հաւաստել Վեսարու՝ թէ ի վ գարիտսի չիք երբեք լեալ յԱփրիկէ, եթէ օրինաւոր¹⁶ և արգահատող ստով խնամ տանել կամեաք փրկութեան տաւապեալ քաղաքացւոյն, սակայն ոչ մարդոյ էր՝ յայսպիսում տագնապի և վտանգի քաղաքակցին՝ հերքել և յանդիմանել զսուտ մեր . և թէ էր ևս ումիք, ոչ այնմ ինչ էր ապաքէն՝ որ ՚ի նոյն փուրսիչ և ՚ի պայման գտանիցի: Բայց այլ է՝ չկամել թէ խաբիցի Վեսար, և այլ՝ չկամել թէ ողորմեսցի: Յայնժամ ասել առաջի կայր . Յնչ, Վեսար, մի հաւատայցես . եղև յԱփրիկէ լիգարիտս, առ զէնս ընդ գէմ քո: Իսկ այժմ զինչ ասես . Տես, մի ողորմեսցիս: Այս ոչ մարդոյ, և ոչ առ մարդ է բարբառ, որով որ վարիցին որ առ քեզ, Կ . Վեսար, զիւրն մանաւանդ յառաջագոյն ընկենուցու զմարդկութիւն, քան թէ զքոյդ խախտեսցէ:

Այլ առաջին մուտք և դատախազութիւն Տուբերոնի, որպէս կարծեմ, այս եղև, զի խօսել կամք էին նմա զեղբրանէ Կ . Լիգարիտսի¹⁷: Ոչինչ երկբայիմ թէ զարմացար, զի ոչ որ զայլմէ ումիքէ, կամ զի սա՝ ՚ի նմին դատի լինելով, և՛ կամ թէ զինչ նոր ինչ եղեան յառաջ բերիցէ: Եղեան կոչես դու զայն, Տուբերոն . իսկ ընդէր բնաւ . զի այնմ դատի չեղև ցայսօր այդ անուն: Վէպ՝ զլիպակ կոչեն, այլք՝ երկիւղ . իսկ որ խոսազոյնս, յոյս, ցանկութիւն, ատելութիւն, յամառութիւն . և որ ևս սաստկագոյն, յանդգնութիւն . եղեան՝ ոչ որ մինչև ցայժմ բայց ՚ի քէն: Իսկ ինձ, եթէ բուն և ճմարիտան անուն խնդրեսցի մերոյ չարեացս, ազէտք ինչ թուին աստուածառաք անկեալ, և զանզգաստ միտս մարդկան պաշարեալ . զանն որոյ չէ արժան զարմանալ ումիք, թէ հարկն աստուածազօր անց և ել զմարդկեղէն խորհրդովք: Թոյլ տուք թշուառս լինել, թէպէտ և սորին յազթանակաւ չմարթի լինել: Այլ՝ ոչ զմէնջ խօսիմ .

զորոց մեռանն՝ զնոցանէ եւն բանքս • իցեն ցանկացոցք , իցեն քննայոցք , իցեն յետսամիտք • բայց 'ի մեղաց աճիր եղե-
բան , ապստամբող մոլեղնութեան , հայրանե՛նդ ապիրա-
տութեան , տացի Կն , Պոմպոսի ¹⁸ վախճանելոյ , տացի և
այլոց բազմաց սուրբ լինել : Ո՞վ ոք երբէք լուսա զայգ 'ի
քնն , Կեսար , կամ զի՛նչ այլ խնդրելին զէնք քո , բայց բառ-
նալ 'ի քնն զնախատինան ¹⁹ : Չի՛նչ գործեաց բանակն քո
անպարտելի , բայց զիբաւունս քո պահել և զգիտազ : Եւ-
զի՛նչ • միթէ դու յորժամ խաղաղութեան ցանկայիր , զոյն
խնդրելիր՝ զի ընդ եղեռնագործս , թէ ընդ բարեզգեաց քա-
ղաքացիս լինիցի քեզ միաբանութիւն : Այլ ինձ , Կեսար ,
չնորհք քո առ իս մեծամեծք՝ ոչ այնչափ ինչ երևելին , եթէ
կրքի զեղեռնաւոր զք զիս առ 'ի քէն ապրեալ համարելի :
Եւ զիմրդ դու երապտաւոր առ պետութիւնս լինելիք , ե-
թէ զայսչափ խուան անգախ եղեռնագործաց կամելիք թա-
ղուլ՝ անարատ պատուով : Դու 'ի սկզբանն անտի , Կեսար ,
զպառակաւունս զայն ոչ պատերազմ՝ համարեցար , ոչ տիե-
րի՛մ առելութիւն , այլ քաղաքական հերձուած • զի եր-
կոքին զօջոյն պետութեանն ըզձանայիք • բայց է զի խոր-
հուրդք և է զի ջանք 'ի հասարակաց օգտի սխալէին : Իչ
խանքդ գրեթէ զուգապատք էիք , թիկնակիցքդ՝ թերևս ոչ
հանգիստապատիւք ²⁰ • իրաւունքն յայնժամ զեռ ևս յերկ-
բայս , զի յերկուսեան կողմանան գոյք ինչ գովելի • զարդիտ՝
զայն ապարէն պարտ է լաւ հարուել՝ որում աստուածք
ինքնին օգնական եղեն : Իսկ 'ի յայտ եկեալ գթութեանդ
քոյ , ո՞չ ընդ այն յաղթութիւն հաճնացի՛ յորում ոչ ոք
մեռաւ , բայց որ զինեալն էր :

Այլ թողեալ զհասարակաց դատաստան՝ եկեացուք 'ի
մերս : Հուսկ ուրեմն , Տուբերոնն , արգեօք դիւրագոյն երա-
տես ի իդարիտաի եղանել մեկնել յԱփրիկոյ քան ձեզ չեք
թալ յԱփրիկէ : Միթէ էր ինչ մեղ մարթելի , ասես , ուր
հրաման աւագանւոյն 'ի վերայ կայր : Եթէ ցիս հարցանես ,
ամենեկն և ոչ միով իւրիք օրինակաւ : Այլ ասեալն և զի՛ն

գարիոս նոյն ինքն աւագանին տեղապահ առաքեալ էր . և նա 'ի ժամանակին հնազանդ եղև, յորժամ հնազանդէն պարտ էր աւագանւոյն . դուք յայնժամ հնազանդեցարուք՝ յորժամ ոչ որ հնազանդ գտաւ՝ որ ոչն կամեցաւ : Իսկ արգ՝ մեզ ինչ գնիցեմ : Ոչ բնաւ . զի ոչ այլազգ ինչ օրէն էր զարմիդ ձերում, անուանն, ազգատոհմի և գիտութեան : Բայց ոչ շնորհեմ, զի յորս դուքն պարծիցիք, յայլ բամբասիցէք : Տուբերոնի ընկեցաւ վիճակ 'ի հրամանէ աւագանւոյն՝ մինչդեռ ինքն չէր մերձ, նա՝ և խօթութեամբ արգելեալ, եղեալ ևս 'ի մտի՝ 'ի չքմեղս լինել, հրաժեշտ տալ²¹ : Զայդոսիկ 'ի պատճառս բողոքում ընթանուութեան ընդ ի . Տուբերոնի՝ գիտացի ես : Առ տնին՝ 'ի միաօին հրահանգեալք, 'ի գումարտակի՝ յարկակիցք, և ապա խնամունիք, և յամենայն իսկ 'ի կեանս՝ ընդէլակիցք . մեծ իմն կապ և այն՝ զի հանապազ 'ի նոյն ուսմունս պարապեցաք : Հմուտ ուրեմն եմ՝ զի Տուբերոն 'ի տան մնալ պիտրժէր . բայց էր որ այնպէս ստիպէր, այնպէս զամենասուրբ անուանաարտակաց ընկերահաշա պետութեանն առաջի դներ նմա, զի թէ և այլ էին նորա խորհուրդք, սահայն խօսիցն ծանրութեանն ոչ կարէր տանել²² : Զիջաւ, տեղի ետ բանից աւագամեծար առնն²³, կամ մանաւանդ՝ հպատակ եղև : Մխախուժ չոչաւ ընդ նոսա²⁴ որոց նոյն խնդիրք էին . յամբազնաց ուղևորեցաւ, եհաս յԱփրիկէ՝ որ կանխաւ գրուեալ էր²⁵ : Աստուտ յառնէ փուրսիշն 'ի վերայ լիգարիոսի, նա՝ մանաւանդ բարկութիւն . զի եթէ յանցածք են նմա կամելն²⁶, ոչինչ ընդհատ մեծ է և ձեր նախամեծար առնելդ՝ ժառանգել քան զայլ որ զաշխարհն սփրիկեցուց, զըղեակն ամենայն մարզից, զճնեալն 'ի մարտ պատերազմի ընդգէմ քաղաքիս այսորիկ : Բայց զոր այլ որքն ասեմ, ոչ լիգարիոս է . Վարոս ասէր զանձնէ 'ի բախն ունել զելիսանութիւնն . զխուրձսն ունէր ասուգիւ :

Այլ այն զիարդ և է²⁷, այդ բողոքք ձեր, Տուբերոն,

զինչ կամիցի ազգէլ : — Չընկալան զմեզ 'ի նահանգն : — Եւ զինչ՝ եթէ ընդունէին . տալոց էիք զայն 'ի ձեռս Կեսարու , թէ ընդգէմ՝ Կեսարու պահելոց : Տես , Կեսար , զինչ համարձակուածիւն , մանաւանդ՝ թէ յանդգնուածիւն տայ մեզ . քո ազատականութիւնդ : Եթէ պատասխանի տացէ Տուբերոն , թէ հայր իւր մատնելոց էր 'ի քո ձեռս զԱփրիկէ՝ յոր առաքեալ էր զնա աւագանին և վիճակն , ոչ ինչ երկմտեցայց՝ թէ դու , որում՝ արարուած նորա քեզ յօգուտ էր , ծանր ծանր բանիւք զխորհուրդ նորա կշտամբէիր առ նմա . զի թէ և հաճոյ լինէր գործն , բայց և ոչ գովելի յաշտ քո : Այլ զայտու ամենայնիւ զանց առնեմ . ոչ այնչափ՝ զի մի ներող լսելեացդ պատերազմող եղէց , քան՝ զի մի Տուբերոն՝ զոր ոչն երբէք ած զմտաւ՝ երևեսցի թէ առնելոց էր : Արդ գնացեալ երթայիք յափրիկեանն մարդ , որ միայն էր յամենեցունց անհնարին ռիտերիմ՝ այսր յաղթուածեան . յորում էր թագաւոր հարստաբուն²⁸ , թշնամի սյամ ինգրոյ . կամք օտարոտի , գունդք հզօրք և ստուարք : Զինչ սուսնել էր ձեզ , հարցանեմ : Այլ միթէ երկբայիցիմ ինչ՝ թէ զինչ էիք առնելոց , մինչ գեռ զոր արարէքն²⁹ ահա տեսանեմ : Խափանեցայք չկոխել 'ի մարդ իշխանութեան ձերոյ , և խափանեցայք՝ որպէս պատմէքն՝ յետին թշնամանդ : Զխորդ տարայք այնմ . զկրից թշնամանացդ առ մոզ արկէք բողբ : Առ նա ապաքէն , որոյ ճոխութեանն անսացեալ՝³⁰ յարբանեկութիւն պատերազմին երթեալ էիք : Զի եթէ 'ի Կեսարու սակս երթանայիք 'ի մարզն , յորժամ 'ի մարդէն մերժեցայք՝ անշուշտ առ նա անցեալ գնայիք : Չոգայք առ Պոմպիլոս . զինչ է ապա տրուտունջ ձեր այդ առ Կեսարու , չարախօս լինել զայնմանէ՝ յորմէ խափանեալս զձեզ քանքատէք 'ի պատերազմելոց ընդգէմ Կեսարու : Այլ արդ յայդմ , շնորհեալ ձեզ յինէն , թէ կամիք և ստուածամբ պարծեսլիք , զի եթէ 'ի Վարոսէ կամ յայլոց ոմանց չէիք արդելեալ՝ դուք զմարզն զայն 'ի ձեռս Կեսարու էիք աւանդելոց . և ես խոստովան

եղէց , Թէ Լիգարիոսի է Պնասն , որ զայնչափ զմեծի փառացն պատեհ հանեալ է 'ի ձէնջ :

Արգ տես ազաչեմ , Վեսար , զհոյսակապ առնն 1 . Տուբերոնի զանգեգևուն միասն . զոր Թէպէտ և ես ինձէն գովէի , որպէս և գովեմս , սակայն ոչ յիշատակէի , եթէ չէր 'ի վերայ հասեալ՝ զի զայն առաքինութիւն ընդ առաջինսն սովոր ես գու 'ի գովութիւն առնուլ : Արգ՝ յուն՝ ումեք երբեք երևեցաւ այնչափ հաստատութիւն մտայ . զանյող գոյգ միտսն ասեմ . չցիտեմ՝ Թէ լաւ ես իցէ արգեզք երկայնմտութիւն ասել : Չի քանիք ոմնիք առնէին զայս , Թէ որ չընկալանն զնոսա 'ի քաղաքական հերձուածի , նա և անողորմարար հերքեցին , անգրէն միւսանգամ առ նոսա ³¹ դարձեալ երթայցեն : Մեծի իմն հոգւոյ և առն այնպիսոյ էր , զոր 'ի խոստովանեալ իրաւանց և 'ի մտացն առաջարկութենէ՝ ոչ գարով , ոչ բռնութիւն և ոչ վտանգ ինչ զօրէր հարթուցանել : Չի Թէպէտ և այլն ամենայն հասարակ էր Տուբերոնի ընդ Վարոսի , պատիւ , ազնուականութիւն , փառք և հանձար , որոց չիք երբեք եղեալ , այս անշուշտ առաւել էր Տուբերոնի , զի արդար իշխանութեամբ ըստ կամաց աւագանւոյն 'ի մարդ պաշտաման իւրոյ էր զնացեալ : Իբրև կրճիմն 'ի մէջ անկաւ , անտի ոչ առ Վեսար չողաւ , զի մի սրտմտեալ երևեսցի . ոչ 'ի սուն՝ զի մի պղերգ . ոչ յաշխարհ ուրեք , զի մի անարգ և խոտան առնել զկողմն Թուեսցի՝ որում հպատակն լեալ էր . 'ի Մակեդոնիա՝ 'ի բանակ անդր Վն . Պոմպիոսի գնաց եկն , 'ի նոյն ինքն 'ի կողմն՝ յորմէ վտարեալն էր անարգանգ : Չինչ ապա . իբրև այս իր ոչինչ շարժեաց զանձն նորա՝ առ որ եկեալն էիք , կարծեմ՝ փոքր մի լուծեալ լքայք 'ի ջանս ձեր առ իրաւունս նորա . 'ի պարեկապանսն և եթ կայիք ³² , իակ ոգիքդ՝ 'ի խնդրոյ անտի աւելոց ելեալ էին : Արգեզք , որպէս յընտանի պատերազմունս լինի , ոչ այնչափ 'ի ձեզ քան յայս , 'ի յաղթասիրութիւն ըմբռնեալ կայաք ամենեքեան : Իմ ջանք՝ միշտ 'ի խաղաղութիւն էին . այլ յայն .

Ժամ անազան ուրեմն . զի անժողի էր , մինչքեռ ճակատս առաջի տեսանէիր , խորհել 'ի խաղաղութիւն : Այո՛ արգարեւ ամենեքեան յազթել կամէաք . գու մանաւանդ առանց յերկուանաց՝ որ յայն վայր ³⁵ չոգար , ուր կարուտ կայր քեզ՝ եթէ ճաղթելիր : Թէպէս և , որպէս զխորդ ինչ սյծմն է , ոչինչ յերկուանամ թէ զփրկութիւնս զայս առուել ընարեա . քան զայն յազթութիւն : Չայս ես ոչ ասէի , Տու բերոն , եթէ ձեր ընդ անազապ միտս ձեր սորջացեալ էր , կամ Կեսարու՝ ընդ բարերարութիւն իւր : Աւ տեղեաւ՝ հարցանեմ . արգեզք զձեր , եթէ զհասարակաց ընկերահաշտեացս զթշնամոնսն պահանջիցէք : Եթէ հասարակ զպետութեանս , զինչ տայցէք պատասխանի զյամատեալ պնդութենէդ ձերմէ յայն խնդիր ³⁴ . իսկ եթէ զձերդ , տեսէք մի սխալիցէք , համարելով թէ Կեսար զթշնամիս ձեր պատուհասեցէ , որ և իւրոցն իսկ թողութիւն չնորհեաց :

Եւ արդ , Կեսար , իցէ թէ թուիցիմ քեզ ինչ 'ի գատ ի իգարիտի մտադիւր պարապեալ , զզէտս նորին ճառեալ : Որ զինչ և խօսեցայս՝ կամիմ բովանդակել 'ի մի գլուխ մար գասիրութեան քոյ կամ գթութեան կամ ողորմութեանդ : Բազում գատս խօսեալ է իմ , Կեսար , և ընդ քեզ ևս ³⁵ , յորժամ 'ի պատճառս պատուոյ և փառաց քոց յամէիր յատենի հրապարակիս . բայց օն և օն , ոչ երբէք այտու ոճով , ներեցէ , գաբարդ , սխալեաց , վէպեաց , ոչ խրժեաց . էնէ երբէս այսուհիս . . . : Չայգ օրինակ՝ առ հայր օրէն է բարբառել . իսկ առ գատաւորս , Ուտբոյ , ուտբոյ 'ի Դի , Կեսար , թէ 'ի գատիս ի իգարիտի՛ գատաւոր իցես . հարց , յորժամ պահապան գնդի եղեալ իցէ : Լուռ լինիմ . և ոչ զայստիկ 'ի հանդիսի անցուցանեմ , որ առ գատաւոր ևս իցեն թերևս զօրուորք : Տեղապահ երթեալ յառաջ քան զպատերազմն , թողեալ լքեալ 'ի խաղաղութեան , մարտիւ պաշարեալ , յայնմ ոչ գաժան , այլ և հոգւով և ջանիւք բովանդակ քոյ : Աւ գա-

տաւոր սովոր են այս բանք , այլ ես առ Հայր բարբառիմ . Մոլորեցայ , ընդ խօլ գործեցի , զիջէ ինձ , 'ի գթութիւնդ ապաւինիմ , Թողութիւն խնդրեմ յանցանացս , ներել ազաւ չեմ : Եթէ չիք ուրուք առեալ զինդրելին , յանդգնարար 38 . եթէ բազմաց , գու նոյն ինքնդ ձեռն կարկառ՝ որ զոյսն ետուր : Եթէ չիցեն ինչ Լիգարիոսի պատճառք յուսոյ , մինչդեռ ինձ առ քե՛ւ և վասն այլոյ ևս գոյ տեղի մտալմա- նոց . Թեպէս և ոչ 'ի ճառս յայս՝ եզեալ է յոյս դատիս , և ոչ 'ի ճգունս այնոցիկ՝ որ պաղատին առ քեզ վասն Լիգարիոսի ջերմէն քո կարևորք : Զի տեսի և 'ի միս սուի , յինչ առաւել գէտակն ոռնելիր , յորժամ՝ բազումք 'ի վերայ փրկութեան ուրուք գուն գործեին . քան զազերս՝ հաճոյս- պոյն էին քեզ աղաչաւորացն դատք . և ոչ յայն հայեկիր՝ Թէ քանի՛ միրելի քեզ իցէ աղերսաւորք , այլ Թէ քանի՛ այնմ՝ որոյ վասն տառապէր : Ուստի և այնպէս ճոխաբար ընձեռես գու քոյոցդ , զի երանելի ևս Թուին ինձ երբեմն՝ վայելեալքն յառատութիւնս քո , քան զքեզ՝ որ այնպիսի տառապարգև առ նոսա գտանիս : Սակայն , որպէս սաս- ցիս , տեսանեմ զի առ քեւ առաւել զօրեն աղերսարկուածցն դատք քան պաղատանք , և գու առաւել 'ի նոցանէ շար- ժիս՝ զորոց զճմարիտ ազէտան 'ի խնդրուածսն անդ տեսա- նիցես :

Եթէ զԿ . Լիգարիոս փրկեցես , բազմաց և ջերմոցն քոց առնիցես շնորհս . այլ զայս ան աղաչեմ զմտաւ՝ զոր և սովորք իսկ ես : Ի ինձ զարան հօրս՝ զսարինացիան՝ զքո գովելիս , և զերկիրն ողջոյն սարինեան , զԺողիկն Իտալիոյ և զկորով առաջի մատուցանել . ճանաչես քաջ զորեարն : Հայեաց աղէ 'ի տրամութիւն նոցա ամենեցուն և 'ի ցուս : ԶԾ . Բրոկքոսիս , որ Թէ զինչ արժիցէ յաչս քո՝ ոչ ինչ երկրացիմ , տեսանես զխարուանան և զարտատուս , զիւրն և զորդւոյն : Զինչ զեղբարցն ասացից : Մի համարիցիս , Կեսար , Թէ միոյ ևեթ պիտոյ բանք իցեն մեր . կամ՝ զերիսն ևս Լիգարեանս պահելոց ես 'ի քաղաքիս , կամ՝ զերեսեան

և ատարադիր հանելոց : Ի վարարանդեւ միոյն այնմիկ , ամենայն պարտաւնք առաւել ցանկալի են սոցա՝ քան զաշխարհ հայրենի և քան զտուն և քան զթերափսն ընտանիս : Եթէ 'ի հարազատութենէն , եթէ առ գութան , եթէ սրաացաւութեամբն պոնեն , շարժեսցեն զքեզ արտասուք սոցա , շարժեսցեն խանդաղատանքն , շարժեսցէ արիւնն լերգակից . զօրասցի ձայն քո այն որ յազթեացն : Քանզի լսեաք զքո ասելոյ , թէ մեք զամենեւին՝ բաց յորոց ընդ մեզս իցեն՝ առ թշնամիս ունիմք , իսկ գու առ քոյս՝ զամենեւին որ ոչն իցեն քեզ հակառակ : Արդ տեսանիցես զայս շուք փառաւորութեան , զտունս զայս Բրտկբեանց առ հասարակ , զՍ . զայս Մարիիոս , զԿ . Կեսեաիոս , զԼ . Կորգիտիոս 57 , զասպետքս զայստօիկ համօրէն հռովմայեցիս , որ աստու են կերպարանափոխ հանդերձիւք , արք՝ ոչ միայն ծանօթք քեզ , այլ և արգոյք , ընդ քեզ եղեալք : Եւ սակայն ընդ սոսա բարկացեալ էաք , սոցա 'ի ինդիր էաք , ոմանք և ըսպանային իսկ սոցա : Եւ արգ պահեա քոյոցդ զնոցայսն , որպէս զի իբրև զայլ բանս քո՝ ճշմարիտ գտցի և այդ անվրէպ :

Ձի եթէ կարօղ էիր 'ի խոր նկատել զՍտարեանցն միաբանութիւն , զեղբարան զամենայն ընդ քեզ լեալ վարկանէիր : Իցէ՛ ինչ ումեք յերկմիաս լինել , զի եթէ Կ . Ստարիոս յիտայիս գասնէր , 'ի նոյն միտս և 'ի խորհուրդս լինելոց էր՝ յորում և եղբարքն : Ո՞ է որ զսոցա համաշունչ և զմիախոհ մտերմութիւն յայսմ գողցես եղբայրական հարթ հաւասարութեան ոչ գիտիցէ . ո՞ ոչ 'ի միա առնուցու , թէ ամենայնի մարթէր լինել՝ և ոչ հարազատացս այսոցիկ յայլ և այլ միտս և 'ի բախտս աստանդել : Ամենեքեան ուրեմն ընդ քեզ եղեն կամօք սրտիցն . մին մրդկաւ յափշտակեցաւ . որ եթէ և կամաւ էր զայն արարեալ , նման այնոցիկ լինէր՝ զորս համայն գու և այնպէս ապրեցուցանել հաճեցար : Բայց լիցի երթեալ 'ի պատերազմ՝ օցահալ՝ ոչ 'ի քէն միայն , այլ և յեղբարցն : Սոքա քոյքդ

պաղատին առ քեզ : Կա աւանիկ անմուսց ունիմ՝ ՚ի մտի ,
 Թէ յորժամ յամենայն ՚ի գործս քո խառն էի , որպիսի
 էր Տ . Ը իգարիոս գանձապետ քաղաքիս ընդ քեզ և ընդ
 փառան՝⁷⁸ քում : Բայց փոքր ինչ է յիշելա իմ զայս . ակն
 ունիմ Թէ և գու ինքնին , որ ոչինչ սովոր ես մոռանալ բայց
 միայն զառ քեզ անիրաւութիւնս , զի այս մտացդ է , զի և
 հանձարոյդ , գու ինքնին ՚ի խորհելք ինչ զսորս գանձաւո-
 րութենէն և զայլոց ոմանց գանձապետաց՝ ուշ ՚ի կուրծս
 արկեալ յիշատակեսցես : Արդ սա այս Տ . Ը իգարիոս , որ
 ոչ ինչ այլ արար յայնժամ , — զի և գուշակէր ոչ զայսո-
 սիկ , — բայց միայն զի փութոտ և ժաման առ քեզ զինքն
 համարելցիս և այր բարի , այժմ՝ յողոք առ քեզ անկեալ ա-
 ղերսէ զեղբօրն փրկութիւն : Չոր եթէ սորա միջնորդելով
 յորդորեալ շնորհեսցես երկոցսնց սոցա , եղբարս երիս ա-
 մենալուս և անարատս , ոչ ինքեանց միայն և ոչ այսչափ և
 այսպիսի արանց և ոչ մեզ սիրելեաց նոցա , այլ և ընկեր-
 հաշտութեանս լիցի քո պարգևեալ : Արդ զոր փոքր մի յա-
 ռաջ ՚ի տաճարին խորհրդոյ ցուցեր ՚ի Մ . Մարկելլոս³⁹
 յայրն ազնուական և հոյակապ , ազէ ցոյց զնոյն յատենի
 աստ և առ եղբարսն ընտրականս և գովելիս համօրէն այսմ
 բազմութեանս : Չոր օրինակ շնորհեցեր զնա աւագանւոյն ,
 տուր նոյնպէս և զսա ժողովբոցեան , զորոյ զկաման սիրեցեր
 միշտ յոյժ : Եւ եթէ օրն այն քեզ ՚ի մեծ փառս , ժողովբո-
 գեան հոռովայ՝ ՚ի խնդութիւն եղև , մի ինչ՝ աղաչեմ՝ յերկ-
 բայս վարանիր , Կեսար , զնմոնօրինակ գովութիւն այնր
 փառաց յաճախ և ստեպ խնդրել : Չի չիք ինչ հաճոյ ժո-
 ղովբոցեան քան զքաղցրութիւն , և ոչ մի ինչ յառաքինու-
 թեանց քոց ՚ի բազմաց՝ ոչ յաւեա սիրալի , և ոչ առաւել
 սիրելի քան զողորմածութիւն : Չի ոչ այլով իւրք առաւել
 հուպ մատչին մարգիկ առ աստուածսն , որպէս փրկու-
 թիւն գործելով մարգիկան : Չիք ինչ ՚ի բախտին քում՝ այլ
 ինչ մեծ՝ բայց զի կարողդ իցես , և ոչ ՚ի բնութեան քում՝
 այլ ինչ լաւ՝ բայց զի յողովագունից իցես կամեցօղ փրկու-

Թեան : Ճառս իմն երկայնագոյնս պահանջէր Թերես դասն ,
այլ քո բնութիւնդ հաւաստեալ զկարճագոյն : Արդ քանզի
առաւել շահ համարիմ քեզ ինքնին ընդ քեզ խօսել , քան
Թէ ինձ կամ այլում ումեք , աստանօր վախճան արարից .
զայս ևեթ քեզ յուշ արկեալ , զի եթէ հեռաւորին այնմիկ
չտորհեսցես զկեանսն , պարգեւելոց ես ամենեցուն սոցա
աստ եզելոցս :

ՏԵՂԵԿՈՒԹԻՒՆՔ ԻՆՉ

Ի Ճ Ս Ռ Ն Լ Ի Գ Ա Ր Ի Ո Ս Ի

ԹԻ. 1. Հենդեօրեն Է այս քա- և որ զինի այլ և այլ բանք Կ յառաջարանի ասա, որպէս 'ի մտայ իշխոյն անել զՊանոսյէ, և յո Դ-ընայն, և Բաղնիսի 'ի Սր ԵԼԷ, և այլն:

2. Ինտոք Երկերաշէի եր, զի զքոյր նորա ասի կալեալ 'ի կին: Ե- զայդ խորհրդով յիշատակէ, զի մի ընդ ասիի պարտութեան յաւիցի, և զի բանք իւր հաւատարմութեայն լինիցին, իբրև առ անմեղութեան Լի- զարիսի' շինույեալ և 'ի ինամութիւն:

3. Իտասովանութեան զոր ասաց' շեթոյ անգի խաբանաց. հենգ- նութիւն և բովանդակ:

4. Ելնեմէ և զնոյն ինքն զՏուբերման, որ ներողութեան կարա- զտան և նոքա 'ի նոյն պատճառ, որպէս և ինքն իւր Երկերոյն, որ 'ի միտով կողման կային առ Պանոսի. զի աննայն լաւք և ընկեր- հաշտութեան սիրողք, իբրև զկատողն, յայնմ կողման եին. զոր և ոչ առ յանցանա ինչ անեղին, այլ առ զըրդակ ինչ և և թ 'ի մեզ հաւա- սարից պատահեալ. մինչև ասել Լուկանոսի բերթողին (Փարս. ն. 128):

Կից հանց եղև կողմն յայլթօղ, պարտաւըն կատողի:

5. Գնայր նա 'ի Հուովմ 'ի ինդիր բղկնութեան:

6. Վարսս սցս, իբրև պարտեցան Սկիպիոն աներ Պանոսի և

Յուբան արքայ մաւրիտանացոց, յափրիկեան մարտէն փախեալ 'ի Սպանիա ընդ Սեքրոտոսի Պոմպիոսի և լաբրինոսի: Իբրև անդ ևս նորոգեցաւ պատերազմն ընդ որդիան Պոմպիոսի, 'ի Մունգայ կառնին պարտեալ 'ի Կեսարէ սպանաւ:

7. Հանգեալ 'ի տագնապելոյ անտի և 'ի փախուստ աճապարելոյ, զի մի բանի զօրագլուխ կարգեացի:

8. Չի ստիպէր հպատակել Վարոսի՝ նորոյ փոխանակի բգեշխին:

9. Չի Կիկերոնի կամակար զՊոմպիոսի կողմ կալեալ և պատերազմեալ ևս էր ընդ նորա գրօշուք, ուր լիգարիոս ակամայ 'ի հրամանէ կամ 'ի հարկէն:

10. Չի փոխանակ բգեշխի առաքեալ 'ի Կիլիկիա, խողազացոցեալ զԱման, և բարձեալ անտի զանգաղարելի թշնամին, և յաղութեալ ոչ սակաւ 'ի գործն. զօրագլուխ սղուանեցաւ. և 'ի գարնին, քանզի չեմուտ 'ի Հռովմ՝ ուր օրէն էր մերկանալ յիշխանութենէն, կալաւ յերկար զխուբան և զանուն փոխանակի բգեշխի մինչև ցամաշորդ:

11. Տուբերոն որդին. այլ որպէս Կուինտիլիանոս ասէ, շարժեալ է բանիւքս և Կեսար ինքնին. և ըստ Պլուտարքայ, 'ի յիշատակ լուկոյ ճակատուն Փարսալեայ՝ այնպէս գղբդեալ, զի սր դատապարտեալն էր զլիգարիոս 'ի մտի իւրում, և առ հարկի ևեթ օրինի հրահանգաց կայր լուէր Կիկերոնի, 'ի բանն յայնս վեր 'ի վայր վերդովել, և թղթոցն սր 'ի ձեռին՝ անկանել, և հակառակ առաջին մտացն՝ արձակուրդ շնորհել դատափետելոյն:

12. Ասեն ունել նմա առ իւր գաղատացիս ոմանս և Յայնս, սր զնս յոխութիւն և 'ի ժանտութիւն գրգէին:

13. Առ Սիլայի, որոյ յայտնի են նախճիրքն 'ի մարիտեան կողմանէն:

14. Չի գրատատան Կեսարու առ մարգագաւ արիկայս կալաւ և զայնոսիկ, սր ըստ տարագրութեանց մատուցեալ զկառավորուն Հռովմոյ քաղաքացոցն՝ վարձս առեալ էին արծաթ 'ի գանձէ աշխարհին. թէպէտ և Կառնելեան օրէնք անպարտ ասնէին:

15. Այդ և յաղորդ բանդ յայտ յանդիման զՏուբերոն զգատախազն հարկանեն:

16. Օրինաւոր իմն ըստ գատատանական օրինաց իւրեանց, և ոչ ըստ յախանեանական ճշմարտութեան և արդարութեան իրաւանց:

17. Չի այսպէս ոկաններ ճառն Տուբերոնի. « Խօսել կամիմ զեզերանէն լիգարիոսի: »

18. Չիոյճէ ինչ անուանել զՊոմպիոս յանգիման լու 'ի լու Կեսարու. զի և սա ինքն պատուով յիշէր միշտ զնս:

19. Չի արգելութի 'ի նմանէ զլազթանակ ճեմէն, և զերկրորդ անգամ՝ բգեշխութիւն՝ զոր տուեալ էր ժողովարդն:

20. Մեղմով ի՞նչ զգումներանոն քան զկեսարեանն նախամեծար
առնէ . զի ընդ Պոմպիլոսի էին բզեզիքն երկոյքին և բազում աւազո-
րեար և իշխանք . իսկ ընդ Կեսարու՝ և ոչ մի յառաջնոց աւազանւոյն :
21. ԶՏօրէն Տուբերոնէ է բանն . և իմանալի է 'ի պատճառս Հի-
ւանդութեանն՝ զոր պատճառել կամէր :
22. Զի առ սա Լ . Տուբերոն Հայր՝ 'ի բիծ ասնելով ասեին , թէ
գու միայն ես որ ընդ Պոմպիլոսի չմտարանիս :
23. Սոքորաբար իմանան զՊոմպիլոս , սմանք զԿատաչն :
24. Ընդ այլ բազում կուտակալս , որ 'ի Հրամանէ Պոմպիլոսի և
աւազանւոյն՝ ընթանային հասանելին այսր անդր՝ ըմբռնել զամուր ա-
մուր տեղիսն :
25. Ի Պ . Վարոսէ , որպէս ասացաք 'ի նախագրութեանն :
26. Լիգարիոսի կամեն արգելուլ զձեզ Սկիբիկոյ՝ ընդ որ բար-
կացոյք , իբրև թէ զի ինքն մտացէ , և ձեր ինդալք ընդ վիճակել Ա-
փրիկոյ ձեզ քան այլում ումէք , հաւատար են :
27. Այս ինքն , թէպէտ 'ի ձեռս Լիգարիոսի էր իշխանութիւնն ,
թէպէտ Վարոսի :
28. Յուբաս արքայ մաւրիտանացոց՝ որ էր կողմակից Պոմպիլոսի .
զի Հայր իւր Հիէմփուս Լ 'ի նմանէ կարգեալ էր թագաւոր . ընդ նմա և
ամենայն աշխարհին օտարացեալ էին կամք 'ի Կեսարէ :
29. Զի Սկիբիկոյ մերժեալք՝ դարձան անցին առ Պոմպիլոս , որ-
պէս ասացեալ ենք :
30. Ճարտարութեամբ սոյ իմանալ , թէ ոչ իրաւանց ինչ խնդիր
էր ձեր , այլ յիշխանական՝ պերճութենէ առն հրապուրեցոյք
սպաս հարկանել նմա :
31. Այս է՝ առ պոմպիլականն . յորոց Վարոս պինպէս անազորոյն
գտեալ առ նա , զի և զորդին հիւանդ 'ի ցամաք հանել , նա և ոչ ջուր
անդամ առնուլ չէր թողացուցեալ :
32. Այս է՝ մարմնով և եթ 'ի ճամբարին Պոմպիլոսի կայիք , իսկ
միայն ձեր ուժացեալ յիրաւանց մարտի նորա :
33. Ի բանակն Պոմպիլոսի , սուտի հեռի էր Կիկերոն 'ի պահու-
փարտալեան ճակատամարտին , 'ի Դիրբարիոնի գեղերեալ ընդ Վար-
ոսի և Կատաչի :
34. Պետութեանն՝ որ արգ 'ի միջի է , և վարի խորհրդով և իմաս-
տութեամբ Կեսարու . սոյ խնդիր ահա վճարեալ է :
35. Զի և Կեսար՝ ճարտարախօս քաջ էր , վկայելով նորին իսկ
Կիկերոնի և Կուինտիլիանոսի :
36. Իմա յանդգնաբար թախանձեմ . իսկ եթէ բազմաց առեալ
իցէ , զի և էր իսկ , նոյնպէս և ինձ օգնեալիք :
37. Այս այր 'ի ժամուն մեռեալ էր , զոր ոչ գիտէր Կիկերոնի .
բայց յազգել Ատտիկոսի մտերմին իւրոյ՝ կամեցաւ , ասնն , սպա

բառնալ 'ի միջոյ : իսկ բազմութիւնն այն՝ զոր ընդ կենարու ասէ ե-
զեալ, ոչ եթէ 'ի ճակատան , այլ ոչ ընդգիտամարտեալ ընդ նմա , և
մեկուսի 'ի լուսութեան կացեալ . բայց և այնու իսկ գծագի եղեալ
պոմպիտեանոց՝ յորս էր և ինքն կիկերոզն :

38. Չի հասոյց նմա զԹողակն հրամայեալս նմա 'ի բրեջիցն
Ղենաուլոսէ և փրկիպեայ , որ 'ի մեծ բարեկամութիւն նմա համա-
րեալ լինի :

39. Էյ յանուն կիկերոզի և ճառ մի 'ի բարեխօսութիւն պոմպիւ-
սեանն Մ. Մարկելլոսի , ափ յափոյ խօսեալ աս կենար 'ի խորհրդա-
բանին , յոյժ գովեալ երբեմն 'ի վարժապետաց ճարտարիտութեան .
բայց հմտագոյն քննաբանք , որոց հաւանեալս եմ , խստեն վայն՝ իբրև
անվայելչական ինչ նմա ըստ սրակաղ իմնասոյցն . և պատմական յու-
ցիւք ևս ընդ անհարազատս գասեն , զնորին գարու յայլնէ ասեքէ
յօրինեալ :

Կ Ի Կ Ե Ր Ո Վ Ն Ի

Ճ Ա Ռ

Վ Ա Ս Ն Ա Ր Ք Ա Յ Ի Ն Դ Ի Ո Տ Ա Ր Ա Ց

Ն Ա Խ Ա Դ Բ Ո Ւ Թ Ի Ի Ն

‘Ի հոսարս այս՝ ազնուական շորրորդապետ Գաղատիոյ, ‘ի պատե-
րազմունան զոր սային հառմայեցիք յԱտիա, ‘ի կապազովիա, ‘ի
Պոնտոս, ‘ի կիլիկիա և ‘ի ստորին Ասորիս, հաւասարիժ՝ ուխտակից
եկաց զօրավարացն հառմայեցաց՝ ընչիւք և զօրօք հասեալ նոցա ‘ի
Թիկունս: Ասան որոյ բազում անգամ գողութեամբք պատուեցին
զնա ‘ի ծերակուսին Սիլլա, Մուրենա, Սերուիլիոս և Լուկուլլոս:
Իսկ Պոմպիոս համարեցաւ զնա բարեկամ և սեան և սերտ նիզակակից
հառմէական ժողովրդեան. ուստի և զԹագաւորութիւն Փոքուն
Հայոց պարգեւեաց նմա, և աւագանին Թագաւոր զնա անուանեաց:
Ի ծագել ընտանի պատերազմին ընդ կեսար և ընդ Պոմպիոս՝ յղեաց
սա օգնութիւն Պոմպիոսի, և անձամբ ևս շագաւ ‘ի փարսալեան կռիւն:
Յետ պարտութեան նորա՝ մկնեցաւ յերկիր տէրութեան իւրոյ:
Փառնակ որդի Միհրդատոյ, որոյ զմասն ևեթ հայրենի Թագաւ-
րութեանն ընկալեալ էր ‘ի Պոմպիոսէ՝ զկիմեթեանն Բոսփոր, ցան-
կացեալ զբաւմբ ածել և զայլ մասունն, բանութեամբ մտեալ յա-
փրջապակեաց յԱրիորազանոյ զկապազովիա, և զՓոքր Հայս ‘ի
Դիոտարոյ՝ որ շէր անդ: Մինչդեռ կեսար յեղիպոսս զբազեալ
կայր, գիմեաց ‘ի հոսար առ Գոմփոսիս կալուինոս, յարոյ ‘ի ինամս
հաւասացեալ էր կեսարու զԱտիա՝ հանդերձ շուրջ սահմանօքն, ա-
զաշել՝ զի մի տացէ Թղլլ Փառնակոյ զրկել զինքն և զԱրիորազան.
ապա Թէ ոչ, առէ, շմարթի ինձ զհրամանագ կատարել, և ոչ զխոս-
ացեալ արծաթս հատուցանել կեսարու: Հրեշտակ արար անդէն
Գոմփոսիս առ Փառնակ՝ ելանել յաշխարհաց անտի. և պատասխանի
ընկալաւ, Թէ ‘ի կապազովիոյ ձեռնթափ էր, բայց զՓոքրն Հայս
իրաւամբք ուներ յանուն հօր իւրոյ: Յետ սուլ ինչ բանազանց ‘ի

խաղաղութիւն լինելոյ, առեւալ Դոմիտեայ և զգուշգան Դիոտարայ, և ճակատ տուեալ ընդ Փառնակայ և ոչ ինչ վճարեալ, կորոյս գրեթէ զգուշգն ողջոյն զպոնտացի, և զմեծ կէս զօրացն Դիոտարայ, և ժողովեալ զկաց ձեաց վայրատեալ բանակին՝ պատասպարեցաւ ընդ Կապադովկիա յԱսիա: Կենարու՝ յետ ալեքսանդրեան պատերազմին՝ շու արարեալ յԵգիպտոսէ յԱտորիս, իբրև մերձ եղև 'ի Պոնտոս և 'ի սահմանս գաղատացոց, արքայ Դիոտար ընկեցեալ յանձնէ զարքունական նշանն և 'ի կերպարանս յանցաւորի մատեալ առ նա յազերս՝ ներել նմա. զի թափուր զկողմանն տեսեալ 'ի կեսարեանց, հարկեալ 'ի հրամանէ, անցեալ էր 'ի բանակն Պոմպիլոսի. զի ոչ իւր ինչ անկ էր գատաւար լինել խնդրոց հռովմէական ժողովրդեան, այլ հրամանացն հնազանդ: Այս բանք ոչ յոյժ գնացին առ Կեսար. և խտալի կշտամբեալ զնա՝ կնքեաց, թէ ներեալ քեզ զայդ 'ի շնորհս երեսոց առաջին երախտեացդ, հնոյ հիւրընկալութեանդ և բարեկամութեան, պատուոյդ և հասակիդ և պաղատանաց բազում հիւրոցդ և բարեկամաց. իսկ զննդիրս չորրորդապետացն ապա տեսցուք, առե. և զարքունի հանգերձիցն շուք թողու 'ի նա. և հրաման տայ, զգուշգն զոր յիւրոց անտի կազմուներ Դիոտար և կիրթ բոս հռովմէական օրինի և հրահանգաց, և զայրուձին բովանդակ վարել 'ի պատերազմն առաջիկայ: Վճարեալ ապա Կեսարու զպատերազմն պոնտական, հանէ 'ի Դիոտարայ զՓոքր Հայս և զմասն ինչ գաղատացոց, և ապ Միհրգասայ պերգամացոյ, զոր կացուցեալ էր թագաւոր Բոսփորի: Չմիւս մասն գաղատացոց, որ հայրենի իրաւամբք ժառանգութիւն էր Դիոտարայ, շնորհէ նմա, և զանոն թագաւորի: Ապա յետոյ իբրև զարձաւ Կեսար 'ի Սպանիոյ 'ի Հռովմ, Կատալք անդզամ թոռն Դիոտարայ 'ի գատերն, յուսով ժառանգելոյ զարքայութիւն նորա, ամբաստան եղև զնմանէ առ Կեսարու, թէ յասպընջականեւնորա զԿեսար 'ի դարձին 'ի Փառնակայ՝ գարան գործեալ իցէ սպանանել զնա 'ի ասն անդ իւրում: Առեալ էր իւր գործակից և զօրավիգն յայս շարախօսութիւն՝ զՓիդիպպոս ոմն, ծառայ կամ հպատակ հաւուն իւրոյ Դիոտարայ, զայր բժիշկ, կաշաւարեկ զնա արարեալ, որ մի էր 'ի հրեշտակաց անտի առաքելոց 'ի Դիոտարայ առ Կիկելոնի՝ 'ի նա ապաստան առնել զգատ իւր զայս. զոր և յանձն առեալ Կիկելոնի, ճառիւս այսու՝ որ մի է յընտրելու զայնս նորա՝ պաշտպանեաց արքային, վաղեմի աստիճականի իւրում և բարեկամք. ոչ յատենի ուրիք և ոչ 'ի հրապարակին, այլ առանին առաջի Կեսարու՝ յապարանս անդ նորուն:

Կ Ի Կ Ե Ր Ո Վ Ն Ի

Ճ Ա Ռ

Վ Ա Ս Ն Ա Ր Ք Ա Յ Ի Ն Դ Ի Ո Տ Ա Ր Ա Յ

Մէտ իսկ յամենայն տառնս, Կ • Կետոր, 'ի սկզբան խօսիցս սովոր եմ խնովել սաստիկ, առաւել քան զոր 'ի գէպ թուիցի վարժութեանս և հասակիս • այլ մանաւանդ այնպէս ամբոսէ զիս բազում ինչ յայս գատ, զի որչափ վատահութիւն իմ բերէ յիս փոյթ և ջան առ 'ի պաշտպան կալ փրկութեան արքային Դիոտարայ, նոյնչափ խէթ կասկածի անբաւականութեան անձինս 'ի գերև հանէ : Կախ, պաշտպան լինիմ գլխոյ և բախտի առն թագաւորի • որ թէպէտ և ինքնին չէ ինչ անիրաւ 'ի քում և եթ վտանգին ¹, բայց այնպէս անսովոր ինչ է առն թագաւորի գլխապարտ չինել, զի յառաջ քան զայս անլուր իմն է : Երկրորդ, զայն թագաւոր՝ զոր յառաջն համօրէն աւազանւով հան գերձ սովոր էի գովաբանել վասն անհատ երախտեացն առ պետութիւնս մեր, այժմ ստիպիմ ջատագով նմին կալ 'ի գժնդակ յանցանաց : Առ սղբք, և յանպարտութենէ

միոյն՝ ՚ի գատախազիցն, և ՚ի քարուականութենէ միւսոյն յաւելլու յիս ամբոխումն : Անգղութ Կաստովք, զի մի ասացից ամապարիշտ և անօրէն, որ թոռն գողով զհասն ՚ի վտանգ գլխապարաութեան ընկէց, և զահափեառ երիտասարդութեան իւրոյ արկ զնովաւ՝ զորոյ զալինն պահել և պահպանել պարան էր, և զպարծանս քաջութեան գեռածազիկ հասակին՝ անօրէնութեամբ և եղերամբ հանաւ . զհաւուռն ծառայ՝ վարձուք կաշտաբեկ արարեալ՝ վարեաց ՚ի չարախօսութիւն գտեռնէն, և ՚ի հրեշտակացն հետոց ընդ արտուլի եհան : Իսկ զփախստական ծառային՝ զչարախօսի տեսան իւրոյ, և տեսան հեռաւորի, և տեսան սերտ մտերմի պետութեանս, յորժամ զերեսն տեսանէի, յորժամ զքաննն լսէի, ոչ այնչափ ընդ վիշտս արքայականն աշախճանին ցաւէր իմն, որչափ ընդ հասարակաց մեր ամենեցուն վտանգս երկիւզ յիս ընթանայր : Զի ուր ըստ նախնեացն կրօնից՝ և ոչ խոշտանգանգօրէն է պահանջել զծառայ այր գտեռնէ իւրմէ, յորում տանջանացն ցաւք գիտեն տալ և յսկամայ կամս զճճմարիտ ձայնն արձակել, երևեցաւ ծառայ մի՝ որ զոր յերաշխեպոն անգ չմտութէր նմա ՚ի բերան առնուլ՝ զնա յայտ յանգիման համարձակ չարախօսեաց :

Եւ այն ևս, Կ. Կեսար, խոռովէ զիս երբեմն . բայց ՚ի խոր ծանուցեալ զքեզ՝ դադարեմ յերկիւղէս : Քանզի ինքնին անօրէն իմն է՝, բայց քոյով իմաստութեամբք յոյժ արգարանայ : Զի զյանցանաց առ նա խօսել, յորոյ ՚ի կեանն նենգ գործել յանդիմանի յանցուածն, եթէ առանձինն ուշողի ակնարկեացես, ծանր է . զի չիք գրեթէ դք, որ իւրում վտանգին գատաւոր նստեալ՝ ոչ առ ինքն մանաւանդ նպաստաւոր լինիցի քան առ ատենաբարչն . այլ քո, Կեսար, վեհագոյն և շնաչխարհիկ բնութիւն ցածուցանէ յիս զայտաազնապ : Զի ոչ այնչափ խիթամ՝ զինչ գու զարքայէն ՚ի խոտարայ, որչափ խելամուտս եմ՝ զինչ այլոց զքէն գատաստան առնել կամիցիս : Խոռովեալ եմ և տեղւոյս օտարութեամբ . զի զգատ մի մեծ ոյսպիսի, որ ոչ երբէք ՚ի

պայքար եկեալ է, ընդ յարկաւ ասնդ խօսիմ, արտաքոյ ժողովոյ խօսիմ և ամբօխն, յոր ճարտարախօսացն յեցեալ ել և ել ասննն մրցութիւնք. յաչա քո՝ ՚ի բերան քո և յերեսս ակնկառոյց կամ. ՚ի քեզ միայն նկատեմ, առ քեզ միայն հային ամենայն բանքս: Որ ինչ ինձ ՚ի յոյս գամազիտ ճշմարտութեան լինելոյ զօրաւորքն են, առ եռանգն հոգւոյս և առ ամենայն ուժգնութիւն խօսից և ՚ի մրցութիւն՝ յոյժ թեթեւք: Զի եթէ զայս գատ, Կ. Կեսար, ՚ի հրապարակին խօսէի՝ քեզ իսկ լու ՚ի լու և քո դատազուլութեամբ, որպիսի զուարթութիւն բերէր յիս խուռնընթաց ինձոյ հոգովեական ժողովրդեան: Զի ո՞ր այն քաղաքացի՝ որ թագաւորին այնմիկ չլինէր թիկունք, զորոյ զաւուրսն զամենայն ՚ի միտ ածէր մաշեալ ՚ի պատերազմունս հոգովեական ժողովրդեան: Գոյր ինձ գէտակն ամբաստնալ ՚ի ստճար անգր խորհրդոյ ¹, հայեւ ՚ի հրապարակ անգր, և զինքնին իսկ զԵրկինս վկայ ունել: Այսպէս ՚ի յիշատակել ինձ զաստուածոցն անմահից և զժողովրդեանն հոգովայ և զաւազանւոյն բարերարութիւնս առ Դիոտարոս արքայ, անհնար էր պակասել յինէն բանից: Զորս քանզի ՚ի նեզ արկեալ յանձկի կացուցանեն որմունքս, ճնշեալ նուազի տեղեան և դատասացութիւնս: Քո է, Կեսար, բազում անգամ զբազմաց ատենախօս եղելոյդ ², յանձին քում նկարել որ ինչ այժմ յիսն կրի. զի գիւրաւ քո արդարութիւնդ և ունկնդրութեանդ մտազիւրութիւն՝ զամբօխում նրս զայս կարճեսցէ յինէն:

Այլ մինչ չև ՚ի բանս ամբաստանութեանն մատուցեալ՝ զյուսոյ ակնկալութեան չարախօսացն ասացից ստիւաւուք. որ թէպէտ և ոչ հանճարով և ոչ հմտութեամբ ինչ իրաց և վարժութեամբ թուին արժեւ ինչ, սակայն ոչ առանց ինչ յուսոյ և խորհրդոյ ձեռն յայս գատ արկին: Չէին անտեղեակ՝ զի ցատուցեալ էիր ընդ Դիոտարոս արքայ. գիտէին զնա առ զայրացուկս սրտիդ հարուածեալ և վնաս

սեալ⁸, և զքո բարեութիւնդ ընդ նմա՝ բարեկամութիւն ընդ ինքեանս համարեցան, և զի առ քեզ զքոյոյ վստանգիցդ խօսելով հեշտիւ՝ ի վերաւոր սիրտդ մուտս գտանիցէ ոճիրն ստայօդ: Վասն որոյ, Կ. Կեսար, նախ քոյով արդարամտութեամբդ և հաստատութեամբ և գթութեամբ՝ յերկիւղէ աստի զմեզ ազատեցո, զի անկասկած լիցուք՝ մինչև չմտայոյ՝ ի քեզ ամենևին և ոչ խուն ինչ նշմար սրտամտութեան: Այլովք քով այդու ազատեմ զքեզ, զոր հիւր առ հիւրրնկալ կարկառեցեր յարքայն Դիոտարոս, այգաւ ասեմ՝ աջով որ ոչ ՚ի պատերազմունս և ՚ի մարտս քան ՚ի խոստմունս իւր և ՚ի հաւատս հաստապինդ է: Դու ընդ յարկաւ մարդակաց նորս մտանել, գու զհին հիւրասիրութիւնն նորոգել հաճեցար. զքեզ թերապիք նորս ասպնջականեցին, զքեզ հաշտ և բարեկամ տեսին բազինք և վառարանք արքային Դիոտարայ: Որպէս զիւրաւ ցածնու, նոյն և մանգամ եւթ ցածնու գիտես, Կեսար. թշնամի՝ որ հետս ինչ քինու նշմարեաց ՚ի քեզ մնացեալ, ոչ երբեք սղաքեաց զքեզ Թէպէտ և յումէ՞ զանխուլ իցեն տրտունիք քո զԴիոտարայ, սակայն ոչ երբեք իբրև զթշնամույ բողոք կարար գու զնմանէ, այլ իբրև զբարեկամէ յեանելոյ ՚ի պարտուցն պատշաճից¹, զի միտագոյն ՚ի Պոմպիոսի քան ՚ի քոյդ գտաւ բարեկամութիւն: Համայն և յանցուցելոյն ևս թողութիւն շնորհէլ տակիր, եթէ թիկունս եւթ կամ թէ և զորդին ևս առաքեալ էր առ Պոմպիոս, և ինքն հրաժարեալ՝ աղերս զալիս իւր արկանելով: Այսպէս զերծուցեալ զնա ՚ի մեծամեծաց, չթողեր՝ բայց միայն զվոքըր ինչ մեաս բարեկամութեան. ուստի և ոչ միայն չապտուհասեցեր զնա, այլ և յամենայն երկիւղէ ազատեցեր, ասպրնջական ծանեար, թագաւոր թողեր:

Զի ոչ եթէ առ ատել ինչ զքեզ չոգաւ նա անգր, այլ հասարակաց սխալմամբ գթեալ: Թագաւորս, զոր աւագանին բազում անգամ ՚ի մեծաշուք հրովարտական սովին անուամբ յորհորջեաց, որ և անգատին ՚ի զարգուն ման:

կուլթիւնի պատկառելի և նուիրական համարեցաւ զստեանն զայն, յերեսաց իրացն այնոցիկ շփոթեցաւ այրն հեռաբնակ և օտարածին, արովք և մեք ծնեալքս յընկերհաշառութեան տատ, և ՚ի սմին հանապազ զեզերեալք: Յորժամ լսէր՝ թէ ՚ի հրամանէ միաբան աւագանւոյն շարժեալ են զէնք, և ՚ի բգեշխան և ՚ի գատաւորս և ՚ի հազարապետս ժողովրդեան և ՚ի մեզ ՚ի զօրադուխս յանձն եղեալ է պահպանել զընկերհաշառութիւնն, խռովէր ՚ի միտս իւր, և այր եղեալ մտերիմ՝ յոյժ տէրութեանս՝ զանպիտէր զփրկութենէ հռովմեական ժողովրդեան, յորում և զիւրն տեսանէր ընդգողեալ: Այլ յանհնարին աազնապ օտարակուսի անդ՝ արժան համարէր կալ նմա ՚ի հանգարտութեան: Բայց կարի ինն ուժգին վրդովեցաւ, իբրև լուսաւ զքգեշխան փափուցեալս յիտապիոյ, զամենայն աւագարեարն, — զի այսպէս գոյժ ընթանայր, -- զաւագանին բովանդակ և զիտապիտ ուջոյն թօթափեալ: Չի այսպիսի բօթից և գուժկանաց հորդ և հարթ համարձակ էր յարեւելս ճանապարհ, և ոչ ստոյգ ինչ բնաւ զինի հասանէր: Ոչ ինչ լսէր նա զքոց հանգամանացդ, ոչ ինչ զփութոյ միաբանութեան և իտաղութեան, ոչ ինչ զընկերակելոյ արանց ոմանոց ⁸ ՚ի գաւել զփառս քո: Որ թէպէտ և այս այսպէս էր, տակայն նա ժուժկալեալ համբեր, մինչև ՚ի Վն. Պոմպիտակ եկին առ նա գեեսպանք և հրովարտակք: Կերեա, ներեա, Կեսար, եթէ առնն այնորիկ իշխանութեան տեղի ետ արքայ Դիոտարոս, յոր և մեք իսկ ամենեքեան յարեցաք, յորում դիք և մարդիկ զամենայն շուք հեղին զեղին, և գու ինքնին բազումս և մեծամեծս ⁹: Չի եթէ քոց արութեանց հանգեպ՝ այլոցն պարծանաց ածին ստուերածս, ոչ վասն այնր զվն. Պոմպիտակ կորուսաք մեք զյիշատակն: Թէ քանի՞ն էր նորասնուն, քանի՞ն ճոխութիւնք, քանի՞ն յազգս ազգս պատերազմաց պարծանք, որչափ պատիւք հռովմեական ժողովրդեան ՚ի նմա, որչափ աւագանւոյն, որչափ քոյքդ իսկ, ո՞վ որ տնայրանայ. այնչափ նա զանցոյց փառք զա-

ուաշնովքն, որչափ գու գլեցեր զամենեսին: Վասն որոյ զմարտս պատերազմաց Կն. Պոմպիլոսի, գլխալթուութիւնսն՝ զլազլթանակսն՝ զբգեշխութիւնսն՝ հիանալեօք 'ի համար արկանէաք, զքոյսգ՝ ոչ կարեմք համարել:

Արգ՝ առ նա չոգաւ արքայ Դիոտարոս՝ յայս ողորմ և անհրաժեշտ պատերազմ, առ նա՝ որում ձեռն տուեալ էր յարգար պատերազմունսն ընդ թշնամիս, ընդ որում ոչ ատպնջականութեամբ միայն, այլ և ընտանութեամբ զօրեալն էր. և չոգաւ, կամ աղաչեցեալ իբրև բարեկամ, կամ հրաւիրեալ իբրև նիղակակից, կամ կոչեցեալ իբրև զղք՝ որ ուսեալ էր հնազանդել աւագանւոյն. հուսկ ուրեմն՝ չոգաւ իբրև առ փախստեայ, ոչ իբրև առ հալածիչ, այս է՝ 'ի վտանգին կցորդութիւն, ոչ 'ի յալթութեանն: Վասն որոյ և 'ի վճարել փարսալեան ճակատամարտին՝ անջատու մեկնեցաւ 'ի Պոմպիլոսէ, անսահման յուսոյ ¹⁰ հեռամուտ լինել ոչ կամեցեալ, կամ պաշտամանն՝ եթէ ինչ պարտն էր, և կամ վրիպակին՝ եթէ ինչ անգիտացեալն էր, համարեալ վճար եղեալ. գնաց 'ի տուն իւր, և 'ի հարկանել քո զալեքսանդրեանն պատերազմ՝ 'ի նպաստ քեզ օժանգակեաց հպատակօրէն: Նա զքօրան Կն. Դոմիտիոսի ¹¹ զառն աւագի՝ 'ի յարկս իւր և իւրով առատութեամբն դարմանեաց, նա յԵփեսոս առ այն՝ զոր գու 'ի քոյոցդ առաքեալ էիր այր հաւատարիմ և ընտիր 'ի բնակից, յլեաց արծաթ. նա գարձեալ, նա երրորդ անգամ՝ արարեալ վաճառս հրապարակաւ՝ ետ զքրաման տանել 'ի պէտս պատերազմիդ. նա զողիսն 'ի բոլին կալեալ ընդ քեզ ընդգէմ Փառնակայ ¹² եկաց 'ի ճակատու, և զթշնամին քո՝ իւր համարեցաւ: Եւ զայս ամենայն, Կ. Վեսար, յայնմ համարի հաշուեցար, զի զնա արքունականաւն մեծարեցեր շքեզ պատուով և անուամբ:

Արգ սա, ոչ միայն քև ազատեալ 'ի վտանգէ, այլ և շքեղաշուք պատուով պերճացեալ, գասափեա առնի՝ թէ 'ի տան իւրում կամեցեալ իցէ սպանանել զքեզ. զոր քեզ

անհնարին է կասկածել, եթէ ոչ առ մոլեկան դք զնա ունիցիս : Քանզի թողեալ թէ որպիսում ասել անօրէնութեան իցէ՝ սպանանել զայր հիւր, ակն յանգիման առանին դիցն թերափից . որպիսում գժնէ անողորմութեան՝ զամենայն ազգաց և զամենայն յերատակաց զլոյսն պայծառ շեջուցանել . որպիսում անհնարին գազանութեան՝ չգորհուրել ՚ի յալթողէն տիեզերաց . որպիսում վայրենամիտ և ապախտաւոր սրտի, զի յորմէ թագաւորն էր անուանեալ ՚ի նմա գառն գահիճ երևել . զայս ամենայն թողեալ, որպիսում ասագին մտեգնութեան իցէ՝ զամենայն թագաւորս, յորոց բազումք սահմանակիցք իսկ էին, զամենայն ազատ ազինս, զամենայն ուխտակիցս, զամենայն նահանգս, համայն ասացեալ զամենայն ամենեցուն զէնս ընգզէմ իւր միայնոյ յարուցանել : Որով նա օրինակաւ, թագաւորութեամբն՝ տամբ՝ կնաւ և սիրասուն որդւով հանգերձ, իլեալ պատուէր, եթէ զայնքան ոճիրն՝ ոչ թէ միայն գործով կատարէր, այլ՝ եթէ և ամէր և եթ զմտաւ : — Բայց կարծեմ՝ այրն անխորհուրդ և յանգուզն չտեսանէր զայստակ : Ո՞քան զնա խորհրդական, ո՞ առաւել ազգագրատ 15, ո՞ յաւէտ մտացի . թէպէտ և աստանօր Դիոտարայ ոչ այնչափ հանձարովն և իմաստութեամբ՝ քան թէ հաւատարմութեամբն և կենացն կրօնիւք արժան համարիմ պաշտպանել : Ծանօթ է քեզ, Կ . Կեսար, առն լաւութիւն, ծանօթ բարքն, ծանօթ պնդութիւնն . այլ ում ումիք, որոյ գամ մի զհոռովական ժողովրդեան զանուն և եթ լուեալ իցէ, Դիոտարայ անարատութիւն, զգրնութիւն, առաքինութիւն և հաւաք չիցեն պատմեալ : Արդ, ոճիր՝ որ և ոչ առն անզգամի անկ ինչ է՝ վասն յայտնի կորստեան երկիւղին, և ոչ եղեռնաւորի՝ եթէ չիցէ անմտազոյն և տ, զայն դուք ստեղծանէք երկնեալ ՚ի միտս ամենալաւ առն և ոչ բնաւ անզգայելում . և որով ոչ անհաւատ միայն օրինակաւ, այլ և ոչ գեթ կարծեք չափ և եթ : — Իբրև չողար, ասէ, ՚ի Նուկիոն աւրոց, և գնացեալ ազար ՚ի տան թագաւորին՝

վանաարին քոյ, տեղի մի էր՝ ուր ամենայն ինչ յօրինեալ կայր, որովք եզեալ էր արքային ՚ի մօտի օժտել զքեզ: Ի լուարեաց, մինչ չև քո ՚ի սեզան բազմեալ, անկր կամէր տանել զքեզ, զի արք զլինեալք ՚ի սպանանել զքեզ՝ դարանամուտ էին ՚ի տեղուջ անդ: Ահա փեսաս, ահա փուրսիչ, յոր սակս փախտտահանն զարքայէն, ծառայն զտեւնէն լինի ամբաստան:

Ինձ, մն և մն, Կ. Վեսար, ՚ի սկզբանէ հետէ յորմէ այս դատ առ իս մատուցաւ, կասկած անկաւ ՚ի միտս՝ թէ Թիւսիպպոս այր բժիշկ, ծառայ Թագաւորին, առաքեալ ընդ դեռպանսն, կաշառարեկ եղեալ իցէ ՚ի պատանուոյ աստի յայսմանէ. զայր բժիշկ որսացեալ քսու, որպէս զի անշուշտ եղեուն ինչ կարկատեացէ դեղատուութեան: Թէպէտ և հեռի ՚ի ճշմարտութենէ, բայց ՚ի սովորութենէ դատախազից ոչ օտար ինչ յոյժ: Իսկ զինչ ասիցէ բժիշկդ: Ոչ ինչ զքեզդ: Այլ նախ՝ հնարին էր այդմ լինել կարի գաղտամեա ընդ ըմպելի կամ ընդ կերակուր. և դարձեալ անպատուհաս ևս գործի. զի յետ գործոյն մարթ է ուրաստ ընել: Եթէ յայտնապէս հատանէր զարեզ, զամենայն ազգաց՝ ոչ միայն զատելութիւն, այլ և զզէնսն յանձն իւր ձգէր. եթէ գեղով, յակնարկութենէ հիւրընկալ գիցն Արամազդայ վանաարի՝ ոչ ուրեք ունէր Թաքչել, թէ և ՚ի մարգկանէ թերևս Թաքուցեալ: Արդ, զոր լուերեայն հնարեւ և զգուշադոյնս վճարել կարողն էր, զայն քեզ բժշկիդ խորամանգի, և ծառայի՝ որպէս կարծէրն՝ հաւատարմօ ոչ հաւատաց, զզէնսն՝ զերկաթն՝ զգարանսն ծածկել ՚ի քէն ¹⁴ ոչ կամեցաւ: Եւ քանի կատակութեամբ յօգեալ և յարմարեալ եղեուն: Նոյն բախտ քո, առի, որ և միշտն, պահպանեաց զքեզ. չտուեր յանձն յայնժամ մտանել տեսանել ¹⁵: Իսկ զինչ ապա. իբրև առ տեղեաւն չաջողեցաւ գործն, միթէ հետ ընդ հետ արձակեաց Դիոտարոս զզօրականն ՚ի բաց. չգոյր ինչ այլ տեղի գարան գործելոյ: Այլ քո ¹⁶ ասացեալ իսկ էր, յետ ընթրեացն զառնալ գալ ան-

գրէն : Ապա և արարեր : յամ մի կամ երկուս 'ի նմին տեղ-
 ւոյ ուր 'ի քմին կային՝ զգինուորսն պահել մեծ իմն էր :
 Որպէս լուրջ երեսօք և զուարթ էիր 'ի խրատունսն, նոյն-
 գունակ չոգար անդր ըստ որում ասացեալն էիր : Յորում
 վայրի այնպիսի ծանեար ընդ քեզ զԴիոտարոս, որպիսի
 Ատաալոս ¹⁷ արքայ եղև ընդ Պ . Ափրիկեցւոյն . որում որ-
 պէս ընթեռնուաք 'ի գիրս, յԱսիոյ մինչև 'ի Նումանտիա
 յղեաց ընծայս մեծավայելուչս, զորս Ափրիկեցին ակն
 յանդիման բանակին ընկալաւ : Չայս իբրև կատարեաց անդ
 Դիոտարոս արքայաբար սրտիւ և օրինօք, գու 'ի սենեակ
 քնոյդ մեկնեցար : Ազաչեմ, Կեսար, յո՛ւչ քեզ ժամն այն .
 նկարեա զօրն զայն առաջի աչացդ . ան զմտաւ զգէմն ա-
 րանցն՝ որ հայեցեալ 'ի քեզ և սքանչանային . միթէ ինչ
 շշմէկ, միթէ շփոթ ինչ . միթէ ինչ այլ քան որ զգաստա-
 բարն է, որ ինչ հանգարտօրէն, որ ինչ ըստ բարեկարգու-
 թեան մեծարոյ տուն և անարատի : Չինչ պոտճառս իցե
 իմանալ, զի յետ լուանայոյդ կամեցեալ իցե խարդաւանեղ
 զքեզ, և ոչ յետ ընթրելոյդ : Առ վաղիւ, ասէ, յամեցոյց՝
 զի ընդ հասանելն յամուրն 'ի Լուկիոն՝ անդ զհորհուրգս
 կամացն յարդիւնս անիցե : — Ոչ տեսնեմ զպոտճառս
 տեղափոխութեանն . բայց չարաչար գատախաղութիւն
 կայ զիրպցն : — Իբրև, ասէ, յետ ընթրեացն ործալ ¹⁸
 կամեցար, սկսան տանել զքեզ 'ի լուալիան . քանզի անդ
 էին գարանակալքն . բայց զքեզ դարձեալ նոյն քո բախտ
 փրկեաց . զի առաւել ընտրեցեր երթալ 'ի սենեակ քնոյդ :
 — Կորուսցեն զքեզ զիք, այ ծառայ փախտական . այդ
 պէս՝ ոչ ժանտ միայն ես և ժպիրհ, այլ և յիմար և անմիտ :
 Չինչ . պատկերս պզիճիս տրճանացուցեալ էր նորա անդ 'ի
 դարանի, որ 'ի լուալեաց անախ 'ի սենեակ անդր փոխել
 ոչ կարէին : Ազադիկ քեզ բովանդակ դարանակալութեանն
 ոճիր, զի ոչ այլ ինչ ասաց : Այտոցիկ, ասէ, իրազէտ տե-
 զեակ էի : Իսկ զքարդ . այդչափ ծանծաղամիտ էր այրն, զի
 զոր հմուտն ունէր առ իւր այնքանոյ ոճրագործութեան՝

արձակեացէ յիւրմէ, 'ի Հոռովմ' և առաքեացէ, ուր և զտխերիմն իւր գիտէր զԹոռնն, և զԿեսար ինքնին գլխովին՝ որում զորոգայթան լարեալ էր. մանաւանդ զի և սա միայն էր՝ ար. զհեռաւորէն զինքենէ կարօզ էր մասն և գուշակ լինել: — Այլ զեզրարան իմ, ասէ, վասն զի գիտակք էին, արկ 'ի բանտ և 'ի կապանս: — Իսկ արդ, զնոսա կապեալ որ անդ ընդ իւրն էին, զքեզ 'ի Հոռովմ' արձակեալ յէր, որ զնոյնս զոր զնոցանէն ասես գիտել՝ գիտէիր և դու:

Մնացեալ մասն ամբաստանութեանն կրկին է. մի, զի յորմէհետէ աւելոց ել 'ի քէն սրտիւ Թագաւորն, միտ եգեալ գէտակն ունէր միշտ 'ի պահ զգուշութեան. և միւս, զի բանակ մեծ գումարտակ առնէր 'ի վերայ քո: — Զբանակէն ասացից կարճ 'ի կարճոյ որպէս և զայլն: Դիտտարայ արքայի ոչ երբեք եզեն գունդք՝ որովք բաւական գտանիցի տալ պատերազմ ընդ հոռովմէական ժողովրդեան. այլ այնչափ և եթ, զի զսահմանս իւր 'ի հինից ասպտտակաց Թշնամեացն և յաւազակութենէն պահպանել, և զորագրութեացն մերոց առաքել Թիկոնս օգնականութեան: Կարօզ էր յառաջագոյն բազմաձեռն ևս հոռոզէ զորս, այժմ սակաւս ինչ հազիւ Թէ մարթէ պահել: — Բայց յղեաց առ Կեկիլիոս ոմն չգիտեմ՝ ո՞վ. այլ զորս յղեացն, քանզի չկամեցան երթալ, արկ 'ի կապանս: — Ոչ հետազգտեմ՝ զոր ճշմարտութեան կերպարանս ունիցի, չգտանել արքայի առ ձեռն՝ զորս առաքիցէ, կամ առաքելոցն՝ անաստեղն, կամ զհետողան հրամանին՝ յայնմ 'ի մեծ և կարևոր իրի՝ կապելն և եթ, և ոչ սատակելն: Բայց սակայն 'ի յղելն առ Կեկիլիոս՝ ոչ գիտէր արդեօք Թէ այն ինչդիր մարտիւ յաղթութեամբ վճարեալ է, Թէ զԿեկիլիոսոք զայդ առ մեծ ոմն ունէր. զոր քաջածանօթն այն մերոյ որերոյս՝ առանց ընդ բանս ինչ ածելոյ արհամարհէր: — Յաւել և զայն ևս, Թէ ոչ զայրընտիրան 'ի հեծելոց առաքեաց առ քեզ: Զհինաւորացն կարծեմ, Կեսար. ոչինչ առ քոյով այրուձիովդ. այլ առաքեաց յորոց ունէրն զընտիրան: — Ասէ չգիտեմ

զն՝ ի Թուոյ նոցա՝ ի ծառայի կարգ համարեալ¹⁹ : Ոչ կարծեմ, չլուայ . բայց Թէ և եղեալ էր այնպիսի ինչ, ոչ Թագաւորին ինչ մեզ գնէի :

Այլ աւելոց եւ օտարացաւ՝ ի քէն հոգւով : Իսկ զխորդ : Յոյս ՚ի մտի եգ, կարծեմ, Թէ գժուարին լինիցին քեզ եւք յԱլէքսանդրիոյ՝ յերեսաց հանգամանաց աշխարհին և գետոյն : Սակայն և ՚ի ժամանակի անգ յայնմիկ մատակարարեաց արծաթ և զգօրն կերակրեաց . զոր հրամանատար կարգեալ էիր Ստիոյ՝ ոչ իւիք եթող զնա կարօտ . քեզ յաղթողիգ՝ ոչ միայն յասպնճականութիւն, այլ և ՚ի վտանգք և ՚ի ճակատամարտ պատերազմիգ՝ անգ առ քեզ մերձ գտաւ²⁰ : Զհետ եկն պատերազմն ակրիկեանն²¹ . համբաւք գժոխալուրք ակրեցան զքէն, որ և զմովն զայն կեկիլնոս գրգեցին : Որով հոգւով եղև ընդ քեզ յայնժամ Թագաւորս, որոյ բազում կարասի հրապարակաւ ՚ի վաճառ հանեալ լաւ համարեցաւ զանձն կապուտ կողոպուտ Թողուլ՝ քան չլինել քեզ նպաստ գրամս : — Բայց ՚ի նմին պահու, ասէ, և ՚ի Նիկիա և յԵփեսոս առաքէր արս, որ զպիրիկեան զրոյցսն ժողովեալ՝ վաղձազակի առ ինքն հասուացեն : Ուտի և իբրև լու եղև նմա նաւաբեկ կորուսա Դոմիտիոսի և պաշարումն քո յամրոցին, ասաց զԴոմիտիոսէ զտունն յունական նովն մազք որով և առ մեզս կայ լատիներէն .

Արիցեն բարեկամք, Թէ միայն զյոյ անկցին ոսիք 22 .

զոր եթէ և կարի Թշնամի դք էր քո, ոչ երբեք ասէր նա . զի նա հեզ և համբոյր, իսկ տունգ՝ ժանտալից : Եւ զխորդ կարէր բարեկամ Դոմիտիոսի լինել որ քեզ Թշնամին էր : Իսկ առ իմէ էր լինել քեզ Թշնամի, որ յէշէր՝ զի մինչ ըստ օրէնս պատերազմի կարօզ էիր սատակել զնա, Թագաւոր զինքն և զորդին իւր կացուցեր :

Իսկ ապա զի՞նչ այնուհետև . ցոր վայր ժմերտի վրիժա

պարտն ժանս . ասէ . — Այսու ցնծութեամբ փոփոխա-
ցեալ Դիոտարոս՝ ընդ գինիս եմուտ , և 'ի կոշուան անդ
կաքաւեաց մերկանդամ : — Ո՞ր կախողան բաւական լի-
նիցի փախստէիս այսմ 'ի պատուհաս : Ազէ՛ ետե՛ս ոք եր-
բէք զԴիոտարոս կաքաւեալ կամ զգլխեալ գինեալ : Վա-
տարեալ են 'ի Թագաւորին յայնմիկ ամենայն արքայական
առաջինութիւնք , որոց ոչ անտեղեակ կարծեմ զքեզ , Վե-
տար . այլ մանաւանդ ժուժկալութիւն անզուգական և զար-
մանալի . Թէպէտ և գիտեմ , զի 'ի բանս գովեստից Թագա-
ւորաց այդ ոչ յաճախէ . զգաստ ասել 'ի կերակուրս զայր
Թագաւոր՝ ոչ մեծ ինչ գովութիւն է . քաջ , արդար , անա-
չառ , մեծարոյ , վեհանձն , առատ , բարերար , ազատական ,
այս են գրուածիք արքայականիք . փսկ այն՝ սոսկականի :
Ընկալցի որպէս և կամք ումիք իցեն , այլ ես զժուժկալու-
թիւն , զպարկեշտութիւն ասեմ՝ և զգլխաստութիւն , առա-
ջինութիւն մեծ համարիմ . և այս 'ի նմա անգասին 'ի մա-
տող տիտն նկատեալ և ծանուցեալ է համօրէն Արիոյ , և
Խիսանաց , և տեղապահաց մերոց , և ասպետաց հռովմայե-
ցոց՝ որոց գամ մի յԱսիա 'ի գին և 'ի վաճառ եղեալ իցեն :
Ընդ յգնորոշ աշտիճանս վաստակոց առ պետութիւն մեր՝
ամբարձաւ նա յայդ անուն արքունական . այլ որչափ ինչ
պարսպ առնոյր 'ի պատերազմաց հռովմեական ժողովը-
գեան , զայն 'ի կցորդութիւն ընտանութեան և սիրոյ ար-
գեամբք և բանիւք ընդ որեարն մեր հանէր . մինչև ոչ միայն
'ի շաճտութեան անտուական , այլ և քաջընտիր տանտէր
և արդիւնարար ժրագլուխ և խաշնագարման ճանաչել²³ :
Արդ , որ և 'ի պարտնութեան անդ , չէ՛ ի փառս պերճացեալ ,
զամենայն ինչ զգոնաբար և շքով գործեաց , նա յայնմ ճա-
խութեան և յայնմ հաստիկի քի կաքաւս ելանէր : Քան զայր
քաջ և փառաւոր՝ բերանով գնացական ծառային լուտալ ,
պարտ էր քեզ , Վաստովր , կրօնից և կրթանաց հաւուն
քոյ նախանձաւոր լինել : Զի թէ և կաքաւիչ ոք էր հաւգ ,
և ոչ այր այնպիսի՝ յորմէ ամօթոյ և պատկառանաց փնդրին

օրինակք, համայն այդ բամբասանք չվայելէր բնաւ այնմ հատակի : Որովք յարբուն տիրոցն իսկ արբեալ և զմայլեալն էր նա ակորժակօք, ոչ կարաւս յօրինելոյ, այլ ճարտար զէնս 'ի գործ առնելոյ և քաջապէս երիվարելոյ, այնք ևս 'ի զառանցեալ հասակին շիջեալ պակասեալ էին 'ի նմանէ : Որպէս զի յորժամ յողունց առեալ զԴիոտարոս ամբաւնային յերիվար, սովոր էաք զարմանալ թէ զի և կարէր իոկ պինդ կալ ծերունին : Սակայն սա, պատանիս այս ²⁴, որ իմ 'ի Վիլիկիա զօրական, 'ի յունաստան զինուորակէց եղև, յորժամ 'ի բանակի անդ մերում ձի արկեալ խաղալը ընդ հեծեալն իւր ընտրեալս, զորս ընդ իւր առաքեալ էր հօր իւրոյ առ Պանդիոս, որպիսի արշաւանս ընդ նոսին զնել գիտէր, զխորդ սիգալ, իբր նազել, որպէս յայն մըր ցանան չաալ ումիք տեղի ջանիւ և յօժարութեամբ : Իսկ իբրև կորեաւ բանակն, և ես որ յամենայն ժամ առաջնորդ էի խաղաղութեան, յեա փարսայեան ճակատուն խրատ աայի՝ ոչ զինազերծ միայն լինել, այլ և զէնընկէց, չկարալի զսա 'ի բանի առնել ընդ իս ²⁵ : զի և ինքնին իսկ վառեալ էր 'ի փոյթ պատերազմին, և զհօրն կամս հաճել պարտ վարկանէր : Երանի տանն այնմիկ, որոյ է ոչ միայն անպատիժ մնալ, այլ և համարձակութիւն չարախօսելոյ • եզունկ Դիոտարոս, որ ոչ միայն 'ի նմին բանակակցէ իւրմէ առաջի քո, այլ և յիւրոց անախ բամբասանս կրէ : Դուք, Պատովք, ձերով քարեքախտութեամբք ոչ կարէք առանց մեր ձաւորացդ թշուառութեան զոհ լինել :

Թշնամութիւնք՝ թնոլ լինիցին, որոց չէր ինչ պարտ բնաւ լինել : Դիոտարոս արքայ զազգատոհմն ձեր զանկած և զանանուն 'ի խաւարէ 'ի լոյս եհան : Ո՞ զհայր քո՝ յառաջ քան զայր ուրուք փեասոյ լինելոյ՝ լուաւ թէ ով զք էր : Բայց թէպէտ և ապերախտ և ամբարշտաբար զտոհմակցութեան անուն մերժիցէք, սակայն զթշնամութիւն գոյր ձեզ մարդկօրէն կատարել, ոչ ստապատիր յանցածօք զըրպարանել, ոչ յարեէ խնդրել արկանել, ոչ 'ի զխաւար-

տու-թիւն գատախազել : Հապա և այդ ևս շնորհեալ քեզ
 և զայդ անհնարին ժանտու-թիւն և զոխս : Այլ մի-թէ և
 ցա՛յն , մինչև ողջոյն իսկ զկենաց և զհասարակաց փրկու-
 թեան և զմարդկու-թեան իրաւունս լուծանել : ԶԾառայն
 հրապուրել հանել 'ի բանս , յուսով և խոստմամբք կաշա-
 ուել , առնուլ տանել 'ի տուն , ընդդէմ տեառնն զինել . այս
 ոչ միում մերձաւորի , այլ համօրէն տանց բոլորեցունց պա-
 տերազմ գգնդակ յայտ առնել է : Զի եթէ այս մարդերոյդ
 կաշառարեկու-թիւն ծառայի՝ ոչ միայն անպատուհաս մնաս-
 ցէ , այլ և այլքանոյ իշխանու-թեան հաճոյ լինիցի , այնու-
 հետև ոչ որմուկը , ոչ օրէնք և ոչ իրաւունք ինչ զկեանս
 մեր յամրի կացուացեն : Զի որ 'ի ներքս ինչ ²⁶ և մեր է ,
 յորժամ աներկիւղ 'ի բաց սրանայցէ , և զիմամարտ մեզ
 լինիցի , 'ի տէրու-թեան՝ ծառայու-թիւն լինի , և 'ի ծառայու-
 թեան՝ տէրու-թիւն : Ո՛վ ժամանակացս , ո՛վ բարուցս :
 Կնէոսն այն Դոմիտիոս , զոր 'ի մանկու-թեան մերում բը-
 դեաչն՝ համարակար՝ քրմապետ մեծ տեսաք , յորժամ
 հազարապետ էր ժողովրդեանն , զՄ . Սկաւրոս զիշխան
 քաղաքին յատեան ամբոխին եկակոչ արար , և Սկաւրո-
 սին ծառայ՝ գալտ առ նա 'ի տունն երթեալ ասէր քսել
 յանցանս զտեռնէն , հրաման ետ ունել զայրն և տանել առ
 Սկաւրոս : Տես զինչ խտիր 'ի միջի կայցէ . թէպէտ և անօ-
 րինիմ՝ զՎաստովը ընդ Դոմիտիոսի 'ի կշիռ արկանել . ա-
 կայն նա դարձոյց զծառայն առ թշնամին , դու 'ի հաւուգ
 վտարանդեցեր . նա՛ զոր չէրն կաշառեալ՝ չկամեցաւ ունկն
 նմա մատուցանել , դու կաշառարեկ արարեր . նա մերժեաց
 զծառայ՝ որ ձեռնտու գայր ընդդէմ տեառն իւրոյ , դու և
 գատախազ 'ի ներքս արկեր : Այլ գա մի՛ և եթ մնգամ կա-
 շառեցաւ 'ի ձէնջ : Ո՛չ ապաքէն , իբրև ածաւ 'ի մէջ և մինչ
 ընդ քեզ իսկ կայր , խուսեաց առ գետպանան ²⁷ , ո՛չ և առ
 սա ինքն Կն . Դոմիտիոս չոգաւ , ո՛չ և լու 'ի լու այսմ Սեր .
 Սուլպիկիոսի առն փառաւորի , որ յայնժամ անդ գիպեալ՝
 ընթրէր առ Դոմիտիոսի , և 'ի լուր այսր , Տ . Տորկուատոսի

ամենալու պատանւոյ՝ խոստովան եղև, [Թէ կաշառեալ էր 'ի քէն, և քոյով խոսամամբքդ 'ի նենդու[թիւն հրապուրեալ: Չի՞նչ իցէ լրբենիդ այդ և անագորոյն և անչափ տմարդու[թիւն: Յոսասն այսր ապականել եկիր զկրաւունս և զօրինակս քաղաքիս, և քոյով ընդասուն վայրենու[թեամբք զմերոյ քաղաքիս մարդասէր բարս պղծել:

Այլ որով նուրբ հանճարով պաճուճեալ են ոճիւրն: — Բլէսամիոս ²⁸, ասէ, — քանզի յանուն առնն ընտրականի և քեզ ոչ անծանօթի՝ չարախօսէր զքէն, — գրէր ստեպառ [Թագաւորն, [Թէ ատելի ես, բռնաւոր համարեալ, և վասն պատկերիդ ²⁹ քոյ կանգնելոյ ընդ [Թագաւորսն՝ զայրացեալ յոյժ են յողիս իւրեանց մարդիկն, և չեն սովոր հարկանել քեզ ծափս: — Չառնո՞ւս 'ի միտ, Վեսար; զի զայսոսիկ յոստանիկ ³⁰ բանկներոյ չարականաց հաւաքեալ է դոցա: Չվեսար բռնաւոր գրեալ իցէ Բլէսամիոս: Ապա քէն քանզի զբազում քաղաքացոց տեսեալ էր կառափոռնս, զբազումս՝ Վեսարու հրամանաւ տանջեալ, [Թուպեալս, սատակեալս, բազում տունս՝ տառապեալս և կործանեալս, զհրապարակն խոնեալ կուտակեալ սպառազէն զօրականաւ: Չոր յամենայն քաղաքամարտ յազ[թու[թիւնս կրեցաք, ոչ ևս 'ի քում յազ[թանակելոց տեսաք զայն: Քանզի դու միայն ես, Վ. Վեսար, յորոյ յազ[թու[թեանն ոչ դք անկաւ տապաստ, բայց ե[թէ զինաւոր: Եւ զոր մեք ազատքս, 'ի մեծի ազատու[թեան հոռվմեական ժողովրդեանս ծնեալք, ոչ միայն առ բռնաւորս չունիմք, այլ մանաւանդ առ գորովագու[թ՝ ևս և 'ի յազ[թու[թեան, մար[թիցի՛ նմա բռնաւոր երևել յաչս Բլէսամեայ՝ որ ընդ [Թագաւորու[թեամբ կեայ: Չի զպատկերէ գրօշելոյ ո՞ դք քր[թմնջիցէ, մանաւանդ զմիոյ եւե[թ, ուր զբազումսն տեսանիցէ. զի և յոյժ իսկ նախանձելի են գրօշեալք նորա՝ ընդ որոյ չնախանձիմք ընդ յազ[թու[թեան նշանն: Քանզի ե[թէ տեղին իցէ որ նախանձուկա արկանիցէ, չիք տեսի չքեզ գրօշելոյ քան զատեան հրապարակին ³¹: Իսկ զկայ[թան հարկանե-

լոյ՝ զինչ տաց պատասխանի . որում՝ ոչ երբեք տենչացար ,
և է ուրեք՝ զի աւ ավչուութեան մարդկանն՝ ՚ի Հիացմանէն
լուեալ կարկեցաւ . և թերևս զանց ևս եղև, զի ոչինչ՝ ՚ի հա-
սարակաց աստի գուզնաքէիցս արժանի քեզ տեսանի :

Ոչինչ յինէն կարծեմ ապախտ արարեալ, այլ թողեալ
ինչ՝ ՚ի յետին մասն դատիս, որ այն ինքն է՝ ամենայնիւ ա-
մենայն իրօք հաշտեցուցանել ճառիս զքեզ ընդ Գիտտարի :
Զի ոչ ինչ խիթամ թէ՛ դու ցասնուցուս ընդ նա , այլ կաս-
կածեմ՝ գուցէ կարծիցես զնա զժգմեալ ինչ ընդ քեզ . որ ,
հաւատա ինձ , Կեսար , բացէ ՚ի բաց հեռի է ամենեկն . զի
զոր ՚ի քէնդ ունի՝ զայն ընդ միտ արկանէ , ոչ զոր կորոյսն .
և ոչ տայժ ինչ՝ ՚ի քէն կրեալ համարի զանձն . այլ բազմաց
բազում ինչ քեզ ընծայել արժան դատելով, ոչինչ ըմբոս-
տացաւ ընդ առնուլք զայնս յինքենէ՝ որ ՚ի միւսում կող-
մանն գտեալ էր : Զի եթէ Մնտիոքոս , մեծն այն ասիա-
ցւոց թագաւոր, իբրև ՚ի պարտութիւն մատնեալ առաջի
Սկիպիոնի՝ մինչև ՚ի Տաւրոս և եթ թագաւորել հրաման ըն-
կալաւ , կորուսեալ զամենայն կողմն Սիոյ՝ որ այժմ մեր է
նահանգ , սովոր է տեսլ՝ թէ բարի եղև նմա ՚ի հոռովմէական
ժողովրդենէն , զի ՚ի ծանր ծանր հոգոց ազատեալ՝ ՚ի չափ
և եթ սահմանի արքայութեան վայելիցէ , դիւրագոյն ևս է
Գիտտարայ սիրովել զանձն . զի նա զմոլորութեանն տարաւ
տուգանս , սա զվրիզանացն : Զամենայն ինչ , Կեսար , պար-
գեւեցեր գու Գիտտարայ՝ շնորհելով նմա և որդւոյն զանուն
Թագաւորական : Ի կրելն և ՚ի պահել զայդ անուն , ոչ ինչ
յերախտեաց հոռովմէական ժողովրդեան , ոչ ինչ ՚ի յար-
գանաց աւագանւոյն նուազեալ համարի անձին : Մեծաւ
և քաջալեր հոգւով կայ , ոչ լիցի նկուն թշնամեաց և ոչ
խակ բախտին : Բազում ինչ յառաջագոյն վաստակովքն վը-
ճարեալ վարկանի , և ունել ՚ի մտի և յարութեան իւրում՝
զոր ոչ իւրք կարիցէ ՚ի դերևս սունել : Զի ո՞ր բախտ կամ
ո՞ր արկած կամ ո՞ր զբկահարանք զամենայն զօրագլխաց

զվճիւան եղծանել մարտացէ : Քանզի յամենեցունց 'ի նոցանէ փառազարգեալ է, որ միանգամ յետ հասանելցջ նորա 'ի չափս արուժեան ընդ գումարտական երեւոյ՝ մելցին մարտս պատերազմաց յԱսիա, 'ի Պոնտոս, 'ի Վիլիկիա և յԱթորիս : Իսկ զաւագանւոյն զմեանէ բազում և մեծապանծ վկայութիւնս՝ աւանդեալս 'ի հասարակաց գիրս հռովմէական ժողովրդեանս և յարձանս՝ ո՞ր հնութիւն ժամանակաց ընկլցէ, կամ ո՞ր մուացօնք շնջեացեն : Չի՞նչ և զառաքելութենէ նորա ասացից, զի՞նչ զմեծանձնութենէն, զմեծարոյ բարոյիցն, զանասանելի հասարատութենէն, զորս գիտունք ամենայն և իմաստունք՝ գլուխ և աւարտ բարութեան, և ոմանք՝ միայն բարիս ասացին, և զայսոսին՝ ոչ առ բարւոյք եւեթ, այլ և առ երջանիկ նեանս բաւական լինել առաքելւոյն :

Ձայս ամենայն նորա զմտաւ ածեալ, և զցոյգ և զցերեկ 'ի նոյնս խորհելով, ոչ միայն ոչ ինչ դժգմի ընդ քեզ, — զի ոչ ապաշնորհ եւեթ, այլ և անմիա ևս երեւեր, — նա և զամենայն իսկ զհանդարեան և զանդարրութեան ծերութեան իւրոյ շնորհս՝ գթութեանդ քոյ խոստովանի : Եւ զի յառաջմէ իսկ սովին հոգւով եղև, ոչինչ յերկուանամ՝ թէ թղթովդ, զորոյ զպատճէնն ընթերցայ, և 'ի ձեռն այսր Բլեսամիոսի ետուր առ նա 'ի Տարրակոնէ 39, առաւել ևս քաջալերեացի և թագիեացէ զամենայն տատամտութիւն : Քանզի պատուիրես նմա՝ բարեյոյս լինել և սրտապնդել, զոր գիտեմ թէ ոչ վայրապար սովոր ես գրել : Քանզի յուշդայ ինձ՝ զի և առ իս գոյ նովին բանիւք գրեցեր, և ես ոչ ընդունայն ինչ զլուսոյ բարւոյ խրախոյս հրամանագ 'ի նամականւոյդ ընկալայ : Տաւապիմ արդարև վասն արքային Դիոտարայ, ընդ որում զբարեկամութիւն առութեաց ինձ ընկերհաշտութիւնս, զհիւրութիւն՝ երկոցունցս կամք զօդեցին, զմտերմութիւն՝ ընտանութիւնն երբր, իսկ զսերս սիրոյն կապ՝ սպապք նորա մեծամեծք զոր ինձ և զորուս իմում եհար՝ կատարեցին : Այլ ուր վասն նորայ տաւա-

պիժ, անդ և վասն արանց բազմաց հոյակապից, որոց 'ի հարկէ չիք ինչ քո տուեալ բնաւ ծանօթս. զի ոչ քո բարերարութիւնդ երբեք յերկրայս ինչ անկանի, ոչ տագնապ տարակուսի յաւիտեան 'ի միտս մարդկանն հարստեալ ձեայ, ոչ երկիւղ ումիք երբեք հասանէ՝ որոց գամ մի քե յերկիւղէն ազատեալքն իցեն:

Չիք ինչ ինձ հարկ, Կեսար, զոր 'ի ծանօթ վասնդ օրէնն է փորձ փորձել, [Թէ որով արդեօք օրինակաւ բանից հնար իցէ զքութ և զինամն քո յուզել: Չկարօթիմ ինչ. նա ինքնին գիտէ ընդ առաջ ելանել աղաչաւորաց և վասնդելոց՝ առանց ուրուք բանից հրաւիրանաց: Դի՛ր առաջի քո զերկոսին [Թագաւորն³⁵. և զոր աչք ոչ կարես՝ մտադք տես: Ձոր զլացար սրտմտութեան, ողորմութեան տացես անշուշտ: Բազում են զ[Թուութեանդ քոյ արձանիք յիշատակի, այլ մանաւանդ անվթար փրկութիւն այնոցիկ՝ որոց զկեանսն շնորհեցեր. որ եթէ 'ի սոսկականսն փառք իցեն, առաւել ևս 'ի [Թագաւորն յիշատակեցին: Անունն արքայական սուրբ եղև միշտ 'ի քաղաքի աստ, իսկ ուխտակից [Թագաւորացն և բարեկամաց՝ ամենասուրբ: Չանուն զոր 'ի քում յաղթութեանդ կորուսանել կտակածեցին [Թագաւորքս, առ 'ի քէն պահեալ և հաստատեալ, վատահ եմ՝ զի զնոյն աւանդեացեն յորդուց որդիս: Իսկ գեսպանքս այս արքունիք, Հիերաս և Բլիեսամիոս և Անտիգոնոս, քեզ և մեզ 'ի վաղուց յառաջածանօթք, 'ի փրկութիւն [Թագաւորացն իւրեանց զանձինս իւրեանց ասն 'ի քո ձեռս, և նովին հաւատով և առաքինութեամբ ճոխացեալ Դորիլաւոս, գեռ ևս ընդ Հիերայ գեսպան առ քեզ առաքեալ. արք՝ արքայիցն կարևոր բարեկամք, և քեզ՝ որպէս յուսամ՝ ընդունելիք: Հարց և փորձ արա զԲլիեսամեայ. իցէ ինչ գրեալ առ [Թագաւորն՝ ոչ քեզ 'ի փառս: Իսկ Հիերաս՝ ողջոյն իսկ զվնասն 'ի զլուխ իւր առնու, և զամենայն մեղապարտութիւնն յանձին ունի փոխանակ [Թագաւորին. զհզօր յիշուութիւնդ ազերսեալ, յուրաստ կայ՝ [Թէ երբեք 'ի Դիո-

տարի՝ շամշտութեանն խուճն ինչ 'ի քէն մեկնեալ իցէ . 'ի գլուխս սահմանացդ՝ անդ առ ձեռն զինքն ասէ լեալ, և մինչև 'ի ծագս նոցին խաղացեալ . ընդ քեզ յելանելդ 'ի լուսլեաց , 'ի զննելդ զընծայսն յետ ընթրեացն , 'ի յանկողին մասնելդ . և 'ի նոյն սպաս ցանկորդեալ առ քեզ 'ի վաղիւանդր : Վասն որոյ , եթէ 'ի չարախօսութեանց անտի յայն ցանէ արդարև խորամանգեալ ինչ իցէ , ոչ խորշի թէ զեղեռնն զայն նմա գրեսցես : Սմին իրի , Կ . Կեսար , իղձ լինիմ , զի գիցես 'ի մտի թէ դատաստան քո այսօր՝ կամ մեծաւ անարգանօք ազիտողրմ՝ կործանումն հասուցանելոց է թագաւորացդ , կամ փրկութեամբ հանգերձ՝ բարեփառ համբաւ անարատութեան : Յորոց միումն փափաքել՝ նոցա ՅԱ անողորմութեանն է , զմիւսն պահպանել՝ քում գթութեանդ :

ՏԵՂԵԿՈՒԹԻՒՆՔ ԻՆՉ

Ի ՃԱՌՆ ԴԻՈՏԱՐԱՅ ԱՐՔԱՅԻ

Թիւ. 1. Չի փնտն եղեալ 'ի վերայ Դիոտարայ' 'ի վտանգ կե-
նացն կեսարու ակնարկէր, որպէս տեսցի ստրեւ. ուստի սսէ, անի-
բաւ լինէր' եթէ զայլմէ իմեքէ էր խնդիր. բայց ուր զբուսմէ վտանգէն
իցեն բանք, անսովոր արդարեւ՝ այլ ոչ անօրէն ինչ է համարելի փութ-
սիչ զաննէ թագաւորէ :

2. Այս է կաստովք ընդգէմ հաւուն ամբարձեալ. միւսն՝ Փիդիպ-
պոս ծառայ ընդգէմ տեսանն :

3. Իմա դատ մի այնպիսի՝ յորում զվտանգէ նորին ինքեան կե-
սարու են բանք, և այն՝ առաջի նորա : Առանց իմաստութեան նորա
մեծի, կասկածելի էր՝ առաւել դատախազին անսալնմա :

4. Ակնարկել թուի 'ի յաղթանակն' զոր տարաւ կիկերոմն ընդ
ուազաննոյն 'ի Խորհրդարանի տնդ, ներումն ընդունելով 'ի կեսարէ
և ազատութիւն Մ. Մարկելլոսի, և զնոյն յուշ արկանել կեսարու :

5. Չի և ինքն կեսար՝ հզօր ճարտարախօս էր, զբազում խնդրոց
և զգատաստանաց ատենաբանեալ :

6. Թողեալ զԴիշատակութիւն ընդ Պոմպիոսի լինելոյն Դիոտա-
րայ, մեղմական բանիւք զզրկիլ նորա սսէ 'ի Փոքուն Հայոց և 'ի մաս-
նէն Գաշատիոյ, զի մի ուժգնագոյն կիրք 'ի Դիոտար իմացին, և ան-
տի՝ դաւայ ինչ ակնկալութիւն :

7. Չի ասեն գրեալ առ նա . « Անարժան է, զի և ես քո բարեկամ
եղեալ եմ. առ իմէ՛ առ Պոմպիոս անցանիցես . այլ ներեալ քեզ, եթէ

յանուն աւագանւոյն յարեցար : Յղեա զօրս առ Պամպիոս , առաքեալ զորգիդ . զու միայն 'ի չքմեղիկս լիզիր առ ծերութեանդ : »

8. Լ. Դոմիտիոսի , Պ. Սկիպիոնի , Մ. Բիբուլոսի , Մ. Կատոնի , և այլոց՝ յորոց զոմանս աւարի յոյս , զկէսս տաեւութիւն Կեսարու և անձնական սխութիւնք գրգէին 'ի մարս :

9. Մեծագոյն շուք իմա զգուտարն Կեսարու՝ յոր փեսայացուցեալ էր զնա , վասն բազմագիծի առաքինութեանցն զնա ընտրեալ իւր արժանի :

10. Իմա զյոյս նորոգելոյ զպատերազմն , որպէս խորհէին Պամպիոս , որում ոչ սահման և ոչ կատարած ինչ երևէր :

11. Որոյ բզեչիս լեալ՝ և էր 'ի Կեսարու կողմանէն յայնմ ազգային մեծի հերձուածի :

12. Աբբայի Պոնտոսի , որդւոյն Միհրգատայ , որոյ 'ի ժամանակի քաղաքական պատերազմին հռովմայեցւոց յափշտակեալ էր զչայս :

13. Օրինակք ինչ ունին տրատել զփոռալոյն :

14. Առ փիղիպպոս հային այս գէմք բանին :

15. Յայտ է թէ զպատրաստեալ ընծայան Դիոտարայ :

16. Աստ գէմքն առ Կեսար գառնան :

17. Ոմանք կամին ընթեռնուլ Անտիոքոս . բայց գրչագիրք ամենայն ունին Ատտալոս , զոր և հին մեկնիչք հաստատեն . զի և բարեկամութեանն նշանակ եթող , մինչև թագաւորութեանն ժառանգ կաջուցանեւ զժողովուրդն հռովմայեցւոց . և առ Սկիպիոն , 'ի կռուին Կլոմանտիայ , ոչ միայն նպաստ եղև 'ի կարևոր պէտան , այլ և պարգևս ծանրագինս յղեաց , զորս և գոհութեամբ ընկալաւ նա : ԶԴիոտարայ առատութիւնն առ Կեսար՝ համեմատե ընդ Ատտալեայիս առ Ափրիկեցին :

18. Կամ զի նողկանս ինչ զչայր , կամ զծանրութիւն տհալ կերակրոցն թափել՝ զի մի վնասեցի :

19. Զի ծառայից կամ սարըկաց՝ շէր օրէն 'ի զինուորութիւն մտանել , թող թէ 'ի վաշտ հեծելազօրու , իբրև անարգաց ոմանց եղելոց :

20. Զի Կեսարու յաղթեալ այլքսանդրեան մարտին , դարձ ընդ Գաղատիա արարեալ , օթեալ առ Դիոտարայ , անտի ընդգէմ փառնակայ խաղաց , հրամայեալ և նմա առնուլ զալ զիւր գունդան և զայրուէին : Այս այն պատերազմ է՝ զորոյ յաղթութիւնն գրեաց Կեսար 'ի Հռովմ երիւք բայիւք , Ելի , Դիոսի , յաղթելոց :

21. Զոր յետ պարտութեանն փառնակայ ետ Կեսար ընդ Յուբասայ նուափաջւոց արբայի և ընդ Սկիպիոնի և Կատոնի , որ ստուար բանակօք ունէին զԱփրիկէ . և զրոյք ելին յանկարծակի , Կեսարու պաշարեալ յամրի ուրեք և օտակեալ ամենայն բանակաւն :

22. Որպէս Դոմիտիոս , որում բարեկամն էր Դիոտար : Յոյն և լատին տոգքն անպայտ են թէ որոց քերթողաց էին :

23. Զի ոչ անարդ ինչ էր առ Հինոն երկրագործն և անանարդ՝, և օրինակք բազում են առ արտաքինսն, ոչ յաւադ ևեթ որերոյ, այլ և յարքայից, զոր օրինակ Հերոն, Փիլոմետոր, Ատտալոս, Արքելաոս, Քսենոփոն, Փիլևնիկն Մագոն, Կատոնն երեց՝ որոյ կայ և մատեանն :

24. Այս է Կաստովը, Թոռնն և քունն Դիոտարայ :

25. Զի ձեռնթափ լինիցի իբրև զիս ամենեկին 'ի զհետ պնդելոյ սնուտի յուսոյ պատերազմին այնորիկ : Զի որ յառաջ քան զփարոսլեան կռիւն՝ խաղազութեան թելադիր լինէի Պոմպիոսի և զգէնան մերկանալոյ, յետ այնորիկ՝ ոչ միայն մերկանալ, այլ և բացէ 'ի բաց թօթափել տայի այլոց խրատ :

26. Գերդաստանիկք որ ընդ մեզ 'ի նմին տան յարկակից են :

27. Առ դեսպանսն Դիոտարոսի՝ յորոց օցտեալ էր զնա Կաստովը :

28. Մի էր սա 'ի գեսպանացն Դիոտարայ, այր գաղապացի յիշխանութենէ նորա, որում և երկու ընկերք էին՝ Հիերաս և Անտիզոնս :

29. Կային 'ի Կապիտոլին գրօշեալք եօթանեցունց թագաւորացն, ընդ որս և Լ. Բրուտոսին՝ սուսեր 'ի ձեռին : Ի միջի նոցա կանգնեցաւ և Կեսարուն, ընդ որ կարի զչարեցաւ որեարն, զփառամոլութիւն նորա 'ի բռնակալութիւն յայտ յանդիման հատանել համարելով. զոր և 'ի բերանոյ դատախազին յառաջ բերէ Կիկերոնն :

30. Հենգնօրէն առջիւր զսոսանիկք, զոր վարէ երբեմն լատին լեզու, և այլուր ևս ինքն իսկ Կիկերոնն, փոխանակ նոցա՝ որ գատարկապարտ և ընդվայրայած դեզերէին յոստանին 'ի Հռոմ, և զբոյցս և համբաւս սուտս և շաւտալիս սփռէին ընդ խաղ և առ 'ի ծաղը :

31. Ուր կանխաւ իսկ կանգնեալ կայր գրօշեալն Կեսարու, և ընդելեալ էին աչք ժողովրդեանն :

32. Ի Տարբակոնն քաղաքէ Սպանիոյ, ուր գտանէր յայնժամ Կեսար :

33. Երկոքին թագաւորքն են Դիոտար և որգին իւր : Հայրն միայն թուի ամբաստանեալ, կամ զի որգին հաճոյագոյն էր յաչս Կեսարու. և այսու հնարի յողորմ և 'ի գութածն Լի վերայ երկոցունցն :

34. Անողորմութեան ոսոխացն դատախազից : — Բազմաքանակ ճառիւս ոչինչ աւելի շահեալասի Կիկերոնն 'ի խտուութենէն Կեսարու, բայց միայն՝ զի ոչ պատուհասեաց զգատափետեալն, և զկողմն մի ևեթ Գաղատիոյ և զանուն թագաւորի եթող 'ի նա :

ԿԻԿԵՐՈՎՆԻ

ՃԱՌ ԵՐԿՐՈՐԳ ՓԻԼԻՊՊԵԱՆ

ԸՆԴԴԷՄ ՄԱՐԿՈՍԻ ԱՆՏՈՆԻՈՍԻ

Ն Ա Խ Ա Դ Ի Ր Ո Ի Թ Ի Ի Ն

Հայրենասէրն Կիկերոսն՝ մի յականաւորաց աստեղի աւագանւոյն Հռովմայ, այր լաւ, վաստակօք և ալեօք պայծառացեալ, և նախան-
ձայոյզ ազատութեան՝ խաղաղութեան և Հասարակաց բարեաց, տե-
սեալ զի թէպէտ և սուսերահար սպանմամբն Կայիոսի Յուլիոսի Կե-
սարու ազատեցաւ աշխարհն ՚ի բռնաւորէ, կամ՝ որ նոյն էր ըստ նոցա՝
՚ի թագաւորէ, այլ ոչ ՚ի բռնաւորութենէ կամ ՚ի թագաւորութենէ,
որպէս ինքն իսկ ասէր և գրէր, նմին իրի և ցանգ հօգայր և կասկա-
ծէր, մանաւանդ զՄարկոսէ Անտոնիոսէ՝ զսքսուկ արբանեկէ նորին,
որոյ գնաջք անօրէն և ապիրատք էին, և ընթացիցն դէմք՝ գեպուղիչ
՚ի յաջորդութիւն նորա, և ՚ի չար ևս բռնակալութիւն ըստ անբարի
որտին իւրում: Թէպէտ և ջանայր նա մեղմեխ խորհրդովք խորաման-
գութեան թաքուցանել զմիտս իւր, բայց խորագէտն Կիկերոսն՝ հան-
դերձ Հաւատարմօքն և մտերմօք՝ հասեալ ըմբռնեալ էր զզաղանիս
կնճռան նորա, և արգար նախանձուն յայտնեալ ևս զտրտունջ իւր
յառաջին աւուրս ինչ յետ սպանմանն Կեսարու, և տարագէմ գնա-
ցեալ ՚ի յունաստան պանդխտել մինչև անցցէ մրրիկն. բայց խաբեալ
՚ի յոյս սնտոի՝ դարձաւ անգրէն: Անդուտս և Անտոնիոս, խելամուտ
լեալ ՚ի յայտ և գաղտ քրթնջանաց նորա, և ծանուցեալ զնա ոտոի՝
ամբարտաւան գահասիրութեան իւրում, մերկացաւ զմթերեալ ծա-
ծուկ որսն, ևս առաւել կոչոյ պատգամ առ նա յղելով յատենէ ա-
ւագանւոյն իրոխտ և աներկիւզ սպառնալեօք, մինչև անձամբ երթալ
լոյ և քանդելոյ զտուն նորա, զի և մղեչի իսկ էր: Ոչ չողաւ Կիկե-
րոսն, և ՚ի ձեռն բարեկամք պատճառեցաւ առ նմա՝ խոնջ յուզոյ լի-
նել և անհանգիստ, զի և այն ինչ դարձեալ եկեալ էր ՚ի քաղաքն յու-
սով բարեաց, և ՚ի դերև ելեալ. բայց ՚ի ներքոյ՝ վասն զի Անտոնի կամք

էին յայնմ ժողովի պաղատանս հրամայել և սահմանել վասն կեսա-
բու աստուածարելոյ : Ի վաղիւ անդր՝ յատենի անդ ուր չէր Անտո-
նիոս , գնաց խօսեցաւ Կիկերոնի զառաջին փիլիպպեանն իւր , որով
ծանոյց մեղմարար զսաղաղասիրութիւն իւր և զատելութիւն բռնա-
ւորութեան , բողոքեաց զերեկի անիրաւութենէն Անտոնի յանձն
իւր , յանդիմանեաց զինքնահրաման գործս նորա , և զառաքատ կառ-
կածանաց հանդերձեալ նենգութեանց նորա փեռեկեալ , 'ի վեր եհան
զերկնեալն 'ի սրտին նենգ ընդդէմ ազատութեան . և կնքեաց զբանսն
'ի խրատ առ նա և առ միւս բզեշին Դուլարելլա , թէ զինչ ճանապարհ
իցէ ճշմարիտ փառաց : Ազդ եղև Անտոնի այս ատենախօսութիւն կի-
կերոնեան . որոյ 'ի մեծ սրամտութիւն բարկութեան բրդեալ յայտ
յանդիման հրապարակագոյժ արար զթշնամուութիւն ընդ Կիկերոնի ,
և կէտ եղեալ՝ հրաման առ նա առաքեաց՝ գալ յատեն առաքանւոյն :
Բայց նորա 'ի բարեկամաց խրատեալ , և խիթացեալ ևս յանձին
վտանգէ՝ ոչ կամեցաւ անսալ . և 'ի ձեռն մտերմաց զեկոյց՝ զի թէ և
կամեցի , չէ հնար գալ նմա յատենս : Ի ժամանել ժամանակեալ ա-
ւուրն երթեալ Անտոնի յատենսն անհնարին գազանութեամբ , խօ-
սեցաւ ճառ մի՝ բազմօրեայ երկնեալ մտածութեամբ , սաստիկ կըշ-
տամբողական , թշնամանալից զրպարտութեամբ ընդդէմ Կիկերոնի ,
թափեալ զամենայն մաղձ դառնութեան իւրոյ : Կիկերոնի , յայնժամ
ամաց վաթսուս և երից , ազգասէր նախանձու և իւրով իսկ արդար
սրամտութեամբ , և նախնեացն արժանի արիութեամբ ընդդէմ ամե-
նազօր բուռն և վէս ոսոխին , գրեաց զճառս զայս՝ երկրորդ 'ի փիլիպ-
պեանն իւր , որ մի է 'ի նշանաւոր ճարտարխօսութեանց նորա , մինչև
Յորնաղի աստուածային զա յորհորջել . յորում թէպէտ և ձեանոյ
իրև ևս նա խօսել յատենին , բայց չէ խօսեալ , այլ գրով միայն հա-
նեալ է : Դատախազք և զբազատ չարախօսութիւնք Անտոնի ըստ
իմաստիցն տեսանին բաւականութեամբ 'ի պատասխանեացն : Իսկ
ճառքն իւր չորեքտասանք ընդդէմ Անտոնիոսի՝ փիլիպպեանք անուա-
նեալ են ըստ նմանութեան Դիմոսութենեոի , որոյ փիլիպպեանս յոր-
հորջեալ է զչորեոսին հօրք և կորովի խօսս իւր ընդդէմ փիլիպպեայ
մակեդոնացւոյ . զի որպէս նա խրախուսէր զաթենացիս ընդդէմ այնք
արքայի՝ ռիւերմին իւրեանց , նոյնպէս սա վառէ զառաքանին և զժողո-
վուրդն հռովմէական՝ ընդդէմ Անտոնի թշնամւոյ վերագի ազատու-
թեան իւրեանց : Եւ այս իսկ է պատճառք անսուանդողլուութեանդ ,
և ոչ այլ ինչ :

Կ Ի Կ Ե Ր Ո Վ Ն Ի

Ճ Ա Ռ Ե Ր Կ Ր Ո Ր Գ Փ Ի Լ Ի Պ Պ Ե Ա Ն

Ը Ն Դ Ի Է Մ Մ Ա Ր Կ Ո Ս Ի Ա Ն Տ Ո Ն Ի Ա Ս Ի

Որով բախտիւս լինել ասացից, հարբ ատենակալք, զի 'ի քսանեախն ամսս յայտափկ ¹ չեկաց որ ընկերհաշտու-
թեանս թշնամի, որոյ չեցէ 'ի նմին ժամանակի և ընդ իս 'ի
մարտ գոռացեալ: Չէ ինձ ինչ հարկ յանուանէ զոր նշա-
նակել, գուք ձեզէն 'ի ձեզ յուշ ածէք: 'Նգբա՝ առաւել
քան զոր գոր ինձ ցանկալ՝ ետուն ինձ վրէժս ²: Ընդ քեզ
զարմանամ, Անտոնիէ, զի որոց գործոցն նմանող եզեր, 'ի
նոցա կատարածէն ոչ ինչ վարհուրիս: Ընդ այս ոչ այնչափ
զարմանայի յայլս. ոչ որ 'ի նոցանէ ամբարձաւ ինձ ինքնա-
կամ թշնամի. ամենեցուն՝ ընկերհաշտութեանս ազազաւ՝
յինէն զայրացեալ: Դու, և ոչ բանիւ ինչ իւիք զկծեալ,
որպէս զի յանդգնագոյն քան զլ՝. Կատիլինա, մոլեղին
քան զՊ. Այոգիոս երևեսցիս, ինքնաձեռն յարձակեցար
յիս թշնամանօք. իբրև զի զեեռալք ընդ իս՝ գովութիւն
քեզ լինելառ. քաղաքացիս համարեցար: Չինչ վարկայց-
արհամարհեալ զիս. ոչ նշմարեմ՝ ոչ 'ի կեանս իմ, ոչ 'ի
չնորհս, ոչ 'ի գործս պաշտամանցս և ոչ 'ի չափաւորու-

Թեանս հանձարոյ , Թէ զինչ արդեօք անդոսնել կարիցէ Անտոնիոս : Արդեօք 'ի կարծիս ինչ եղև , Թէ յատենի աւազանւոյս՝ դիւրին իցէ նմա բամբասել զիս . բայց ատեանս այս՝ քաղաքացւոց բազմաց հոյակապից զբարւոք տեսչու Թեան պետուԹեանս ետ վկայուԹիւն , իսկ ինձ միայնոյ՝ զփրկուԹեանն : Արդեօք ոգորել ընդ իս կամեցաւ 'ի պայքար բանից . այլ այդ շնորհք է առ իս . զի զինչ յորդագոյն , զինչ պարարտագոյն՝ քան ինձ փոխանակ անձինս և ընդդէմ Անտոնիոսի ճառ արկանել : Այլ այս իսկ է անշուշտ . ոչ համարեցաւ հաւաստի լինել առ իւր նմանին՝ Թէ Թշնամի հայրենեաց իցէ , եթէ չլինիցի ինձ ոխերիմ : Առ որ յառաջ քան զայլոց իրաց տալոյ պատասխանի , ըզբարեկամուԹենէն ապախտ առնելոյ՝ որով զինն ըստդիտ , և յաչս իմ ոճիր յանցանք են , ասացից սակաւուք :

Բողոք կալաւ զինէն , Թէ վնաս գործեալ իցէ իմ իրաց իւրոց ³ , չգիտեմ երբ : ՄիԹէ չէր ինձ պարտ ընդդէմ ելանել օտարի ումք՝ փոխանակ ընտանւոյս և բարեկամիս . ոչ հակառակ յառնել պաշտպանուԹեան՝ ոչ առաքինուԹեան յուսով գտելոյ , այլ 'ի ծաղկէ տիոցն . ոչ ախոյեան կալ ընդդէմ անիրաւուԹեան , զոր սա ⁴ անօրէն բարեխօսին բարերարուԹեամբ ժառանգեաց , ոչ դաստաստանական իրաւամբք : Այլ զայս յայն սակս կարծեմ յիշատակեալ առ 'ի քէն , զի արդոյ ընծայեցուցես զանձն քո խառնազանձին . քանզի ամենեքեան գիտեն զքեզ փեսայ եղեալ առն ստրկի՝ այն ինչ ազատելոյ , և զորդիս քո՝ Թոռունս Կ . Փադիոսի՝ 'ի սարկուԹենէ յազատուԹիւն ելելոյ : Այլ քո զանձն ինձ 'ի դաստիարակուԹիւն աւանդեալ էր , — քանզի այդպէս իսկ ասացեր , — և էր 'ի յարկս իմ յաճախեալ : Եթէ զայդ արարեալ էր քո , այո՛ օն և օն՝ լաւ ևս համբաւոյդ , լաւ ևս պարկեշտուԹեանդ տարեալ լինէր քո հոգ ինամոյ : Բայց ոչ արարեր , և ոչ՝ եթէ ցանկայիր ևս՝ ներէր քեզ Կ . Կուրիոն ⁵ առնել զայդ : Ասացեր՝ շնորհեալ

քո ինձ զհաւահմայութեան խնդրուած ⁶ : Ո՛վ անհաւատաւի յանդգնութեանն, ո՛վ հռչակելի լըրութեանն : Ձի յորժամ զիս՝ ՚ի բոլոր դասակարգէն ցանկացեալ՝ հաւահմայ ընտրեցին Կն . Պոմպիլոս և Կ . Հորտենսիոս, — քանզի և չէր օրէն յոլովագունից ընտրել, — ոչ զպարտադ գոյր քեզ հատուցանել ⁷, և ոչ այլովիւիք անպարտ քեզ արձակիլ ակն ունէիր, բայց միայն կործանմամբ ընկերհաշտութեանն : Է՛ր ինչ հնար խնդրել քեզ յայնժամ զհաւահմայութիւն, մինչքեւ չէր Կուրիոն յիտալիս . կամ յորժամ եղերդ, զքեզ մի և եթ ⁸ առանց Կուրիոնի կարօզ էիր շահել . որոյ և ծառայք ևս դատակնքեցան ՚ի բռնութիւն՝ վասն կարի իմն զքէն փոյթեալնդն գտանելոյ :

Այլ յերախտիս քո վայելցի : Յո՛րս . Թեպէս և զոր յիշատակեան՝ հանապազ խոստովան եղէ . առաւել ընտրեալ շնորհապարտ քեզ զանձն գաւանել, քան անիմաստնագունի ումեք՝ ապերախտութեան տալ կարծիս : Այլ աղէ յո՛ր երախտիսդ : Ձի ՚ի Բրունդիսիոն ո՛չ սպաներ զիս . զոր յազթողին ⁹, — որոյ որպէս գուն սովոր էիր պարծել յիւրոց անտի աւազակաց քեզ տուեալ էր իշխանութիւն, — նորա ինքնին կամեցեալ էր ապրեցուցանել զիս, և հրամայեալ նմա յիտալիս երթալ, գո՛ւ զիս սպանանէիր : Գրեսփիր Թէ կարօզ էիր : Ձի՛նչ այլ իցեն, հարք ատենակալք, աւազակացն երախտիք, բայց զի կարեն յիշատակել, Թէ զարև շնորհեցին այնոցիկ յորոց ոչն հատին : Որ եթէ երախտիք ինչ էին, սպանօղք կեցուցին իւրեանց ¹⁰, զորս գու ինքնին արս փառաւորս սովոր ես կոչել, ոչ երբեք այնմ փառաց հասանէին : Աղէ զի՛նչ երախտիք իցեն, զի յոճիր եղերանէ անտի պահեցեր զձեռսդ . յորում ոչ այնչափ քաղցր Թուեցաւ ինձ չմեռանելս ՚ի քէն, որչափ եղկելի՛ կարելդ քո անպատուհաս գործել զայն : Այլ դիցուք Թէ երախտիք իցեն, զի մեծ ինչ քան զայն չեղև գտանել յառնէ աւազակէ . յի՛մ իմիք ասիցես զիս ապախտաւոր : Ձէ՛ր պարտ արդեօք զմեռելութենէ ընկերհաշտու-

Թեան բողոք բառնալ, զի մի առ քեզ ապաշնորհ երևիցիմ :
 Կա զի և յայն բողոք, Թշուառական ապաքէն և ազետալի,
 բայց կարևոր ինձ յաշտիճանիս յայսմ, յոր կացոյց զես
 աւազանին և ժողովուրդն հոռովմէական, զի՞նչ ինչ ասացի
 ես նախատանօք, զի՞նչ ոչ չափով և համով, զի՞նչ ոչ սիրո-
 ղաբար : Այլ զի՞նչ ժուժկալուժիւն եղև այն, 'ի արանջէն
 զՄարիոսէ Անտոնիոսէ՝ զգուշանալ 'ի Թշնամանաց . մանա-
 ւանդ ուր քո ցրուեալ ցնդեալ էր և զնշխարեալ մնացորդս
 ընկերհաշտուժեանն . ուր 'ի տան քում յանարգ վաճա-
 ուաչահուժիւն հանեալ էր ամենայն ինչ . ուր զքէն և 'ի
 քէն օրէնս իմն խոստովան ընէիր եղեալ՝ որոց չէր երբեք
 հրապարակեալ . ուր հաւահմայդ՝ զհմայս, բղշխդ զցի-
 մադարձուժիւն բարձեր 'ի միջոյ ¹¹ . ուր զժնէաբար ա-
 ծեալ խոռեալ էիր զքև սպառազէնս . ուր զամենայն քա-
 րուականս 'ի պարկեշտ անդր ապարանն ¹² ժողովէիր հա-
 նապագօր, 'ի գինիս և 'ի շուայտուժիւնս ողողեալ : Սակայն
 ես, դո՞ք իբրև Թէ ընդ Մ . Կրասոսի անկեալ էր ինձ պայ-
 քար, — ընդ որում բազումք իսկ և մեծամեծք անկան, —
 և ոչ Թէ ընդ 'ի վեր եկելոյ վատշուէր սուսերամարտի,
 վասն ընկերհաշտուժեան ծանունս բողոքեալ՝ զմարդոյն
 ինչ ոչ ասացի : Այլ արդ այսօր կատարեցից, զի 'ի միտ
 առցէ՝ քանիօն երախտիս յինէն ընկալեալ իցէ յայն-
 ժամ :

Այլ նա և զնամակն, զոր յինէն գրեալ առ ինքն ա-
 սեր, ընթերցաւ . մարդ՝ և մարդկուժեան անհաղորդ, և
 աշխարհօրէն կենցաղի անհմուտ : Զի ո՞վ զք երբեք՝ որ խուն
 ինչ ևեթ լաւացն սովորուժեան տեղեակ էր, զառ ինքն
 Թուղթս բարեկամին, 'ի մէջ անկանել դժկամակուժեան
 իրիք, 'ի դուրս եհան և կարդաց հրապարակաւ : Զի՞նչ
 այլ իցէ բառնալ 'ի կենաց զկենաց կցորդուժիւն, բառնալ
 զհեռաւոր բարեկամացն ընդ միմեանս զրուցաարուժիւն :
 Քանի քանի խաղք և կատակք սովոր են ըննել 'ի Թուղթս,
 որ եթէ յառաջ բերցին՝ անպատեհ երևին . և քանի ծանր

և զգօն բանք , այլ ոչ երբեք համբաւելիք : Տայի այդ քում
ամարդու թեանդ . տեսէք արդ զանհաւատալի յիմարու
թիւնն : Զինչ ունիցիս ինձ ընդդէմ գնել , այրդ պերճարան ,
որպէս թուխագ Մուստեկայի Տամիսեայ և Տիրոնի հուսմի
տեայ , որք քանդի սուսերաւոր արձանացեալ կան 'ի ժա
մուս յանդիման աւագանուոյս , և ես ինքն պերճարան զքեզ
համարեցայց , եթէ ցուցանիցես՝ զիարդ պաշտպանել ու
նիցիս նոցա 'ի սրիկայս : Այլ աղէ հուսկ ուրեմն զինչ ու
նիցիս ընդդէմ բերել , եթէ յուրատտ կացից՝ թէ չիք իմ
բնաւ երբեք զթուղթն զայն առաքեալ առ քեզ . որով վը
կայիւ զիս ըմբերանիցես . արդեօք ձեռնադրով , յորում
ունիս զգիտութիւն շահաբեր : Զիարդ հնարեսցիս . քանդի
ձեռն դարի է : Կտխանձիմ ընդ վարժապետդ , որ այնչափ
վարձուքն , զոր ընդ հուսկ ցուցից , ուսուցեալ է քեզ չգի
տել և ոչ ինչ : Զի զինչ առաւել անձահ , չասեմ ճարտա
րախօսի , այլ մարդոյ , քան զայն ինչ ընդդէմ հանել ոսո
խին , զոր եթէ բանիւ լոկով ժխտեսցէ , ոչ ևս կարասցէ յա
ռաջ խաղալախոյեանն : Այլ ես ոչ յուրատտ լինիմ . և զքեզ
յայսմ իսկ ոչ տմարդի միայն յանդիմանեմ , այլ և ան
միտ : Զի զինչ բան կայցէ 'ի թղթի անդ՝ ոչ մարդասիրու
թեամբ , պատշաճիւք և լաւակամութեամբ լի : Քո է ամե
նայն մեղադրութիւն , զի 'ի նամակի անդ յայնմիկ ոչ առ
սպիրատտ ունիմ զքեզ , զի իբրև առ քաղաքացի դք գրեմ ,
իբրև առ լաւ այր , ոչ իբրև առ ամպարիշտ և յեյուզակ :
Այլ ես զքո նամակդ , թէպէտ և 'ի քէն գրգռեալ կարող
էի , սակայն ոչ հանից յերևան . յորում խնդրես զի թոյլ
լիցի քեզ յինէն՝ դարձուցանել զդք ¹³ յաքսորանաց , և
երգնուս՝ չառնել զայն արտաքոյ իմոց կամացս . և առնուս
զինդրելիդ : Զի զի էր ինձ դիմադրուել յանդգնութեանդ
քում , զոր ոչ ի ինանութիւն աւագամեծար այսր ատենի ,
ոչ հոռվմեական ժողովրդեանն դատաստան , և ոչ օրէնք
ինչ կարելին նահանջել : Այլ աղէ՝ զինչ էր զոր յինէնս
ժտէիր , ուր վասն որոյ ժտէիրն՝ դարձեալ էր նա՝ Կեսա .

րու օրինազն : Այլ յիննէն կամեցաւ լինել զչնորհան, յորում
և ոչ իւր ինչ գոյր լինել 'ի կալ օրինացն :

Այլ քանզի, Հարք ատենակալք, կայ ինձ ասել ինչ
զիննէն, չ ընդդէմ Մ. Անտոնեայ բազում ինչ, զմին 'ի ձէնը
հայցեմ, զի 'ի խօսելս զիննէն՝ քաղցրութեամբ մատուցիլը
ուանին, զմիւսն՝ ես արարից, զի զընդդէմ նմին բանքս մտա-
դիւրութեամբ լուիջիլը : Համայն և զայս ևս ազաչեմ. զի
եթէ զիմ յամենայն 'ի կեանս և 'ի խօսս ճանաչէք զհամես-
տութիւն և զպարկեշտութիւն, մի զիս այսօր՝ 'ի պատաս-
խանելս սմա ըստ գրգռելոյն իւրոյ, 'ի մոռացօնս ինչ անձինս
անկեալ համարիլիք : Ոչ վարեցայց ընդ նմա իբրև ընդ բզեշ-
խի, և ոչ նա ընդ իս իբրև ընդ երբեմն բզեշխի : Թէպէտ և
նա չիցէ ամենևին բզեշխ, թէպէտ վարուքն, թէպէտ ասե-
լութեամբ ընկերհաշտութեանս, և թէպէտ 'ի բուսոյ բա-
րուցն, յիս սակայն՝ առանց ընդ բանս ինչ ածելոյ՝ բզեշ-
խութեան կայ պատիւ : Արդ, առ 'ի վերայ կալոյ ձեզ՝ թէ
որպիսի բզեշխ զանձն իւր ընծայեցուցանիցէ, 'ի բիծ տանի
զիմ բզեշխութիւնս, որ յանուան՝ իմ, իսկ արդեամբք՝ ձեր
էր բզեշխութիւն, Հարք ատենակալք : Չի զինչ կարգեցի,
զինչ կատարեցի, զինչ գործեցի, որ ոչ ըստ խորհրդոյ կա-
մաց և իշխանութեան և մտաց այսր ատենի : Չայսոսիկ,
դու այր իմաստուն, ոչ ճոռոմաբան միայն, առ նոսա՝ որոց
հանձարոյն և իմաստութեամբ վճարեալ են, իշխեցեր ան-
գոսնել : Այլ ո՞ գտաւ՝ որ զիմ բզեշխութիւնս նախատեաց,
բաց 'ի Պ. Կլտոիոսէ, որոյ ճակատագիրն և քեզ մնայ, որ-
պէս Կ. Կուրիոսի. զի 'ի տանդ է այն՝ ¹⁴ որ երկոցուն նոցա
օրհասարբր եղև : Բզեշխութիւն իմ չէ հաճոյ Մ. Անտո-
նիոսի. բայց հաճոյ եղև Պ. Սերուիլիոսի, — զի զնա նախ
անուանեցից 'ի բզեշխութեամբ պատուեցելոց ժամանա-
կին, որ և 'ի մօտոյ առուրս վախճանեցաւ. — հաճոյ եղև
Կ. Ղուսատեայ Կատուլոսի, որոյ կենդանի կայ միշտ իշխաւ
նութիւն յընկերհաշտութեանս. հաճոյ եղև երկոցունց
Ղուկուլլեանցն, Մ. Կրասոսի, Կ. Հորտենսեայ, Կ. Կու-

րիննի, Մ. Լեպիդոսի, Կ. Պիսոնի, Մ. Գլաբրիոնի, Լ. Վոլպատեայ, Կ. Փիգուլոսի, Դ. Սիլանոսի, Լ. Մուրենայ, որ յայնժամ 'ի բղջիտութիւն որոշեալք էին. և որ ինչ 'ի բղջիտութիւն կարգելոցն, նոյն և Մ. Կատոնի ¹⁵ գտաւ հաճոյական, որ ելանելոն 'ի կենաց աստի՝ բազում ինչ հոգացաւ, այլ և զայն ևս՝ զի չեսես զքեզ բղեսչն : Բայց ընդ բղջիտութիւն իմ հաճեալ հաւանեցաւ Կն. Պոմպիլոս, որ 'ի մեկնեւն յԱսորոց, իսկ և իսկ ընդ տեսանելն զիս՝ գիրկս արկեալ և գոհութիւն մատուցեալ, յիմմէ շնորհէ ասաց արժանի լինել տեսոյ հայրենի աշխարհին : Իսկ զի մի մի թուկցեմ զամենեսին. ակմբահոյլ ատենի աւազանւոյն այնպէս հաճոյ եղև, զի չմնաց զք՝ որ չնոստովանէր ինձ շնորհս իբրև հօր, որ ոչ երախտասպարտ ինձ հաշուէր զկեանս իւր, զորդիս, զստացուածս, զընկերհաշտութիւնն :

Այլ քանզի յորոց անուանեցիո յայնչափ և յայնպիսի արանց որբացաւ ընկերհաշտութիւնն, եկեսցուք առ կենդանին, որ երկուք ևեթ մնացին 'ի թուոյ բղջիտութեամբ պատուեցելոցն : Լ. Կոտտաս, այր մեծ հանձարով, մեծ և իմաստութեամբ, ուխտս և պաղատանս սահմանեաց ճիս և պերճ բանիւ վասն իրացն գործեցելոց՝ զորս դուն խժըծես. և նմա, նոքին իսկ ինքեանք՝ զորս այժմդ յիշեցի, արք բղջիտութեամբ պատուեալք, և ատեան աւազանւոյն համօրէն, հաճեալ հաւանեցան. պատիւ, որ անդատին 'ի շինութենէ հետէ քաղաքիս՝ ոչ ումք յառաջ քան զիս պատմուածանաւորի երբեք մատուցաւ : Լուկիոս Կեսար՝ քեռին քո, որով բանիւ, որով արութեամբ, որով զգօծութեամբ մերկացաւ զմիտան ընդդէմ քեռանն իւրոյ ¹⁶, յօրային քում : Ուր զնա քեզ արժան էր առաջնորդ և գաստիարակ ունել ամենայն խորհրդոց և բովանդակ կենաց, հօրուին քում ընտրեցեր նախանձաւոր լինել քան քեռոյդ : Կորս խորհրդովք վարեցայ օտարասերմս ես 'ի բղջիտութեանս. դու, նորս քեռորդի, զինչ երբեք հարցեր ցնա զընկերհաշ

առւթեանէս : Իսկ ընդ յոյս խորհիցի դա խորհուրդ : Ո՛վ գիբ անմահք, ընդ այնոսիկ՝ զորոց և զաւուրս ծննդոցն հասանէ մեզ լսել : Այսօր չեկն չել չերևեցաւ Անտոնիոս : Ընդէր : Տօն ծննդոց խմբէ 'ի պարտեզս : Ո՛ւմ ումէք : Չանուանեցից և ոչ զդք : Հաշուեցարուք՝ մերթ Փորձիոնի ումմն, մերթ Գնաթոնի, մերթ Բալլիոնի ¹⁷ : Ո՛վ եղեռնաւոր գար շութեան առնն . ո՛վ անտանելի լըբութեան, անզգամութեան և լիտութեանն : Դու, որում այնքան մերձաւոր էր իշխանն խորհրդական, անհամեմատ քաղաքացին, ո՞չ ինչ խորհիս ընդ նմա զընկերհաշուութեան . ընդ նոսա խորհիս՝ որոց չիք ինչ, և զգոյս քո վատնեն : Ահա արդարև՝ քո բղեչ խութիւնդ՝ փրկաւէտ, իմն՝ եղեռնական :

Ա՛յդչափ զամօթ ընդ պատկառանաց մերկացար, զի զայդ իշխեցեր ասել 'ի տաճարի անդ ¹⁸, յորում ես 'ի խորհուրդ մտանէի ընդ աւագամեծար տտենին, որ երբեմն ծաղկափայլ՝ ընդ ծագս տիեզերաց տայր հրաման . դու և արս ժանտագործս կանգնեցեր անդ սուսերաւորս : Համարձակեցար ևս, — և զինչ իցէ յոր դու ոչ համարձակիցիս, — զբուրն կապիտոլեան յիմում բղեչխութեանս լի և հոծ ասել սպառազէն արբանեկօք : Կարծեմ բուռն աւագանւոյն առնէի, զի եղեռնաւոր հրամանքն ¹⁹ այնոքիկ յաջողեացին : Վա՛հ հիբիդ, թէպէտ չիցեն քեզ այնոքիկ ծանօթ, — զի ոչինչ 'ի բարեաց ծանեար, — թէպէտ և իցեն, որ ան արս այսպիսիս՝ այնչափ ժմերտեալ խօսեցար : Զի ո՞ր ասպետ հռովմայեցի, ո՞ր բաց 'ի քէն՝ պատանի ազնուատոհմ, ո՞ր դք յամենայն կարգէ, որ գամ մի զանձն քաղաքացի գիտէր, մինչքեռ տտեանն աւագամեծար 'ի տաճարի աստ էր, չգտաւ 'ի կապիտոլեան բլրին . ո՞ր ոչ եմուտ 'ի գիր զինուորութեան . թէպէտ և ոչ գպիլք բաւեցին և ոչ տախտակք՝ բովանդակել զհամար անուանց նոցա : Զի իբրև արք անօրէնք, քսութեամբ խորհրդակցացն, իւրեանց ձեռնագրօք, գողցես նշանագրացն ձայնիւք, խաստովան լինէին զսատակմանէ հայրենեաց, թէ միաբանեալ են՝ զքաղաքն

հրոյ և զքաղաքացիս սրոյ տալ ճարակ, զխաղիս ազարս վարել, բնաջինջ բառնալ զընկերհաշտուութիւնն, ո՞ այն զքէր՝ որ ՚ի փրկուութիւն հասարակաց ոչ փութայր լինել զօրավիշն . նա զի և աւագանին և ժողովուրդն հուովեական ունէին յայնժամ առաջնորդ, որպիսի եթէ գոյր զք և այժմ, որ ինչ ընդ նոցա՝ նոյն և ընդ քո կառավին ելանէր :

Զմարմին յօրային իւրոյ, ասէ, ոչ տուեալ իմ՚ի թաղումն : Բայց զայդ և ոչ Պ . Այլոգիտս ասաց երբէք . որում քանզի իրաւամբք ոսոխ եզէ, ցաւէ ինձ՝ զի գու յամենայն չարութեան մասունս ելեր զանցուցեր զնովաւ : Իսկ զի բնաւ անկաւ ՚ի միտս քո՝ յուշ ածել մեզ, զի՚ի տան Պ . Լէնտուկոսի ⁹⁰ անեալիցես . խիթացա՞ր արդեօք, թէ գուցէ ոչ բաւական համարիցիմք զբնութիւնդ յայդքան ապիրատութիւն՝ առանց յաւելոյ և կրթութեան : Ա՞յդչափ պան գոյր էիր, մինչև անձամբ ընդ անձին կուտել քեզ ՚ի բոլոր ճառիդ . ոչ միայն բան բանի անձահս բարբառել, այլ և յոյժ հակառակս և գիմամարտս . մինչ զի ոչ այնչափ ընդ իս՝ քան թէ քո ընդ քեզ ոգորել : Զահագին եզեռն հօրուիդ լինէիր խոստովան, իսկ զպատուհասէն՝ բողոք բառնայիր . ապա ուրեմն՝ որ ինչ յիսն հայի՝ գովեցեր, իսկ որ յաւագանին բովանդակ՝ պարսաւեցեր . քանզի ըմբռնումն չարագործաց՝ ինձ անկ, պատիժ պատուհասին՝ աւագանւոյն էր : Այրն ճոռոմ՝ ոչ իմանայ, թէ որում ոսոխեալ կայ՝ գովի յիւրմէ, իսկ առ որս բարբառի՝ քամահին : Եւ ո՞ր այն իցէ՝ չասեմ յանդգնութիւն, զի յանդուգն սիրէ կօչիլ, այլ՝ զոր ոչն բնաւ կամի, անմտութիւն՝ որով զլէ զամենեւին, կապիտոլեան բլրոյն յիշատակ առնել, մինչդեռ զաթոռակօք մերովք չըջին զինակիրք . մինչդեռ ՚ի տաճարի սաս Միաբանութեան, ո՞վ սնմահ գիք, յորում առ ինև բգեշխաւս՝ հատան վճիռքն փրկականք՝ որովք կեամբս ցայսօր, կարգեալ կան արք սուսերաւորք : Բամբասեա զաւագանին, բամբասեա զասպետացն դասս՝ որ յայնժամ ընդ աւագանւոյն էին միացեալ, բամբասեա զկարգս ամենայն,

զամենայն քաղաքացիս, միայն թէ խոստովան լինիցիս, զի զատենիւս այսու՝ աստ յայսմ ժամանակիս Խոուրացիք շուրջ պաշարեալ դարանակալ նստին : Զայստակ գու ոչ առ յանդգնութեան ինչ խիղախեալ բարբառիս, այլ զի զանհնարին իրացն հակառակութիւն ոչ նշմարես . արգարե իսկ թափեալ ուղիղ : Զի զինչ անմտազոյն քան զայն կայցե, զի յորժամ գու ինքն ընդդէմ ընկերհաշտութեան զէն կորստաբեր շարժեցեր, այլում զփրկանիւթան յանդիման հաթկանիցես : Բայց է ուրեք՝ զի և կատակաբան լինել կամեցար : Քանի՛ անհամ անշնորհ էր այն, բարերար դիք . յորում և է ինչ քո մեղ . մարթէր քեզ 'ի հտպիտ կնոջէդ ²¹ աղ ինչ անուշիչ ձգել յանձն : Տեղի քոյն վէնդ արհաւոր հանդերձի ²² : Եւ զինչ . միթէ չետուն յայնժամ տեղի . բայց ապա զինուց քոց տեղի ետ պճննաւորն : Եկ արդ ինդրեսցուք . արդեօք լաւագոյն էր, առաջի ազատութեան հոռվ մէական ժողովրդեանն՝ ամպարչտացն զինուց տալ տեղի, թէ մերոյ ազատութեանս՝ առաջի քոց զինուցդ : Իսկ ըզտանց տաղիցն՝ ոչինչ տաց քեզ պատասխանի . զայս ևեթ ասացեալ համառօտս, զի ոչ զայնս, և ոչ այլ ինչ ամենկին ուսեալ է քո գարութիւն : Իմ ոչ առ ընկերհաշտութիւնն, և ոչ առ բարեկամս երբեք պակասեալ է, բայց և ամենայն ազգի ազգի արձանագրութեանցս վատտեկոց պարապմամբք՝ դործ 'ի դլուխ տարեալ, զի պնութիւնք իմ և մատենագրութիւնք յօգուտ լինիցին պատանեաց, և 'ի պարծանս ինչ հոռվմէական անուան : Այլ այսոքիկ ոչ այսր ժամու ևն, եկեսցուք 'ի մեծ ամեծսն :

Իմով խորհրդով սպանեալ ասացեր զՊ . Վլոդիոս : Զինչ արգեօք համարելոց էին մարդիկ, եթէ յայնժամ էր սպանեալ, յորժամ գու 'ի հրապարակին՝ ակն յանդիման հոռվ մէական ժողովրդեան՝ սուր հանեալ 'ի նա յարձակեցար . և զգործն վճարեալ լինէիր, եթէ չէր նորա 'ի սանդուղս կրպակի գրոց ընկեցեալ զանձն, և իցեալ զայնս՝ զթափ բռնութեանդ խափանեալ : Առ որ զիս յօժարամիտ ընդ

քեզ եղեալ վկայեամ. հրատարակեալ, և ոչ դու ինքն ասես : Իսկ առ Միլոն՝ և ոչ յորդորամիտ անգամ կարացի լինել. զի չև ուրուք 'ի կարծիս լեալ գործոյն, նա արգեամբք կատարեաց ²³ : Այլ ես հաւանեցուցի զայրն . վասն զի այն իմն հոգի էր Միլոնի՝ որ առանց համոզակեր թուլիչ չմար. թէր օգուտ ինչ ընկերհաշտութեան առնել . բայց ուրախ եղէ : Եւ զի՛նչ . յայնչափ խնդութեան համօրէն քաղաքիս՝ ինձ ուրեմն պարտ էր միայն տրտում լինել : Թէպէտ և զմահուանէն Պ . Վլոդեայ ապաքէն եղև փուրսիչ ²⁴, այլ ոչ յոյժ իմաստնաբար 'ի հարցփորձ մատուցեալ : Զի ուր փուրսիչն օրինօք սահմանեալ էր, զի՛ ևս պիտէր այնուհետև նոր օրինօք խոյզ և խնդիր առնել զմարգասպանէն : Սակայն եղև հարցուփորձ : Արդ՝ զոր 'ի դատել իրացն ոչ դք բամբասեաց յիս, յետ այնչափ ամաց գու՛ գտար բազբալեղ զայն :

Իսկ զոր յանդգնեցար ասել, և զայն՝ բազմաբանուութեամբ, թէ իմով առնելով ճեղքեցաւ Պոմպիոս 'ի բարեկամութենէն Վեսարու, վասն որոյ և իմով յանցանօք ծագեցաւ պատերազմն քաղաքական, յայդմ գու ապաքէն ոչ յիրացն բովանդակ, այլ որ ևսն է՝ 'ի ժամանակացն ստերիւրեցար : Ես 'ի բզեշխութեան Մ . Բիբուլոսի առն նշանաւորի՝ ոչինչ թողի յորոց կարէի գործել և ջանալ, զի մի օցտեցից զՊոմպիոս 'ի միաբանութենէն Վեսարու, յորում Վեսար աջողագոյն գտաւ, զի նա զՊոմպիոս յիմմէ ընտանութենէս ուծացոյց : Իսկ իբրև Պոմպիոս բնաւ 'ի ձեռս ետ զինքն Վեսարու, զի էր ինձ գու՛ն դնել պատառել զնա 'ի նմանէ . յիմարի էր յուսալ, յորդորել՝ լրբենւոյ : Սակայն դէպ եղև երկիցս, զի թելադրեցի ինչ Պոմպիոսի ընդդէմ Վեսարու . զայն թէ կարես՝ պարսաւեսջիր : Մի, զի զհինգեմեակն զօրավարութեան Վեսարու մի առաւելուցու . երկրորդ, զի մի տացէ թոյլ վճիռ առնել՝ 'ի համարի ²⁵ զնա ունելոյ 'ի հեռաւորութեան անդ իւրում . յորոց եթէ 'ի մին յերկոցունց յանկուցեալ էի զնա, ոչ երբեք սուղոս .

կէսք 'ի Թշուառութիւնս յայտոսկի : Իսկ յորժամ զամենայն զգորութիւնս իւր և զհռովմէական ժողովրդեանն՝ աւանդեաց Պոմպիոս 'ի Վեսար, և անազան ուրեմն սկսու 'ի միտ առնուլ զոր իմ յոյժ կանխաւ նկատեալ էր և տեսեալ, զի անօրէն պատերազմ յտռնելոց է 'ի վերայ հայրենի աշխարհիս, նոյն ինքն ես ոչ զազարեցի խաղաղութեան՝ միաբանութեան և հաշտութեան լինել առաջնորդ . և ծանօթ իսկ է բազմաց բարբառն իմ այն՝ թէ « Երան՛ թէ, Կն . Պոմպիոս , մի երբէք 'ի միաբանութիւն գայիր ընկերաբար ընդ Վեսարու , կամ մի երբէք քակելիր . մին պերճութեանդ քում էր , միւսն իմաստութեանդ : » Այս էին յամենայն ժամ, Մ . Անտոնիէ , և զՊոմպիոսէ և զընկերհաշտութենէն իմ խորհուրդք . որոց եթէ տիրեալ կալեալ էր , կայր մնայր ընկերհաշտութիւնն , դու քոյին եղեռնութեամբքդ՝ չբաւորութեամբ և կեզտ անուամբ սատակելիր :

Այլ այսոքիկ հինք . իսկ նոր այն , թէ իմով խորհրդով իցէ Վեսար սպանեալ : Չանգիտեմ , հարք տտենակալք , դուցէ՛ որ ամօթոյ իրք են՝ զովողակից ինձ առեալ Թուրքիմ զգատախազն , որ զիս ոչ իմովս և եթ գովութեամբք գրուատիցէ , այլ և օտարոտիս յիս բառնայցէ : Չի ո՞ այն դը՛ որոյ ընդ իրագէտս մեծապանծ գործոյն լուեալ իցէ զիմ անուն . իսկ ո՞յր ուրուք 'ի համարուէ անտի նոցուն ծածկեցաւ անուն . և զի՛ ծածկել ասիցեմ , նա մանաւանդ որոյ ոչ անգէն առ ժամայն հռչակեցաւ : Արացից համարձակ , թէ մանաւանդ պարծեցան ևս ոմանք յընկերչակութենէ անտի լինել՝ որ չէին 'ի խորհրդին , քան թէ որ էրն՝ զանխլանալ դք կամեցաւ : Նա աւանիկ քանի՞ն հաւանութեան իցէ , թէ յայնքան բազմութեան , որոց կէսք անշանք ոմանք , կէսք երիտասարդք՝ որ ոչ զդք Թաբուցանեն , անուն իմ մոռացեալ կայցէ : Իսկ եթէ ձեռներէցք յաղատութիւն հայրենեաց պիտոյ էին , զԲրուտոսն ³⁸ գրգէի ես . որոց մին՝ զՂուկիտսի Բրուտոսի պատկերն զոր հանապաղ տեսանէր , միւսն և զԱհալայ : Այսպիսի նախնեաց

սերունդք՝ միթէ յօտարաց ինչ խնդրէին խորհուրդ, և ոչ յիւրեանցայոցն, և արտաքոյ՝ քան առանին : Զինչ . Կ . Կասսիոս, ծնունդ ազգատոհմի՝ որ ոչ միայն զտիրապետու թիւն, այլ և ոչ զկարողութիւն ուրուք տանել չժուժեաց, կարօտացաւ կարծեմ ունել զիս առաջնորդ . այն որ և առանց այսց արանց հոյակապից՝ անդէն՝ ՚ի Կիլիկիա առ բերանով Կիդնոս գետոյ վճարեալ էր զիւր զայս, եթէ նորա ²⁷ ՚ի սահմանեալ ափն՝ և ոչ ՚ի հակառակն հասեալ էր նաւաւն : Եւ զԿն . Դոմիտիոս՝ ²⁸ ոչ ծնողին սպանուամն՝ առն ակննաւորի, ոչ քեռւոյն մահ, ոչ կապուտ կողպուտն լինել ՚ի պատուոյն՝ գրգեաց դառնալ յազատութիւն, այլ իմ բանքս : Արգեօք հրապուրեալ ինչ իցեմ՝ զԿ . Տրերտնիոս ²⁹, զոր և ոչ յորգորել իսկ իշխէի . որում և մեծագոյն պարտի ունել շնորհս ընկերհաշտութիւնն, զի զազատութիւն հռովմէական ժողովրդեան առաւել մեծարեաց քան զմիոյն բարեկամութիւն, և տէրութեան վանիչ քան բագորդ լինել ցանկացաւ : Միթէ Լ . Տիլլիոս Կիմբեր իմում առաջնորդութեանն եկն զհետ . ընդ որոյ ես առաւել ընդ գործն զարմացայ, զի ոչ համարէի թէ առնիցէ . և վասն այնորիկ զարմացայ, զի զերախտիան ՚ի մոռացօնս զարձուցեալ յիշատակող գտաւ հայրենեաց : Զինչ զերկոսին Սերուիլիոսն ³⁰ . Կասկայս ասացից թէ Ահալայս . զսոսա ևս իմով բանիւ գրգեալս վարկանիս քան ՚ի սիրոյ ընկերհաշտութեան : Երկայն է ճառել և զայլն . և այս՝ ընկերհաշտութեանս պարծանք, զի այնչափ բազումք ելին երկեցան, ինքեանց՝ փառաւորութիւն :

Բայց որպէս յանդիմանիցէ զիս այրն սուր, ազէ ածէք զմտաւ : Ընդ սրախողխող լինել Կեսարու, ասէ, ամբարձեալ անդէն ՚ի վեր Մ . Բրուտոսի զարիւնաներկ դաշտնն՝ զԿիլիկերովն կարգաց յանուանէ, և ուրախակից նմա ելև ընդ ազատութեանն հասանել : Ընդէր մանաւանդ ինձ . թէ զի գիտէի՝ արդեօք : Տես՝ գուցէ յայն սակս ձայնեալ իցէ զիս, զի գործ մի հանգոյն իմոցս կատարեալ, զիս առաւել

վկայ ունէր՝ նախանձաւոր խմոյ պարծանացս լինելոյ : Իսկ դու, պանդոյր քան զամենեանս, չխմանաս՝ զի եթէ ընդ մահն կամել Կեսարու, զոր յիս բիծ շփես, փնաս ինչ իցէ, փնաս է և ինդալն՝ ի մահ Կեսարու : Չի զինչ ի միջի իցէ ընդ յորդորին և ընդ գովող. կամ զի՞ փոյթ է՝ թէ կամեցեալ իցեմ արդեօք, եթէ ուրախացեալ ընդ գործն : Արդ սի իցէ, բաց ՚ի քէն և յորոց ընդ թագաւորել նորա ցնծային, որոյ չիցէ կամեցեալ զլինել իրին, կամ զեղեանն պախարակեալ. ապա ամենեքեան բասրելիք. զի առաքինիք առ հասարակ, որչափ ՚ի նոսա էր, սպանին զԿեսար. ոմանց՝ խորհուրդ պակասեաց, կիսոց՝ հոգի, այլոց՝ ժամանակ. կամք՝ ոչ ումեք : Այլ միտ դիք ամբողջեան առնդ, կամ թէ ասել գրաստուդ. քանզի այսպէս ասաց. « Մարկոս Բրուտոս, զոր ես ՚ի պատիւ իւր անուանեմ, զարիւնաշաղախ դաշոյնն կալեալ՝ ՚ի ձայն բարձր զՎիկերոմիւ կարգաց. յորմէ իմանալ է՝ թէ կամակից ուրեմն էր : » Արդ ես վրիժագործ ՚ի քէն կոչեմ, զոր ՚ի կարծիս ինչ եղեալ վարկանիս. իսկ որ զարիւնաթոր դաշոյնն ՚ի բռին ունէր, նա ՚ի պատճառս պատուոյ ՚ի քէն անուանի : Այդպէս իցէ. լեցի այդ ամբողջութիւն ՚ի բանս քո. իսկ ո՞րչափ ևս առաւել յիրս և յիմաստս : Յոյց զայս հուսկ ուրեմն, է՞ բզեշիս. զինչ կամիցիս լինել զԲրուտոսեանցն դատաստան, զԿ. Կասսիոսին, զԿ. Դոմիտիոսին, զԿ. Տրեբոնիոսին և զայլոց : Սթափեցիր աղէ՛ լըջացիր ՚ի քնոյ շուայտութեան, և թափեա ըզգինիդ : Մատիցեն արդեօք ջահք՝ զարթուցանել զքեզ ըզթմբրեալդ ՚ի դատաստան այսպիսի : Չիմանաս համբուն՝ թէ պարտ է քեզ սահմանել, սպանողք արդեօք իցեն գործօնք իրիդ, եթէ ազատութեան քինախնդիլք :

Անսա փոքր մի, և զխոկս առն լըջամտի վայրիկ մի ընկալ : Ես, որ որպէս եսս խոստովանիմ, բարեկամ նոցա եմ, որպէս ՚ի քէնդ ամբաստանիմ՝ գործակից, յուրաստ կամ աւասիկ՝ թէ գուցէ ինչ այլ միջին. և վկայեմ, զի եթէ չիցեն նոքա ազատեցուցիչք հսովմէական ժողովրդեան և ընկեր.

հաշտութեան պահպանիչք, եղևո՞ւնաթիւրք են քան զարիկայս, քան զարիւնահեղս և քան զհայրախոշոշս անգամ զի անագորոյն ևս է՝ զաշխարհին հայր սպանանել քան զիւրն : Գու այր իմաստուն և խորհրդական, զի՞ ասես : Եթէ հայրասպանք, ընդէ՞ր 'ի պատճառս պատուոյ յիշատակին միշտ 'ի քէն յատենի աստ և առ ժողովուրդն հռովմէական : Զմէ՞ Մ . Բրուտոս քոյով առաջարկութեամբք արձակեցաւ յօրինաց, եթէ աւուրս աւելի քան զտասն հեռասցի յոստանէս ³¹ : Հիմ ապոլոնեան խաղք՝ անալինկալ փառք Մ . Բրուտոսի հանդիսացան ³² : Առ իմէ՞ տուան կուսակալութիւնք Վասսիոսի և Բրուտոսի ³³ . Էր աղագաւ յաւելան գանձապետք . էր աճեաց տեղապահացն թիւ . և այս ամենայն 'ի քէն գործեցաւ : Ուրեմն ոչ մարգասպանք, այլ փրկիչք էին՝ քոյով իսկ գատաստանաւ . զի երբորդ իմն այլ չիք : Զինչ իցէ . միթէ խռովեցուցանեմ զքեզ . զի թերևս ոչ ըստ արժանի առնուս 'ի միտ զասացելոցս զանազանութիւն : Այլ սակայն դուրս բանից խօսիցս այս է . քանզի յեղերանէ արձակեցեր զնոսա, նոյն ինքնդ և մեծամեծ պարգևաց արժանի զնոսա դատեցար, արդ ես յետս ընդդէմ գարձուցանեմ զճառս : Գրեցից առ նոսա, զի եթէ դք երբեք հարցանիցեն՝ թէ ճշմարիտ իցէ զոր յիսն բասրեցեր, մի՞ ումեք ուրաստ լինիցին . քանզի խիթամ, գուցէ թաքուցանել զանձնս՝ ոչ 'ի պատիւ ինչ նոցա լինիցի, կամ 'ի հրաւիրմանն հրաժարելս՝ ինձ 'ի յոյժ գարշաճս : Զի զինչ այլ երբեք ուրեք, ո՞վ սուրբդ Արամազդ, ոչ միայն յոստանիս յայսմ, այլ և ընդ ամենայն ոլորտս տիեզերաց գործեցաւ վեհագոյն, զինչ այլ պանծագոյն, զինչ յաւերժայիշատակ գրուատելի յազգս մարդկան : Յայսր խորհրդոյ ընկերութիւն՝ իբրև յերիվարն տրովական՝ առեալ արկանես գու զիս . ոչ մերժիմ, այլ և շնորհս ունիմ, որով հոգևով և առնիցեսդ : Իր մի այնպիսի մեծ է, զի զատելութիւնն զոր գու ընդ իս ճգնիս գրգռել, ոչ համեմատեցից ընդ գովութեանն : Զի զինչ երանելի քան զնոսա՝ զորս գու վտա,

րեալը առ 'ի քէն և տարագիրս քարոզես: զոր այն տեղի
այնպէս ամոյ և վայրենի, որ 'ի մատչել նոցա՝ ոչ խօսել և
փափաքել նոցին [Թուկցի • սր այն մարդիկ շինականք, որ 'ի
տեսանելն զնոսա՝ ոչ համարիցին զանձինս 'ի քաղցրագոյն
պտուղ կենաց վայելել: Իսկ զոր այն երախտամոռաց առյա-
պալք, զոր այն ապաշնորհ դարու[թիւնք գտանիցին, որ ըզ-
փառս նոցա ոչ արձանագրեսցեն 'ի յիշատակ անմահու-
թեան: Արդ զն գու յաւել գրեա և զն անշուշտ այնպիսի
'ի [Թիւս նոցին :

Բայց խիթամ՝ գուցէ ընդ մի ինչ ոչ հաճեսցիս: Քանզի
եթէ էի, ոչ զ[Թագաւորն միայն, այլ և զ[Թագաւորու[թիւնն
ինքնին գլխովին բառնայի յընկերհաշտու[թենէս • և եթէ
իմ ինչ էր գրին այն շէտ ^{3A}, որպէս ասի, հաւատա ինձ,
ոչ զմի արարուածն ևեթ, այլ ողջոյն իսկ զվիպացն հանգէս
'ի գլուխ վճարեալ տանէի: Սակայն եթէ յանցումն ինչ իցէ
զսպանումն կամել Կեսարու, աղէ տես քաջ, Անտոնիէ,
զինչ քեզ հասանիցէ ^{3B}, զորմէ քաջայայտ է՝ զի զայս խոր-
հուրդ առեր ընդ Կ • Տրեբոնիոսի 'ի Նարբոն, և 'ի պատ-
ճառս այնր խորհրդակցու[թեան՝ 'ի զբաւիլ Կեսարու տե-
սպք նմին իսկ Տրեբոնիոսի մեկուսի գքեզ 'ի տեղւոյն 'ի բաց
մոցեալ: Իսկ ես, — տես զիսորդ ոչ [Թշնամբար ընդ քեզ
գնամ, — զայն զի երբեմն բարւոք խորհեցար՝ գովեմ, զի
ոչ գուշակ եղեր՝ շնորհս ունիմ: Իսկ զի ոչ ձեռն 'ի գործ
արարեր, ներեմ: Այր պիտէր 'ի գործն • զի եթէ 'ի դատ
դք գքեզ վարեսցէ, և 'ի վար զԿասսիոսին առնուցու • Որո՞՞
օգոսն լեւիցէ, տես ազաչեմ՝ գուցէ 'ի վարան տագնապի
մտանիցես: Զի [Թէպէտ և այն իր, որպէս գուգ ասէիր,
ամենեցուն եղև յօգուտ՝ որոց ոչն կամէին ծառայանալ,
բայց մանաւանդ քեզ՝ որ ոչ միայն չծառայես, այլ և [Թա-
գաւորես ևս • որ յահագին պարտուց՝ գու գքեզ յանգորր
հաներ 'ի տաճարին Ոփսեայ ^{3C} • որ 'ի նոցին տախտակաց
անախ՝ ան[Թիւ անհամար գանձս վատեսցեր • առ որ 'ի տա-
նէն Կեսարու՝ արծաթ անբաւ մատուցաւ ³⁷ • որոյ տունդ՝

ամենաչափ արուեստանոց է ստալոդ արձանաց և յետկարաց , և ագարակաց՝ գիւղից՝ ապահարկաց և բաժեանց պղծագործ տօնավաճառ : Զի զինչ այլ նպաստ լինել մարթէր կարօտուլթեան քում և պարտուց՝ բաց ՚ի մահուանէն Կեսարու : Թուի ինձ թէ խռովեալ իմն իցես : Զանգիտես ինչ արդեօք , թէ գուցէ ՚ի քեզ պատշաճիցի ոճիր գործս այս : Ազատեմ զքեզ յերկիւղէդ . ոչ զք հաւատասցէ երբեք . ոչ քոյ ինչ է երախտաւոր առ ընկերահաշտիս լինել . ընկերհաշտուլթիւնն՝ այսր չքնաղ գործոյ առաջնորդ գիտէ արս հոյակապս . իմ զքեզ խնդամիտ և եթ ընդ այն ասացեալ , գործօն ոչ յանդիմանեմ : — Առ մեծամեծ ամբաստանուլթիւնն ետու պատասխանի , արդ և առ այլն արժան է հատուցանել :

Զբանակն Պոմպիլոսի և զամենայն ժամանակն զայն ինձ ՚ի մեզս գրես . յորում ժամանակի՝ եթէ որպէս ասացիս՝ զորէին բանք իմ , գու այսօր ցականեալ և մեք ազատք լինէաք , և ընկերհաշտուլթիւնս ոչ այնչափ զօրավարս և զօրս ³⁸ կորուսանէր : Քանզի վկայեմ , թէ ՚ի լինել եղելոցն՝ զոր իմ կանխեալ գուշակեալ էր , յայն տրտմուլթիւն անկայ՝ յոր և այլ ընտիր քաղաքացիքս անկանէին , եթէ նոյնպէս և նոցա նախատես լեալ էր : Յաւէր ինձ ցաւէր , հարքատենակալք , զի ընկերհաշտուլթիւնն՝ ձերով երբեմն և ի մով խորհրդով պահպանեալ , կորնչելոց էր հուպ ընդ հուպ : Զի չէի այնպէս տգէտ և անտեղեակ իրացն , մինչև սրտաբեկ լինել առ սէր կենաց , որ ՚ի կալն և մնալ՝ հաշելոց էր զիս թախանձալից , իսկ ՚ի գնալն՝ յամենայն նեղուլթեանց ազատելոց : Ես զարսն զայնոսիկ ականաւորս , զլուսաւորսն ընկերահաշտեաց , կամէի թէ կեցցեն , զամբոխ բզեշից , զաաւաւորաց , արդարակորով աւագորերոյ , նա՝ և զբոլոր ծաղիկ ազնուականուլթեան և մանկուլթեան , ըստ նմանէ և զամենալաւ քաղաքացւոցն բանակս . որ եթէ կենդանի կային , թէ և դժպհհի պայմանաւ խաղաղուլթեան , — զի ինձ ամենայն խաղաղուլթիւն ընդ քաղաքացիս՝ օդտակար

Թուէր քան զքաղաքական պատերազմ, — 'ի ձեռքն ունէաք այսօր զընկերահաշտիս : Եթէ այս իմաստ զօրացեալ էր , և ոչ նոքա մանաւանդ՝ որոց կենացն ես խնամ տանէի , կնձ հակառակ ամբարձեալ՝ յաղթուածեանն յուսով խրոխտացեալք , գու , զի զայն ամենայն թողից , գու անշուշտ ոչ երբեք յայսմ ակմբի , նա և ոչ 'ի քաղաքի աստ մնայիր : — Այլ բանք իմ ուծացուցանէին յինէն զսիրտ Պոմպիլոսի ³⁹ : — Բայց սիրեանց նա զոք առաւել քան զիս , կամ 'ի բան և 'ի խորհուրդ յաճախագոյն եմճւտ ընդ նմա . որ մեծ իմն էր ապաքէն , զբախտէ ընկերհաշտութեան երկպառակ եղելոցս՝ կալ յամենալ 'ի նմին ընտանութեան մտերմաբար : Բայց և ես զնորա և նա անդուստ զիմ միտս և զյոյսս տեսանէր : Ես՝ նախ քաղաքացւոցս ողջունին և ապա պատուոյն հոգ տանէի , նա՝ առաւել առժամայն պատուոյն : Եւ զի էր իւրաքանչիւր ումէք 'ի մէնջ յոր միտ եդեալ յարեացի , նմին իրի և ներելի էր չմիաբանութիւնն մեր : Իսկ թէ զինչ այրն այն անզուգական և գրեթէ աստուածային՝ զինէն խորհէր , դիտեն որ միանգամ փարսալեան փախստիւ զհետ չոգան նմին 'ի Պափոս : Ոչ երբեք յիշատակեալ նորա զիմ անուն՝ բայց եթէ շքով , սիրահարուստ տենչմամբ . ուր զի վկայէր՝ թէ իմ խորագոյնս նկատեալ տեսեալ էր , նորա՝ լաւագունի յուսոյ ակն կարեալ : Եւ իշխեն բնաւ յանուն առնն այնորիկ յարձակել 'ի վերայ իմ , որում զիս բարեկամ , զքեզ՝ յարձակ յարձակ վաճառական խոստովանիս ⁴⁰ : Այլ զանց զպատերազմաւն արասցուք , յորում գու յոյժ բարեբախտ գտար : Իսկ զկատակաբանութեանցն՝ զոր 'ի բանական 'ի վար արկեալ ասացեր յինէն , ոչ տաց պատասխանի : Այն բանակետեղք լի հոգովք էին . այլ մարդիկ , թէպէտ և 'ի ժխոր և 'ի շշուկ կայցեն , բայց եթէ միայն մարդիկ իցեն , երբեք երբեք դիւր առնեն մտաց : Այլ քանզի որ զթախիծս իմ ըստգտանէ , նոյն և զխաղքս , ի մում յերկոսին ևս չափաւորութեանս նշանակ մեծ է :

Ասացեր թէ ժառանգութիւնք չեկին առ իս ուստեք

կտակաւ ⁴¹ : Ո՛ր տայր ճշմարիտ լինել եպերանացդ . բա-
զում բարեկամք իմ և մտերիմք կենդանի լինէին : Այլ ուստ
ուստեք այդ 'ի միտոդ անկաւ . զի իմ աւելի քան զերկու-
հազար բիւր փող ⁴² 'ի հաշիւ ժառանգութեանցս արձանա-
գրեալ է . Թէպէտ և յայսմ մասին բարեբաստագոյն զքեզ
վկայեմ լեալ . զիս՝ բաց 'ի բարեկամէ՝ ոչ ոք այլ արար ժա-
ռանգ , որպէս զի ընդ շահուն՝ եթէ էր ինչ՝ յաւելցի ցա-
լինչ սրտի . զքեզ , զոր ոչն բնաւ տեսեր՝ ի . Ռուբրիոս կաս-
սինաս կացոյց ժառանգ : Եւ տես սրչափ սիրէր ⁴³ դա ըզ-
քեզ , որ յանգէտս՝ Թէ սպիտակ իցես եթէ սեաւ , զեզ-
բորորդւովն զանց արարեալ , զկ . Փուփիոսի՝ զհամեստա-
գունի ասպետին հռովմայ և իւրոյ սիրելոյն , զոր և միշտ
իւր պայազատ ցուցեալ էր յայտնապէս , զքեզ՝ զոր ոչ ու-
րէք տեսեալ , անշուշտ ոչ երբէք ողջունեալ , ժառանգ հաս-
տատեաց : Արէ ասա ցիս , եթէ չիցէ աշխատութիւն : ի .
Տուրսելեայ զինչ կերպարանք էին , զինչ հասակ , յորմէ՞
քաղաքէ էր , յորմէ՞ տոհմէ : Ոչ ինչ գիտեմ , ասիցես , բայց
զագարակնս զոր ունէր : Արդ և սորա անժառանգեալ զեղ-
բայրն , զքեզ կարգէր ժառանգ : Արտաքոյ այդոցիկ , 'ի բա-
զում ստացուածս արանց օտարածնաց իբրև ժառանգաւոր
մտեր հինաբար , զբուն պայազատսն հանեալ տարագիր :
Բայց ընդ այս կարի զարմացայ , զի որ զհօրդ ⁴⁴ ժառան-
գութիւն ոչ պայազատեցեր , ժպրհեցար ժառանգութեանց
առնել յիշատակ :

Առ 'ի զայդ բաղայսդ կցկցել , այր մտաթափ , այնչափ
աւուրս 'ի կիրթս հանդիսի խօսից անցուցեր յօտար ամա-
րանոցին ⁴⁵ . Թէպէտ և դու , որպէս ընտանիքդ զրուցեն
յաճախ , ոչ 'ի սրել զմիտոդ , այլ 'ի Թափել զգինիդ ստէպ
ձառատես : Եւ ընդ խաղ առ քեզ ունիս վարժապետ՝ ըն-
տրութեամբ գինարբուացդ քոց՝ զձարտասանդ , որում
ներեցեր զինչ և կամին ասել ընդդէմ քեզ : Ո՛հ ազու և
նրբախօս առնն . բայց դիւրագիւտ են հանձարաբանու-
թիւնք ընդդէմ քո և քոյոցդ : Այլ աղէ տես զինչ խախր 'ի

միջի իցէ ընդ քեզ և ընդ հաւն քո • նա մեղմով խօսէր առ 'ի պէտս ինդրոյն , դու Թափառնակի օտարոտիս բազման ջես : Սակայն վարձք քանի՞ն տուան ճարտասանին • լուարուք լուարուք , հարք ատենակալք , և 'ի միտ առէք զվէրս ընկերհաշտութեանս : Երկու հազար արտավար 'ի Լէոնտեան անդաստանացն պարգևեալք Սեքստոսի Վլոգիոսի ճարտասանի , և այն՝ ապահարկս , որպէս զի այնքան վարձուք հոռովհական ժողովրդեան՝ ոչինչ գիտել ուսանիցիս : Միթէ և այս , ո՞վ այրդ ժպիրհ , յարձանացն Կեսարու իցէ : Բայց ասացից այլուր և զԼէոնտեան ագարակէն և զՎամպանիոյ , զորս յափշտակեալ սորա յընկերահաշտեսացս՝ ամենագարչ ստացողօք պղծեաց զագարակն զայնոսիկ : — Այլ քանզի չարախօսութեանց սորա ետու բաւական պատասխանի , ժամէ արդ ասել ինչ ինչ զնոյն ինքն զյանդիմանչէ մերմէ և զկշտամբողէ : Ոչ հեղից Թափեցից զամենայն • զի եթէ յաճախ պայքարել հասանիցէ , որ և լինելոց իսկ է , միշտ նոր երևեցայց • ճոխութիւն՝ զոր առատապէս նօթձէ ինձ խուռն յոռութեանց սորա և մեղանաց յորովութիւն :

Կամիս արդ 'ի մանկութենէդ զննեսցուք զքեզ : Այնպէս կարծեմ • անդուստ 'ի վերուստ արասցուք սկիզբն : Ունիցիս 'ի մտի , զի մինչքեռ տակաւին մանուկն էիր՝ կերեալ վատնեալ սպառեցեր զգոյսդ : Այդ , ասիցես , հօրս մեզ է : Ներեալ քեզ • զի հայրագութ գորովոյ է պաշտպանութիւնդ : Բայց խրոխտ յանդգնութեանդ քոյ է այն , զի 'ի կարգս չորեքտասան աշտիճանացն ¹⁶ ելեալ բազմեցար , մինչդեռ Ռոսկեան օրինօքն ուրոյն տեղի զատուցեալ էր վատնողաց անանկացելոց , թէպէտ և դք 'ի բախտին զրիպակէ՝ և ոչ իւրովն տնանկացեալ իցէ : Արեւր զայրական պատմութեանն , զոր անդէն վաղվաղակի համակ 'ի կանացի դարձուցեր : Չառաջինն՝ շիտիտի դք հասարակ , կարգեալ կապէնք անառակութեանդ , և այն ոչ փոքր ինչ • բայց փութով 'ի վերայ եհաս Կուրիոն , որ զքեզ 'ի բողիցն շահէ 'ի

բաց դարձոյց . և որպէս թէ խիլայ զքեւ արկեալ՝ ՚ի հաւաստի և ՚ի ստոյգ ամուսնու թիւն հասաատեաց : Ոչ զք ՚ի մանկուոյ անձնամատն վաճառեալ՝ այնպէս ընդ ձեռամբ տեառնն եկաց որպէս դու ընդ Վուրիոնին : Քանիցս հայր նորա արտաքսեաց զքեզ ՚ի տանէն , քանիցս պահապանս կացոյց , զի մի և ընդ սեաման անցանիցես , սակայն քո զգիշեր օգնական առեալ , մտրակեալ ՚ի տակից , հրապուրեալ ՚ի վարձուց , ընդ տանին և ընդ ցիւան իջանէիր . զոր անդր ևս այլ ոչ կարաց տունն այն տանել զքարուականսդ : Գիտիցես , զի զկարի ծանօթական ինձ իրաց խօսիմ : Յո՛ւշ քեզ ժամանակն , յորում հայրն Վուրիոն թաղծալից դնէր ՚ի մահիճս , որդին յոտս իմ անկեալ արտասուագին՝ յիս զքեզ առնէր ապաստան , պազստէր՝ զի թէ վեց հարիւր բիւրս փողոյ պահանջեսցէ , պաշտպան կացից քեզ ընդդէմ հօր իւրոյ . զի այնքանոյ խոտտուկ և երաշխաւոր լեալ էր քեզ : Իսկ ինքն ՚ի մարմաջն ջերեալ և կողեալ պնդէր , զի առ չժուժալ տարփից անջատմանդ՝ ըստ աշխարհս վտարանդի ելանիցէ : Եւ զայսչափ ալէտոս բարգաւաճ ազգատոհմին ցածուցի ես ՚ի ժամանակին , մանաւանդ թէ սրբեցի : Ի հաւանածի զհայրն՝ հատուցանել զպարտիս որդւոյն , փրկել ¹⁷ յառատութենէ ընչիցն զպատանին՝ յորում յոյս մեծ գոյր սրտի և հանճարոյ , և զնա՝ ոչ միայն ՚ի քումնէ ընտանութենէդ , այլ և ՚ի տեսութենէդ՝ հայրական իրաւամբքն և իշխանութեան սաստիւ արդելուլ քեցեւ : Զայս ամենայն յինէն գործեալ զիտելով քո , եթէ ոչ ՚ի վաղակաւորան՝ զոր տեսանեմք՝ վտահացեալ էիր , իշխեիր թըշնամանօքդ գրգռել զիս :

Այլ զգարու թիւնսդ և զխայտառականսդ լռեցից . են են՝ զոր չմարթեմ պարկեշտաբար ՚ի բան ձգել . իսկ դու այնպէս ապերասան , զի զոր յամօթղած ոտիսն լսել չկարես՝ յանձն մատուցեր : Բայց տեսէք զայլ ևս դնացս վարուցն , ընդ որ թեթեակի սահեալ անցից : Զի զոր յընտանի պատերազմին՝ ՚ի դժնդակ տառապանս ընկերհաշ

առութեանն գործեաց և զոր հանապազոր գործէ, յայնս փութան միտք իմ. զորս և խնդրեմ, զի թէպէտ և ծանօթագոյն ձեզ քան ինձ իցեն, սակայն մտադիւրութեամբ լուիլիք, որպէս և առնէքդ իսկ : Զի յայտսիկ՝ ոչ ծանօթութիւն և թ իրացն շարժելոց է զսիրտս, այլ և յիշատակն : Բայց և պարտ է զմիջինսն զեղչել, զի մի յոյժ անազան 'ի վերջինսն հասանիցեմք :

Որ զշնորհս իւր առ իս երախտեալ յիշատակէ, մտերիմ էր Վլոդիոսի 'ի հազարապետութեան նորա . ամենայն հրձգութեանց նորա ջահ, յորոյ և 'ի տան անդ նորա՝ նիւթեաց ինչ գաւ ⁴⁸ : Զի խօսեցայց, ինքնին ճարտարագոյն իմանայ : Ապա յետ այնորիկ ճանապարհ յԱլեքսանդրիա՝ ընդդէմ հրամանի աւագանւոյն, ընդդէմ ընկերահաշտեաց և կրօնից . բայց առաջնորդ ունէր զԳաբրիէլոս, ընդ որում զամենայն ինչ կարէր ուղիւ գործել : Իսկ զինչ ապա անգուտ դարձն կամ որպիսի : ՅԵգիպտոսէ նախ մինչև 'ի ծագս Գալլիոյ ⁴⁹ քան 'ի տուն իւր : Եւ ո՞ր այն տուն էր . զի այր իւրաքանչիւր ունէին յայնժամ զտունս իւրեանց ⁵⁰, և քո չէր ինչ բնաւ : Եւ զի՞ զյարկ ասիցեմ . զինչ կայր բնաւ յերեսս երկրի, ուր իբրև 'ի քոյդ գնիցես զտոն, բայց միայն 'ի Միսենէ՝ զոր ընդ ընկերսդ իբրև զՄիսապոն ⁵¹ ունէիր :

Եկիր 'ի Գալլիոյ 'ի խնդիր գանձաւորութեան : Աղէ ժարհեցիւր ասել, թէ քան առ իս՝ առ ծնողդ քո մատեար նախ : Քանզի ընկալեալ էի յառաջագոյն զգիրն Կեսարու, զի զիջայց քեզ հաշտիլ ընդ իս . վասն որոյ և ոչ իսկ թողի քեզ խօսել զշնորհաց : Ապա յետ այնորիկ՝ գու անմեկնելի ինձ զգուշացար ⁵², ես քեզ 'ի խնդիր գանձաւորութեան կացի պաշտպան . յորում ժամանակի հաճութեամբ ժողովրդեանն հռովմայ կրթեցար սպանանել զՊ . Վլոդիոս 'ի հրապարակին . յոր ինքնակամ նկրտեալ քո և ոչ յիմե՛ ինչ գրգամանէ, համայն և այնպէս քարոզէիր, որպէս թէ ոչ հատուցումն ինչ առ իս անիրաւութեանցդ քանել հա-

մարիցիս, բայց միայն եթէ զնա սատակիցես: Յորում զարմանամ, զի է զի յիմեք գրգելոյ զերն զայն Միլոնի վճարեալ ասիցես, ուր և յառաջարկելդ ինձ զնոյն ինքնայօժար՝ ոչ երբեք յորդորեցի. [Թէպէտ և եթէ 'ի նոյն միտս հաստատուն կացեալ էիր, առաւել 'ի քո փառս կամէի [Թէ գրեսցի գործն քան ինձ 'ի շնորհս: Կացուցար դանձապետ. անգէն ետ ընդ ետ առանց աւագանւոյն հրամանի, առանց հմայից, առանց օրինաց ընթացար առ Կեսար. զի զայդ միայն ընդ ոլորտս տիեզերաց համարէիր կարօտութեանդ ապաւէն, պարտուցդ, շուայլութեանդ, կորստական ճանապարհաց վարուցդ: Անդ իբրև նորա առատութեամբքն և քոյով յափշտակութեամբք ցար յօրացար, — եթէ ընուիցէ խծկել՝ զոր խկոյն ցնդեսցես, — սլացար չքաւոր 'ի հազարապետութիւն. որպէս զի յիշխանութեան անդ յայնմիկ, եթէ կարօղ ինչ իցես, առն քում ⁵⁵ նմանօղ լինիցիս:

Ընկալարուք արդ, աղաչեմ, ոչ զոր յանձն իւր և յառտընին ծանականս խենեշարար և անխառնութեամբ արար, այլ՝ զոր ընդ մեզ և ընդ բաստս մեր, այս է՝ ընդ բոլոր ընկերհաշտութիւնն, անօրէն և ամպարշտաբար անցոյց: Չի 'ի գորա ապիրատութենէն զսկիզբն ամենայն աղետիցս գտանիցէք: Քանզի յորժամ 'ի բդեշխութեան Լ. Լենտուլոսի և Մ. Մարկելլոսի, 'ի գլուխ ամսեանն Յանուարի իղձ լինելիք ամրացուցանել զսասանեալ և գրեթէ կործանեալ ընկերհաշտութիւնն, և նմին իսկ Կեսարու՝ եթէ առողջ էր խորհրդովք, ինամ տանել կամելիք ⁵⁶, սա յայնժամ զվաճառակուր և զվտարանդի հազարապետութիւնն ընդդէմ եզ խորհրդոց ձերոց, և զպարանոց իւր արկ ընդ տապաւրան՝ որով յոլով սակաւամեղք իսկ կորեան: Յայն զքեզ, Մ. Անտոնիէ, դատակնքեաց աւագանին, մինչդեռ ողջն դամն էր, և ոչ այնչափ լուսաւորք իւր շիջեալք, յոր նախնեաց օրինօք սովոր է դատապարտիլ [Թշնամի պատմուճառնաւոր ⁵⁸: Եւ դու ժպրհեցար՝ չարախօսել զինէն առ կա-

Ճառեալ Հարսս, մինչդեռ ես յատենէ տասի փրկիչ գա-
տեալ էի, դու վերագ ընկերահաշտեաց : Յիշատակ այնր
ամպարշտութեանդ զանց եղեալ էր, ոչ ջնջեալ 'ի յուշոյ :
Մինչև մարդկան ազգ, մինչև անուն հոռովեական ժողովըր-
գեան կացցէ, — զոր եթէ գու թողացուցես՝ յուխտեան
կացցէ, — զրուցեսցի և այն քո ժանտագործ ընդդիմագար-
ձութիւն : Աղէ զինչ 'ի քմաց, զինչ յախուռն ինչ 'ի լինել
կայր, յորժամ դու՝ մի ևեթ պատանի՝ արգելեր զատեանն
համօրէն չառնել վճիռ 'ի փրկութիւն ընկերահաշտութեանն-
և զայգ՝ ոչ մի անգամ, այլ բազում. և չետուր տեղի՝ թէ
իշխանութիւն աւագանւոյն ազգեսցէ ինչ 'ի քեզ : Եւ զինչ
էր զոր ազգէրն, բայց մի բնաջինջ բառնալ և հիմն 'ի վեր
տապալել զընկերահաշտութիւնն. ուր զքեզ՝ ոչ զլեակորք՝
քաղաքիս աղերսանօք, ոչ երկցագոյնք խրատուք, և ոչ ա-
ւագանին համագումար ջան 'ի գործ դնելով, ոչ բաւեցին
'ի կաշառակուր և 'ի ստրուկ մտացդ դրդուել զքեզ : Յայն-
ժամ ապա, յետ բազում իրաց փորձոյ, հարկաւ տուաւ
քեզ հարուածն՝ որ սակաւուց յառաջ քան զքեզ, յորոց
ոչ դք ողջանդամ ապրեցաւ : Յայնժամ ատեանս այս ետ
ընդդէմ քո զէնս⁵⁸ բռեշխից և այլոց իշխանութեանց և զօ-
րութեանց . յորոց ոչ ճողոպրէիր, եթէ չէիր 'ի բանական
Կեսարու ապաւինեալ :

Ի ու, ասեմ, դու Մ. Անտոնիոս, Կ. Կեսարու՝ որ զա-
մենայն ինչ ցանկայր վեր 'ի վայր վրդովել, գլուխ և առաջ-
նորդ եղեալ՝ պատճառս ետուր յարուցանելոյ զպատե-
րազմն ընդդէմ հայրենեաց : Ձի զինչ այլ տակր նա, զինչ
պատճառս անմիտ խորհրդոցն և գործոյն յառաջ ածէր,
բայց զի էր միջնորդութիւն դիմագարձութեանն ապախա-
լեալ, իրաւունք հազարապետութեանն բարձեալ, Անտո-
նիոս 'ի ձեռն աւագանւոյն 'ի պաշտամանէն խափանեալ :
Թողից ասել քանի սուտ են այդոքիկ, քանի անտի, մա-
նաւանդ ուր ոչ ումք մարթի ունել իրաւունս զէն վերա-
ցուցանելոյ ընդդէմ հայրենեաց : Այլ կացցեն բանք զՎեառ.

րէ . քեզ ինքնին անշուշտ խոստովանելի է , թէ 'ի քուման ձինդ էր պատճառք կորստական պատերազմին : Ո՛վ չուառգ դու՝ եթէ իմանաս , չուառագոյնդ՝ եթէ չիմանաս , զի այդ 'ի դրի հարկանի , այդ 'ի յիշատակարանս որձանագրի , այդ իր և ոչ զյեանովք ամենայն յաւիտեանց անյիշատակ անցանիցէ . զի բդեաշիք յիտալիոյ թօթափեալք , ընդ նոսին և Կն . Պոմպիոս՝ որ իշխանութեան հոովմեական ժողովրդեանն փառք և ճաճանչն էր . ամենեքեան որ 'ի բդեշխութեան պատուի էին , և յուժի կային ընթանալոյ 'ի փախուստն յայն և 'ի փոթորիկ , դատաւորք և դատաւորականք , հազարապետք ժողովրդեան , մեծագոյն մասն աւագանւոյն , ամենայն տոհմ մանկութեան , և հակիրճ՝ ընկերհաշտութիւն ուղղոյն մերժեալ և հալածական 'ի կայից իւրոց : Արդ , զոր օրինակ 'ի սերմանն է՝ ծառոց և արմանցն բոյս , նոյն և այսմ աղետաբեր պատերազմի դու եղեր սերմն : Յաւէ՛ ձեզ վասն սատակման երից բանակաց հոովմեական ժողովրդեանս . սատակեաց Անտոնիոս : Կարօտիք հոչակաւոր քաղաքացեացդ . զնոսա ևս 'ի ձէնջ յափշտակեաց Անտոնիոս : Իշխանութիւն ատենիդ տապալեալ է . տապալեաց Անտոնիոս : Համայն և զամենայն զոր յետ այնորիկ տեսաք , — և ո՞ր աղէտք իցեն զոր ոչ տեսաք , — եթէ ուղիղ 'ի քնին աւնուցուիք , Անտոնիոս համարեսցի այնմ պարտ չարեաց , օրինակ իմն որպէս Հելլենէ տրոյացւոցն , և սա այսմ ընկերահաշտեաց պատճառք պատերազմին , պատճառք ժպնտի և կորստեան գտաւ :

Միւս ևս դրուագք հազարապետութեանն՝ սկզբանն հանգունակք : Զամենայն ինչ որում՝ զգուշացեալ էր աւագանին՝ զի մի ընկիցին 'ի կալ և պահել ընկերհաշտութեանն , արար սա և կատարեաց . զորոյ չարութիւնն և 'ի չարութեան անդ ծաներո՞ւք : Բազմաց տառապելոց դարձ շնորհէր յաքսորանաց . 'ի նոսա ոչինչ բնաւ յիշատակ հօրեղբօրն : Եթէ անաչառ , ընդէ՛ր ոչ առ ամենեսին . եթէ ողորմած , է՛ր ոչ յիւրսն : Բայց թողեալ իմ զայլն , զ՛ իկինիոս

Ի՛ենտիկու՛լաս, զգատապարտեան զման խաղղոյ բախտի, զիւր խաղակիցն դարձոյց. ոչ զի չէր օրէն խաղալ ընդ գատապարտելուսն, այլ՝ զի զոր 'ի խաղսն կորուսեալն էր՝ 'ի շնորհէ անսի լուծանելոյ օրինացն հատուցէ՝⁸⁷։ Զոր իրաւունս յառաջ բերեր ժողովրդեան հոռովայ, գատել զնա արժանի դարձի։ Թերևս⁸⁸ զի հեռաւորն ընդ պարտաւորս համարեալ էր, զի առանց հարցափորձի իրացն գատաստան եղեալ էր, զի չգոյր ինչ օրինօք վճիռ զխաղուց, զի բռնի և զինու՞ք էր հարստահարեալ. հուսկ յետոյ, որ ըզհօրեղբօրէդ լու լինէր, զի կաշառով թիւրեա՛լ էր գատաստանն։ Եւ ոչ մի ինչ յայսցանէ։ — Այլ այր բարի էր և ընկերհաշտութեան արժանի։ — Ոչինչ է այդ առ խընդիրս⁸⁹։ Իսկ ես, քանզի գատապարտն լինել առ ոչինչ է համարեալ, եթէ այդպէս ինչ էր, ներէի արդեօք։ Բայց որ քան զամենայն անօրէն այր, որում ոչինչ էր բնաւ խիղճ՝ 'ի հրապարակի անգամ՝ 'ի քուեայս խաղալ, զգատապարտեալն յօրինաց խաղուց, դարձոյց անարատ յառաջն չափան, նա ո՞չ ապաքէն ինքնին մերկապարանոց խոստովան լինի զխորժակս մտացն։ Իսկ 'ի նմին հազարապետութեանն, 'ի խաղալ Վեսարու 'ի Սպանիա, իբրև սմա կոխան ետ զԽտալիա, որպիսի ինչ եղև արշաւան ճանապարհաց իւրոց։ Միթէ երթևեկք յայց և՛ 'ի զնին ազատ քաղաքաց։ Գիտեմ զի 'ի հոչակեալն 'ի բերանս ամենեցուն զեզերիմ, և զի զոր ասեմս և ասելոց եմ՝ ծանօթագոյն են ամենեցուն գտելոցն յայնժամ յԽտալիա քան ինձ որ չցոյայ, սակայն նշանագրեցից զիրսն մի ըստ միջէ, թէպէտ և անհնար իցէ ամենեկին հաւասարել բանիցս՝ գիտութեան ձերում։ Զի ո՞ւր ուրէք յաշխարհի լսելի լեալ իցէ այնքան անառակութիւն, այնքան պղծութիւն, այնքան նշաւականք։ Բարձեալ կրէր յօտարաբուն կառս հազարապետն ժողովրդեան, նուիրակք սարգենապսակք կարապետէին. յորոց միջի՝ հօլանի դեսպակաւ ածեալ լինէր վարձակն⁹⁰, զոր 'ի քաղաքաց քաղաքաց ընդ առաջ ելեալ առ հարկին պար.

կեշտ որեարն , ոչ ծանօթ և գուսանական անուամբն , այլ վալուսնիա զնա ողջունելին : Զհետ զայր յոսնակ բողաբոյժ կաւատօք , ընկերք ժանտագործք • մայրն անարգեալ 'ի բաց ընկեցիկ՝ հոմանեայ պիղծ որդւոյն խբը և նուայ զինի գնայր : Ո՛վ տառապեալ կնոջն [Թշուառական ծննդականու-
թեան : Զայսց անառակութեանց հետս յամենայն ազատ քաղաքս , 'ի գաւառս , 'ի գաղթականս , միով բանիւ՝ ընդ ամենայն Իտալիա տպաւորեաց :

Այլոց գործոց նորա , հարք ատենակալք , գժուարին արդարև է յանդիմանութիւնն և զեղև : Գտաւ 'ի մարտին , յագեցոյց զանձն արեամբ քաղաքացւոց՝ անմանեաց իւրոց • բախտաւոր եղև , եթէ գուցէ բնաւ յամպարշառութեան բախտ : Այլ քանզի պատկառ կալ կամիմք հինաւորց զօրականին , թէպէտ և չեն ինչ հանգոյն զինուորացն գտտ և քոյգ , զինգքս զհետ կրթեցան զօրագլխին իւրեանց , գու 'ի խնդիր ելեր նմին • սակայն զի մի գնոսա ընդ իս յատելութիւն պարձուացես , ոչ ինչ զբնութենէ պատերազմին առացեց : Ի Թեսալիոյ յաղթօղ գարձար 'ի Բրուանդիսոն հանգերձ գումարտակ գնդօք • անդ ոչ սպաներ զիս • շնորհ մեծ • քանզի վկայեմ՝ թէ կարօղ էիր ⁶¹ • թէպէտ և չէր ոք՝ յորոց ընդ քեզն էին , որ ոչ պարտ վարկանէր ինայել յիս : Քանզի այնպիսի է սէր հայրենեաց , որպէս զի և յաչս գընդացն ձերոց սուրբ էի • զի զնա ինև փրկեալ գիտէին : Բայց գրեալիւ՝ թէ զոր ոչն բարձեր , շնորհեցեր ինձ , և թէ 'ի քէն զկեանս իմ ունիցիմ , այնու զի ոչ հաներ յինէն • միթէ 'ի քոց թշնամանացդ թոյլ ևս եղև ինձ՝ այնպէս անմոռաց ունեւլ 'ի սրտի զերախտիսդ զայդ՝ որպէս ունէի • մանաւանդ զի և գիտէիր ևս՝ թէ զայսոսիկ լսելոց ես :

Եկիր 'ի Բրուանդիսոն , 'ի ծոց և 'ի գիրկս քոյոյ վարձակիդ : Զինչ • միթէ սո՛ւա խօսիցիմ : Քանի՞ եղուկ իցե չկարել ժխտել՝ զոր խոստովանեմք գարշելի՛ է : Եթէ չամալեցեր յազատ քաղաքանւոյն , փարթար և ո՛չ 'ի հինօրեայ սպայէն : Զի ո՞ր այն զինուոր՝ որ չետես զնա 'ի Բրուանդի-

սխան . ո՞ որ չգիտաց՝ Թէ զայնչափ աւուրց ճանապարհ հա-
տեալ եկեալ էր նորա առ 'ի խնդակից քեզ լինելոյ . ո՞ որ ոչ
սորիչացաւ ընդ այնպէս անաղան խելամուռն լինել՝ Թէ որ-
պիսում առն զհետ կրթեալ էր : Դարձեալ ապա խառնա-
կան արշաւան, ընկերելով նովին վարձակաւ . յաւանան՝
անտղորմ և Թշուառայեց Նիսո զօրաց . յոսանին՝ սուլոյ
և արծաթոյ՝ ևս առաւել գինեաց գերփահք առ և ապուռ-
սոսկալի : Յաւելաւ 'ի վերայ , զի յանգէտս Կեսարու՝ որ
յԱլէքսանդրիա էր , շնորհիւ բարեկամաց նորին՝ ասպա-
հապէս ևս կարգեցաւ : Յայնժամ իրաւունս իւր վարկաւ-
կենակից Հիպոլիտայ ⁶³ լինել , և զասպաստանիկ երիվարս
այրուծիոյն՝ տալ Սերգեայ խեղկատակի 'ի շահ վարձուց :
Յայնժամ ոչ զասպարանս զայս ⁶⁵ , զոր այժմ վարանի պահ-
պանել , այլ զՄ . Պիտոնին ընտրեալ էր իւր 'ի բնակութիւն :
Զքէ է ինձ զտորա հրամանան , զի՛ զաւարտութիւնան , զի՛
զբաշխոյս ընչից ժառանգութեանց , զի՛ զապուելան յիւրմէ
յառաջ անել : Ստիպէր տաղնապէր կարօտութիւն . չքոյր
յոր դարձցի : Չև էր 'ի Լ . Ռուբրիտէ , չև 'ի Լ . Տուրսե-
լեայ հասեալ առ նա այնչափ ժառանգութիւն . չև ևս փո-
խանակ Կն . Պոմպիլոսի և այլոց բաղմաց բացակայից՝ յան-
կարծական ժառանգ սարգեալ մտեալ էր : Մնայր նմա ա-
ւազակօրէն կեալ , այնչափ ինչ ունել՝ որչափ կողոպտեն
կարիցէ :

Այլ զայստիկ , որ ուժգնագոյն ապիրատութեան են ,
'ի բաց Թողեալ , խօսեցուք մանաւանդ զգլեղխագործ Թե-
թեանացն : Դու գովին որկորովք , գովին կշախւք , գովին
վերբականսուտերամարտի պնդակազմութեամբ բովանդակ
իրանացդ , այնչափ գինի կլեալ էիր 'ի հարսանիան Հիպոլիտ-
այ , մինչև հարկ լինել քեզ վարկու փոխել ժայթքել ակն
յանգիման ժողովրդեանն հռովմայ : Ո՛վ իր՝ ոչ միայն 'ի
տեսել , այլ և 'ի լուր նողկալի : Եթէ յընթերեկերս անգ՝
յահապիին տաշտս բաժակացն քոց յայնտիկ պատահէր
քեզ այդ , ո՛վ ոչ զաղկո համարէր : Իսկ դա 'ի հանգիտի

հռովմէական ժողովրդեան, 'ի պաշտելն զգործ աշխարհին, ատազհապետք՝ որում է զբայուել անպամ մախիղ է, ործ կատարվ է շմարով՝ գինեհոտ պատառուք խորակացն ըզգոգան և զատեանն ողջոյն ողողեաց: Բայց ինքնին և նա զկայէ այդոցիկ 'ի հիքութեան իւրում մասին լինել. եկեալուք 'ի շքեզան:

Զերծուս Կեար յԱլեքսանդրիոյ բարերախտ, որպէս թուէր յաչա իւր. բայց ըստ իս, որ առ ընկերհոտուութիւն չարաբաստ իցէ, բարերախտ լինել ոչ ունի: Կանգնեալ նիզակ ⁸⁴ առաջի մեհենին Արամազդայ Նահանջողի, ստալուածք Կն. Պոմպիոսի, — աւանդ ինձ, արաստուք հատեալ, այլ կակիծ ցաւոց 'ի սիրտս մտեալ հարստեալ կայ, — ստացուածք, ասեմ, Կն. Պոմպիոսի Մեծի՝ 'ի դժնդակ բարբառ. քարոզին մասնեալ: Յայն տեսիլ միայն՝ մոռացեալ քաղաքին զգերութիւն իւր՝ հեծեաց. և 'ի ստորկանալ ուլոց, յահ և յերկիւզ պաշարել ամենայնի, ազատ մնաց հեծութիւն հռովմայեցի ժողովրդեան: Յահն ունել ամենեցուն, թէ ս իցէ այնպէս ամպարիշտ, այնպէս խելագար, այնպէս գից և մարդկան թշնամի՝ որ յայն եղեռն վաճառու հոլանեալ յանդգնեալ զանձն յառաջ վարեացէ, գտաւ և ոչ որ՝ բայց Անտոնիոս միայն. նա զի և բազում առօրտութիւնք կային զնիզակաւն, յայլ ամենայն կամակարողք ձեռներէջք: Մի որ ևեթ գտաւ յայն ինչ լարչեալ, յորմէ զարհուրեալ խուսափէր ամենեցուն ժողովութիւն: Ապա ուրեմն՝ առիշութիւն այնպիսի զքև անկաւ, կամ ճշգրտագոյնս ասել՝ կատաղութիւն այնպիսի, զի նախուստ՝ վաճառուց զին հատանող 'ի տեղիս յայս ծնեալ ⁸⁵ առ 'ի շուպել, ապա գինս և Պոմպիոսի հատանող, և չքիտիցես աակաւին զքեզ զազիր և գարշելի հռովմէական ժողովրդեան, ո՛չ և զգիս ամենայն և զամենայն մարդիկ թշնամիքեզ լեալ և լինելոց:

Այլ քանի լրբաբար անդէն և անդ յարձակեցաւ շուայտոտդ 'ի գոյս առնն այնորիկ, որոյ քաջութեամբն ահաւոր

էր ժողովուրդն հռովմէական առ օտարազինս, արդարու-
 թեամբն սիրելի: Արդ իբրև անդէն լողացաւ 'ի փարթա-
 մուծիւնս նորա, խոպայր առ խնդին, խեղկատակ գիմա-
 կաւոր, առժամայս չքաւոր; յանկարծոյն մեծատուն: Սակայն որպէս քերթողն ունի՝ չգիտեմ որ ⁶⁶, Չարա-
 ստացեալքն՝ չարաւ և կորնչին: Անհաւատ և հրաշանշան
 իմն է, թէ զխնոր զայնքան զքաղմամթեր ստացուածսն՝ 'ի
 քանի սակաւ, չասեմ ամիսս, այլ աւուրս, վատնեալ վա-
 րատեալ իցէ: Էին յողնահամբար կարապ զինւոյ, արծա-
 թոյ ընտրոյ՝ կշիռ մեծայազն, հանգերձանի ծանրագին,
 բազում և պայծառ կահ և կարասի շքեղաշուք 'ի տեղիս
 տեղիս, ոչ առն շուայտաբարոյի, այլ ճօխի: Ի սակաւ
 աւուրս և ոչ մի ինչ կայր 'ի սոցանէ: Ո՞ր Քարիբդ ⁶⁷ այդ-
 պէս կլանող իցէ. և զի՞ իսկ զՔարիբդ ասիցեմ, որ եթէ
 եղեալ ինչ իցէ, մի ևեթ յուշկապարիկ նհանգ էր. օն և օն
 'ի հաւատոյն գիտ երդուեալ, աշխարհածովն մեծ հազիւ
 թուի բաւական զայնքան իր, այնչափ ցիր և ցան, այնչափ
 'ի հեռի վայրս զետեղեալ, այնպէս յապուրակի կլանել:
 Չէր ինչ 'ի միջի փակ և ոչ կնքեալ, ոչ գրով գրոշմեալ: Ըտե-
 մարանք առ հասարակ՝ արանց անդլամաց գնային 'ի պար-
 գես. էր զոր խաղակատակք յափշտակէին, էր զոր վար-
 ձակք. խոնեալ էր առնն խաղացողօք քուէից, արբեցե-
 լովք լի. զաւուրս ողոյն գիներբուք էին, և 'ի բազում տե-
 ղիս: Յաւելուին դամու գամու և զեանք խաղուց, — զի ոչ
 միշտ բախտաւոր է դա: Ի ծառայիցն խուզս տեսանէիր
 խշտիս ծածկեալս ծիրանաներկ պաստառակալքն Կն. Պոմ-
 պիոսի: Վասն որոյ մի ևս այլ զարմանար, թէ այն ամենայն
 այնպէս վաղվազակի գերփեալ սպառեալ բարձան 'ի միջոյ:
 Ոչ զմիոյ ուրուք՝ թէպէտ և բազմագանձ հայրենի ստա-
 ցուած, որպիսի ինչ այն էր, այլ և զքաղաքս և զթագաւո-
 րութիւնս կարէր այնպիսի անառակութիւն լափել լիզել
 վաղվազակի:

Իսկ զնորս ապարանն ևս, և զգրախոս. ո՞վ անհնարին

յանդգնութեանն : Դ՞ու՞նք 'ի տուն անդր իշխեցեր մտանել , գու՞ զամենասուրբ զայն սեաման կոխել . գու՞ զից երգոցն այնոցիկ զզազատեալ էրեսոգ ցուցանել . յոր երբեմն ոչ ոք կարէր հայել 'ի տունն յայն , ոչ ոք առանց արտասուաց ընդ այն անցանել , գու՞ ո՞չ պատկառես օթել այսչափ յերկար 'ի յարկան յայնոսիկ , յորս թէպէտ և չես զգոնամիտ ոք , համայն չիք խմիք քեզ քաղցրանալ : Միթէ գու՞ , իբրեւ գամ մի 'ի գաւթի անգ զբեմնն , զկապուտան յակն արկեր , համարիցիս 'ի տուն քո մտանել : Անհնար է այդմ լինել զի թէ և անմիտ անզգայ ոք իցես , որպէս և եագ , սակայն զքեզ և զքոյսգ և զգերգաստանգ ծանուցեալ ես : Չհաւատամ երբեք , ոչ յարթմնի և ոչ 'ի քուն՝ զգօն և խաղաղ միտս ունել քեզ . հարկ է , զի թէպէտ և իցես՝ որպէս և եագ՝ զինեկէզ և մոլի , 'ի յանգիման լինել քեզ կերպարանաց առնն չքնաղի , ընդստոնուլ քեզ զարհուրագին 'ի քնոյ , և 'ի զարթմնի ևս սաեպ մոլեգնել : Իսկ ես գթամ և յորմուանն յայնոսիկ և 'ի մարգակն . զի զինչ այլ բնաւ տեսեալ էր յարկին այնմիկ , բայց որ ինչ զգաստութեան է , որ ինչ բարուց բարւոքոց և սրբական հրահանգաց : Ձի այրն այն , որպէս գիտէք , հարբ ատենակալք , թէ անուանի եղև արտաքոյ , և թէ առանին զարմանալի . և ոչ յիրս արտաքինս առաւել գրուատելի , քան 'ի անտեսական բարեկարգութիւնս : Արդ 'ի տան անգ սորա՝ փոխանակ սենեկաց՝ լլկոցք են , փոխանակ ճաշարանաց՝ աշխարհաւանդք : Թէպէտ և արդ յուրաստ կազցէ գա , մի՞ և մի՞ ինչ այլ որոնէք , սրբիկ ոմն եղեալ է : Ալարձակին իւրում՝ հրաման եաբստ երկոտասան տախտակացն՝ ժողովել զկարասին իւր ⁸⁸ . զփականն եհան 'ի նմանէ , արտաքեսաց : Այլ քանի՞ սքան չելի քաղաքացի , քանի՞ գովելի , յորոյ 'ի բովանդակ կեանան չիք ինչ այլ գործ վայելուչ քան զապահարզանն վարձակին : Բայց քանիցս յաճախ յեղյեղու . Եւ Բրեւելս և Արտնիտ . որ է ասել և բգեաշի և անամօթ քան զամենայն , և բգեաշի և մարդ . քան զբնաւս անորէն . զի զինչ այլ իցէ Անտոնիտոգ :

քանզի եթէ էր ինչ շուք յիմաստ անուանոյ : Կարծեմ : Թէ
և հաւն քս սաէր ուրիք զանձն և բզեչիս և Անտոնիոս , զոր
ոչ երբեք ասաց . սաէր արդեօք և պաշտօնակիցն իմ՝ հօ-
րեկբայրն քո : Բայց միայն զի գու ևեթ ես Անտոնիոս :

Այլ լուեմ զոճիրսն որ չեն՝ ի բնէ գործոցդ , որովք ազնու-
կեցեր գու զընկերհաշտութիւնն . ՚ի քոյսդ գառնամ , այս
է յընտանի պատերազմն՝ որ ՚ի քո ձեռն յարեաւ բորբո-
քեցաւ ճարակեցաւ : Ի պատերազմէ անախ՝ գու առ երկ-
չոտութեան և առ հեշտախոտութեանցդ՝ յեանեալ կասե-
ցեր : Ճաշակեալ էիր ՚ի տոհմային արենէ , նա մանաւանդ
արբեալ և թրջեալ . ՚ի փարսայեան ճակատուն եղեալ գրօ-
շակիր , սպանեալ զլ՛ . Գովտիոս զայրն արհուական և ա-
կանաւոր , զբազում փախստականս ՚ի մարտէն՝ զորս Կե-
սար , որպէս զայլս ոմանս , փրկէր արդեօք , անողորմաբար
հալածեալ և խողշեալ : Յետ այսչափ և այսպիսի ազուռս
գործելոյ , զի է զի գհետ Կեսարու չելեր յԱփրիկէ , ուր զի
մնայր տակաւին մասն մի մեծ՝ պատերազմն : Իսկ արդ զոր
տեղի կալար առ նմին իսկ Կեսարու յետ գարձին իւրոյ ՚ի
կողմանցն արիւրիկեցոց , յոր կարգ գասեցար : Որում քո
՚ի զօրապետութեանն գանձաւոր եղեալ էիր , յիշխանապե-
տութեանն ⁸⁹ ասպահապետ , սկզբնասպառձառ խաղմին ,
անգթութեանն հաւակ , աւարին բաժանակից , ՚ի կտակին՝
որպէս գուք ասէիր՝ պայսզատ , գու այդպիսիք՝ գատաս-
տանաւ պահանջեցար զարծաթն՝ զոր պարտէիր ընդ ասպա-
րանիցն , ընդ դրախտիցն , ընդ գնոց վաճառուցն : Չառա-
ջինն՝ սաստիկութեամբ ետուր հատու պատասխանի , և զի
մի յամենայնի քեզ հակառակ թուիցիմ , գրեթէ արգար և
իրաւ ասէիր . « Կեսար յինէն արծաթ . ընդէր ոչ ես մա-
նաւանդ ՚ի նմանէ . միթէ առանց իմ՝ յաղթեաց նա . այլ և
ոչ իսկ բաւական գտաւ : Ես նմա պատճառս ետու տնա-
կան պատերազմի . ես առաջի արկի օրէնս սատակչականս .
ես զէնս ընդդէմ բզեչից և զօրագլխաց հոռովեական ժո-
ղովրդեանն , ընդդէմ աւագանւոյն և ազգին հոռովայեցոց ,

ընդգէմ գիցն հայրենականաց և բազմաց և տանց, ընդգէմ հայրենեաց շարժեցի: Միթէ անձին առանձին յաղթանակեաց: Որոց հասարակ քաջութեանն է հանգէս, առ իմէ և աւարն չիցէ հասարակաց: յ Իրաւունս խնդրէիք. այլ զինչ օգուտ, նա հզօրագոյն էր: Վասն որոյ 'ի բաց ընկեցեալ զքո ձայնդ, առ քեզ և առ երաշխաւորսն քո զինուորս առաքեաց: Անդ յայնժամ յեղակարծ ել 'ի գուրս առ 'ի քէն աստատակն այն մեծապայծառ 70: Քանի՛ ծաղր առ մարգիկն. զի այնպէս ահագին էր աստատակն, այնչափ պէտպէս և բազմապատիկ ստացուածք, յորս բաց 'ի մասնէն Միսեհայ՝ չքայր ինչ զոր վաճառօղն կարիցէ ասել թէ իւր իցէ: Իսկ վաճառուցն կերպարանք՝ ողորմելի. Պոմպիլոսեան հանգերձանի՝ ոչ բազում ինչ, և այն՝ ազտեղեալ սպառք ինչ նորս արծաթիք՝ կոշկոռոտուն. ծառայք և ազախայք՝ ժամատեսիլք. մինչև 'ի զիջջ հարկանել մեզ, թէ իցէ ինչ տակաւին 'ի նշխարաց անտի զոր տեսանել հասանիցէ: Բայց և զվաճառն զայն խափանեցին ժառանգքն Լ. Ռաբրիոսի՝ Կեսարու հրամանաւ 71: Ի վարսն տաքնուպի մասաներ անդգամն, ոչ գիտէր յոր կիցս դարձցի. նա և ասացաւ իսկ 'ի ժամանակին, թէ սպանող գաւառձան 'ի գմանէ առաքեալ 'ի տուն Կեսարու, և ըմբռնեալ էր նրանուն հանգերձ. զորմէ յատենի աւազանւոյն՝ յայտնապէս 'ի քեզ լուտացեալ՝ բողոք կալաւ Կեսար:

Գնայ Կեսար 'ի Սպանիա, սակաւ ինչ աւուրս վասն չքաւորութեանդ յաւելեալ քեզ 'ի հատուցանել. և ոչ յայնժամ զհետ գնաս: Այնչափ արի սուսերամարտգ՝ այնպէս վազ ընկալար զմահակն 72: Իսկ արդ այր՝ որ առ գործս իւր, առ յաջողուածան ասեմ, այսչափ վատ իցէ, երկիցէ՛ ինչ դք 'ի նմանէ: Հուսկ ապա ուրեմն չոգաւ 'ի Սպանիա. այլ՝ որպէս ասէրն՝ չկարաց անկասկած հասանել 73: Իսկ զիւրդ ապա եհաս Դոլարեղլա: Կամ չէր պարտ, Անտոնիէ, մտանել յայս կռիւ, կամ զի գամ մի մտերգ, այնք կալ նպատտ լինել մինչև 'ի սպառ: Երիցս ճակատ ետ

Կեսար ընդ քաղաքացիս • 'ի Թեոսալիա, յԱֆրիկէ, 'ի Սպանիա • յայս ամենայն կռիւս գտաւ Դոշարեղլա, 'ի սպանիականն՝ զէրս ևս էառ : Եթէ զմիտս իմ հարցանեսս, չկամիք զայն • այլ սահայն խորհուրդն յառաջնմէ ստգտանելի է, պնդուածիւնն՝ գովելի : Իսկ գու զինչ կարծիցես : — Որդիքն Կն • Պոմպիոսի նախ զաշխարհն իւրեանց խնդրէին : — Այգուպէս իցէ • լիցի այդ երկոցուն կողմանցն հասարակաց խնդիր : Բայց նոքա՝ 'ի վերայ այնր և զհայրենի աստուածան խնդրէին, զբազինան, զերգսն, զյարկն իւրեանց ընտանի՝ յորս քո հինարար մտեալ էր : Ի խնդրել նոցա զյստոսիկ զինուք, որոց և էինն իսկ օրինոք, Թէպէտ և յիրս անիրաւութեան զինչ արդար մարմիցի գտանել, սահայն արդար յոյժ էր, վաճառողին Կն • Պոմպիոսի՝ տալ պատերազմ ընդ որդիսն Կն • Պոմպիոսի : Եւ զինչ ուրեմն • գու 'ի Նարբոն՝ զսեզանս հիւրասիրացդ փսխեսցես, Դոշարեղլա 'ի Սպանիա փոխանակ քո պատերազմեսցի :

Իսկ զինչ դարձն 'ի Նարբոնէ : Եւ սահայն խնդրէր՝ Թէ առինչ էս այնպէս ձեպով դարձայ՝ 'ի ծովաջու ճանապարհէս⁷⁴ : Փոքր մի յառաջ յայտ արարի, հարք ատենակալք, զպառաճառս դարձիս⁷⁵ : Ընտրեցի, եթէ էր ինչ հնար, և յառաջ քան զամնամուտն Յանուարի ժամանել յօգնութիւն ընկերհաշտութեանս : Այլ զի հարցանէիր զգլխարդն դարձիս, նախ՝ 'ի լոյս տուրնջեան, ոչ 'ի խաւար գիշերոյ • ապա՝ կօշկօք և պճղնաւոր պատմուճանաւ, ոչ 'ի մոյկս գայլիացիս և ոչ 'ի կրկնոց : Այլ պակաւին յիս գէտ ահն ունիս, նա և որպէս երեխագ՝ ցասուցեալ ևս : Այն, ապաքէն հաշտ ընդ իս եղիցես գու եթէ 'ի վերայ հասանիցես՝ քանի ամօթ կրեմես ընդ զեղխութիւնդ քո՝ ընդ որ դու ոչ ամաչես : Ի բնաւ համաշխարհի զեղծագործութիւնս՝ չտեսի ինչ ուրեք դարշազոյն, չլուայ ինչ : Որ ասպահապետ լինել թուէիր յաչս քո, և յառաջիկայ ամին զբզեղխութիւն խնդրելոց էիր, մանաւանդ թէ թախանձելոց, այդպիսիդ գու՝ ընդ ազատ քաղաքս և ընդ գաղթականս Գայլիոյ, ուստի միք

սովոր էաք զբզեշուութիւն խնդրել, մինչքեռ խնդրելի էր բզեշուութիւնն և ոչ Թաթանձելի ⁷⁶, գու. 'ի մոյկս գալլիա-ցիս' կրկնոց զԹեկամբք ընդ նոսին ընթացար : Այլ տեսէք զԹեթեութիւն առնն : Իբրև գոտան ժամաւն հասեալ 'ի Կարմիր վէմնն' ⁷⁷ ետնւա զօղեցաւ 'ի կրպակի ուրեմն, և անգ 'ի Թաքստին էարբ սաստիկ մինչև ցրնգերեկան, անտի երկանիւ կառօք շտապ տագնապաւ յոստան այսր վարեալ եկն 'ի տուն՝ պատատեալ զցլուփն : — Դռնապանն . Ո՞վ էս գու : — Դեսպան 'ի Մարկոսէ : — Անգէն վաղվազակի առ նա ⁷⁸ որ վասն եկեալն էր՝ անեալ ընի . և տայ 'ի նա Թուլթ մի : Զոր իբրև ընթեռնոր նա արաասուտախառն, — քանզի սիրարար էր գրեալ՝ և գլուփ բանիցն, ոչ ևս ինչ այնուհետե ընդ վարձակին ունել, զամենայն սովութիւն նորա 'ի բաց Թօթապիեալ և բովանդակ յինքն զեղեալ, — և 'ի յորդ արտասուտ հեզու կնոջն, ոչ կարաց հանգար տել այրն գորովիբ, հոլանեաց զցլուփն և անկաւ զպաւրանոցան : Ո՞վ այր անզգամ . զի զինչ այլ ասացից . չունիմ գիպողագոյն ինչ ասել : Ապա ուրեմն, զի զխենեշ կնամարգիգ յանկարծուտ երեւալ՝ արտաքոյ ակնկալութեանն տեսանիցէ կինն, վասն այսորիկ զոստանն՝ զիւերական արհաւրօք, և զԻտալիա՝ բազմօրեայ երկիւղիւ դզբեցեր ⁷⁹ : Առտնին գտաւ քեզ պատճառք տոփանաց, և արտաքոյ՝ ևս չարագոյն, այն զի մի ի . Պլանկոս զինչս երաշխաւորացո 'ի վաճառ հանիցէ : Կոչեցեալ ապա յատեան 'ի հազարապետէ ժողովրդեանն, իբրև ետուր պատասխանի՝ Թէ վասն իրին իմոյ եկեալ եմ, զլեզու ամբոխին ևս 'ի քեզ արձակեցեր ⁸⁰ : Այլ շատ է շատ զանտեօքս, առ մեծամեծան ընթացուք :

Կեսարու՝ 'ի գարձին 'ի Սպանիոյ՝ գնացեր ընդ առաջ մինչև ցմեծ հեռատան : Հապճեպով գնացեր և եկիբ, զի գէթ ժիր տեսցէ զքեզ, Թէպէտ և ոչ կարի իմն քաջ : Դարձեալ վերստին, չքիտեմ սրպէս, ելեր նմա ընտանի : Է՛ր էր 'ի Կեսար այս ինչ . զոր ոք տեսանէր 'ի պատճառս պար-

տուց կորուսեալ և տառապեալ, բայց և այր ժանս և ժըս մերտ, մտադիւր զիւր և ածեալ ընդունէր զնա յընտանու-
 թիւն: Արդ սղբիմք պայծառապէս բարեհոգեակեալ, հրա-
 ման տուաւ բզեչն զքեզ քարոզել, նա և ընդ իւր ևս: ԶԴ՛Ո՛լարեյլայ ոչինչ տրտնջեմ, որ ՚ի նմին ժամանակի գրը-
 դեցաւ՝ հրապուրեցաւ՝ պատրեցաւ, յորում ո՞ն անգիտա-
 նայ զանհնարին մեծութիւն նենգութեան ձեր երկոցունց: Կա հրապուրեաց խնդրել զբզեչնութիւն. յետ խոստա-
 նալոյ և երաշխաւորելոյ՝ գարձոյց և յինքն շրջեաց. գու՝
 խարդախութեան նորա դտար կամակից: Գայ հասանէ ամ-
 սամուտն Յանուարի, ժողովիմք յատեան աւագախումբ. Կշտամբեաց զսա Դ՛Ո՛լարեյլայ ճոռոմն և խիզախ քան զոր
 այժմն ևս: Իսկ սորա սրտմտեալ՝ զինչ ինչ ասաց, բարե-
 րա՛ր աստուածք: Կախ քան զամենայն, իբրև եցոյց Կեսար՝
 թէ յառաջ քան զուրեմն՝⁸¹ բզեչնութիւն հրաման տալոց
 է Դ՛Ո՛լարեյլայի, — զոր չխոստովանին թագաւոր լեալ, որ
 հանապազ առնէր ինչ այսպիսի և ասէր, — այլ իբրև ասաց
 զայս Կեսար, յայնժամ հաւահմոյդ քաջ՝ այնպիսի քրմու-
 թեամբ ճոխացեալ ասաց զանձն, մինչև հմայիք արդեւու-
 զժողովն կամ խանգարել. և պնդեալ կայր արգեամբք կա-
 տարել: Յորում ՚ի վեր քան զամենայն՝ զանկարծելի պի-
 շութիւն առնն ծաներուք: Զի զինչ. զոր քրմութեան ի-
 րաւամբք կարող զքեզ ասացեր գործել, եթէ չէիր հաւա-
 հարց և բզեչն էիր, չէիր ինչ այնպէս կարող ՚ի գործել: Տես
 գուցէ դիւրաւ ևս. զի մեզ՝⁸² հմայիցն ազգարարու-
 թիւն ևեթ տուեալ է, իսկ բզեչնից և այլոց գործակալաց՝
 հաւագիտութիւն ևս: Տացի և այս խամութեան. զի այր՝
 որ ոչ երբէք լուրջ լեալ իցէ, չէ պարտ խնդրել ՚ի նմանէ
 խոհականութիւն. բայց ակեսէք զժարհութիւնն: Բազում
 ամսովք յառաջագոյն ասաց յատենի աւագանւոյն, թէ ըզ-
 ժողովն Դ՛Ո՛լարեյլայ խափանելոց է հաւագիտութեամբք,
 կամ զայն ինչ առնել՝ զոր և արար իսկ⁸⁵: Իցէ ինչ ումէք
 հնար գուշակել՝ զինչ յոռութիւն գիպելոց իցէ ՚ի հմայս,

բայց եթէ որում 'ի մտին իցէ հմայս հմայել . այլ զայդ 'ի ժողովն անդ՝ չհրամայեն օրէնքն . իսկ եթէ ուրուք հրմայեալ իցէ, ոչ 'ի լինել անդ ժողովոցն՝ այլ՝ յառաջագոյն պարտի ազգ առնել : Բայց տգիտութիւն խառն ընդ լըրութեան է . ոչ զհաւահմայի պատշաճն գիտէ, և ոչ զցածնոյն գործէ : Արդ, յօրէ անտի յայնմանէ մինչև 'ի հնգետասանն Մարտի յիշէք զբգեշնութիւն նորա . ո՞վ դք երբեք արբանեակ խոնարհ իբրև զնա, նուաստ իբրև զնա : Ինքնին անկարող առ ամենայն, զամենայն ինչ աղէլսէր . զգլուխն 'ի հանդիպակաց դահաւորակն⁸⁴ խթեալ, շնորհս 'ի պաշտօնակցէն խնդրէր սու 'ի վաճառել :

Ահաւասիկ օր ժողովոյ Դո՛ւլարելլայ : Ա իճակարկութիւն առաջնոյ ընտրեալ հարիւրեկին⁸⁵ : Հանդարտէ : Քարողի : Լուէ : Յառաջ կոչի առաջին դասն . քարողի : Ապա որպէս սովոր է՝ յառաջ կոչի դասն երկրորդ 'ի վիճակարկութիւն : Եւ այս ամենայն՝ արագ քան զոր ասացիս՝ կատարեցաւ : Յետ իրացն վճարելոյ՝ հաւահմայն քաջ, — գողցես ի Էլիոս ոմն, — ասէ . Յայլամ ասուր : Ո՛վ նորացոյց անամօթութեանն : Ձի՛նչ տեսեր, զի՛նչ իմացար, զի՛նչ լուար . զի ոչ հմայս ինչ հմայեալ ասացեր զքէն, և ոչ այսօր ինչ պատմես : Այն ինչ ուրեմն գիպաւ յոռութիւն, զոր քո յառաջնմէ 'ի գլուխ ամսոյն Յանուարի տեսեալ էր թէ պատահելոց է, և այնչափ կանխաւ գուշակեալ : Ապա ուրեմն, օն և օն, առաւել 'ի քո գլուխդ, որպէս ակն ունիմ, քան յընկերհաշտութեանն ստեցեր զհմայան, արկեր զժողովուրդն հռովմէական յերկիւղ խտրանաց կրօնից, հաւահմայ հաւահմայի, բգեաշխ բգեշխի⁸⁶ ազգեցութիւն արարեր : Ոչ կամիմ կուտակել զքանսս, զի մի զհրամանն Դո՛ւլարելլայ⁸⁷ եղծանել թուիցիմ, որոց հարկ է յաւուր միում գալ յաւանդ 'ի մեր ուխտս : Այլ զյանդգնութիւն առնն և զպարասանութիւն ծաներուք : Յորժամ քեզ կամք իցեն, թերակատար բգեշխ Դո՛ւլարելլա . ապա դարձեալ իբրև կամիցիս, անթերի հմայիւք ընտրեալ⁸⁸ : Իսկ

եթէ չիք և ոչինչ յազդն առնել հաւահմայի՝ որովք դուն ազգեցեր բանիւք, խոստովան լեր՝ թէ յասելք Յայլո՛մ աւար՝ չէիր զգաստ մտաց տէր՝ իսկ եթէ գուցէ ինչ զօրութիւն ՚ի ձայնսդ, զինչ այն իցէ. հաւահմայս ՚ի պաշտօնակցէդ հարցանեմ :

Այլ զի մի գուցէ ՚ի յոգնաթիւ արարուածոցն Մ. Անտոնիոսի զմիով չքնաղագուծիւն վազեալ անցանիցէ բանս, ՚ի Լուպերկեան տօնան մատիցուք : Ոչ պատրուակէ, հարք ատենակալք. խռովեալ թուի, ընդ քիրտն մտանէ, այլագուծէ : Արասցէ զի՛ր և կամի, միայն թէ մի՛ փսխեսցէ, որպէս ՚ի Մինուտեան գաւթին արար : Զինչ աղէ աղերսաբանութիւն կայցէ այնքանոյ եղեռնութեանն, ցանկամ լեւել, զի տեսից՝ ուր ճարտարիօսութեան վարժապետին փարթամաշնորհն վարձք, ուր Լէոնտեան անդաստանքն երկիցին : — Նստէր ՚ի բեմ՝ հրապարակին պաշտօնակիցն քո, արկեալ պատմուճան ծիրանի, ՚ի գահ ոսկեղէն, պսակ ՚ի գլուխ⁸⁹ : Ելանես, մատչիս յաթոռն. — էիր քուրմ Լուպերկեան, բայց պարտէիր յիշել թէ բզեչիս ես. — յերևան հանես թագ մի արքայական : Հեծութիւն ընդ հրապարակն ողջոյն : Ո՛ւստ ուստեք թագն այն. զի ոչ զանկեալն ինչ ուրեք բարձեր ՚ի գեանոյ, այլ ՚ի տանէ ածեր զերկնեալ և զնիւթեալ եղեռնն : Դու թագ նմա ՚ի գլուխ գնէիր ողբովք և կոծով ժողովրդեանն, նա մերժէր՝⁹⁰ ծափիւքն և կայթիւք : Դո՛ւ ուրեմն միայն դոսար, այ՛ ամպարիշտ, որ առաջնորդ թագաւորութեան կացեալ՝ զպաշտօնակիցն քո տէր ունել կամէիր, և փորձ իմն ՚ի թեթուս մատուցեալ փորձեցեր, զինչ յանձն առնուցու և հանդուրժեացէ ժողովուրդն հռովմէական : Նա և զթութիւն որսայիր, անկանէիր առ ոտսն աղաչաւոր. առ ՚ի զինչ խընդրել. զի ծառայ լինիցիս. քեզ միայն ինդրէիր, որ ՚ի մանկութենէ այնպէս կեցեր՝ զի զամենայն ինչ յանձն առնուառ ՚ի հէշտ պաշտօն ծառայութեան. ՚ի մէջ և ՚ի հոռովմէական ժողովրդեանէն չունէիր բացէ ՚ի բաց ամենեկն զայդ

պատուէր : Ո՛վ պքանչելի ճարտարխօսութեանդ քում, որ մերկանդամ ատենաբանեցեր : Ձինչ այլ քան զայս գարչելի, զինչ աղտեղի, զինչ ամենայն պատուհասի արժանի : Սպասիցես թերևս՝ զի խթանաւ զքեզ ընդոտաուցից . եթէ խուն մի է՝ ի քեզ զգայութիւն , այս բանք կեղեքեն զքեզ, յարիւն թաթաւեն : Խիթամ թէ մի նուազ արարից զխառն արանցն վսեմականաց ⁸¹ , սակայն ասացից ՚ի ցաւացս ստիպեալ : Անարժան յոյժ է կեալ թագազրին, ուր ըստ ամենեցուն վկայելոյ՝ արժանապէս սպանաւ մերժողն թագի : Կս ե արձանազրել հրաման ետ ՚ի գիւանս Լուպերկեան տօնից . « Կ . Կեսարու , մշտնջենաւոր իշխանապետի , Մ . Անտոնիոս բգեշի՝ պատուիրանաւ ժողովրդեան մատոյց թագաւորութիւն , Կեսար չկամեցաւ առնուլ » : Արդ ոչ ևս զարմանամ զի վրդովես զխաղաղութիւն , զի ասեաս՝ ոչ միայն զոտտանս , այլ և զըյս . զի ընդ կորոտական աւազակն ոչ միայն զօրն կեսս , այլ և առ օրին ⁸² : Ձի ո՛ւր ուրէք գու ՚ի խաղաղութեան զետեղ առեալ կայցես . ո՛ր այն քո տեղի իցէ յօրէնսն և ՚ի գատաստանս , զորս գու՝ որչափ ինչ ՚ի ձեռագ էր՝ թագաւորական տէրութեամբ բարձեր : Միթէ յայն սակս Լ . Տարկուինիոս հալածեցաւ , Սպուրեանքն Կասսիոս , Մելիոս , Մ . Մանլիոս սպանան , զի ՚ի վախճան դարուց բազմաց ՚ի Մ . Անտոնիոսէ արտաբոյ աստուածեղէն իրաւանց թագաւոր կարգեսցի՝ ի հոռով : Այլ ՚ի հուլահմայն գարձցուք :

Ձորոց իրաց ՚ի հարց և ՚ի քնին էր մտանելոց ⁸³ Կեսար յատենի աւագանւոյն ՚ի հեղեատասան Մարտի , զինչ առնել էր քեզ յայնժամ , հարցանեմ : Լսէի զքէն՝ կազմ և պատրաստ եկեալ , զի կարծեալ այնպէս էր քո զինէն՝ թէ հանդերձեալ իցեմ զստութենէ հմայիցդ խօսել , թէպէտ և հարկ այնուհետեւ էր անսալնոցս : Հոռովեական ժողովրդեանն բախտ բարձ տարաւ զօրն զայն . մի եթէ և զքոյդ գատաստան զհաւահմայից եբարձ մահն Կեսարու : Այլ եկի անկայ յայն ժամանակ , զոր կանխել խօսել արժան է

քան զիրսն՝ յորս մեռալ էր ճառս : Չինչ այն փախուստ էր քո, զինչ արհաւիրք յաւուրն յայնմիկ . զինչ առ խզճի չտրեացդ յուսահատութիւն կենաց , յորժամ 'ի փախուստենէ անտի՝ շնորհիւ այնոցիկ , որ եթէ ողջամիտ ոք էիր՝ փրկել զքեզ կամեցան , գաղտագողի թաքթաքուր անկար 'ի տունդ : Ո՛վ խնոցս 'ի նանիր՝ միշտ ճշմարիտ գուշակութեանց հանգերձելոցն : Ասէի 'ի Կապիտոլին ⁹⁴ առ ազատեցուցիչն մեր , իբրև կամէին զիս առ քեզ առաքել՝ առ 'ի յորդորելոց զքեզ 'ի պահպանութիւն ընկերհաշտութեանն , թէ՛ մինչեռ . յահի իցես՝ զամենայն ինչ խոստանայցես , 'ի փարտտել երկիւղիգ՝ դարձեալ գու քեզ նման գասնիցիտ : Վասն որոյ 'ի գալ և 'ի գնալ այլոց 'ի բոշխական կարգէն՝ ես հաստատուն կացի 'ի միտս իմ՝ , և զքեզ ոչ զայն օր և ոչ զինի տեսի . և յանհարից համարեցայ՝ թէ կոեսցին ինչ բնաւ գաշինք միարանութեան քաղաքացւոց առաքինեաց ընդ չարաշուք թշնամւոյ : Յետ աւուրն երրորդի եկի 'ի տաճարն Երկրի ⁹⁵ , և այն ակամայ , ուր յամենայն անցս գարանակալնստէին սպառազէնք :

Որպիտի ինչ եղև քեզ օրն այն , Մ . Անտոնիէ : Թէպէտ և իսկ և իսկ թշնամի ինձ դարձար , սակայն ողորմիմ՝ քեզ , զի գու ընդ քեզ խանդացար : Որպիտի՛ այր , գլխք անմահք , և որչափ մեծ լինէիր , եթէ զյիշատակ աւուրն այնորիկ կարացեալ էր ունել 'ի մտի : Առ ձեռն կայր մեզ խաղաղութիւն , որ և եղեալ իսկ էր 'ի ձեռն պատանգին , ազնուական մանկանն՝ Թոռինն Մ . Բամբալիոնի : Թէպէտ և երկիւղ , ոչ երկարօրեայ առաջնորդն պարտոյից , զքեզ 'ի քաղցրութիւն դարձուցանէր , այլ գառնացոյց զքեզ այն՝ որ 'ի գնալ երկիւղին անմեկին կայ 'ի քէն , յանդգնութիւնն : Նա և յայնժամ՝ յորժամ քաջալաւ զքեզ կարծէին , իմ յայլակարծիս գողով , թաղման բռնաւորին ստտիկան կացեր ամենայն ամպարշտութեամբ : Այն քո չքնաղ գովասանութիւնդ ⁹⁶ , արգահատանքդ քո , խրախուսանքդ քո : Դու , ասեմ՝ , գու զձահան զայն բորբոքեցեր , և որովք կի .

սայրեաց կայնա, և որովք հրձիգ լեալ բոցակիզեցաւ ապա-
րանքն Լ. Բեյլիենոսի: Դու զբռնուածիւն արանցն այնո-
ցիկ ժանտից, և կիսով մեծաւ՝ սարրկաց, զորս մեք ուժով
և բազկաւ վանեցաք, 'ի յարկս մեր խանձեցուցեր: Բայց
և նոյն ինքնդ, որպէս թէ զմուրդ ջնջեալ յանձնէդ, 'ի միւտ
աւուրսն զչնաշխարհիկ հրամանսդ հաներ 'ի Վապիտոլին,
զի մի ինչ յետ հնգետասանիցն Մարտի կախեսցի տախտակ
ապահարկուածեան կամ բարերարուածեան: Յիշատակեցեր
քեզէն զվտարանդիսն, զիտես զոր ինչ զապահարկուածեանէն
խօսեցար: Բայց ամենալաւ այն, զի զիշխանապետուածեան
անուռն սպառսպուռ բնաջինջ բարձեր յաւիտեան յընկե-
րահաշտեացս՝ որով այնպէս իմն յատելուածիւն դարձեալ
համարեցար թագաւորուածեան, մինչև վասն դեռ ևս այն
ինչ նորոգ զնացելոյ իշխանապետուածեանն⁸⁷ զկասկած իսկ
նորին բնաւ անհետ կորուսանել:

Այլոց՝ կանգնեալ թուէր ընկերհաշտուածիւնս, իսկ ինձ՝
ամենեկին ոչ, որ 'ի քում վարչուածեանդ յամենայն նաւա-
բեկուածեանէ խիթայի: Իսկ արդ, միթէ խաբեանց զիս դա,
կամ կարսնց ինչ յերկարագոյն ինքն ինքեան աննման լինել:
Ձեզ ակն յանդիման 'ի բոլոր Վապիտոլին կախէին տախ-
տակք. և ոչ միայն ումեք ումեք վաճառէին ապահարկու-
ածիւնք, այլ և ընդհանուր ազգաց և ազանց: Քաղաքակ-
ցուածիւն ոչ ևս առանձինն ոմանց շնորհէր, այլ նահանգաց
միանգամայն: Արդ՝ եթէ այսոքիկ կացցեն մնացեն, որոց
'ի կալ ընկերհաշտուածեան չմարթի մնալ, համօրէն զամե-
նայն նահանգս կորուսէք, Հարք ատենակալք. և ոչ միայն
հարկք հոովմէական ժողովրդեանն, այլ և տէրուածիւնն
գլխովին նուազեցաւ սորա առտնին շահավաճառօքն: Ո՛ւր
իցեն եօթանասուռն հազար բիւր փողքն՝ որ 'ի տախտակն
առ Ոփսեայ տաճարին 'ի յայտ կային. արծաթ նորա ա-
պաքէն եղեռնական⁸⁸, բայց սակայն՝ եթէ առ տեսարմն
չդառնայր, կարէր զմեզ 'ի հարկահանուածեանց ազատել:
Իսկ դու՝ որ 'ի հնգետասանն Մարտի չորեք հազար բիւրս

փողոյ պարտէիր, զի՛արդ յառաջ քան զամսագլուխն Ապրիլի վճար եղև պարտուցն քոց : Արդարև անթիւ են և զոր այլք բազումք գնեցին ոչ առանց գիտութեանդ, բայց վճիռ մի նշանաւոր զԴիոտարայ արքայէ, զմեծ բարեկամէ հոռվ մէական ժողովրդեան, 'ի Կասպիտոլին կախեցաւ . յորոյ երևեալն՝ չգոյր ոք որ և 'ի ցաւն անդ կարիցէ արգելուլ ըզծաղոն : Զի ո՞վ ոք ումէք առաւել ոխերիմ՝ քան Կեսար Դիոտարայ, նոյն և դասու աւագանւոյս, նոյն և ասպետացն, նոյն և մասսիլիացւոցն, նոյն և ամենեցուն առ հասարակ՝ որոց զընկերհաշտութիւն հռովմէական ժողովրդեան սիրելի տեսանէր : Ուրեմն, յորմէ առ կենդանութեամբ նորին ոչ 'ի մօտոյ ոչ 'ի հեռուստ բարի ինչ յիրաւի և յարժանի ընկալեալն էր, առ վախճանեղոյն երախտագիւտ երևեալ է : Խօսեալ էր խստիւ ընդ ասպնջականին, 'ի համար մտեալ ընդ նմա, հրամայեալ արծաթ, և 'ի յոյն ընկերակցաց իւրոց նստուցեալ զմի ոմն 'ի շամշտութեան նորա . հանեալ 'ի նմանէ գէլայս՝ զոր տուեալ էր աւագանին : Զայստակ կենդանեաւ իւրով կապտեալ 'ի նմանէ, ապա յետ մահուն դարձոյց անդրէն ուրեմն : Այլ՝ որովք բանիւք մերթ՝ զի արդար թուի ինքեան, մերթ՝ զի ոչ անիրաւ պատուած բանից զարմանալի : Բայց նա⁹⁹, — քանզի ցանգ օգնական եղէ Դիոտարայ 'ի հեռաւորութեան անդ իւրում, — ոչ երբեք արդար երևել ասէր յաչա իւր՝ զոր ինչ և խնդրէաք մէք վասն նորա : Եւ ահա մուրհակ մի հազար բիւր փողոյ 'ի ձեռն գեսպանաց, արանց բարեաց՝ բայց երկչոտաց և անփորձից, առանց մեր և առանց այլոց հիւրոց թագաւորին խորհրդոյ՝ յորինեալ 'ի խորոպձին կանանւոյն¹⁰⁰, յորում տեղւոջ շատ ինչ իրք 'ի վաճառելին և ելանեն : Զինչ առնելոցն իցես մուրհակաւն այնուիկ, մտայոյզ լինիս՝ կարծեմ . զի թագաւորն՝ ինքնին իւրով կամաւ, առանց ինչ հարցանելոյ գլխատակագիրսն Կեսարու, ընդ լսելն զսպանութիւն նորին, իւրով իսկ գլխով զբռամբէարկ զտերութիւն իւր : Գիտէր այրն իմաստուն, զի իրաւ

ւուրք են միշտ՝ զկողոպտածս բռնաւորաց անդրէն ստանալ զրկելոցն՝ ՚ի սպանանել բռնակալացն : Արդ, ոչ ոք իրաւագէտ, նա՛ և ոչ իսկ այն՝ ¹⁰¹ զոր գու միայն առ իրաւագէտս ունիս և նովաւ գործեա զայգոտիկ, պարտս ինչ հասանել ասիցէ ՚ի մուրհակէ այտի փոխանակ ստացուածոց՝ որ յառաջ քան զմուրհակն՝ ՚ի բուռն արկեալ էին . զի ոչ եթէ ՚ի քէն գնեաց, այլ մինչ չև քո զիւրն նմա վաճառեալ՝ ինքնին ստացաւ : Նա այր երեւցաւ, իսկ մէք՝ անգտանելիք, որ զգործոցն ատեամք, գործոցն պաշտպան լինիմք :

Իսկ զինչ ես զանբաւ արձանաց, զինչ զանհամար յեակարաց խօսեցայց, որոց և նմանահանք գոն ¹⁰², որ իբրև զսուերամարտիկ խաղուցն ազգարար պիտակս հրապարակաւ վաճառեն զայնս . ուստի այնչափ անչափ կոյոք գրամոց առ սմա մթերին, մինչև ոչ համարել զարծաթն, այլ կռել : Այլ քանի զաչացու է ազահուծիւն : Արդ ևս կախեցաւ տախտակ՝ որով կրետացւոցն ամենապարթամ քաղաքք ազատս թողեալ լինին ՚ի հարկաց, և թահմանի Կրետէ՝ ոչ ևս յեա Մ . Բրուտոսի փոխանակի բղեչիս՝ լինել մեզ նահանգ : Մտաց տէր իցես գու, ոչ գու կապելոյ արժանի : Միթէ Կեսարու հրամանաւ, յեա ելլցն Մ . Բրուտոսի, կարէր ազատ լինել Կրետէ, ուր առ կենդանեաւ Կեսարու տակաւին չև էր անկ Կրետէ Բրուտոսի : Այլ վաճառով հրամանիդ այգորիկ, — զի մի համարեցիք ոչինչ յարգիւնս եկեալ, — կորուսէք զնահանգն Կրետէ : Չերեւցաւ որ ամենեկն իմիք առգնող, որում ոչ առ ձեռն պատրաստ կայցէ Անտոնիոս ՚ի վաճառել : Եւ զվտարանդեացն օրէնս՝ զոր կախեցեր, միթէ և զայն Կեսար կարգեաց : Ոչ ուրուք թշուառութեան արհամարհող եմ . բողբեմ միայն, նախ՝ զի զորոց դատաստանն աննման դատեալ էր Կեսարու, գու զնոսա հաւասարորդս եգիբ ՚ի դարձ . և ապա՝ զի չգիտեմ էր վասն ոչ զնոյն և այլոց շնորհիցես . զի և չմնացին այլք քան զերիս կամ զչորս : Որ միանգամ ՚ի նոյն ազէտս են, ընգէր չվայելցեն ՚ի նոյն ողոր-

մուծիւնդ . հիմ զնոսս 'ի տեղի հօրեղբորդ ունիցին , զորմէ չկամեցար հրաման տալ 'ի տալք զայլոց . զոր և գրգեցեր ևս ինդրել զպաշտօն քննողութեան վարուց , և հորգեցեր նմա զինդիրն , որ 'ի ծապր և 'ի արտունջ շարժեաց ¹⁰⁵ զուրեարն : Իսկ առ ինչ զժողովան ոչ գումարեցեր . միթէ զի հազարապե՞տ ժողովըդեանն գուժէր շանթ 'ի ձախմէ ¹⁰⁴ : Յորժամ քո ինչ պէտք լինիցին , ոչ ինչ են հմայք . յորժամ քոյոցդ , անդ երկիւղած խարող երևիս : Զինչ . միթէ ո՞չ և յիշխանութենէ արանցն եօթանց 'ի բաց զնա քեր ¹⁰⁶ : — Քանզի կրճիւմ ընդ մէջ անկաւ . . . Յիմէ երկեար . կարծեմ , զի գուցէ 'ի յաւնել նորա 'ի կեանս՝ չմարթիցես յուրաստ յիմքէ լինել : Արեւայն թշնամանօք ցեր զնա՝ զոր 'ի տեղի հօր պաշտել պարտ էր , եթէ էին ինչ 'ի քեզ ազիք : Ըջ գուտր նորա , զքո քոյրաթիւ , ընկեցեր արտաքս , ինդրեալ քեզ այլ իմն հարսանիս և յառաջագոյն նկատեալ ¹⁰⁶ : Չէ շատ , այլ և 'ի գարշութիւն զրպարտեցեր զկինն ամենապարկեշտ : Զինչ այլ յաւելու կայցէ . այնու ևս ոչ շատացեալ , 'ի յոգնախումբ աւագանին յամնազուին Յանուարի , անդ բազմելով և հօրեղբորդ ¹⁰⁷ , լրբեցար զայն ինչ առել քեզ պատճառս ատելութեան ընդ Դո՛ւլարելլայ , զի քեռն քում և կնոջ՝ խարգաւանսութիւն առ 'ի նմանէ եղեալ գտեր : Ո՞վ բաւական իցէ թարգմանել , արգեօք առաւել անամօ՞թ իցես՝ զի յատենի աւագանւոյն , թէ առաւել չար՝ զի զԴո՛ւլարելլայ , թէ առաւել անպարկեշտ՝ զի լու 'ի լու հօրն , թէ առաւել անագորոյն՝ զի 'ի առաւպեալ կինն , զայդ պղծութիւն և զայդ անօրէնութիւն բարբառեցար : Այլ գարձեալ 'ի ձեռնագրեալ յետկարոն եկեացոք : Զոր հարց և քնին արարեր . զի յաւագանւոյն վասն խազազութեան հաստատեալ պահեցան վճռականիքն Կեսարու , զոր ինքն Կեսար հրամայեալ իցէ , ոչ զոր Անտոնիոս ասիցէ՝ 'ի Կեսարէ հրամայեալս : Ուստի այդգիկ յորգեալ ելաննն , յորմէ ականէ բզինն : Եթէ սուտ են , ընդէր լինին հաճոյ . եթէ ճշմարիտ , ընդէր վաճառին : Այլ

այն էր ձեր ¹⁰⁸ ընտրութիւն, զի յամսամտէն Յունեայ խորհրդով 'ի քնին մտանկեցէք վճռոյն Կեսարու : Զինչ խորհուրդ եղև, զմ' ոք կոչեցեր, որո՞ւմ ամսագլխոյ Յունեայ սղասեցեր . այնմ արգեզք՝ յորում չքջեալ ընդ գաղութս հինաւորց զօրականին՝ գարձար եկիր խուռն ամբոխիւ զինուց :

Ո՛վ շքեղ արշաւանիդ յամսեանն Ապրիլի և Մայիսի, յորժամ և 'ի Կապուա գաղթականս մուծանել ջան 'ի գործարարեր : Անտի զիարդ ճողոպրեցար, նա մանաւանդ գրեթէ և ոչ ճողոպրեցար ¹⁰⁹, դիտակ եմք : Սպառնաս դու քաղաքին այնմ . օչ թէ գուն եղեալ նկրտեսցիս՝ զի բարձցի երբեմն այն ֆրէնկ : Այլ քանի՛ մեծաշուք եղև արշաւանն քո այն : Զի է ինձ ճառել զսպասուց ճաշոցդ, զի զմոլեկան արբշուութենէդ . այսպիկ քո են վնասք, այնդիկ՝ մեր : Զգետինն Կամպանեան, զոր յորժամ ազատ 'ի հարկաց լինէր առ 'ի բաշխել զօրականին, և սակայն վէրս իմն մեծ համարէաք ընկերհաշտութեան, զայն գու սեղանակցացդ և խաղակցաց բաժանելի : Իսեղևատակս և վարձակս ասեմ, Հարք ատենակալք, 'ի Կամպանեան գետինն նստուցեալս : Իսկ զինչ կալայց բողոք զլ' էոնտեան արտորէից . վասն զի այս հարաւուրք՝ երբեմն ստացուած ժողովրդեանն հռովմայ էին 'ի շահ մեծ և 'ի պողարեբութիւն : Բժշկիդ՝ երէք հազար արտավար, արպէս թէ առողջացուցեալ իցէ ըզքեզ ¹¹⁰ . Ճարտասանիդ՝ երկու հազար, իբրու այն թէ պերճարան զքեզ յարգարեալ : Բայց գարձուք անդրէն յ'տայլիս և յուղևորութիւնն :

Արկեր գաղթականս 'ի Կասիլինոն, ուր Կեսարու յառաջադոյն բնակեցուցեալ էր : Հարցեր դու յինէն գրով խորհուրդ վասն Կապուայ՝ այլ զնոյն տայի պատախանի և զԿասիլինոնէ, թէ կարծի ինչ իցես արգեզք ուրանոր կայցենն գաղութք՝ գարձեալ նոր գաղթականս մուծանել իրաւամբք : Ասացի քեզ՝ թէ չմարթի նոր գաղութ ասնել իրաւամբք 'ի վերայ գաղթականի հմայիւք երթելոյ՝ մինչ

գեռ յաշողեալ իցեն, բայց մարթի յաւելուլ նոր հողա-
գործս. այս եղև իմ պատասխանի: Իսկ քո խեղճութեամբ
ստամբակեալ, վեր 'ի վայր հարեալ զամենայն իրաւունս
հմայից, առեալ մեծեր հատուած մի այլ 'ի Կասիլինոն,
ուր սակաւ ամօք յառաջ ածեալ կայր, մինչև գրօշ ամբա-
նալ քեզ, և արօրագիր առնել, և խոփովն քերել գրեթէ
առ գրամբքն Կապուայ՝ կրճատել զսահմանս բարդաւած
գաղթականին: Յազմկելոյ աստի կրօնից՝ սլանաս 'ի Մ.
Վարրոնի՝ առն որոյ և անարատի՝ 'ի Կասինեան ապարակն:
Որով իրաւամբք, որով երեսօք: Կովին, ասիցես, որով 'ի
պայազատացն Լ. Ռուբրիսսի, որով 'ի Լ. Յուրսելեայ ժա-
ռանգացն անգատտնոս, որով և յայլ անթիւ ստացուածս:
Եւ եթէ 'ի հրապարակաւ վաճառուց ¹¹¹, լիցին վաւեր
տախտակքն, միայն թէ Կեսարուն, ոչ քոյք. որոց պար-
տապանն դասար, ոչ որովք գու գքեզ հաներ 'ի ծանծազ:
Իսկ զԿասինեան գետինն Վարրոնի ո՞վ ասէ վաճառեալ, ո՞
զվաճառումնն ետես հրապարակաւ, ո՞ զձայն քարոզին
լուաւ: Ասես՝ թէ յեցի զոք յԱլեքսանդրիա դնոց առ-
նուլ 'ի Կեսարե. իբրև զի ծանր էր սպասել նմա: Իսկ մ
լուաւ երբեք, — թող թէ և ոչ այլոց ուրուք անվնասու-
թեան այնչափ յոլովից փոյթ եղև, — թէ 'ի Վարրոնի ա-
բարոցն իցէ ինչ բնաւ շորթեալ: Իսկ զինչ, եթէ և գրեաց
իսկ առ քեզ Կեսար հատուցանել տալ 'ի գուրս. զինչ
մարթիցի ասել բաւական զայնքանոյ ժպրհութենէք: Հե-
ռացո սակաւիկ մի զսուերսն զայնոսիկ զօր անասնեօք,
յայնժամ 'ի միտ առնուցուա՝ թէ այլ բան է վաճառուցն
Կեսարու, և այլ՝ լքութեանդ քոյ և յանդգնութեանդ:
Զի ոչ միայն տէրն, այլ և ամենայն բարեկամ, գրացի,
հիւր և գաւառապետ հալածեսցէ զքեզ 'ի հանգրուանաց
անտի:

Եւ քանի՜ աւուրս յագարակի անդ զեղիեալ շուայտե-
ցաւ չարաչար քարուականօք: Յերրորդ ժամէ աւուրն զի-
նեբրուք էին, խաղք և փոխուիք: Ո՞վ և յարկացն այնցիկ

Թշուառութեան . ընդ Կանիմն անման փերաբ 119 : Թէպէտ և զիւրոք սա տէր . այլ քանի՛ անհամեմատ որ ունէր զնոսին . զի Վարրոն ուսմանց իւրոց ընտրեաց զայն ճեմարան , ոչ շուայլութեանց : ԶԻ՛նչ բանք լինէին յառաջագոյն 'ի գաստակերտի անդ , զի՛նչ ինչ 'ի գիրս գրոշմէին : Իրաւունք հոռովմեական ժողովրդեանն , նախնեաց յիշատակարանք , ամենայն իմաստութեան օրէնք և ամենայն գիտութեան : Իսկ 'ի քում վարձկանութեանդ , — քանզի չէիր տէր , — վայրբն առ հասարակ արբեցելոց ձայնիւք հնչէին , յատակք լողային 'ի գինի , տամկանայլին որմոնչք . ազատեցամ մանկտին՝ ընդ իգացեալս , բողբ ընդ ասնտիկնայս ԹարԹա գիէին : Ի Կասինոն , յԱկուինոն , յԻնտերամնա երթային նմա յողջոյն . ոչ որ մուծաւ 'ի ներքս . և այս յիրաւի . զի յանձին առն դարչելոյ քամահեալ լինէին բարձի և պատուոյ նշանակք : Անտի իբրև 'ի հոռով՝ դէմ եգեալ մերձե նայր յԱկուինոն , ընդ առաջ գնացին նմա ամբոխ բազում , զի քաղաք է մարգախիտ . իսկ սա ամբափակ գետապակաւ բարձեալ՝ անց ընդ քաղաքամէջն իբրև զմեռեալ : Ընդ խօլ գործեցին ակուինացիք , բայց սակայն առ ճանապարհաւան բնակեալ նստէին : Իսկ զի՛նչ անագնիացիք , որ 'ի բացէ գոլով յուզոյն՝ իջին յողջոյն սմա իբրև բգեշխի : Անհաւատ պատմութիւն , բայց վկայեալ յամենեցոնց . ոչ զոր փոխարէն ողորմեաց , նա զի և երկուս անագնիացիս ընդ իւր ունէր , մին իշխան սուսերաց , միւսն բաժակաց : Զի ևս ես զսպաննայլս սորա և զսանդաստակն յիշատակեցից , որոնք հրոսեաց 'ի սիգիկինեցիս , սասանեցոյց զպուտեոլացիս , զի զՎ . Կասսիոս , զի զԻրուտոսսն առին իւրեանց պաշտպանս : Եւ սակայն մեծաւ ընտրողութեամբ , ինամով , լուսակամութեամբ և սիրով , և ոչ բռնութեամբ և զինուք որպէս զքեզդ , որպէս զԲասիլոսն և զայլս ձեզ նմանիս , որոց և ոչ Թեարիկել որ յանձին կալցի , Թող Թէ ընդ Թեովք նոցին մտանել : Մինչ գեռ գու մեկնեցար 'ի քաղաքէս , զի՛նչ այն օր եզև պաշտօնակցին քում . յորժամ զոր գու պաշտել

սովոր էիր զմահարձանն՝ 'ի հրապարակին կործանեաց ¹¹³ . որ իբրև պատմեցաւ քեզ, որպէս յայանի էր որոց ընդ քեզն էին, անկար բեկար : Զինչ յետ այնորիկ անցք անցին, ոչ գիտեմ . կարծեմ՝ երկիւղ և զէնք բռնացան ¹¹⁴ . զպաշտօնակիցդ յերկնից ընկեցեր . և արարեր, ոչ և այժմ ինչ գու՝ զի քեզ հանդոյն լինիցի, այլ զի անշուշտ ինքն ինքեան լինիցի աննման :

Իսկ զինչ ապա գարձ իւր անդրէն 'ի Հոռով, որպիսի ամբոխուսն համօրէն քաղաքիս : Յուշ լինէր մեզ Վիննա անշափ հզօրացեալ, ապա Սիլլա տիրացեալ, արգ ևս ըզ Վեսար տեսաք թագաւորեալ : Էին թերևս սուսերք, այլ ծածուկք, և ոչ այսչափ բազումք . իսկ այս զինչ և ո՞ր խժոգժուժիւն իցէ : Զհետ ընթանան զինուորք սուսերաւորք՝ գունդ չորեքկուսի, տեսանեմք վահանս անեալ շաւհօք : Եւ այսոցիկ, հարք ատենակալք, իբրև վաղուց հասցեալ սովորութեանց՝ ժուժկալեցաք : Ի գլուխ ամսեանն Յունեայ իբրև կամեաք, որպէս էրն կէտ եղեալ, զալ յատեան աւագանոյս, յեղակարծ ասիւ զարհուրեալ 'ի փախուստ գարձաք : Իսկ սա՝ որ անկարօտն էր աւագանուց, ոչ զըք ինդրեաց, այլ մանաւանդ ուրախ լեալ ընդ մեկնել մեր՝ կատարեաց իսկ և իսկ զտիրալի յօրինուածութիւնսն : Որ մուրհակացն Վեսարու պաշտպանն կայր 'ի շահ անձինն, նա ինքն զօրէնսն Վեսարու՝ և զերևելիս՝ տապալեաց, զի զընկերհաշտութիւնն կարող լինիցի Ծասանեցուցանել : Յաւել 'ի թիւս ամաց ¹¹⁵ իշխանութեանցն . և որում հրամանաց Վեսարու ջատագովն լինել պարտ էր, 'ի հասարակաց և 'ի մասնաւոր իրօ զվճիրուսն Վեսարու պատառեաց : Ի հասարակացս՝ չիք ինչ պատկառելի քան զօրէնս, 'ի մասնաւորս՝ հաստատուն է կտակն : Զօրէնս՝ էր զոր առանց քարողելոյ եբարձ, և էր զոր առ 'ի բառնալ՝ քարողեաց : Զկտակ՝ որ և առ յետին սինլքոր քաղաքացիս յարգեալ է միշտ, գերև արար : Զպատկերսն գրօշեալս և նկարեալս, զոր Վեգար գրախտիւքն հանդերձ ժողովրդեան ժառանգե,

ցոյց, սա՛ էր զոր 'ի պարտէզան Պոմպիտի փոխադրեաց, էր զոր յամարանոցն Սկիպիոնի ¹¹⁸ :

Եւ գու խնամոտ իցես 'ի յիշատակ Կեսարու . սիրիցեն գու զնա մեռեալ : Զինչ կալաւ նա մեծ քան զայն փառս, զի ունէր բարձ, դրօշեալ, դարանաւանդ գմբեթայարկ ¹¹⁷ և քուրմ : Իսկ արդ՝ որպէս Արամազդայ, որպէս Արիսի, որպէս Կուիրինեայ, նոյնպէս և աստուածարեւոյն Յուլիայ իցէ ուրեմն քուրմ Մ . Անտոնիոս : Արդ զի գլխս, զի ոչ նուիրիս և կատարիս . ընտրեա օր, տես ո՛ր քեզ արքեպէ . պաշտօնակիցք եմք, ոչ դք տացէ հրաժեշտ : Ո՛վայր դարչ, թէ բռնաւորին իցես քուրմ, և թէ սատակամահին : Հարցանեմ այսուհետև . անգէտ իցես արդեօք՝ զինչ է օրս այս ¹¹⁸ : Զգիտիցեն թէ չորրորդ օր էր երէկ 'ի կրկիսին խաղուցն հռովմէականաց . և քո իսկ հրաման առ ժողովուրդն հանեալ, զի հինգերորդն ըստ նմանէ օր՝ Կեսարու նուիրեալ լիցի : Ընդէր չլիցեմք պատմուճանեալ, առ իմ ներեմք ապախտ զպատիւն առնել Կեսարու՝ զտուեալն քոյով օրինօք : Մի եթէ կալնր յանձին պղծել զօրն՝ յաւելլով պաղատանս, իսկ զբարձկներարն ոչ կամեցար : Կամ յամենուստ բացէ 'ի բաց բարձ զկրօնոն, կամ պահեա յամենայնի մինչև 'ի սպառ : Ինդրիցես . իցէ ինձ հաճոյ բարձ, գմբեթայարկ, քուրմ : Ինձ՝ և ոչ մի ինչ յայդցանէ հաճոյ է . բայց գու՝ որ հրամանացն Կեսարու պատկառ կաս, զինչ ունիցիս ասել, թէ զմէ կիսոցն պաշտպան կաս, զայլոց անփոյթ առնես . բայց եթէ զի խոստովան լինել կամիցիս, թէ քեզ ամենայն ինչ քով շահիւքդ չափ է, ոչ նորա արժանեօքն : Օ՛ն, հապա զինչ առ այստիկ . քանզի ակն կալեալ մնամ քում պերճաբանութեանդ : Յոյժ քաջախօսնակ դք ծանեայ զհաւդ քո, իսկ զքեզ՝ ազատագէժ ևս հողանի 'ի բանս : Նորա ոչ երբեք մերկանդամ հրապարակաօս լեալ, իսկ զքո պանպաճոյճ առն՝ զլանջսդ տեսաք ¹¹⁹ : Տօցեն ինչ առ այստիկ պատասխանի, կամ բնաւ և բերան անդամ բանալ իշխեցեն : Իսկ զինչ գտանիցես յայսչափ

կարախօս ճառիս, որում պատասխանի տալ համարձակեցիս :

Այլ թողցուք զանցեալսն . միոյ աւուրս այսմիկ, այսմ ասեմ միայնում սերկեան աւուրս, վայրկենիս այսմիկ ժամանակի յորում խօսիմս՝ պաշտպանեա թէ կարես: Ընդէր շուրջ պատեալ բոլորեալ է աւագանիս զինաւորօք . զմէ արբանեակք քո՝ տուսերաւոր կան ինձ յունկնդրութիւն . առ ինչ գրանդիք Միաբանութեան տաճարին չեցէն բաց . առ իմէ՝ արս խժոժժագոյնս քան զամենայն ազնիս, զԻտուրացիս, կապարձաւորս ածես ՚ի հրապարակ: — Ի պահ զգուշութեան անձինն ասէ արարեալ: Արդ ո՞չ ապաքէն լաւ իցէ հազար անգամ կորնչել, քան յիւրում քաղաքի առանց գլխապահ զինուորաց չկարել կեալ: Այլ այդ, եկ հաւատա ինձ, չէ ինչ բնաւ պահպանութիւն . զսէր և ըզլաւակամութիւն քաղաքացւոց պարտ է շուրջ բակ ունել, ոչ զէնս: Հանցէ խլեացէ ՚ի քէն զայնտսիկ ժողովուրդն հոռվմէական . ո՞ տայր թէ մեր ողջանգամ ապրելով . բայց որ ինչ և ընդ մեզ անցուցանիցես անցս, ցոր վայր ՚ի գոյն խորհուրդս համակեալ ծրգեալ կաս, ոչ կարացես՝ հաւատա ինձ՝ երկարակեաց լինել: Քանզի և ամուսինդ քո այդ՝ ամենեին անազահ, զոր ես առանց նախատելոյ նկարագրեմ, յոյժ ընդ երկար յապաղէ զհասոյթն երրորդ ¹⁹⁰ հոռվմէական ժողովրդեան: Գոն ժողովրդեանն հոռվմէացւոց՝ յորս ապսպարեսցէ զքեղիս ընկերհաշտութեանն, որ և յոր ծագո երկրի գտանիցին, անդ են ընկերհաշտութեանն պահակք, նա մանաւանդ ընկերհաշտութիւնն ինքնին գըլխովին, որ ցայժմ զքէն վրիժուցն և եթ հան, չէ ևս եզիտ զանձն: Են են ընկերահաշտիցս պատանիք ազնուատոհմք՝ պատրաստք ՚ի պաշտպանութիւն: Տեղի տացեն՝ որչափ և կամին՝ հանգստեան պարապեալ . համայն յետս այսրէն կոչեսցէ զնոսա ընկերհաշտութիւնն: Քաղցր է ապաքէն և անուճ խաղաղութեան, և ինքն իսկ կենսաբեր . բայց ընդ խաղաղութիւն և ընդ ծառայութիւն՝ բազում է խորոց


'ի միջի: Խաղաղութիւն է՝ հեղ և հանգարտ ազատութիւն . ծառայութիւն՝ յետին ամենայն չարեաց, ոչ պատերազմաւ միայն, այլ և մահուամբ չափ հերքելի՝ Ազատարարքն մեր այնդքիկ, եթէ յերեսաց մերոց անհետացան, այլ զօրինակ գործոյն թողին աստ . զոր ոչ ուրուք արարեալ էր՝ արարին նոքա : Պատերազմաւ հալածեաց Բրուտոս զՏարկուինոս, որ յայնժամ թագ կապեաց՝ յորժամ օրէն էր լինեւ թագաւոր 'ի հռովմ . Սպուրեանքն Կասիոս և Մելիոս, Մ . Մանլիոս, առ կասկած և եթ զթագաւորութեան թեկն ածելոյ՝ սպանան : Սոքա ¹⁹¹ նախ սրախողեող արարին, ոչ զնկրտեալն 'ի թագաւորութիւն, այլ զթագաւորեալն . որոց գործ նոցա՝ թէ ինքնին չքնաղ իմն է և աստուածային, և թէ 'ի կազապար առաջի արկեալ . նա ասանիկ այնպիսի փառս ժառանգեցին սոքա, զոր հաղել թէ երկինք թուիցին բովանդակել : Չի թէպէս և 'ի նմին իսկ վկայութեան մտաց չնաչխարհիկ գործոյն պտուղ բաղում իցէ, սակայն մահկանացուի ոչ կարծեմ արհամարհելի զանմահութիւն ¹⁹² :

Արգ յիշեա, Մ . Անտոնիէ, զօրն զայն՝ յորում ջնջեցեր զիշխանապետութիւն . առաջի աջացող նկարեա զցնծութիւն ասագանւոյն և զհռովմեական ժողովրդեանն . մոյծ ընդ նմին 'ի կշիռ զահաւվաճառան քո և զքրոյոցդ . յայնժամ 'ի միտ առցես՝ որչափ ինչ 'ի միջի իցէ փառաց և շահուց : Բայց զոր օրինակ են որ յախտէ իմեքէ կամ թմբրութեամբ զգայնոցն չառնող համ կերակրոց, նոյնպէս վաւառոյք, ընչաքաղք, չարագործք չունին զճաշակ ճմարիտ փառաց : Այլ զքեզ եթէ փառք չչարժեն 'ի գործս ուղղութեան, ոչ և երկիւղ խոտորեցուցանէ 'ի չարեաց գործոց : Ի գատաստանաց ոչ երկնչիս . եթէ առ անմեղութեան, գովեմ . եթէ առ բռնութեան, չիմանաս՝ թէ աներկիւղն 'ի գատաստանաց յիմէ պարտիցի զանդիտել : Չի եթէ յարանց քաջաց և յընտրական քաղաքացւոց ոչ զարհուրիս, վասն զի զի .

նուր մերժեալ որոշեալ են 'ի մարմնոյդ, նոքին իսկ քոյքդ, հաւատա ինձ, ոչ հանդուրժեացեն քեզ յերկար: Իսկ զինչ կեանք իցեն՝ զցայդ և զցերեկ յիւրոցն իսկ 'ի խեթի և 'ի կասկածի լինել. բայց եթէ՝ կամ մեծ ևս երախտեօք շնորհապարտս քեզ զնոսա կացուցեր՝ քան զոր նա զովանս յորոց խոշոչեցան, կամ թէ իցես ինչ դու յիմիք 'ի համեմատութիւն ընդ նմա գալոյ արժանի: Էր 'ի նմա հանձար, մտաւորութիւն, ուշ, դպրութիւնք, խելամտութիւն, ժրտութիւն. անցեալ էր ընդ հանդէսս մարտից պատերազմաց, թէպէտ և աղիտաբերս ընկերհաշտութեան, սակայն մեծամեծս. ամս ոչ սակաւ՝ թագաւորութեան ուշ եղեալ, ջանիւ մեծաւ և ահագին վտանգօք՝ զոր 'ի մտին էր 'ի գլուխ տարեալ. արովք, յիշատակօք, առատութեամբ պարենից և խրախութեամբք զանգէտ ամբոխն ուղղեալ. զիւրն՝ պարգևօք, զհակառակորդան՝ գթութեան կերպարանօք զիւրև ածեալ: Զի՛ ևս այլ. է զի ահիւ սաստից, է զի երկայնամտութեամբ յարամրի 'ի ներքս մուծեալ էր՝ յազատ քաղաք այսր՝ զսովորութիւն ծառայութեան: Գոյ ինձ համեմատել զքեզ ընդ նմա յիշխանսիրութեան, իսկ յայլում ամենայնի՛ ոչ իւրք բերես նմանութիւն: Բայց 'ի բազում չարեացն, որովք յոգի խարեաց նա զընկերհաշտութիւնն, գէթ այս ինչ գտանի բարի, զի ուսաւ ժողովուրդն հռովմեական՝ որչափ ինչ ումեք հաւատս ընծայեցէ, յոյս ոմանս վտառհ դնիցէ, յորոց զգոյշ լինիցի: Արդ զայսոսիկ չածես ինչ զմտաւ, չառննւ 'ի միտ՝ թէ արանց քաջաց շատ է ուսանել քանի՛ն գեղեցիկ իցէ ինքնին, քոյստեօք քաղցր, անուամբ գերապիառ, օտտակէլ զայր բռնաւոր. որ նմա ոչն համբերին արք, միթէ քեզ տարցին: Կս՝ յետ այսորիկ, հաւատա ինձ, մի զմիով ել և ելս արասցեն ընթանալ յայս գործ, և ոչ զանդաղելոյ ժամուն կալցին ակն:

Աղէ հայեաց, աղաչեմ, գամ մի յընկերհաշտութիւնն, Մ. Անտոնիէ. արկ 'ի միտ՝ յորոց ծնեալք ես, և մի ընդ որս կենցաղեադ. ընդ իս՝ որպէս և քեզ կամք իցեն. ընդ

ընկերահաշտին դարձիր 'ի սէր և 'ի հաճութիւն: Այլ ըզ-
քէն՝ դու քեզէն տեսիր, ես զանձնէս յայտ յանդիման
վկայեցից: Պահեցի զընկերահաշտութիւնն յերիտասարդու-
թեանս, ոչ լքից 'ի ծերութեան. արհամարհեցի զտուերսն
Կատիլինայի, ոչ շրտեայց 'ի քոյոցդ. նա աւանիկ կամա-
կար մատուցից զանձն, եթէ մարթիցի ազատութեան քա-
ղաքիս՝ իմով մահուամբ յառնել անդէն 'ի կեանս. որպէս
զիցաւք հոովմէական ժողովրդեան՝ ծնցին ուրեմն զոր էրկ-
նենն 'ի վաղուց: Զի եթէ յառաջ քան զամս իբրև զքսան,
'ի տաճարի աստ յայսմիկ ասացի վասն առն բզեչխութեամբ
պատուելոյ, թէ չէ հնար տարաժամ պատահել նմա մա-
հու, ո՞րչափ ճմարտագոյն ևս ասացից այժմիկ վասն ալեւ-
որիս: Այլ ինձ, հարբ ատենակալք, արդէն փափաքելի իսկ
է մահ, յետ յանկ հանելոյ զպարտս պաշտամանցն՝ յորս
վիճակեցայ և կատարեցի: Երկուս ինչս միայն ինդրեմ.
մի, զի 'ի մեռանելս՝ ազատ թողուցում՝ զժողովուրդն հոով-
մէական. մեծ ևս ինչ քան զայս ինձ պարզեւել չեք բնաւ
դիցն անմահից. և միւս, զի իւրաքանչիւր ումեք ըստ գոր-
ծոց ձեռաց իւրոց առ ընկերահաշտութիւնն, նոյնպէս և 'ի
գլուխ նորա կշուեսցին փոխարէնքն ¹²³:

Ces paroles ont toute la mélancolie d'un arien;
C'est le testament politique d'un homme 3^e Etat grec en
Tendit venir  la mort! E. Bonnerthe - Causeries litt.

Յ Ե Ր Կ Ր Ո Ր Դ Փ Ի Լ Ի Պ Պ Ե Ա Ն Ճ Ա Ռ Ս

Թիւ 1. Որք անցեալ էին 'ի բզեշխութենէն Կիկերոսի մինչև 'ի սպանումն Կ. Յուլիոսի Կեսարու :

2. Կարի վայելուչ զմարդասիրութեան և զգթութեան կերպարանս բերէ 'ի գլուխ ճառիս : Չոր ինչ երկոքին լուծին զբէժս ընկերհաշտութեանն և Կիկերոսի, յայանի է 'ի պատմութենէ ժամանակացն : Կատիլինա՝ զիրազն Հայրենեաց՝ 'ի պարտութիւն մասնեալ առաջի Պետրիոսի տեղակալին Անանի, լարաչար խոցեալներաւք՝ 'ի կոյսս գիականց գառու սաստկեալ. իսկ Կլոդիոս՝ յԱզգեան ճանապարհին սպանու 'ի ծառայիցն Մելոնի :

3. Չի շտատագո՞վեկաց Կիկերոսի իրաւանց բարեկամի իւրոյ ընդգէմօտարի ուրուք՝ Փաղիոսի, որ էր Հայր առաջին կնոջն Անանի. այր ճոխ՝ որոյ թիկունս արարեալ զիս՝ զբիէր զանաւազն. բայց ամենայն նենգութիւնք անկան առաջի հզօր ճարտարաբոսին :

4. Սա՛ Անանիոս, անօրէն հազարապետի ժողովոցեանն շնորհօք որով զեղծանէր. իսկ Փաղիոսն՝ որ և վասն թաթովութեանն Բամբալին, առաջին աներ Անանի, էր այր 'ի նուստութենէ մեծացեալ ընչիւք :

5. Որ անարական սիրով հարեալ էր յԱնանիոս պատանեակ : Չպս պարս է 'ի մտի ունելառ 'ի հատու լինել այլ և այլ բանիցն որ զինի :

6. Իբրև թէ զտեղի իւր՝ կիկերոջի տուեալիցէ Անտոնիոս՝ ի խընդիբ հաւահմայութեան . որ շնորհ մեծ համարեալ էր , իբրև արժանագունի զիջանէլ այլևս , յամենայն պաշտամունս :

7. Վասն զի պարտապանք որ սչն ունէին հասուցանել՝ ոչ կարէին մտաւել ՚ի բրձութիւն , յորոյ սակի էր և հմայութիւն կամ գուշակութիւն :

8. Քրմաց կամ հաւահմայից էր այսր պաշտաման ընտրութիւն , բայց յուշեան օրէնքն կետարու՝ սահմանեցին , զի ընտրութիւնն հաւատակոցի ՚ի Ժողովդեանն :

9. Յուլիոսի կետարու , որոյ հաճութեամբ՝ մանուանդ թէ հրամանաւ՝ անցեալ էր կիկերոջն ՚ի Փարսալիոյ ՚ի Բրունդիսիոն , և այլ ևս շնորհս ընկալեալ , որպէս տեսաք ՚ի Կառնի Լիպարիոսի . վասն որոյ և չէր մարթ ձեռն մխել ՚ի նա Անտոնի :

10. Ձի և կետար բազմաց զկեանսն շնորհեալ էր , զի չսպան զնսս , բայց ոչ այնու անպարտ եղև ՚ի մահուանն , նա և սպանողքն փուռաւորեցան . և սպանութիւն որ փառս ածէ , և է շնորհել զկեանս՝ որ անարգութիւն , որպէս աւազակացն :

11. Ձի առանց հարցանելոյ կամ անսալոյ հմայից և ըստ օրինի զիմակացութեան հազարապետաց Ժողովդեանն՝ առնէր զոր կամեր :

12. Ի տանն Պոմպիոսի , զոր ամենայն աղիւիւն հանգերձ՝ շնորհիւն կետարու գնեալ էր ՚ի հասարակաց վաճառս :

13. ՉՍեքրտոսէ կողդիոսէ էր բանն , զորոյ Անտոնիոս յառաջագոյն խնդրեալ էր զգարձն ՚ի կետարէ :

14. Իմանի Փուլուիա , նախ կլոդիոսի , ապա կուրիոսի , հուսկ յետոյ Անտոնեայ կին , փառասէք՝ խաղմարար և արիւնախանձ , հրապուրիչ արանց իւրոց . մինչև զկնի ուրեմն և ընդգէ՛մ՝ Ազոտուեայ կետարու պատերազմ՝ յուզել ՚ի հեռաւորութեանն Անտոնի , և վայրենարար գազանառալ ՚ի վերայ անմեղ հատեալ գլխոյն կիկերոջի :

15. Այս այն կատաղն է՝ որ չհանդուրժեալ բանաւորութեան և յաղթանակացն Յուլիոսի կետարու , յուտիցէ բազարին Ալիքիցէ չոգաւ զիւրովն :

16. Քոյր էր Լուկիոսի կետարու Յուլիա մայր Անտոնի . որ յետ մահու առնն անց յամուսնութիւն Պ . Լեւոտուլոսի Սուրայ , որոյ ընդ գաւաճանս հայրենեաց ըմբռնեալ ՚ի կիկերոջնէ՝ խողտոյեցաւ ՚ի բանախի :

17. Անուանք են պատառաբոյծ հացկատակաց ՚ի կատակերգութիւնս , զորս փոխանակ ճշմարիտ անուանց առնու կիկերոջն յանարգութիւն Անտոնի :

18. Ի տաճարի գիցն Միաբանութեան :

19. Իմանայ հենգնօրէն զհրամանս ասեմին՝ որ տուան կիկերոջի ՚ի վերայ դաւաճանացն . որպէս և կարծի՛մն սոսա ևս հենգնական է :

Եւ որ փոքր մի զինի յիշատակեալ առաջնորդ ժամանակին՝ ինքն կիկերոսն է :

20. Հորուն իւրոյ իմա, առն ոճրագործի, որպէս յիշեցաք վերագոյնդ :

21. Ի կիթերիոս Համանայ Մնտնի, զոր ընդ իւր մինչև 'ի ճամբարն շրիցուցանէր, որ և Վոլունիա կոչէր. զի յառաջ քան զԱնանիոս՝ Վոլունիոս ոմն Եւարապէլ սիզէի էր նորա :

22. Կիկերոսն երկուց անհարթ ասանցն սկիզբն, 'ի քերթուածոց իւրոյ բզեշխութեանն, զորս Անտնի ծաղը արարեալ էր : Զի միտք բանին էր, թէ լոկ պատմուճանն խորհրդականութեան՝ առաւել գառաւ քան զզինա զորավարաց, զի արար խաղաղութիւն 'ի խաղան կառիկներան. ապա տեղի տացնն զէնք և զորագուցիք՝ խաղաղութեան և պատմուճանին : Եւ անձնգոյութիւն չէ անսովոր ինչ 'ի բերան կիկերոսնի, թէպէտ և ոչ յանիրաւի :

23. Սպանեալ զկլոգիոս :

24. Զի թէպէտ ջատագովեաց կիկերոսն Միւնի, բայց գառառտանն պարտաւորեաց և սքսորեաց 'ի Մատիւա : Ճառն Միւնեան զոր սցծմա ունիմք՝ չէ այն զոր խօսեալն է յատնի, այլ նորոգ յօրինեալ և առաքեալ նմա 'ի տեղի տարագրութեանն. զոր և ընթերցեալ նորա՝ ասացեալ է. Բարւիք, կիկերոն. այլ եթէ զայդ էիր ատենաբանեալ, ես այժմ՝ զձկունս զայստսիկ ոչ ճաշակէի :

25. Այս է 'ի թիւս կամ 'ի կարգի բնարեւեաց 'ի բզեշխութիւն 'ի ժողովս, մինչ դեռ չէր 'ի քաղաքին ըստ օրինաց, այլ զօրովար 'ի Գալլիա :

26. Երկու էին Բրուտոսք գաւակիցք 'ի սպանութիւն կեսարու, որք 'ի տան իւրեանց զօր ամենայն տեսանէին զպատկեր նախնոյն իւրեանց Լուկիոսի Բրուտոսի Հալածչին Տարկուինեանց : Մ. Բրուտոս 'ի մայրենի Հաւուց տեսներ և զԱհալայ Սերուիւեայ՝ որ ձեռամբ իւրով սպան զՍպուրիոս Մեւլիոս զկասկածեալն 'ի թաղաւորութիւն : Եւ կաստիոս 'ի նոյն կարծիս սպանեալ ասի զորդին իւր :

27. Այս ինքն կեսարու :

28. Մի էր և սա 'ի գաւաճանաց, որոյ Հայրն անկեալ էր 'ի փարսաւեան ճագատու, և քեռին Մ. Կաստիոն անձամբ անձին արարեալ յՈւտիկէ, զի մի անկցի 'ի ձեռս յաղթողին՝ կեսարու բռնաբալի :

29. Ի զաթսուս եւտգանի խորհրդարանին՝ սա միայն գառաւ գործակից սպանողացն կեսարու 'ի բզեշխութեամբ պատուելոցն :

30. Պ. և Կ. Սերուիւեան եղբարք կասկայք, որք և Ահալայք 'ի Սերուիւեոսէ Ահալայ, որոյ զՍպուրիոս Մեւլիոսն սպանեալ էր, որպէս ասացաք :

31. Քանզի քաղաքական գառաւոր էր, չէր օրէն նմա աւելի քան զաւուրս տանն 'ի բաց մեկնիլ :

32. Քաղաքական՝ գաղափարին էր դիտարկել՝ կատարել. և զի Բրուսսոն Հեռի էր առ ահին, Անտոնիոս կատարեաց զայնս մեծահանգէս՝ յանուն և ծախիւք նորին :

33. Բրուսսոսի՝ Մակեդոնիա, կաստիոսի՝ Աորիք :

34. Հինքն, որպէս յայտ է, երկաթի սլաքեալ գրչաւ գրէին, որ արածէս ծայրին 'ի դաշոյն թուի օրինակեալ : Արգ ասել կամք. եթէ ես էի ջերթոյ՝ արարող այնք զիպի ազատութեան հայրենեաց, ոչ զզի եւթ մասնն զնորէի սպանութեամբ կետարու, այլ զբազմեակն, յաւելեալ և հանգէս չորս, զմահ լեպիդոսի և զերից Անտոնից : Հանգզին ասին իմաստք են և 'ի թուզթան կիկերոնի :

35. Չի 'ի Կարբոն քաղաքի Տերմոնիոս մեղմով իմն աղբեալ Անտոնի զխորհուրդ սպանութեանն, սա ինամով լուս կացեալ պահեաց, և չհասոյց յունկն կետարու. յորմէ հանէ կիկերոնի՝ թէ կամակից ուրեմն էր և նա, այլ յարութենէն զերջացաւ :

36. Ոփս առ Հուսոնս էր աստուածուհի աստուածեան և ճոխութեան. որպէս ասեմարն էր սուն հասարակաց դանձին. և անգ տախ տակք կամ մտանեմք յիշատակաց. որոց ախրեալ Անտոնի և խորգախեալ յաւել 'ի նոսա հրամանս սուսա իբր 'ի գիմաց կետարու 'ի բաշխս արծաթոյն :

37. Յետ մահուն կետարու՝ կին նորս կալուածիս իբրև երիտ հազար տաղանդս եղ առ Անտոնի 'ի պահեաս, ընդ սրս և զարձանագիրս կետարու, զորս խորգախեալ նորս՝ արար զոր և կամեցաւ. յայն ապաստան՝ զի հրամայեալ էր յաւազանայն՝ մի քնչ 'ի կարգելոցն կետարու փոփոխել, առ չաւայց պատճառս նորայ աղմիկ և զբզղելոյ ակնկալեալ խաղաղութեան :

38. Երիտ բանակս կորցս. զմին 'ի թեառլա առ Փարսալաւ, զերկրորդն յԱթրիկէ առ Թափասիւս, զերրորդն 'ի Սպանիա առ Մունդաւ : Առաջնայն զօրագլուխ էր կն. Պոմպիոս, երկրորդին՝ Պ. Սկիպիոն, երրորդին՝ կնեոս և Սեքստոս որդիք Պոմպիոսի :

39. Այս ընդգիմագրութիւն է 'ի գիմաց Անտոնի. քանզի զժկամակեալ իսկ էր Պոմպիոս 'ի կասակաբանութեանցն կիկերոնի, մինչև ասել. « Յանկամ անցանել կիկերոնի առ թշնամիսն, զի երկիցէ 'ի մէնջ. » կամ որպէս՝ կուրնախիտանդս առ նա ինքն սոց ասել. « Անց առ կետար, և երկիցես յինէն : »

40. Չի զինչան Պոմպիոսի վաճառեաց համարակ հրապարակու և յինքն վարեաց : Յարչով յարչով յաւելաւ 'ի հայրսմս, զի ըստ լաւինոյն նմանեակցութիւն ինչ լինիցի ընդ յարչախոյն :

41. Ի նախասինս կիկերոնի ասեր զայս Անտոնիոս, ցուցանել թէ ասելի եղեալ էր բարեկամաց և սիրելեաց և անյիշատակ թողեալ 'ի կասկան :

42. Փոյ՝ իմս զսեռաբերս հասգնական՝ գրամ արծաթի, սր ար-

ժէր իբր քան դանդ կամ հինգերորդ մի դալլիական գահեկանի և սակաւիկ ինչ աւելի: Էջ և փող Ժ՛ն որ արժէր հազար փող փոքր, բայց եր մասուր միայն դրամ առ 'ի հաշիւ:

43. Հենդնութիւն, որ վարժարական ինչ տայ կասկածել. զի անծանօթի սէր ոչ է. և անհարկել կամ' թէ կասկն այն խարդախեալ էր և փոխանակեալ:

44. Այն է Մ. Անտոնիոս կրեոացի, յորմէ վասն ահագին պարտուցն ոչ ինչ մնաց որդւոյն ժառանգութիւն:

45. Ի Տիգրանեան ամարատանին Սկիպիոնի Մերեղլոսի, ուր առանձնացեալ աւուրս ետթնուտան' կրթէր զանձն յայն ճառատանս շարափօսութեանց:

46. Որ զատուցեալ կային ասպետացն և ազնուացն որդւոց 'ի թաւտեղցն տեսլարանս:

47. Փրկել տէ, վասն զի պարտապանք' եթէ չունէին հասուցանել, կատեալք 'ի ծառայութիւն պարտատեսարցն մտանէին մինչև հասուցանել. և այս օրէնք յերկուտասան տարածակն իսկ հաստատեալ էր:

48. Է որ կարծէ քարչանս լինել ֆուլուիայ կնոջ կլուդիոսի, և է որ սպանուին Պոնտիոսի և այլոց սմանց իշխանաց քաղաքին:

49. Ուր չորսու առ կեսար առ անյուսութեան կենացն և չհարելոյ կեալ 'ի Հուզմ, կամ վասն շարեօքն ասելի լինելոյ, մինչև չհամարձակել և ոչ առ մայրն գնալ:

50. Այս է, յայնժամ ամենայն ոք 'ի հոյրենի տան ընակէր, և ոչ որդէս յետ քաղաքական մարտին զի զհոյրենին իւր 'ի պարտան տուեալ Անտոնի և անտուն մնացեալ, յարկշտակեալ էր զայլոցն:

51. Աւան էր այն 'ի Իլլանիա, յորոյ բովուցն քանզի իբուկ բազում եղանէր, տիրէին նմա բազում մարտապետք 'ի միտան. նոյնպէս Միանեան գեանոյն ոչ Անտոն միայն էր տէր, այլ և ընկերք իւր:

52. Յերեսաց զաւանացն Պ. կլուդիոսի' սխեման կեկերսոսի:

53. կուրիոնի, զորմէ 'ի վեր անգր ասաց թէ զինչ ոք էր. և աստ անհարկէ 'ի հազարապետութիւն նորա, որ կաշառեալ 'ի կեոարէ' յամառեալ անգեալ եկաց 'ի կազմ' նորա: Եթէ 'իսոյ ինչո՞, ասէ, զի ոչ հոգևով, ոչ մտօք և ոչ նարատրիտութեամբ ինչ հույ էր 'ի նա Անտոնիոս:

54. Եւ ինդիքն էր' չափաւորել զիշխանութիւնն կեոարու, և տալ արձակել զգօրս իւր, ընդ որ խեռայր աւագանին և ամենայն ուղամիտք:

55. Այս էր ցատուին աւագանւոյն, և հակառակ ընկերհաշտութեան անել և 'ի թշնամոյ համարի զընդգնեալն ընդդէմ հրամանաց իւրոց. որում և գատալճիս էր մահ, զոր տապարն յայտ առնէ. որում և արժանի եղեալ էր Անտոն ընդդիմակացութեամբն 'ի հազարապետութեան իւրում 'ի շնորհս կեոարու պատճառանօք

պաշտամանն . զի հազարապետաց ժողովրդեանն անկ էր ընդդէմ կալ կարծեալ փաստ . նոցա :

56. Այս է՝ հրամանս սպանանելոյ զնա իբրև թշնամի ընկերհաշտութեան . զոր ապր աւագանին այսու . եւ թ սուգ և զգօնական զըճուով . « Տեղեկն բռեղիք և այլ ևս փոխանակք բռեղիփոյ , զի մի ինչ հասցէ ընկերհաշտութեան փաստ : »

57. Իմա՝ կաշառօք գարձին զփոխս պարտատեարցն զոր կորուսեալ էր ՚ի խաղս :

58. Ընդ կատակս իմա հենդնական , զի որպէս սառ ընդ հուպ՝ և ոչ զմի յայոց պատճառաց յառաջ բերեալ էր Անտոնի :

59. Ասան զի , որպէս այլուր խորհրդածէ Կիկերոսի . « Ի կորնչել քաղաքաց՝ յանյուսութեան ամենայնի՝ այս կատարած է կարստեան նոցա . դատապարտեալք հաստատին յառաջին պոյցմանն , կապեալք արձակին , արտքեալք գառնան , խզին լուծանին գառափնիքք : Ի հասանել այսր ամենայնի՝ չիք որ որ ոչ ՚ի միտ առնուցու , թէ ահա կործանի ընկերհաշտութիւնն : » Ասան այսր ամենայնի՝ բարութեան և ընկերհաշտութեան բանք ոչինչ են արգ առ ինդիրս մեր ՚ի կորսուսեան սատ ընկերհաշտութեանս :

60. Կիթերիս , որ և ըստ որում՝ ասացաք՝ Ալուլաթիս , ՚ի Պ . Ալուլաթիսուէ Եւարտպելէ , որում նախ համանի լեալ՝ ապա անցեալ էր առ Անտոնիոս , և Կիթերիս յորջորջեալ : Եւ զի Ալուլաթեան սոհմ ազնուական էր , Ալուլաթիոս ձերբազատ արարեալ էր և զնա :

61. Կեսարու՝ բազմութեան զորու իւրոյ յեա փարապետան յաղթութեան առաջնորդ կացուցեալ զԱնտոնիոս՝ արձակեաց յիտալիա , և ինչն թացելովք զնորքն պնդեցաւ զհետ Պոսիլիոսի փախստէի : Կիկերոսի , սկամայ խառնեալ յայն պատերազմ , և չտեսեալ ինչ յայս կողմանն Պոսիլիոսի , և առ խօթութեանն չկարացեալ մտանել ՚ի ճակատն , յեա կոտորածին դարձաւ եկն յիտալիա , և պատահեաց Անտոնի ՚ի Բրուսիոսին և յաղթական բանակին նորա , ուր ըստ օրինաց պատերազմի կարէք սպանանել զնա Անտոնիոս և կեցոյց :

62. Պլուտարքոս յայտ իսկ ցուցանէ զսա անարական սք պիզէ լեալ , և ՚ի Սերգեոյ անցեալ յԱնտոնիոս . որում՝ և սա շնորհ արարեալ՝ ապր զձիան սպային , զի ՚ի վարձու տուեալ չահեցոցի :

63. Իմա զՊոսիլիոսին , զոր գրաւեալ էր և անբաւական ՚ի պահել , զի որդին Պոսիլիոսի կենդանի կայր և զինոսք պահանջել թուեր :

64. Տնկէին սեպ մի ՚ի միջի , և զնովառ առնէին զհասարակեաց հրապարակաւ զաճառան ՚ի ձայն քարոզի . զոր և պարզաբար Կիկերոս զաճառան ընդ Կիկերոս կոչէին . թերևս անտի սովորեալ , զի զկապաւտոս՝ մարտից , իբրև զինու . և նիզակաւ աւարեալս , պնդէս զաճառանին : Իսկ Արամուզդ Նահանջիչ կոչեցեալ , զի սա Հառմուլեա՝ ուխտիս առ նոյն դիս՝ զկայ առեալ կացին պատերազմոսք ՚ի փոխելոյ :

80. Վասն երկբանութեան լաօնն ձայնիցն իբն իմ, զոր յանպարկեշտ մասս առեալ իմանային զինն մի զՓուլուխայ :

81. Ի պարթևական պատերազմն, սրպէս 'ի մտի ունէր. բայց սպանաւ և չկարաց :

82. Ձի և ինքն կիկերոօն 'ի կաճառ. հաւահայիցն դասեալ էր : Հաւադիտութիւնն զոր ասէ՝ լինէր նկատելով ընդ երկինս և զննելով և խորելով զՓուխայ, զկուխս և զճարտանս հաւուց, սրպէս և զկուս ուտել նոցա կամ զչուտել, և զսլլ ևս խորական գուշակութեանց նշանս՝ որ յերկնէ և որ յերկրէ :

83. Այս է՝ խանգարել, զոր 'ի վերջ ասաց :

84. Կեսարու պաշտօնակցին իւրոյ սր յառաջոյ վարեր, և զինի գայր Անտոնիոս :

85. Ձի ժողովուրդն 'ի հարիւրեակս կամ հարիւրաւորս բաժանէր, հինգ գասս ունեւով. յառաջնունն՝ իննսուն և ութ հարիւրեակ, որ առաւել էր քան զսլլոցն միանգամայն : Կեսար ետ նախ զինակաւ ընտրել հարիւրեակ մի առանձինն, զի յառաջ քան զսլլան նոքա արկցն զլինակս իւրեանց. առ որ ոչինչ կարաց ասել Անտոնիոս : Այս է ընտրեալ հարիւրեակն : Ապա կարգաւ և յսլլոց գասուց հարիւրեակացն ընտրեցաւ Դուլարելլա, և քարոզեցաւ : Ձի իւր բազմութեան քուէիցն տեսեալ Անտոնի՝ լքուցեալ հանգարակ է՝ 'ի քարոզել Դուլարելլայ՝ լուէ :

86. Այս ինքն Կեսարու պաշտօնակցի իւրում, որ և բզեչի էր և հաւահայ :

87. Ձի եթէ ոչ ըստ օրինի ընտրեալ էր Դուլարելլա 'ի բզեչիութիւն, ամենայն հրամանք նորս այնուհետև անվտեր և անիրաւ համարէին : Չայտր ընտրութիւն՝ պատկանեալ ասէ ժողովոյ հաւահայից, զոր մը ուրիշ կոչէ :

88. Ձի ապա իրբև հաշտեցաւ ընդ Դուլարելլայ Անտոնիոս, ոչ ինչ թերութիւն լինել ասաց 'ի բզեչիութեան նորս :

89. Կրկին պտակ շնորհեալ էր Կեսարու յաւազանւոյն. սարգի՝ մշանջենաւոր, և սոկի՝ 'ի հանգեսս խաղուց, որ 'ի Լուպերկեանն թուի տուեալ նմա :

90. Ոչ միայն մերժեալ պատմի Կեսարու զթագն, այլ և կապիտանն Արամազդայ նուիրեալ, զնա միայն ասելով թագաւոր հազմայեցուց :

91. Սպանողացն Կեսարու, զի զնա բարձեալ, զԱնտոնիոս թողին :

92. Ջօրն կեալ ասէ՝ որ 'ի հեշտանս փափկութեան անցուցանեն, իսկ առ օրին՝ որ զվաղինն ոչ խորհին :

93. Մինչ չև 'ի Պարթևս արշաւեալ, ինգրերոց էր Կեսար յառագանւոյն, թէ իցէ Դուլարելլա բզեչի օրինաւոր, թէ ոչ. զի 'ի տեղի իւր կացուողէ զնա : — Բախտ Հառովմայ կոչէ կիկերոօն զսպանունն

կեսարու՝ որ 'ի հնգետասան Մարտի գործեցաւ . զկնի որոյ եմուտ կալաւ Դուռաբելլա զբողջխուժիւնն , և Անտոնի հաշտեալ ընկալաւ զնա իւր պաշտօնակից , մոռացեալ զհմայսն իւր :

94 . Ուր սպանօղբ կեսարու յետ գործոյն վճարելոյ մեկնեալ կացին զտիւն զայն և զգիշեր . ընդ այլս և կիկերոնն զնաց առ նոսա հոգայ զընկերհաշտութենէն :

95 . Ատուածուհւոյն Երկրի , ուր 'ի խորհուրդ ժողովեցան աւագանին և կիկերոնն 'ի խաղաղութիւն յորգորեաց զամենեանն և յանոսակալութիւն . 'ի նոյն կեղծաւորեցաւ և Անտոնիոս : Եւ տուեալ պատանդս յորդոց նորա և լեպիդեսայ , իբրև թէ հաստատեցաւ հաշտութիւն ընդ դաւաճանն . և վճիռ եղև յատենէն , մի խոյզ և խնդիր առնել դատատանաւ զսպանողացն կեսարու , և զվճիռս նորա և զհրամանն առ վաւերականս օւնել :

96 . Չի ճառ դամբանական խօսեալ Անտոնի՝ գրուածեաց զկեսար , որբացաւ զմահն , դրդեաց զխառնաղանճն 'ի վրէժխորութիւն , որոց 'ի խարուկէ անտի կեսարու յափշտակեալ զահս և խանձողս՝ դիմեցին հուր հարկանել զտանց սպանողացն :

97 . Իմա կեսարուն :

98 . Չի յափշտակութեամբք կուտեալ էր յընչից Պոմպիոսեանց :

99 . կեսար :

100 . Որով տայ իմանալ գործակից զՓուլուիա :

101 . Մեքստոս կըդդիոս ոմն :

102 . Յետ սպանման կեսարու , որպէս ասացաք , կին նորա կալուածնիա չորեք հարիւր տաղանդ և զլիշատակագիրք նորա յանձն արար յԱնտոնիոս , որոյ նենգագործ հնարիւք խորդախեալ զայնս՝ արար զոր կամեցաւ , վաճառել մուտս և հաստ , պաշտամունս , իշխանութիւնս , ապահարկութիւնս . յուսացեալ 'ի վճիռն որ եղև՝ չփոխել զկարգեալն 'ի կեսարէ :

103 . Երազը , զի որ արքորանօքն անուանարկ համարեալն էր , զայրքննիչ և դատաւոր լինել վարուց . և տրտունջ՝ զանագործութենէն Անտոնի , որ ծաղը և քրքիջ կացուցանէր զհօրեղայրն :

104 . Ժողով հրամայեալ Անտոնի՝ յանկարծ դադարեցոյց . զի որպէս թուի՝ հազարապետ ոմն ժողովրդեան պատմէր շնթ տեսեալ 'ի ձախոյ կուսէ , որ և առ լատինս ձախոջ նշանակէ յաճախ , որպէս միշտ առ Հելլեննս :

105 . Չի առ 'ի բաշխել զինուորաց զկամպանեան և զլէոնտեան Բնդան՝ արս եօթն կարգեաց Անտոնիոս , այլ և ոչ 'ի նոսա զհօրեղայրն . զի նախ պարտ էր 'ի պատուի կացուցանել զնա՝ առ 'ի կարող լինելոյ հասանել յիշխանութիւն ինչ . բայց յայնժամ խիթայր թէ չկարիցէ ժխտել և զանալնմա զարծաթն զոր պարտէր . զի 'ի քաղաքական մահուանէ տարագրութեանն կենդանանայր նա յայնժամ յամենայն իրաւունս իւր :

106. Այն է գժուլուիա :

107. Յայտնի երևի թէ 'ի Հռովմ' էր Կ. Անտոնիոս Հօրեղբայրն, թէպէտ և ոչ օրինօք արբեալ յեպերանացն . վասն զի լռեն օրէնք 'ի քաղաքական պատերազմի :

108. Առ աւագանին ասէ :

109. Ի շահել և յինքն յանկուցանել զվատտակաւոր զօրականն, կամեցաւ գաղութս 'ի նոցանէ բնակեցուցանել' անձամբ երթեալ 'ի Կապուս. այլ Հին բնակիչքն ընդդէմ' դարձան նմա, և մագապուր գերծաւ 'ի օստակմանէ : Վասն որոյ ասէ, զՀետ կրթեցիր այդմ', զի յաւուր միում և ոչ էրէիկէ ապրեցցիս, այլ կորիցես :

110. Ընդ Հենգն իմա' 'ի մտաց խօթութենէ. զի զհնչ մարմնոյ Տիւանդութիւն յայրն շուտյտտա իբրև զԱնտոնիոս :

111. Ըստ Անտոնի. զի Կեսար Հրապարակաւ ետ վաճառել զհնչս Պոսպիտոսեանց՝ իւրոց հակառակորդաց կորուսելոց 'ի քաղաքական պատերազմին, և քնեաց Անտոնիոս. այլ և խորեաց գողացաւ ևս յաւանդիցն Կեսարու՝ 'ի տաճարին Ոփոեայ, որպէս տեսաք 'ի վերջ :

112. Վաղեմի ուրու՞նք քերթողէ է բանդ :

113. Զի յետ սպանութեան Կեսարու աղմեկալ ամբոխն՝ արձան իբրև բագին պաշտաման 'ի խարուկին տեղուզ կանգնեաց նմա 'ի Հրապարակին, և գիր 'ի նմա Հօրն հայրենեաց. զոր 'ի մեկնել գնալ Անտոնի պատճառանօք զգաղթականօքն շրջելոյ, կամ՝ յերկիւղէն՝ զի վասն սպանման սուտ Մարիոսի ուրու՞նք՝ ատելի լեալ էր ամբոխին, յայնժամ պաշտօնակից նորա Իոլաբելլա կործանեաց զարձանն, ցրուեալ Հեստախօզաղ արարեալ և զվայրն . 'ի խռովացն՝ զճառայս 'ի խաչ Եհանն, զագասան քարավէժ արար ընդ ժայռն Տարպեական :

114. Իբրև դարձաւ Անտոն 'ի քաղաքն խուռն ամբոխի զինուց, Կիկերոնի զանգիտեալ համարի զԻոլաբելլա, և փոխեալ յինքենէ. բայց այլք զօշաքաղութեան նորա տան զայն, որում և Կիկերոնի յայտնապէս վկայէ 'ի թղթի միում առ Ատտիկոս մտերիմ իւր :

115. Իատաւորութեան տարի մի կարգեալ էր Կեսարու, բդեշխութեան՝ երկեամ. Անտոնիոս՝ հազարապետութեան օրինօք՝ գատաւորաց ետ ամս կրկին, բդեշխից՝ զերեամ մի :

116. Զորս Անտոնի գնոց առեալ էր զերկոսին 'ի հասարակաց վաճառոց :

117. Զի միայն մեհենից անկ էր ունել գմբեթ 'ի վերայ տանեացն, իբրև աստուածային վայրի. որպէս և բարձ' աստուածոց, յոր հանգուցանէին զպատկերս նոցա յերկրպագութիւն առնուլ : Պատիւքդ և պաշտօն 'ի արտկող աւագանւոյն տուեալ էին Կեսարու առ կենդանութեամբն : Իսկ Անտոնիոս և զքրմութիւն նորա խնդրեալ էր և ընկալեալ, բայց չև նուիրեալ սպանաւ Կեսար. և նա ոչ ևս այնուհետև կամեցաւ նուիրիլ, և յայս ակնարկէ հենգնութիւն Կիկերոնի :

118. Զոր կիկերոյն Համարի քսան Սեպտեմբերի, յոր անկաներ Հինգերորդ օր հռոմէական խաղուց կրկիսին . յորում և Անտոնի սահմանեալէր տօն կեսարու , և բարձ նմա և դրօշեալ ընդ այլ դիւ . յորոց և ոչ զմին արար յետ սպանութեանն , բայց միայն աղօթս և պաղատանս կարգեաց : Զայս ամենայն կշտամբէ կիկերոյն :

119. Երկրի մի խօսիւք ընդ անպատրուակ բանիւքն և զմերկու-
թիւն նորա յանդիմանէ , որպէս տեսաք 'ի վերոյ՝ զի երևեալ 'ի հրա-
պարակին առաջի կեսարու և ժողովոյն՝ ատենաբանեաց 'ի Ղուպեր-
կեան տօնան :

120. Երրորդ հաս կամ հասոյթ՝ իմանայ զմահն Անտոնի . զի եր-
կոքին արքն Փուլուիայ , կլոդիոս և կուրիոն , կանխեալ կորուսեալ
էին 'ի միջոյ , և մահ նոցա հատուցունն եղեալ էր հռոմէական ժո-
ղովրդեանն :

121. Երես առաջնոց հնոցն՝ սոքա սպանողք կեսարու՝ սրով սատա-
կեցին զթագաւորացեան . թէպէտ և վասն կարեաց ժամանակին 'ի
նանիր եղև ջան նոցա և այլոց բազմաց . զի զկնի յաջորդեաց եռապե-
տութիւն , և սմա կայսերութիւն . և կիկերոյնի ևս բաժին եղև մահ :

122. Այս գովեստք սպանութեան և սպանողացն կեսարու՝ իմա-
նալի են զբանակալէ զատելոյ օրինաւոր տէրութեանն՝ զհասարակաց
վիրազէ : Այս թէ ոչ , յայլ մատեանս իւր զհակառակն բազում հա-
ւաստեօք աւանդէ կիկերոյն զօրինաւոր տերանց : Թող զի և օրինացն
դուլ և պատուէր տուեալէր ամենեցուն 'ի Հռոմ՝ սպանանել զբրո-
նաւորս , զբահիճս հայրենեաց :

123. Հէք կիկերոյն , որ և ոչ միում 'ի ինդրուածոցդ հասեր . զի
կորեալ գնաց ազատութիւն , և զիմաստակիր գլուխդ գահիճն Ան-
տոնի հատ ընկեց և տարաւ առ Փուլուիա , և Քեսարու բնակէր հաշ-
տութեանն ոչ միայն անպատու հաս թեացին , այլ և վերացան բարձ-
րացան մինչև 'ի գահ միահեծան՝ միապետական կայսերութեան :
Այսպէս ոչ իմաստութիւն , ոչ արդարութիւն և ոչ բանք տիրեն աշ-
խարհի , այլ կամք և բռնութիւն : « Եւ օրէնս արդարութեան՝ բռնու-
թիւն մեր եղիցի : » Իմաստ . Բ . 11 :

Յ Ա Ն Կ Ճ Ա Ռ Ի Յ Ս

Եպինեսի ընդդէմ Կտեսիփոնի	էջ	7
Դիմասթենի յաղագս Պսակին	»	109
Կիկերոնի վասն Արքիայ քերթողի	»	223
» վասն Կ. Լիզարիոսի	»	247
» վասն արքային Դիոտարայ	»	271
» Երկրորդ Փիլիպպեան ընդդէմ Մ. Անտոնիոսի	»	299

UNIVERSITY OF MICHIGAN



3 9015 04147 2054

